

خاطرات

صدر بزرگوار کا تذکرہ

جلد اول

خاطرات سیاسیات ، درعہد سلطان
عبدالحمید خان ثانی

NO.	25879
CLASS.	804.35-9

مطبعة ابوالضیا
قسنطنیہ - ۱۳۲۹

SISMANOGLIO
MEGARO

خاطرات سیاسیات


در عهد

سلطان عبدالحمید ثانی

مقدمه

خاقان سابق سلطان عبدالحمید خان ثانی دورینک اوائلی نشر ایدنلر اولمش ایسه ده بودوره عائد وقایع مهمه نك مابعدینی اوکرنمک ایستیانلر کثیر اولدیغندن ، وخصوصاً، سلف عاجزی سعید پاشا حضرتلری هنکام صدارت لرینه عائد خاطرات علیه لرینی غزته ایله نشر ایدرک بعض احواله جمله بی آگاه ایتمک همت ایلدکلری مثللو زمان صدارت عاجزانه مده کذران اولان وقایع ایله خاطرات کترانه مک دخی نشرینی اکثر احببا آرزو ایتدیکندن، کرچه وقایع مذکور هنوز تاریخ حکمنی اکتساب ایتدیکی جهتله بونلرک بتمامها نشری موافق اصول اولسه ده روم ایلی شرقی ایله انکلاتر نك مصری اشغالی مسئله لرینک حلّی زمان مأموریتیه تصادف ایتمکله اولبابده جریان ایدن احوال دن بی وقوف اولنلر میاننده اجراءات عاجزانه می نثراً ونشرأ مؤاخذه ایدنلر دخی بولندیغندن، شو ایکی مسئله حقنسه تأمین افکار ایچون بالاقضا تنویر حقایق احواله ابتدار وبوسیا سیات هنکامنده وقوع یافته اولان حالات ومعاملات غریبه نك خاطراتی دخی تذکار اولندی .





روم ایلی شرقینک بلغارستان ایله صورت اتحادی

روم ایلی شرقینک بلغارستان ایله اتحادی ۱۳۰۲ سنه هجره سنده و سلف عاجزی سعید پاشا حضرتلرینک صدارتی هنکامنده وقوعه کیشدرکه بن اوزمان اوقاف ناظری ایدم . بلغارستان پرنسی آلکساندر باتمبغ ، کرچه روسیه ایمپراطوری خانداننه منسوب ایدیسه . روسیه دولتک اموراداره امارته مداخله سندن اوصانوب بیقمش اولدینی حالدیه برای زیارت انکلتره یه عزیمت ایتمش ایدی . (پرنس مشار لیهک برادری انکلتره قرالیچه سنک دامادیدر) بلغارلر ایسه امارت ایله روم ایلی شرقی ایالتنک ذاتاً میانه لرنده متصور اولان برلشدیرلمسی پروژه سنی قوه دن فعله کتورمک تشبثاتی ایلر ولدوب باب عالینک حال بیقیدیسندن بالاستفاده تھیأت عسکریه لرینی اکیمال ایدرک عید اضحی نک عرفه سنده بفرقه قوه عسکریه ایله جسر مصطفی پاشایه قدر طیانونوب دینامیت ایله جسری بالتخریب طریق مواردده ومخابره یی قطع ایتمکه برابر دیکر طرفدن فلبده بولنان ایالت والیسی ظوریل پاشایی برعربیه یه ارکاباً تحت الحفظ کمال حقارتله فلبدهن چیقارهرق [ویقو قوتارا] قریه سنده حبس ایلشردی . ادرنه ولایتی جوارنده وقوعه بولان بونجه حرکات واجرا آتدن باب عالی حالاً بی خبر اولدینی حالدیه صوفیه ده بولنان روسیه پولتیقه مأمورندن اوروپا طریقیه درسعات سفارتنه لیللاً ورود ایدن برتلنرافنامه دن حاله کسب وقوف ایدن سفیر موسیو نلیدوف درعقب عتبه شاهانه یه عرض معلومات ایلیسی اوزرینه وقعه دن متأثر اولان خاقان سابق بیرام نمازینه چیقیدینغنده صدر اعظمه اظهار حدت وبعد صلاة العید مجلس وکلا عقیدیه مذاکره مصلحت اولمنسی اراده ایلرلیله برموجب اراده سنیه مابین همایونده بالاجتماع اولنان مذاکره ده وقعه دن طبعاً متأثر اولان

رفقا عریض و عمیق مذاکره دن صکره همان عسکر سوقیه منع اتحاد مسارعت اولنسی رأینده بولنمشرایدی. بوبابده رأی عاجزی به مراجعت اولندقدده ادرنده نه قدر عسکر بولندینی سر عسکر غازی عثمان پاشادن لدی السؤال ادرنه نك موجودی یدی بیک نفر راده سنده ایسه ده بونلر سوق اولنقله برابر بر طرفدن لزومی قدر عسکر یتشدیریله بیله جکنی سر عسکر پاشا افاده ایتسیله ادرنه نك موجودی شو واستاتبولده ایسه صکره لری اولدینی کبی چوق عسکر بولنیوب عسا کر موجوده مواقع عسکریه به منقسم اوله رق آسایش محلی تأمین ایدم جك مقدار دن عبارت اولدینی و ولایات دن عسکر جلب و سوقی وقته محتاج اوله جنی ملاحظه سنه و بلغارلرک اولوجهله قیامی روسیه نك رضا و اتفاقیله میدر، دکلیدر؛ معلوم اولمدیغنه بناء اوله یدی بیک عسکرله هر درلو احتماله قارشو تهبآتده بولنان بلغارلر ایله نتیجه سی مجهول بر محاربه به کیریشمک موافق حکمت اولیوب باخصوص بلغارلر حرکات واقعه لریله برلین معاهده سنک احکامی احلال ایتمش اولدقلرندن تهبآت عسکریه به مبادرت اولنقله برابر دول معظمه ایله بالخبا ره وسائط سیاسیله ایله استاتوقونک اعاده سنه تشبث اولنسی موافق مصلحت اوله جنی رأینده بولنش ایدم. وکلا بورایه معارض و کندو رأیلرنده مصر اولدقلری مثللو رئیس وکلا سعید پاشا دخی اوله یدی بیک عسکرله محاربه به کیریشلمسی معقول اولمدیغنی مدرک ایدیسده اولجه مظهر اولدینی معاتبه شاهانه دن مدهوش برحالده بولندینی جهته اکثریته التحاقه مجبور اوله رق یالکز منلیه ناظری ذهنی پاشا رأی عاجزانه مه اشتراک ایلش ایدی. مذاکرات اوزرینه قلمه آله جق مضبطه تبییض اولنمزدن اول مسوده سنک حضور عالی به عرض و اراده سی جمله ارادات سنیه دن ایدوکندن اولوجهله طرف زیاستدن یازدیریلان مضبطه مسوده سی هیئتده قرائت اولنقمسزین حضور عالی به عرض قانسی اوزرینه مسوده معروضه نزد شاهانه ده ایقا اولنقله مجلسه ختام ویره رک عودته مأذون اولدیغمز تبلیغ ایدلش و او حالده هیئت طاغلمش ایدی. عید اضحی نك بشنجی پنجشنبه کونی آقشامه یقین سرای هایونه دعوت اولنمش ایدم. بعد الطعام سرقرنای حضرت شهریارى عثمان بك دلالتیله حرم بغچه سنده برکوشکه کیدلدى که اوراده باش وکیل اسبق عارفی پاشا ایله عدلیه ناظری سرور پاشا بولنیورلر ایدی. براز صکره مشارالیهما حضور شاهانه نه کتوریلوب یارم ساعت صکره عودت لرنده بن دخی حاضرلش ایدم. حضوره بالدخول رسم تعظیمک

اداسنی متعاقب سلطان عبدالحمید حاله موافق بر مقدمه ایله مسند صدارتک عهده عاجزانه مه توجیهی تنسیب بیوردقلرینی بیان ایلدکلرنده خدمت صدارته تحمل ولیاقت عاجزانم اولمدیغنی جهته خدمت سنیه، دها زیاده کار آزموده اولان عارفی ویا سرور پاشالردن برینه تفویض بیوریلورسه بنده لری دخی معاونتده قصور ایتیه جکمی عرض ایلش ایسه مده سلطان عبدالحمیدک تصمیمندن نکول ایتیه رک قرارینی تکرار ایلسی اوزرینه تأدباً مهرهایونی قبول ایلش ایدم. هیئت وکلانک صورت تشکیله دائر اولجه مشارالیهما پاشالر ایله بالاستشاره قرارلشدیرلش اولسی محتمل اولان اسامی بوصله سی اراده بیوردقدده بعضیسی حقدده عرض ملاحظه ایلش ایسه مده: « بویله تجربه اولنسون؛ بعده ایجاب ایدر ایسه تبدیل اولتور. » بیورلش و اوکیجه سرای هایونده بیتوت اوله رق فرداسی کونی برقاعده باب عالیده مراسم معتاده اجرا اولنمش ایدی.

انکاتره دولتیله بردوام مخا بره اولان مصر مسئله سنه انضمام ایدن اشبو روم ایلی شرقی غائله سیله خاصه اشتغال اوله رق همان ولایات دن عسکر جلب و جمعیله تزید قوته اهتمام اولندینی مثللو؛ دولتلرله بالخبا ره مسئله نك جهت سیاسی دخی تعقیب اولنوب، اتحاد وقعه سنک بلغارستان پرنسک انکلتره دن عودتی تعاقب ایلسندن ناشی بوکا بر انکلتره پولتیقه سی معناسی ویریله رک سلطان عبدالحمید خان، اوله قاندرلش اولسی حسیله روسیه جهته مائل و روسیه ایمپراطوری ایسه کرچه اتحاد واقع اساساً کندو پولتیقه سنه موافق ایسه ده رضا و اراده سیله حاصل اولمامش اولدینی جهته بلغارستانجه اولان نفوذی خلل پذیر اوله جنی بیله رک وقعه دن منبر و منفعل اولوب، اوزمان اوچ ایمپراطوریننده کی اتفاق حالا باقی ایدوکندن روسیه نك بلغارستان حقدده بعض تشبثاته قیامی اوزرینه آوستریا و آلمانیا دولتاری بالقان مملکتلرینک استاتوقوسنه خلل کلامک اوزره روسیه پولتیقه سنه مظاهرت ایدم بیله جکلرینی ایما ایدرک دولت مشارالیهان بوشرطک قبولنه دائر تأمینات آلمق ایستیوب، حالبوکه بوکا بر وجهله صراحةً موفق اوله مدقلرندن، بونده روسیه نك تشبثی حسن نیته مقرون اولدینی مجزوم اولسیله دولتین مشارالیهما روسیه دن آریلوب ایتالیایی دخی اتفاقرینه آله رق باب عالی جه اتحاد اولنان مسلك سیاسی به کوره بالقانلرک استاتوقوسنک جمله شرایط اساسیه دن اولمق اوزره دیگر بر اتفاق مثلث تشکیل ایلش لر در. انکلتره رسماً بو اتفاقه داخل دکل ایدیسده پولتیقه سی تمامیه

یوکا موافق اولدیغندن باب عالی بودرت دولتک مظاهرتنه مظهر اولوب سلطان
عبد الحمید ایسه بالعکس روسیه دن محترز و او جهته میال اولسیله میانده اولان
اختلاف آرا حل مسئله یه بادی مشکلات اولمقدن خالی دکل ایدی .

عهد قریبده قوه دائمه ن بشقه ایکنجی و اوچنجی اردوی هایونلرک دائره لری
هوجودی اوچیوز بیکه ابلاغ اولتوب بلغارلرک حرکت اختلالیه لری اوزرینه
صرب ایله یونانستان دخی عسکرلرینی سفریر حاله قویمش ایدوکندن بلغارلرک
شو بولندقلری حال و موقعده سفک دماء وقوعه میدان ویرمامک ایچون با اراده
سنیه روم ایلی شرقیه مأمورلر اعزامیله نصایح لازمه ایفا اولندیغی حالده بلغارلره
سوز تأتیر ایتدیریله مامش و اوصرده صربلورلرک بلغارستانه اعلان حرب ایتسیله
بلغارلرک صرب حدودنده محاربه ده بولندقلری اثناده هیئت وکلا همان اردو سوقیله
روم ایلی شرقینک ضبیطی رأینده بولنمش ایسه ده بوکاده سلطان عبد الحمید اراده
ویرمامش اولسیله فرصت فوت اولوب پرنس آلکساندر خاقان سابقه اولان
معروضاتنده صداقتندن بختله محاربه دن عودتنده روم ایلی شرقی مسئله سنی حقوق
شاهانه یه موافق بر صورتده تسویه ایده جکنی وعد ایله صربلورلی مغلوب ایدرک
عودتنده کندوسیله مخابریه کیریشیلوب روم ایلی شرقیه تابع قرجه علی ناحیه سی
بالتفریق ادرنه ولایتیه ربط ایدلمش و نهایته الامر دولترلره جریان ایدن مخابرات
نتیجه سنده دولت علیه خارجیه ناظری داخل اولدیغی حالده دول معظمه سفرا سندن
مرکب اوله رق طوبیخانه ده اجتماع ایدن قونفرانسه روم ایلی شرقی کما کان ایالت
شکانه قلوب ویرکوی مخصوصی دولت علیه ویرلمک اوزره والیلکنک بلغارستان پرنس
احاله سی قرار کیر اولمش ایدی . بعد المحاربه صربستان و مسئله نک تسویه سنی متعاقب
بلغارستان عسکرلرینی ترخیص ایلش ایکن یونانستان عسکری ممالک شاهانه یه
تعرض مقصدیله حدود خاقانی بویجه سلاح آلتده و اردوی هایون دخی بونلری
ترصدده بولندیغی کبی یونانیلرک بحر آتجاوزاتی منع ایچون انکلتره دونمسی
طرفندن سواحل یونانیه آبلوقه تحتنه آلمش اولدیغی حالده تسالیا جهته یونانلور
آتسه باشلاملریله اردوی هایون قوماندانی احمد ایوب پاشا طرفندن ویریلان امر
اوزرینه عسا کر عثمانیه بالهجوم ایکی ساعت قدر دوام ایدن محاربه ده یونان عسکرینک
موقعلری ضبط و اوچیوز نفری اسیر ایدلمسیله یونان قوماندانی آتشی کسوب
طالب امان اولسنه مبنی قوماندانلر بیننده عقد متارکه اولمش و بعده ویریلان قرار

اوزرینه اردولر گرویه آنوب سلانیکه قدر کتورلمش اولان یونان اسراسی
صالیورلمشدر . الحاصل دول ثلثه نک مظاهرت و انکلتره نک معاونتلیله روم ایلی
شرقی مسئله سی بو وجهله نهایتدیر اولوب ، مع هذا روسیه نک پرنس آلکساندر
حقنده تعقیبات غضوبانه سی دوام ایدرک نهایته پرنس روسیه طرفداری اولان عسکر
طرفندن بالتوقیف بلغارستاندن طرد و اخراج اولمغله بالآخره استغفایه مجبور
ایدلمش ویرینه دیگر بر پرنس انتخابی خصوصی انواع مشکلاته تصادف ایدوب مدت
مدیده کشا کشدن صکره بلغارلرک آوستریادن انتخاب ایتدکلی پرنس فردیناند
دوساقر قوبورغ روسیه نک اعتراضات شدید سنه رغماً بلغارستانه کلوب کمال مشکلات
ایله یرلشمش ایسه ده مملکت طول مدت هیئت مدیراندن متشکل نیابت واسطه سیله
اداره اولتوب زمان صدارت عاجزانهم اولان آلتی سنه مدت روسیه نک تشبثات
واقعه سنه بالمقابله دولت مشار الیه نک نفوذ و بداخلاتندن متحاشی اوله رق
تصمیملرینی اعلان استقلال درجه سنه قدر وارد یرمش اولان بلغارلر سلطنت
سنیه اولان سربوطیت و اطاعتلری محافظه ایدلمش و نهایته الامر آشاییده ذکر
ویبان قلنه جنی وجهله صدارتن سقوط عاجزانهمم حقنده کی تشبثات واقعه
حصول پذیر اولسیله پرنس فردیناند روسیه نک خلاف کیرانی اولان فرقه نک رئیس
اولوب ، زمام اداره یی ید اقتدارینه آلمش اولان استانبوله لوفک متانت طبعه اعتماداً
بر مدت ده روسیه نک مخالفتیه مقاومت ایتش ایسه ده تحملکداز اولان احوال
معلقتندن قورتلق ایچون روسیه ایمپراطورینک رضاسنی استحصاله مجبور اوله رق
فرانسه نک وساطت خیر خواهانه سیله ایمپراطور آلکساندرک حاصل اولان موافقتنه
دیگر دول معظمه نک دخی التحاقیله پرنس فردیناندک بلغارستان پرنسلیکنه انتخابی
تصدیق اولمش و شرائط استلافیه دن اولدیغی اوزره پرنس فردیناندک ولی عهدی
اولوب ابوننی مثللو قاتولیک اوله رق تولد ایدن مخدومی پرنس بوریسک مذهبی
بلغار اورتودقسلغنه بالتحویل اولوجهله واقفیز ایدلمشدر . بومنوال اوزره اخیراً
خلیل رفعت پاشانک صدارتی زماننده روم ایلی شرقی والیلکنک انضمامیله بلغارستان
پرنسلیکی بافرمان عالی پرنس فردیناندک عهده سنه توجیه بیوریلوب ذاتاً استانبولوف
دخی صوفیه ده برسوء قصده هدف اوله رق مقتول اولمش ایدوکندن بعدما روسیه
پولتیقه سی کافی السابق بلغارستانده جریان باشلامشدر .

گذران اولان مشکلاتک دوامی مدتیله دول معظمه متفقه ایله انکلتره دولت

فخیمه سی باب عالی به ظہیر اولدقاری منلو فرانسه دولتی دخی روم ایلی شرقی مسئله سنده رسماً بیطرف اولسه ده باطناً دولت علیه حقنہ خیر خواه اولقلہ برابر مصر مسئله سندن طولانی روسیہ به خوش کورنمک مجبوریتده ایدی . بو اوانده روسیہ سفیری موسیو نلیدوف روسیہ مجلوبی اولان پترسبورغ سفیر اسبقی یوسف رضا پاشا؛ و بونک دلاتیلہ خاقان سابقہ چاتمش اولان (غضبان افندی) و شورای دولت تنظیمات دائرہ سی ریاستده بولنان محمود جلال الدین پاشا (مؤخرأ مالیه وبعده نافعہ ناظری دخی اولمش ایدی) و خدعه بازلقده ید طولی اصحابندن اولان شیخ ابوالہدی کبی وسائط ایله سلطان عبدالحمیدک افکاری روسیہ پولتیقہ سنہ کرکی کبی امالہ ایدلمسیلہ خاقان سابقک باب عالیدن زیادہ روسیہ سفیرینہ اعتمادی برکمال اولدیغندن روم ایلی شرقی مسئله سنہ دائر معروضات عاجزانہ یوسف رضا پاشا واسطہ سیلہ موسیو نلیدوف ایله بعد الاستشارہ جواب ویرلمکده اولہرق ایام صیفده مشارالیہ یوسف رضا پاشا هر کیجہ بر ایکی دفعہ حتی بعض کیجہ لری اوچ دفعہ استمبوط ایله بیوک درہ دہ کائن روسیہ سفارتخانہ سنہ کیدوب کلدیکنہ کسب معلومات ایدلمکده ایدی . ذکا و مہارت سیاسیہ غیر منکر اولان موسیو نلیدوف، روم ایلی شرقی مسئله سی بر انکلیر پولتیقہ سی اولدیغنه سلطان عبدالحمیدی قاندرمش ایدوکندن ، اگرچہ ذات مسئله اوزمان انکلترہ ایله روسیہ بینندہ جاری اولان رقابتدن متولد عد اولنہ بیله بالادہ بیان قلندیغی و جہلہ خاقان مشارالیہ ایله نقطہ نظر لر بر مختلف اولسی حسیلہ مسئله نک حل و فصلی خصوصندہ تصادف اولنان مشکلاتک درجاتی آکلاشلمق ایچون اولبابدہ عتبہ سنہ به برای عرض مابین هایون باش کتابتہ تقدیم قلنان تذاکر خصوصیه ایله با تذاکر خصوصیه تلقی اولنان ارادات سنہ دن بعضارینک صورتناری آشاغی ده ذیل ایدلدی .

مصر مسئله سنہ کلنجہ؛ زیادہ عبرتاً اولان بومسئله نک تاریخچه سی شایان تذکار اولوب شویله کہ: خدیو اسبق اسماعیل پاشانک سوء تصرفات و اسرافاتی مصر خزینہ سنی دیونہ غرق ایلمسی حسیلہ فرانسه و انکلترہ تبعہ سنہ اولان بودیونک تأمین تأدیاتی فرانسه و انکلترہ دولتری اسماعیل پاشادن طلب ایلمری اوزرینہ حکومتک بالجملہ دیونی توجید ایدیلہرک مالیه نک بعض وارداتیله خدیوک ذاتہ مخصوص اولان واردات، دیون مذکورہ نک تأدیاتہ تخصیص اولمش و بومناسبتلہ مصرک امور مالیه سی مراقبہ تحتہ آلتق اوزرہ دولتین مشارالیہ طرفندن برر قونترول مفتشی نصیلہ

فرانسه مفتشی موسیو (دوییلینہر) نافعہ و انکلترہ مفتشی سیر (ویلسون) مالیه نظارتلرینہ تعیین قلہرق مومی الیہما ہیئت نظارہ ادخال ایدلمش ایدی . بوناظر لر همان بر بودجہ تنظیمیلہ اجرا ایدلکاری تنسیقاتده عسکرک موجودینی اون بر بیک نفرہ تنزیل و ضابطان عسکرینک معاشرینی تنقیح ایتمکله برابر ایکی بیک بشیوز ضابطی نصف معاشلہ آچیغہ چیقارمش و خدیوک تخصیصاتی دخی تحدید ایلمش اولدقلرندن اشبو اجرا آتدن بالذات اسماعیل پاشا ناخوشنود اولدیغی گی ضابطان دخی دلگیر اولہرق، برابر ام کونی برقاچ یوز ضابط معاش طلییلہ مالیه نظارتہ بالمراجعه اووقت رئیس نظار بولنان نوبار پاشا ایله سیر ویلسونی بالتضیق مالیه دائرہ سندنہ تحت محاصرہ آلمری اوزرینہ خدیو عسکرلہ کلوب تجمع ایدن غلبہ لکی طاغتمش ایسده بومعاملہ دن طولانی نوبار پاشا استعفا ایدلیکی مثلاً قونترول مفتشاری دخی پروتستو ایدرک اسکندریہ به ایکی فرانسز و انکلیر حرب سفینہ لری کلش ایدی . او حالده خدیو، مأمورین حکومتلہ وجوہ بلدی دعوت ایدرک عقد اولنان مجلس عمومینک نتیجہ مذاکراتندہ مصر کندی دیوتی طوغریدن طوغری به داینارینہ ایفایہ مقتدر اولوب بونک ایچون وصایت اجنیہ به حاجت اولدیغی بیانیلہ قونترول مفتشارینہ یول ویرمش اولسنہ مبنی فرانسه و انکلترہ دولتری درحال حکومتدن کف ید و فراغت ایلمسی انذار صورتیلہ خدیوہ تکلیف و عکس تقدیرده عسکرلہ مداخلہ ایدہ جکلرینی تفہیم ایلمریلہ خدیوک بوکا مقاومتی اوزرینہ دولتین مشارالیہ مانک طرف شاهانہ به مراجعتلرندہ اسماعیل پاشانک عزلی سلطان عبدالحمید تزدندہ ذاتاً ماتزم اولسنہ مبنی همان عزل اولنسیلہ پاشای مشارالیہ بالمطاوعه آرتق مصرده بقاسی دخی تجویز اولنمدیغندن، چیقوب ایتالیا به کیتمش و خدیوی توفیق پاشا کندوسنہ خلف اولمشدر . سلطان عبدالحمید بوفرستدن بالاستفادہ مصرده حقوق حکومتی تزید ایتمک مقصدیلہ توفیق پاشا به اعطا اولنان خدیویت فرمانندہ مملکتک مختاریت اداره سی بقا اولتوب، فقط خدیو لاحقک اقتداری تحدید ایدیلہرک مصرده ویرگو تحصیل ایله سکہ ضربی نام شاهانہ به اولسی و خدیوک مصر ضابطانہ میر آیلغک فوقندہ رتبہ اعطا وبلا ارادہ سفن حربیہ انشا ایدہ مامسی قیودیلہ تقید و منحل وقوعندہ محمد علی پاشا عالمه سندن دیلدیکنی انتخاب و نصب ایتمک حقنی ذات شاهانہ کندوسی ایچون محافظہ ایلمش ایدیسده فرانسه حکومتک بوقیودہ اعتراض و اصراری اوزرینہ فرمانک تعدیلات واقعہ سندن صرف نظر اولندی ،

خدیوڪ تبديلی اوزرینہ اور تالق کسب سکون ایتدی ظن اولنورایکن، چونکہ عدم خوشنودی یہ بادی اولان مراقبہ اصولنک دوامی حسیلہ برمدتجک صکرہ ینہ عسکری طاقی حرکتہ کلہ رک اهل قیام میر آلی (احمد عراقی) بک ریاستی تختندہ بالاجتماع، خدیویتہ عرضحال تقدیمیلہ آپیغہ چیقاریلان ضابطانک قادرو داخلنہ آلملری طلب اولنوب، مع هذا ضابطانک بیوک رتبہ لره ترفیعندہ چرکس و ترکرک عربلره ترجیح اولنمقدہ اولسنندن شکایتلہ کندو حقوقلرینک تأمینہ ضمنندہ ادارہ مملکتی الہ کچوردرک بر حکومت عسکریہ تأسیسی و اگرچہ خدیو مداخلہ اجنبیہ تی منع ایدہ مزسہ خدیویتک الغاسنی تصورایدوب (مصر مصرلیلر کدر). قولیلہ خلقی دخی کندولرینہ معین بولمشلر ایدی . ۱۲۹۷ تاریخندہ سواری آلاینہ بر عرب میر آلیک یرینہ بر چرکس میر آلی تعیین قلمسی اوزرینہ برخیلی عسکر رئیس نظار ریاض پاشایہ بالمراجعه بوبادہ کی قرارک فسخیلہ حربیہ ناظرینک دخی عزلی طلب ایللرندن ناشی بوتکلیفہ متجاسر اوللردن اوج میر آلی تحت توقیفہ آلمسیلہ داخل شہردہ بولنان عسکر بوللری تخلیص ایچون حاضر لاندقلری خبرندن متوحش اولان خدیو توفیق یاشا، حربیہ ناظری چرکس عثمان پاشای عزل ایلہ یرینہ عرب محمود پاشای تعیین و موقوف اولان میر آلیلری آلیلرینہ اعادہ ایتکلہ برابر آچیقندہ بولنان ضابطانک معاشلرینی دخی تزید ایش ایدی . بوتیجہ دن وطن اهلی اولان ضابطان مطلب ومدعالزندہ بر قاندها جرآیاب اوله رق و کیتدکچہ طور اختلاجویانہ لری آرتہ رق بش آلی آ صکرہ یکی بر عصیان ظہوریلہ میر آلی عراقی درت بیک عسکرلہ خدیوک سرانی بالاحاطہ، تهدیداتلہ ریاض پاشا قابنہ سنی اسقاط یرینہ شریف پاشای تعیین ایتدیرمش ومتعاقباً وجوه دن مرکب اوله رق اجتماع ایدن بر مجلسدہ بالجملہ نظامات مالیه نک رئیس نظار لاحقک رأینہ منوط اولسنہ قرار ویرلشدر، کہ بو صورتلہ قونترول مفتشلرینک وطائفی دخی ابطال اولمش اولدی . مع مافیہ شریف پاشا فرقہ مالیه نک اجا آتنک جملہ سنی ترویج وتمشیتہ جسارت ایدہ مامش ایدی . ۹۷ سنہ سی اوآخرندہ دیگر برنمایش اوزرینہ خدیو حضرتلری مجلس ریاستی محمود پاشایہ و حربیہ نظارتی میر آلی عراقی بکہ احاطیہ مجبور اوله رق، شو حالده وطن اهلی زمام حکومتی الہ آلمش اولدی . بوللر میر آلیلره کندو آلیلرینک ضابطاتی انتخاب ایتلمک صلاحیتی اعطا ایتکلہ برابر اردونک موجودینی دخی تزید ایش ایدی .

کیتدکچہ بحران کسب وخامت ایتسیلہ فرانسزلرک قولنجہ اوزمان فرانسہ خارجیہ ناظری بولنان موسیو غامبتا انکلترہ برمداخلہ مشترکہ تکلیفندہ بولمش ایسہدہ دولت مشارالیا کندو منافضہ دہا موافق بر فرصت انتظاریلہ تکلیف واقعہ موافقت ایتماش ایش . چند کون صکرہ غامبتا سقوط ایدہ رک یرینہ موسیو فرسینہ نصب اولمش ایدی . بوحال ایلہ مصردہ وقایع یکدیگری و لی ایدہ رک اخیراً پاشا اولان (عراقی) نک قاهرہدہ زیادہ کسب اقتدار ایلہ اجیبیلر حقندہ اولان کین وغضبنی کتم ایتیبوب انواع القات و اعلانات ایلہ مصر لولری تحریک ایتسی ۱۲۹۸ سنہ سی شہر مایسنندہ مصر ادارہ سنندہ مستخدم اوروپالیلرک کافہ سنہ یول ویرمسی فرانسہ و انکلترہ اعلان حرب دیمک اولسیلہ انکلترہ و فرانسہ دونملری کلوب اسکندریہ پیشکاهنہ لنگرانداز اولمشلر ایدی . موسیو فرسینہ برمداخلہ عسکریہ نیتیلہ دکل، مجرد وقت قزاق ایچون درسعادتدہ برقونفرانس عقدینہ دول سائرہ یی اتفاقہ دعوتلہ فرانسہ و انکلترہ طرفندن باب عالی یہ ویریلان متحد المال بر نوطہ اوزرینہ خارجیہ ناظری سید پاشانک ریاستی تختندہ عقد اولنان قونفرانس برماہ ظرفندہ یدی دفعہ اجتماع ایدہ رک حاوی اولدینی بش مادہ کہ مصردہ تنسیقات عسکری اجراسی، عدلیہ و مالکیہ نظاماتیلہ حقوق شخصیه نک توسیعی، استاتوفونک محفوظیتی . اوج آی مدتلہ مصرہ کوندریلہ جنگ عساکر شاهانہ نک دہا زیادہ فالسنہ لزوم کورینورسہ خدیویتلہ بالموافقہ مدتک تمدید و تحدیدی و مواد مشروحہ نک دولت علیہ ایلہ دول ستہ بینندہ برقرار اخیر ایلہ موقع جرایہ وضعی خصوصاتنہ دائر جریان ایدن مذاکرات نتیجہ سزقاله رق، قونفرانس عقدی برشیتہ یاراماشدر . مع مافیہ فرانسہ و انکلترہ دوللری خدیوہ بر نوطہ اعطاسیلہ عراقی پاشانک موقتاً تبعیدی و حرکات واقعہدہ اک زیادہ ذی مدخل ولان علی پاشا ایلہ عبدالله پاشانک داخل ولایتہ ارسالیلہ محمود پاشا قابینہ سنک عزلی طلب اولمش و بونک اوزرینہ قابنہ ایشدن چکلمش ایدی . حالبوکہ اہالینک قیامیلہ اوروپالولر بیزار اوله رق خانہ لرینہ قیامشلر و خدیو تهدید اولنسیلہ عراقی پاشای رأس کارہ کتورمکہ مجبور اولمشلر در . بو وقوعات یرلولرک تعصبنی تحریک ایدرک اسکندریہ نک برمخلہ سنندہ اہالی ایلہ اوروپالولر بیتندہ وقوعہ کلار برمناعہ مجادلہ عمومیہ یی انتاج ایدرک، یرلولر اوروپالولر اوزرینہ بالہجوم برچوغنی خنجر لنگری کبی، خانہ لرینی نہب و غارت ایدوب، فرارہ فرجہ یاب اولنلر انکلتر و فرانسز کیمیلرینہ

التجاء ایلشدر . عراقی پاشا منع وقوعی ناقابل اولان بر محاربه یه مقابله ایچون اسکندریه اطرافده مترسار انشاسنه مباشرت ایتش ایدی . حزیران اواخرنده انکلتزه حکومتی مصر لوره بر اولتیا نوم اعطاسیله مدافعه اشغالتک توقیفی طلب ایتمکله برابر بو اولتیا تومک تأثیر سز قالمسی حالده مصر لورک انشا آتی علیه آتش ایلکه آمیرال (سیموری) مآذون ایده رک کیفیت حالی فرانسه حکومته بالا خطر فرانسر آمیرالنه عین تعلیقات ویریلوب ویریلدیکنی استفسار ایلسی اوزرینه فرانسه مجلس وکلاسی فرانسه نک انکلتزه اولتیا تومنه اشتراک ایده میه جکی رأینده بولنه رق فرانسر آمیرالنه عدم حرکت امری ویرلشدر . اولوجهله انکلیز آمیرالی طرفدن مصر حکومته ویریلان اولتیا نوم جواب سز قالمسیله ، یکر می درت ساعت مرورنده اسکندریه طویه طویله رق چوق سور مکسزین استحکاماتدن آتش کسلمش وایکی قطعه انکلیز زر هلیسی لیانه کیرمشدر . او حالده عراقی پاشانک اردوسی شهر خارجه چکلدیکی صرده بر طاقم بدویلر شهری یغما ایده رک باشلیجه محله لرینی آتسه ویرمکده ایکن مصر عسکری ، اسکندریه نک کیر و سنده (کفر دوار) ه چکیلوب عراقی پاشا مظفر اولمشجه . سنه انواع اکاذیب ایله عسکرینی تشجیع ایلکده اولدینی حالده انکلیز عسکرینه قوماندان تعین اولنان سیر (وولسلی) عسکرینی سویتش قنلندن طولاشدیره رق جهت شرقیه دن مصر اردوسنک اوزرینه کلکده ایکن ، عراقی پاشا عسکرینی یردن یره قالد . یره رق نهایت الامر (تل الکیر) ی قرارگاه اتحاد ایتش ایدی . انکلیز عسکرینک ورودیله ایلول ابتدا سنده آچیلان محاربه چوق سور میوب یکر می دقیقه ده تل الکیر ضبط اولندی . بو محاربه ده بالکنز ایکی یوز انکلتزه عسکری تلف اولوب عراقی پاشا فرار ایلش و شهر ایلولک اون ایکی سنده انکلیز عسکری قاهره یه داخل اولمشدر . او حالده خدیو حضرتلری دخی اسکندریه دن کلسیله حضورنده جنرال وولسلی انکلیز عساکر مظفره سنه بر رسم کجید اجرا ایتدیره رک خطه مصریه انکلتزه نک ید ضبطه کچمشدر . بعدازین انکلتزه دواتی سودانده ظهور ایدن متمهدی فائله سنی تعقیب ایده رک بونده ده محاربات عدیده و مدیده نتیجه سنده تمامیه موفق اولدینی معلومدر . اثنای اختلالده انکلتزه دولتی باب عالی یه مراجعتله اول باؤل طرف سینه دن عراقی پاشانک عصیانی مصر اهالیسنه اعلان اولنه رق متعاقباً عسا کر شاهانه ارساله تنکیلی تکلیف اولمش و بو بابده باب عالی ده و مابین هایونده انجمنار و مجلس مخصوصلر عقدیله جریان ایدن مذا کراتده بر بیوک قومیسر و بر قوول عسکر ارساله اسکند .

ریه ده بولنان انکلیز قوماندانیه بالاتفاق عصاک ضرب و تنکیله مسارعت اولمسنه دفعاتله قرار ویرلش اولدینی و بصورت خاقان سابق نزدنده صورتاً رسماً موافق کوروندیکی حالده حقیقتده مصره عسکر ایصالی سلطان عبدالحمیدک خلاف مرضیسی اولدیغندن ایش رنکدن رنکه دونه رک مقررات واقعه نک اجرایی میسر اولمامشدر . عراقی پاشانک قیام و تهدیدینی ایقاعه کسب اقتدار ایلدیکی هنگامده اگرچه خدیو ، مداخله اجنبیه یی منع ایده مز ایسه خدیویتک الفاسنی تصور ایلدیکی یوقاروده بیان قلمش ایدی . عراقی نک بوبابده کی تصمیمی سلطان عبدالحمیدک طبعنه توافق ایتمکله وقوع اختلالده خدیوه قوه الظهر اوله رق روم ایلی دن مصره اون اون بش طابور عسکر سوقیله منع عصیانه اهتمام اولنه جق یرده عراقی نک اقداریله منویاتنک قوه دن فعله کتورلمسی جهتی التزام و مستشارلری اولان مقربینک تسویلاتنه اتباع اولنه رق بوفرصتله مصرک امتیازاتی فسخ ایله والی لکنک مناسبه بالا حاله سائر ولایات شاهانه مثللو اداره سی و واردات جسیمه سنک خزینة مالیه آلمسی موفقیات عظیمه دن اوله جفی تخمین و تصور اولمش اولمیدر ، که او یله بر منصب موهومه طبعاً تشنه و حریص اولان یاورا کرم شهر یاری درویش پاشا فراشت و کیلی احمد اسعد افندی ایله معاً مصره اعزام و رئیس عصاة عراقی پاشانک مقام خلافت سنییه اطاعتی محافظه ایتک مقصدیله کندوسنه برنجی رتبه دن مجیدیه نشان ذیشانی دخی ارسال و احسان بیورلش ایدی . جریان احواله کسب وقوف ایدن انکلتزه دولتی ذات شاهانه مصرک ملکداری اولدینی حالده کندو منافی علیه سنده تشبثات غیر حکیمانه ده بولمسندن طولای بعدما دولت علیه نک عسکر سوقیاتنه اشتراکنی اشکال و بروجه مذکور بالکنز باشنه حرکتله حرباً مصر لوری مغلوب ایدرک مملکتی کندو عسکر یله اشغال ایلش و رئیس عصاة عراقی پاشایی دخی قاهره ده بولدیروب اسیر ایدرک سیلان آطه سنه نفی ایتمشدر . اشبو وقوعات و محاربات اثناسنده سیرجی اولوب بر ایشه یرامیان مشار الیه درویش پاشا نائل امل اوله مامسندن طولای متأسفاً و محجوباً در سعاده عودت ایلدی .

شو مصر مسئله سنک عبرت آله جق جهتی امور مالیه سنک انتاج ایلدیکی وخامتدر ، که اسماعیل پاشانک زمان خدیویتده مصرک دیونی یوز میلیون انکلیز لیراسنه بالغ اولوب فرانسه وانکلتزه نک طلبی اوزرینه بودیونک سنوی فائض ورأس المالی تأدییه ایچون اسماعیل پاشا طرفدن تخصیص اولنان واردات تأمینات مقامنده قبول

وبونك ايچون آريجه بر صندوق دخى تأسيس اولنه رق واردات مذكوره نك
استيفاسنه نظارت ايدلك اوزره فرانسه و انكلتره طرفدن مفتش لر دخى تعيين
قلمش ايسه ده ، حكومت مصره نك آتيا بو وارداتنه وضع يد ايد مامسى سائر
واردات و مصارفك متوازن اولسنه متوقف ايدوكى ملاحظه سنه بناء بالاده بيان
قلندينى وجهله مومى اليهما مفتش لر درحال تنسيقات اجراسيله عسكرى تقليل
و ضابطانك معاشرى تنقيح ايدرك متوازن بر بودجه تنظيميله برابر تطبيقى
قوتتول آلتنه آلمش لر ايدى . ايشته بومعامله واجرا آتن طبعاً تحدى ايدن
اختلال مع سودان خطه مصره نك كلياً انكلتره نك زير ضبط و اداره سنه
كچمسنه سبب اولمشدر . واقعا انكلتره نك مصره بذل ايدىكى خدمت و همت
غير منكر اوله رق تنظيمات و تأسيسات نافع سايه سنه مصره نك كسب ايتش اولدينى
معموريت و مصر ليرك نائل اولدقلى غنا و ثروت هر وجهله تقديره سزا و مصر
خزينه نك وارداتى قات قات ترايد ايتدىكى هويدا اولوب ، مع هذا مصره نك روش
حالى تأمل و ملاحظه اولدقجه استقبالى حقنده بر رأى و مطالعه بيانندن ايسه
بوجهتك مسكوت غنه براغلمسى اولى در .

شمدى شو مثال اسف اشتمال بزجه خزينه ماليه نك حاليله مقايسه ايديله جك
اولورسه دولت عليه عثمانيه نك اويله برحاله ويا احتماله قارشو و قيله چاره دوشومسى
موافق حكمت اولور . بزده دخى كچه مستقرضاتك تادياتنه تأمينات اوله رق وارداتدن
قارشولق كوستر ملكده ايسه ده سنه بسنه آرمقده اولان ديونك سنوى قانص و رأس
المالك تاديه سنه نخصيص اولنان وارداتك ايفا اولنه بيلمسى واردات ايله مصارفات
بيننده توازن حصوله متوقف اولوب ، عكس تقديرده هر سنه بودجه آچيقى قيامق
ايچون خزينه ماليه پاره استقرارنه امكان بوله ميوبده ديون عموميه قارشولغى اولان
وارداتنه بالضروره وضع يد اولنه جق اولور ايسه مصرده وقوعه كلان احوالك
بوراده دخى تحدىنه سببيت و يرلمسندن حذر اولتور . بناء عليه هرا احتماله قارشوقوه
بريه و بحريه نك حسابسز كتابسز تزويدنه بذل مساعى ايله ديونمز يوزندن مملكته
وخامت دعوت ايتكدن ايسه چونكه اشبو جزء اولده صورتى مندرج ۱۳ ابول
سنه ۳۰۵ تاريخلو تذكرة خصوصيه ايله خاقان سابقه عرض اولندينى وجهله قوه
حريه من قدرت ماليه مزله متناسب اولدقجه حين حاجتده اوقوتى استعمال
ايدمه جكمز دن و چونكه داخلاً و خارجاً ظهورى ملحوظ اولان مسائل و غوائلك

حكومت مشروطه نك حقيه تقررنده سياسى بر مسلك سالم اتخاذيله حل و فصلى
قابل اوله جفندن ، هر حالده وجودى لابد اولان قواى بريه و بحريه نك قدرت ماليه من
نسبتنده تنظيمى و يا خود اعمالات و انشات نافعيه ارانه تسهيلات و سائر منابع
ثروته مراجعتله واردات دولتك قواى بريه و بحريه نك محتاج اولدينى تخصيصات
مقدارينه قدر تزويدى اسبابنك استكمالى حكومت سنه نك همم عاليه سندن
منتظر در . شو حالده حريه و بحريه نك درجه كاله ايصالى و ماليه نظارتك آخر
شرائطه اولسه ده اوروپادن مليونلرجه ليرالر استقرار و استحصالى موفقيت غد
اوليورسه ده نتيجه سى ملاحظه اولتجه بوموفقيتلر پكده مدار افتخار اولدينى
نمايان اولور .

مصر مسئله سى بختده سوق طبيعتله صدك براز خارجه چيقلمش اولديسه ده
بوده مجرد ارباب مطالعه يه بر ضميمه معلومات اولمق ايچون اولوب ، ذات مسئله يه نقل
مقال اولتجه مصرده انكلتره نك اشغال و اداره حكيمانه سيله شيرازه انتظام يولنه
كيرمش اولديغندن ، اوزمان جمله اعضاسندن بولنديغ سعيد پاشا قاينه سنجه انكلتره نك
آرتق مصر دن عسكرى چكسى ماده سى موضوع بحث ايديله رك ، اولبايده لوندروم
ايله مخبريه كيريشلمش و امر تخليه يه دائر بر مقوله نامه عقدى ضمننده برى
مكمله اوزمان عدليه ناظرى بولنان حسن فهمى پاشا اون اوچ ماده يى حاوى بر تعليمات
ايله لوندريه كوندرلمش ايدى . حالبوكه اوزمان سودان غائله سى كسب اهميت ايدرك
متمهدى يه تابع اولان سودان عصاتى كيتدكجه ايلرو وليوب ، خرطومى ضبط ايله حكومت
قوناغنده مصر قوماندانى انكليز (غوردون) پاشايى باصوب قتل ايتش اولدقلى نندن ،
مصره نك آسايشى بيله تهديد ايدن اويله بر حال ايچنده انكلتره دولتى مصر دن عسكرى
چككم دكل ، هنددن دها عسكر جليله عصاتى ضرب و تنكيل و سودانك مقر
حكومتى (اولان خرطومى) تخليص ايتك تشبثده بولنديغى ائاده مصر دن عسكرى
چك مامسى طبيعى ايدوكنه نظراً ، حسن فهمى پاشا ايله انكلتره خارجه ناظرى (لورد
غرانويل) بيننده جريان ايدن مكالمه ده ذكر اولنان تعليماتك اون ايكي ماده سى نيم
تعديل ايله قابل قبول اولسه ده مصره نك انكليز عسكر نندن تخليه سيچون ميعاد تعيينك
هنوز وقتى حلول ايتدىكى جوابيله لورد غرانويل مقابله ايدوب ، بوبخت اوزرينه
حسن فهمى پاشانك كرك يالكزجه و كرك لوندروم سفيرى موزوروس پاشا معاونتيله
مكرراً وقوع بولان مراجعتده عين جوابك تكرارندن بشقه برقراره دسترس

اوله میوب از جمله لدی الجاجه مصره عسکر سوقی دولت علیه عائد اولوب سودان
عصیانک نفوذ خلافت سنیه ایله بلا محاربه تسکینی ممکناتدن اولدینی زعمنده
بولندقدمه انکلتره خارجیه ناظری سلطنت سنیه نك مصر اوزرینه کی حقوق حکمرانیسی
تصدیق ایله برابر مصردن انکلیز عسکرینک اخراجی کندو دولتجه ذاتاً مقرر
ایسهده امر تخلیه میعاد تعیینک هنوز وقتی حلول ایتدیکی جوابی ینه تکرار
ایدرك بوصورتله حسن فهمی پاشا لوندرده ده آرامساز بولندینی بر بچق ماه مدته
برگونا مقاوله عقدینه .وفق اوله میهرق عودت ایشدر. برمدت صکره خرطومک
استردادیله متمهدینک فراری خبری اوزرینه سودان غائله سنک اندفاعنه حکم
اولنهرق خطه مصریهده امن و آسایش استکمال اولندینی اعتباریله مصرک انکلیز
عسکرندن تخلیه سی اسبابک استحصانه شروع ایدلده ، انکلتره دولتی احوالده
تعامل ایتکسزین یالکز مصرک کندو عسکرندن تخلیه سی مصرده قوه انضباطیه
وعدلیه نك امنیت بخش اوله جق برحاله کلسنه تعلیق ایدوب ، بونک تدقیقنهده باب عالی جه
موافقت اولنمین دولت مشار الیها طرفندن مرخص اولهرق تعیین واعزام قتلان
سیر (دروموند وولف) ایله میاندهده بالندا کره برمقاوله نامه دخی عقد اولنمش ایدی .
اواننده کندی اوقاف ناظری اولدیغ حالده خارجیه ناظری عاصم پاشا ایله معاً
بومذا کرهیه مأمور بیورلمش ایدم . فرداسی سنه مسند صدارت عهده عاجزانه مه
توجیه بیورلمسیله مصر مسئله سیله باشلوجه مشغول اولهرق ، مصرجه اصلاحات
لازمه دخی بوجه مقاوله اجرا اولنمش ایدوکندن ، اخیراً خارجیه ناظری اولان
سعید پاشا دخی مأموراً حاضر اولدینی حالده انکلتره مرخصی سیر دروموند وولف
ایله باب عالی ده وقوعبولان اپلک اجتماعه مومی ایله برسؤال ایراد ایدرك انکلیز
عسکری مصردن چکلدیکنده مصرده امنیت و آسایشی محافظه ایچون خدیوک
معیتمده ایکی طابور ترك عسکری بولندیرمغه باب عالیجه مساعدده اولنوب اولنیه جغنی
استفهام ایش و بسؤال شایان مطالعه اولدیغندن اجتماع آتیده جوابی ویریله چکی
بالیان مسئله نك جهات سائر سنک مذاکره سنه ابتدار اولنمش ایدی . فرداسی
گونى حضور هایونده بولندیغ ائنده انکلتره مرخصنک سؤالی درمیان اولنسی
اوزرینه سلطان عبدالحمید ، مصرده دائمی صورتده ترك عسکری بولندیرلمسی اسلا
جائز کورمیه رك ، او یولده مصره کوندریله چک عسکر و بونلر استبدال اولندجه
یرلرینه قائم اوله جق دیگرلری مصر تربیه سیله الفت ایدرك مملکتارینه عودتلرنده

بورانی بکنمز اوله جق قاری و مصری وطندا شلرینه وصف . و حکایه ایله سائر اهالی ده
دخی مصره بر میل حصوله بادی اوله جغنی جهته بونده ملحوظ اولان محاذیر
عدیده به بناء تکلیف واقع قبولی اصلاً تجویز اولنه میه جغنی جهته بر ولایتک
تأمین امن و آسایشی او ولایتک مستحفظ عسکرینه عائد اولدیغندن بو وظیفه نك
دیگر ولایات اهابسنه تحمیلی عسکر بیننده شکایتی داعی اوله جغنی بیانیه سؤال
واقعه جواب اعطاسی اراده بیورلمش و چونکه سلطان حمیدک غلبه وهم ایله ذهنه
تبادرایدن رأیدن کندوسنی دوندیرمک قابل اولیوب . ذاتاً کندی نظر شاهانهده مصر
تربیه کرده سی اولمقله مهم ایدوکندن رأی هایونک تصحیحی امرنده صرف اولنان
مساعی فوقنده ابرام ایله حقمده مغل امنیت شبهه دعوت ایتکدن ایسه اراده سنیه ینه
بالمجبوریه اتباع اولنهرق انکلتره مرخصیه ایکنجی اجتماعه ملاحظات سنیه نك
فقره اخیره سی بر زمین مناسب ایله بیان قلمش ، یعنی تعبیر دیگرله عدم موافقت
جوابی ویرلمشدر . بونک اوزرینه سیر دروموند وولف ایکنجی سؤال اولهرق
خدیومصرک روم ایلی دن کوللو آراوود عسکری تحریر واستخدامنه مساعدده اولنوب
اولنیه جغنی استفسار ایتسیله بودخی دهها زیاده تدقیقه شایان بر ماده اولسنه مبنی جوابی
اجتماع آتی به بالتعلیق مواد سائر اوزرینه مذاکره دوام اولنمش ایدی .
فرداسی کونی ینه ملاقات سنیه ینه نائلیته سؤال ثانوی یاد ایدیکمنده بو صورت
سلطان حمیدک مراقبه دوقتهرق برطاقم ملاحظات غریبه سردیله روم ایلی دن مصر
ایچون اوله کوللو عسکر اخدی ، اوراده افراد مکلفه نك تناقضه بادی اوله جغنی
جهته قطعاً جائز اولدیغندن ، جواب اعطاسی اراده بیورلمغه ، حکم اراده سنیه ینه
توفیق معامله اولنمش ایدی . متعاقباً دفعاتله وقوعبولان اجتماعات ومذاکرات نتیجه -
سند اوچ سنه مرورینه دکن مصرک انکلیز عسکرندن تخلیه سنه قرار ویریله رك
اولباده عقد اولنان مقاولهده آتیا مصرک داخل و خارجاً امنیت و آسایشی تهدید
ایده چک برحال وقوعنده طرف دولت علیه دن عسکر سوقیله اعاده امنیت و آسایشه
مسارعت اولنه جغنی گبی ، انکلتره جانبندن دخی عسکر ارسالله اخیراً تصریح اولندیغنی
وجهله معاونت اولنوب بووجهله عسکر سوقی الجا ایدن حال برطرف اولنسی
متعاقب دولتینک عسکری بر زمانده کیرویه آله جغنی و شاید طرف دولت علیه دن
عسکر کوندریله میه چک اولور ایسه انکلتره دولتی اشبو مقاوله موجبجه مصره
عسکر سوقه مآذون اولوب بوسوقیاتی ایجاب ایدن حال مندفع اولور اولمز عسکرینی

کیرویه الهجی و بوحالده ظرف دولت علیه دن مصرده بر قومیسر بولندیریله جنی جمله قیود مقاوله دن اولوب ، بوشرط ایله کرك انكلتریه و كرك دول سائریه قارشو دولت علیه نك مصر اوزرنده کی حقوق ملکداریسی برقا تدها تزید اولنش اولدینی و بوده اراده سنیهیه اقترا ن ایتمکه ایکی نسخه اوزرینه تنظیم و طرفیندن امضا اولندقدن صکره برنسخه سی انكلتریه کوندریلوب قرالیچه حضرتلری طرفندن تصدیق قلنه رق طرف شاهانه دن دخی تصدیق و تعا طی ایلمک اوزره کیرویه کلدیکی خالده . فرانسه سفیری (قونت دومونته بللو) بوبابده کی مذا کراتک صورت جریانه اولجه واقف اوله رق هیچ براعتراضده بولنماش ایکن ، سلطان عبدالحمید خانه ترکی العبارة برخطره تقدیمیه بونده کویا اشبو مقاوله ایله مصرده انكلتریه برحق اشتراک ویرلش اوله جغندن زهار بوشرط تصدیق بیورلیوب هر نه وقت دولت علیه جه مصرک انکلیر عسکرندن تخلیه سنه شروع اولنور ایسه فرانسه دولتی دولت علیه یه معاً و ماده معا ونه حاضر اوله جنی اشعار اولندینی مثللو ، روسیه سفارتی ایکنجی ترجمانی موسیو ما کسیموف دخی یلدیزه عزیزمه شتاب ایله ، ذات شاهانه مصرده انكلتریه برحق اشتراک ویرلدیکی خالده حصول موازنه ایچون روسیه دولتی دخی ارضروی اشغال ایلسی لازم کله جکنی ، تلاشلی برلسانله مقریین شاهانه یه اخطار ایلسی اوزرینه خاقان سابق ذکر اولنان مقاوله نامه یی تصدیقندن امتناع ایدوب ، حالبوکه انكلتره حکومتی موسیو ما کسیموفک اشبو اخطار اتنه کسب و قوف ایتمسی اوزرینه ، پترسبورغ سفیری واسطه سیله روسیه خارجه نظارتندن استیضاح ماده ایلدکده ، حکومتک اوبله شیدن اصلا معلوماتی یوقدر ، جوابی ویرلش ایدی . کرچه فرانسه سفیری ایله روسیه ترجمانینک بویولده کی تشبثلری اغراض مخصوصه یه منبی اولوب ، مداخله یه برکونا حقاری اولمدیغندن اعتراضلری واریسه رسماً باب عالی یه بیان ایلملری لازم کله جکی جهته بومثلو القات غیر رسمیه یه احاله سمع اعتبار ایدلیه رک اساساً اراده سنیه لرینه بناء تنظیم و امضا اولنوب قرالیچه طرفندن دخی تصدیق فلنش اولان مقاوله نامه نك تصدیق و تعا طیسنه مساعدده بیورلسی لزومی خاقان سابقه کمال اهمیتله بالدفعات عرض اولنش ایسه ده ، دولت علیه نك انكلتره ایله اختلاف خالده بولنسی اوزمان منافع سیاسیه لری اقتضاسندن اولان دولترک مجلوبلری بولنان مقرینک تلقیناتی و باخصوص ذکر اولنان مقاوله نامه یی تصدیق ایتدیرمامکی موسیو نلیدوفه تعهد ایدن یوسف رضا پاشانک اک زیاده مؤثر اولان القا آتی معروضات عاجزینک تأثیرینی سلب ایلمشدر .

موجب تردد اولان اشتراک حقوق زعمی انكلتره مرخصی طرفندن دولت متبوعه سنه لدی الاشعار ایجاب ایدرایسه مصره انكلتره دن دخی عسکر سوقی ماده سی اصلا اشتراک حقوقی تضمن ایتموب ، مجرد دولت علیه یه بر معا ونتن عبارت اولدیغنه و بوبابده فرانسه ایله روسیه نك مداخله و ممانعته صلاحیت و اقتدار لری اولدیغنه دائر انكلتره باش و کیلی لورد سالسبوریدن ورود ایدوب باب عالی یه تبلیغ اولنان ایکی قطعه بیاننامه دخی خاقان سابقه عرض اولنهرق مقاوله نامه نك تصدیقی استرحامنده خیلی اصرار ایدلش اولدینی خالده سلطان عبدالحمید خانک اقناعی قابل اولماش اولسیله کیفیت انكلتره جه معلوم اولدقده هر نه زمان مصر داخله و خارجاً وقوعه جق مخاطره یی یالکزجه مدافعه یه کسب اقتدار ایدرایسه اوزمان انكلتره دولتی بلامقاوله مصر دن عسکرینی چکه جکنی لورد سالبوری رسماً بالیان مخابره یه نهایت ویرمش ایدی . مصرک الی ماشالله انكلتره اداره سنده بقاسی دیمک اولان بو جوابدن خاقان سابق متاثر اولماش ایسه ده . باب عالیجه تلاشمزی موجب اوله رق دولت مشارالیه نك اغبرارینی رفع قرارینی تعدیل ایتمک چاره سی بالتأمل ، چونکه اوزمان انكلتره ایله آلمانیا بیننده جاری اولان مناسبات یک دوستانه اولوب قرالیچه حضرتلرینک حفیدی اولان آلمانیا امپراطوری حضرتلرینک وساطتی انكلتره حکومتی نزدنده دریغ قبول اولیه جغه یقین حاصل ایدلش و فقط بو طریقه سلوک ایتمک ایچون اول امرده سلطان عبدالحمیدک مقاوله نامه یی تصدیقه استحصال موافقتی لازمه دن بولنش اولدیغندن مسئله نك کسب ایتمش اولدینی اهمیتک بیانیه کیفیتک انجمن مخصوص وکلاده بالتذکر ، قراینک خاکپای شاهانه لرینه عرضی لدی الاستیدان شایان بیوریلان مساعدده سنیه اوزرینه مابین هایونده اجله وکلا ایله حین اجتماعده سلف عاجزی سعید پاشا ایله پترسبورغ سفیر اسبقی مشیر شا کر پاشانک دخی بولملری اراده بیوریله رق اوئانده حضور شاهانه ده بولنان مشار الیهما حضوردن چیقوب انجمنه کلش اولملریله ذات مسئله تفصیلات لازمه ایله موضوع بحث و مذا کره ایدلدکده انجمن هیئتی انكلتره نك اغبرارینی ازاله ایله عقد اولنان مقاوله نك قبول و اجراسنه دولت مشار الیهانی اماله ایچون دوشونیلان طریق توسطدن بشقه چاره اولمدینی رأینده متحد اولدینی خالده مزاج و افکار شاهانه یه واقف و خادم اولان مشار الیهما پاشار بو توسطدن موفقیت حاصل اولنرسه امپراطور حضرتلری کندوسنی مشکل بر موقعه ده بولندیردیغمنزدن طولانی منکسر اوله رق

انگلتره کبی آلمانیا دخی بزدن مغبر اوله جنی ملاحظه سیله او طریقه مراجعت موافق مصلحت اولیه جنی رأینده بولمشر وهر نه قدر بوملاحظه وارد اولیوب چونکه آلمانیا ایمراطوری من غیر رسم بالاستخراج انگلتره دن وعد موافقت آلمدقجه تکلیفمزی قبول ایتیه جکی وانگلتره دخی اویله بر واسطه عالیله مرا جمعتمزی عزت نفسنه بر ترضیه مقامنده تلقی ایدرک ذاتاً بالرضا موافق مصلحت اولمق اوزره عقد اولمش اولان مقاوله نامه بی. تصدیق اولندقدن صکره قبولدن امتناعه محل اولیه جنی درمیان اولمش ایسه ده منفعت دولتدن زیاده سلطان عبدالحمیدک مزاجنه خادم اولان مشارالیهما پاشار رأیلرندن دونما مشر ایدی. باب عالی جه تأمین حقوقه مدار اوله جق دیگر تدبیر اولمدیغندن بوفرصت فوت اولورسه فی مابعد مصر مسئله سندن بحث ایدلماک لازم کله جکی بالیان اکثریت واقلیتک رأیلرینی حاوی تنظیم اولنان مضبطه مشار الیه سعید پاشانک مسئله یه دائر بشقه جه مطالعه مخصوصه لری اوله رق یازمش اولدقلری ورقه ایله معاً عتبه سنیه یه تقدیم قلمش و ذاتاً اتفاق آرا ایله اولیان قرارلر اوزرینه اراده ویرمامک سلطان عبدالحمیدک عادات متخذه سندن اولمغله، مسئله علی حالها قالوب بو صورتله خطه مصریه نک انگلتره دولتک اشغال و اداره دائمه سی تحتنده قالمسینه بادی اولمشدر.

ینه سلف عاجزی سعید پاشانک صدارتی هنسکامنده و مصرجه قوه عسکریه نک هنوز تحت انتظامه آلمدینی اثناده، سنوی اون بش بیک لیرا ویرکوسی. سنه بسنه خزینه مالیه یه ارسال اولمق اوزره اداره سی خدیوک ذاته محول اولان مع ملاحظات مصوعک حسب الحال ضبط وربطی کسب مشکلات ایلدیکی جهته عسا کر مصریه اورادن قالدیریه جفتدن مصوعک کالقدیم تحت اداره دولته آلمسی خدیو سابق توفیق پاشا طرفندن اشعار وانگلتره دولتی بو خصوصه دائر اولان تبلیغاتنده (صومالی) داخلمده واقع بربره نک (زیلعه) قدر متمد اولان قسمنده، یعنی باب المذنب ایله زیلع بیننده کی اراضی اوزرنده سلطنت سنیه نک حق حاکمیتی انگلتره جه تصدیق اولمامش ایسه ده اسرا تجارتی منع ایدلک و هیچ بر اجنبی دولته یرترک اولنماق وانگلتره ایله خدیویت بیننده منعقد مقاوله نامه ده معین رسومدن غیر رسم المماق شرطیله باب عالی مصر عسکرینک حین رجعتنده (تاجوره) ایله زیلع اوزرنده کی حکم ونفوذنی محافظه ایچون تدابیر مقتضیه اتخاذینه مقتدر بولنورسه دولت علیه نک زیلعه قدر متمد اولان و تحت اداره مصریه ده بولنان ساحلک بوقسمی اوزرنده حکم و ذی

انگلتره دولتی طرفندن تصدیق اولنه بیله جکی و عکس تقدیرده آسایش و انتظامی محافظه زیلعک انگلتره طرفندن اشغاله مجبوریت حاصل اوله جنی اخطار اولدینی حالده باب عالی اورالک طوغریدن طوغری یه تحت اداره یه آلمسی استاتوقو اساسنی اخلال ایدرک محاذیری داعی اوله جنی ملاحظه سیله بویابده خدیو ایله اتحاد افکار حصولدن صکره دولتله بالیان اتحاد تدابیر اولنماسی رأینده بولمش و حالبوکه خدیو اورالک محافظه سنه عدم اقتدارینی بیان ایله طرف دولت علیه دن تحت محافظه یه آلمسی اولجه باب عالی یه عرض ایلش ایدی. سواحل مذکوره نک کافی السابق بمن ولایتدن اداره سی ممکن ایکن مذاکره و مخابره ایله آرهدن اوج آی کچوب اولباده هیچ بر تدبیر اتحاد اولنماسندن طولانی نهایت انگلتره دولتی بیان تأسفله زیلعی تحت اشغال عسکرینه آلمدینی مثللو فرانسه دخی کرچه خدیو مصر بر آره لق تاجوره یی اشغال ایلش ایسه ده صاحب اولی شکایتدن خالی قالمیوب اخیراً مصر حکومتک اورایی تخلیه ایلسیله تاجوره صاحب اولنه رجوع ایلدیکندن، فرانسه حکومتی «داتاکیل» حاکمیه بر مقاوله عقدندن صکره تاجوره یی اشغال ایلدیکنی مخابره واقعه یه جواباً بیان ایدوب ایتالیا دولتی ایسه عصبندن مصر عسکرینک چکلمسیله خالی قالان اورایی و بعده سیاح (بیانکی) ایله رفقاسنک قتل اوزرینه وقوعانده ذی دخل اولنارک تعقیب و تنکیلی وسیله سیله وقوه کافیه سوقیله (یلولی) و متعاقباً (مصوعی) ضبط ایلمشدر.

حبشستانک تعرضاتنه معروض اولان مصوعک مدافعه سی کیتدجه کسب مشکلات ایتکله اخیراً ضبط ایتدیکنه پشیان اولان دولت مشارالیها بیهوده یره دوچار اولدینی کلفتدن شاننه خلل کلمکسزین قورتلغه چار. جو اولمغین مصرک تخلیه سنه دائر انگلتره مرخصیله مذاکره اولدینی اثناده مأذوناً روماده بولنوب عودت ایدن درسعادت ایتالیا سفیری بارون (بلان) باب عالی یه کلدیکنده انگلتره ایله مصره دائر در دست عقد اولان مقاوله کبی بر مقاوله عقدیله دولت متبوعه سی مصوعی دولت علیه یه ترکه حاضر اولدیغنی رسماً بیان ایلش ایدی.

خاقان سابق مصر مقاوله نامه سنی مطلقاً تصدیق و تعاطی ایتیه جکنه دائر فرانسه ویاوروسییه سوزویرمش اولمیدرکه بوندن دونه مبه رک مصر انگلتره نک اداره سنده قالدینی کبی اهمیتی درکار اولان مصوع دخی ایتالیا نک زیرضبط و تصرفنده قالمشدر. مصر مقاوله نامه سنک عقدینی متعاقب فرانسه سفیری قونت دومونته بالو بر

کون باب عالی به کلدیکنده اشبو مقاوله نك شرائطی ایو اولدیغنی بیان ایلسی
اوزرینه انشالله تونسك دخی فرانسز عسکرندن تخلیه سی ایچون یقینه کندوسیله
اویله بر مقاوله عقدی املنده اولدیغنی بالمقابله سفیر مشار الیه افاده وبومکالمه لری
دیگر بعض سفرایده حکایه ایلس ایدم . مکر آلمانیا سفیری ماجرای دولت
متبوعه سنه یازمش اولدیغندن بر قاچ کون صکره سفیر موسیو رادویچ پرنس
پسارقدن آلمش اولدیغنی تعلیمات اوزرینه نزد عاجزی به کلهرک - هر نه وقت باب عالی
تونس حقنده اولان تصویرنی قوه دن فعله کتوره جک اولور ایسه تشبثانده آلمانیا
دولتک مظاهرتنه اعتماد ایلسنی - مأموراً تبلیغ ایلسدر . بوندن بر مدت صکره
فرانسه سفیری نزد عاجزی به کلدجه مصرک انکلیز عسکرندن تخلیه سیچون
بوعدلی وجهله فرانسه دولتی بزه معناً و یا ماده نه زمان معاونت ایده جکی
صورلدقه - امان شمدی انکلیزلری کوجندیر میگز، صبرایدیکز. بزسه وقتنی خبر
ویرز - جوابیله کچشدیریر ایدی ، حالبوکه کرک انکلتره ایله عقد اولتان مقاوله نك
تصدیق و تعاطیسنه ممانعت اولنمسندن و کرک مصر عسکرینک صوک عصیاننه
اسکندریه حادثه سی اوزرینه شهرک استحکاماتی طوبه طومق ایچون انکلتره نك
فرانسه یی اشتراکه اولان دعوتنه اجابت ایدلامسندن طولایی فرانسه حکومتی
افکار عمومیده اعتراضه هدف اولمش ایدی .



مصر مسئله سنه دأر مابین همایون باشکتابتنه جواباً یازیلان

تذکره خصوصیه نك صورتیدر

شرقی روم ایلی و یونان مسئله لرینک یکدیگری متعاقباً ظهوری سیبیه بر
مدتدنبرو دولتجه بو ایشارله اشتغال ایدیلهرک مسئله مصریه به بر حسن نتیجه
ویرلمسی آنلرک پذیرای ختام اولسنه تعلیق قلمش و شمدی ایسه سایه توفیقات
وایه حضرت خلافتناهی ده شرقی روم ایلی و یونان مسئله لرینک حسن صورتله
ختام بولمسی جهتیله مصر مسئله سنک پیش نظر دقت و اعتیایه آلمسی وقتی کیش اولسنه
مبنی بعده بین الوکلا تذکر و مطالعه اولنق اوزره اول امرده بو مسئله نك صورت
کسویه سی حقنده اولان مطالعات عاجزانه مک عرض حضور عالی قلمسی و متفرعاتی
حقنده شرفصدور بیوریلان امر و فرمان همایون جناب تاجداری بی مبلغ
۲۱ مایس سنه ۳۰۲ تاریخلو تذکره خصوصیه علیه لری مطالعه و مصردن ماجد
امضاسیله مابین همایون مشیریت جلیله سنه بالورود مذکور تذکره ایله ارسال بیورلمش
و بعدالقرانه اولجه تقدیم و اعاده قلمش اولان مکتوب مندرجاتندن طولایی بر موجب
اراده سنیه احمد مختار پاشا حضرتلریله مخابره اولندی . خطه مصریه ده حقوق
مقدسه سلطنت سنیه نك اعاده سی مصرک انکلیز عسکرندن تخلیه سنه منوط اولوب ،
بونک حصولی ایسه مصرده انکلیز عسکرینک وجودنی ایجاب ایدن حالک ازاله سنه
متوقفدر . بو حال مصرده اداره ملکیه به طاری اولان ضعفدن ناشی نفوذ اجنبیه نك حقوق
حکومه تفوقندن منفعل اولان اهالی نك احتیلاهی مستعدومیل اولسی و اشبو ضعفی
ازاله به خدیو حضرتلرینک اقتداری اولمامسیدر . بو تقدیره و استطلاعات واقعه به
کوره خدیوک اهالی به عدم امنیتی حسیله کندوسنه قوه الظهر اولق ایچون انکلیز
عسکرینک مصرده اقامتی موافق آرزوسیدر .

انکلتره دولته کلنجه ، دولت مشار الیه مصرک کندو اشغال عسکرینی
تختنده قالمسنی دولت علیه تجویز ایتیه جکی کبی ، فرانسه دخی بونی چکمه جکندن
مصردن عسکرینی چکمک ایسته سه ده سودانده بردوام اولان عصیان حالیه
خدیوک قلت اقتداری میدانده ایکن مصری کندو حاله ترک ایده جک اولسه ،

دیگر بر قاریشقلق وقوعیه بوسفرده فرانسزلرک مصری اشغال عسکریلری تحتہ
 آلملری محتمل اولسیله بو ملاحظه یه بناءً مصدرن عسکرینی چکمکدن امتناع
 ایدیور. آلمانیا دولتی مصرک حکومت سنیة مشروعه سنه رجعت ایتدیکنی
 کورمکه ممنون اولورسده بو اولیه جق اولدینی حالدہ مصری فرانسہ نك اشغال
 عسکریمی تحتہ کورمکدن ایسه انکلیز عسکرینک مصرده دوام اقامتی ترجیح
 ایدر. روسیه دولتی مصرک انکلیز عسکرندن تخلیه سی امرنده فرانسه ایله
 افکار کورینوب بونده صورۃ دولت علیه ایله فرانسه نك منافعه معاونت صدنده
 بولمق ماده سی ایسده حقیقتده کندو رقیب اولان انکلتره ایله دولت علیه و فرا
 نسه بیتنده بغض و عداوت حاصل ایدرک دولتین مشارالهمای کندو لهنده وانکلتره
 علیهنده طوتمق وایلروده مسئله نك کسب ایدہ جکی رنکه کوره ملکا استفاده ایتک
 اوله بیلور. آوستریانک بوباده مسلکی متفق اولان آلمانیا نك پولتیقه سنه تابع اولوب
 ایتالیا ایسه آفریقاچه اولان تشبثات مخصوصه سی ایجابچه انکلیزلرک بقاسنی تخی
 ایدر. شو حالدہ ایتالیا دن ماعدا بالجمله دولتر مصرک انکلیز عسکرندن
 تخلیه سی خصوصنده معناً دولت علیه معین اولسه لرده اولباده دولترله
 هر نه قدر مخابره اولنسه و حتی بر قونفره تشکیلیله مسئله موقع مذاکره یه ده
 قونلسه انکلتره دولتی مصرک بولدینی حالی میدانہ قویه رق خدیویتک بر قوه
 عسکریه خارجییه درکار اولان احتیاجنه مبنی مسئله نك بدایتده تکلیف ایلدیکی
 کبی ینه یا طرف دولت علیه دن مصره عسکر کوندرلسنی و یا خود مصرده انکلیز
 عسکرینی تقلیل ایله کندو قومانداسی تحتہ اولمق اوزره هر دولتن مقدار
 کافی عسکر ارساله مختلط بر اردو تشکیلی دولتره تکلیف ایدہ بیله جکندن
 دولترجه شق اولک، یعنی دولت علیه جانبندن مصره عسا کر شاهانه ارسالی
 صورتنک ترجیح اولنسی اغلب احتمالدر. بویله بر تشبثده انکلتره یی تضییق ایله
 میانده برودت حصولدن بشقه بر نتیجه استحصالی قابل اوله میه جغندن، ایشی
 طوغریدن طوغری یه انکلتره ایله بیتورمک اولی اوله جنی هویدادر.

سودانده آسایشک اعاده سیله مصر اردوسنی بالتظیم مصرک انکلیز عسکرندن
 تخلیه سی حقیقتده انکلتره ایله بر مقاوله نامه یا پلش ایسده بو مقاوله نامه انکلتره نك اشغال
 عسکرینی دول سائر یه قارشو مشروع بر حکمده گوسترمک و عسکرینی الی غیرالتهایه
 طوتمیوب اوطن اولدینی گی مصری کندو مستملکاتنه الحاق ایتیموب مطلقاً ترک

و تخلیه ایدہ جکنه دولت علیه یی تأمین ایتک مقصدینه مبنی اولوب فقط، اشبو
 مقاوله نامه نك اجرای احکامی تعجیل اولدقچه تونس فرانسہ نك، بوسنه - هر سک
 آوستریانک اداره موقه لری تحتہ بولدینی گی مصر دخی انکلتره نك اشغال
 عسکریمی آلتندہ بر دوام اوله جنی درکاردر. انکلتره قومیسری (سیردرموند -
 وولف) بوراده ایکن مومی لیهک ایلمک سؤالی مصره عسا کر شاهانه کوندریلوب
 کوندرلیه جکی ماده سی اوله رق، اثنای مذاکره یه مصر عسکری اصلاً شایان امنیت
 اولیوب خدیو حضرتلری دخی بونلردن امین اولدینی جهتله عسکر تدارکنه
 احتیاج حقیقی اولدینی قومیسر مومی الیه طرفندن بیان و انکلیز عسکرینک
 مصدرن اخراجنه مدت تعیینی بخندہ دخی انکلیز عسکرینک یرینه قائم اولمق
 اوزره مصره عسا کر شاهانه ارساله اراده سنیة حضرت پادشاهی شایان بیورلدینی
 تقدیرده هر بر آلا ی عسا کر شاهانه مصره داخل اولدقچه انکلیز عسکرندن
 بر آلا ی مصدرن اخراج اوله رق بو صورتله خطه مصریه انکلیز عسکرندن
 کاملاً تخلیه اوله جنی اتیان قانمش ایسده، اول وقت مصره عسا کر شاهانه ارسالی
 خصوصنده محذور مطالعه اولدیغندن، مصر اردوسنک کما کان تشکیلیله اداره
 حکومت حسن دورانه باشلادینی کورلدکده انکلیز عسکرینک مصدرن اخراجی
 امرینی حصوله کتیرمک ایچون دولتین بینده دیگر بر مقاوله نامه تنظیمی صورتنه
 قرار ویرلش ایدی. سیاق حاله و مصر عسکریه مصر اردوسنک تنظیمی
 خصوصنده دولت علیه قومیسری احمد مختار پاشا حضرتلریله مومی الیه انکلیز
 قومیسری بیتنده شمدی یه قدر جریان ایدن مذاکرادن بر حسن نتیجه حصوله
 دلالت ایدہ جک اماره کورلمدیکنه نظراً مصر عسکرینه عدم امنیت اعتقادی
 کرک انکلتره دولتده و کرک خدیویت مصریه ده باقی اولدینی آکلاشلدیغندن
 واکرچه بو اعتقاد سائر دول معظمه نك محاکمه سنه دوشوریله جک اولسه مصرده
 عراقی نك طرفدارانی باقی و خدیو سابق اسماعیل پاشا ایله حلیم پاشانک تحریکاتی
 جاری اولدقچه خارجی بر قوتک غیابی حالده اختلال سابقک تکرری احتمالنک
 تصدیق اولنسی اغلب ملحوظات بولدیغندن، شو حالدہ مسئله یا مصره لزومی قدر
 عسکر کوندروب خطه مصریه یی اجنبی الندن قورتارمق و یا خود حالیه براقوب
 قومیسر واسطه سیله مذاکره یه دوام ایدرک نتیجه سنه نائل اولمق شقارنده انحصار
 ایدر. شق اوله گوره عسکر ارسالی رهین تنسیب عالی اولدینی تقدیرده بو صورت

فرانسه نك اعتراضی داعی اوله جنی شبهه سزایسه ده ، بونك دفعی ممکن اوله جنی مقدمه انكلیز قومیسریله قومیسو نجه جریان ایدن مباحثه ده آ کلاشلمش اولمسیله اجراسی قابل اولوب ، مع مافیله بوده صورت موقه ده اوله جقه سه ده او حالدله دولت علیه بوگونکی کون انکلتره نك مصرده بولندیغی موقه کچمش بولنه جغندن حقوق حکمرانی سلطنت سینه مصرده برقات دها تحکیم اولمش اولور . شویله که : مشیران عظامد بر ذاتک اداره رقومانداسنده اولمق و بر ثلثی سائر ممالک شاهانه افراد عسکریه سندن کوندریلوب ثلثانی مصر عسکرندن آلمق اوزره مصر اردوی هایونی تشکیلات و تنظیم اولندیغی حالده ترک عسکرینک ایکی طابوزی اسکندریه ده و ماعداسی قاهره ده آرامساز اولوب ، یرو عسکری مصرک سائر موقع عسکریه سنده اقع اولنه بیله جکندن بوموال اوزره شمعی مصر اردوسی انکلیز قومانداسنده و انکلتره جریه نظارتنک امری تحتده حرکت ایتدیکی مثالو ، انکلیز عسکری مصردن چکلدکن صکره مصر اردوی هایونی مشیرینک قومانداسنده و باب والای سرعسکرینک امری تحتده حرکت ایدز .

بر محاربه وقوعده امتیاز فرمان عالیسی موجبجه مصرک دولت علیه نك امری تحتده وضع ایتکه مکلف اولدیغی عسکرندن شمیدیکی حالک دوامی تقدیرده بر فر بیله ویره میه جکی درکار اولوب ، حالبوکه مصر اردوسی دولتک ید اداره سینه کچرسه در حال تنسیقات عسکریه اجراسیله حین حاجتده دولت کما فی السابق مصردن ایستدیکی قدر عسکر آله بیلور . الحاصل مصرک اداره ملکیه و مالیه سی خدیویتده و امور عسکریه سی موقتاً دولتده اولوب بو حال موقت دخی دولتجه ایستلدیکی قدر تمید اولنه بیلور . بروجه محرر مصرک اداره عسکریه سی اله آلمقله برار سودانه عسکر سوقی ایچون انکلیز عسکرینک مصردن چکلمسیله برابر خط مصرده حال تغیر ایدوب ، اجانبک تسلطی علیهنده وقوعه کلان حرکت عصیانیه ناله دوامنه محل قائمیه جغندن ، سودانده آسایش حال طبعاً و تدریجاً حصوله گله رک بعد ایتالیانلرک دخی مصوعدن دفعی چاره سینه باقیلور . اشبوشق اولک اختیارنده متبار فکر قاصر اوله میان بعض محاذیر مهمه اولدیغی حالده آنک دخی تدقیق همین واجب اولوب ، فقط بونده تخطر اولنه جق محذور هر نه درجه آخر اولسه شق نانیله ملحوظ اولان نتایج وخیمه یه تقابل ایده مز . بو ائناده ایتالیان ماعداسا دول معظمه سفراسی و علی الخصوص روسیه ، فرانسه مصلحت گذارلری باب عالی

کلدجه مصر مسئله سنی تذکار ایدرک احمد مختار پاشا حضرتلری ایفای مأموریت ایده بیلور می؟ انکلتره مصری نه زمان ترک ایده جک؟ سؤالدریله یونان مسئله سینه ختام ویردکن صکره مصر ایشنه دخی بر نهایت ویرلمسنگ وقتی کلش اوله جنی اخطار ایتکه اولمیرینه نظراً ، مصر مسئله سینگ دولترجه دخی حائز اهمیت اولدیغی انکلتره جهده اهمیت حال و قتیله معلوم اولسندن ناشیدر که بعض افکار ، انکلیز عسکریله یکیدن فتح اولان مصرک بریتانیا مستملکاتنه الحاق اولنسی وادیلرنده بولندیغی حالده انکلتره حکومتی بونی تجویز ایتدکن بشقه عسکرینک صورت موقه ده دوام اقامته بر شکل مشروع ویرمک ایچون دولت علیه ایله بر مقاوله نامه عقدینه شروع ایتشدر . مصر مسئله مهمه سی اهمال اولنه جق اولور ایسه ایلروده مسک استیلا جویانه لری معلوم اولان روسیه ایله فرانسه نك استفاده لرینه میدان ویرمش اولور . بو بایده دولتین مشار الیه ماجه اتخادی محتمل اولان پولتیقه بالاده بیان قلندیغی وجهله مصرک انکلیز عسکرندن تخلیه سی امرنده صورته دولت علیه نك معاوتنده کورینه رک باب عالی بی انکلتره دولتجه قبول اولنه میه جق تکلیفده بولندیروب دولت مشار الیه نك عدم موافقتیه ایشی کشا کشه دوشورمک و انکلیز عسکرینک بعدما مصرده اقامتی فضولی بر شکلده کویسترمکدر . ایشی بودرجه یه ایصال ایتدکن صکره هر نه زمان ممالک شاهانه ده دیگر برقاریشقلق وقوعه کله جک اولور ایسه انکلتره نك مصرده بقاسی موازنه یه خلل کتوردیکی وسیله سیله روسیه نك قره دکز بوغازینی و فرانسه نك دخی سوریه بی ضبطه قالمشیمی و بوضورتله دولت علیه بیوک بر غائله آچنری احتمالدن بعید اولیوب او یله بر حالک وقوعنده دیگر دولتر انکلتره ایله بالاتحاد تسلط اعدادن ممالک شاهانه نك وقایه سینه منی خدمت ایدرلر ، یوقسه بونلر دخی ممالک شاهانه دن برر صورتله استفاده یه و یکی بر موازنه حصوله کتورمکه می چالشورلر بوراسی مشکوکدر . هر حالده شو مصر مسئله سنده هر کونا اندیشه دن وارسته اولمق ایچون انکلتره ایله یکیدن حکیمانه بر مذاکره یه کیریشیله رک قابل اجرا بر صورتده مسئله نك تسویه سینه سعی وغیرت اولنسی اسلم طرق اولوب بالطبع نواقصدن خالی اولیان اشبو مطالعات عاجزی متمم آرای قاصره اولان رأی و اراده مله میت افاده جناب خلافتیناهی ایله اکمال بیوریه جنی درکار اولمقله و بروجه معروض مصردن کلان ماجد امضالی تحریرات مندرجاتی حقدده کی استعلامه جواباً احمد مختار پاشا حضرتلرندن بالورود لفا تقدیم قانان

تلغرافنامه مآله نظراً تحریرات مرقومه در مندرخ سنجاق اعطاسی ماده سی مقدما
انکلیز قرون آلاویه برابر محاربه به کیرمش اولان مصرک طقوزنجی طابورینه
یادکار رفاقت اولق اوزره مذکور آلاوی طرفدن عابدین میداننده رسم مخصوص
ایله برسنجاق اهدا ایدلمش اولسندن عبارت ایدوکی آ کلاشملغله عتبه علیایه عرضی
متمنادر افندم . ۵ رمضان سنه ۳۰۳ و ۲۷ مایس سنه ۳۰۲

مصرک انکلیز عسکرندن تخلیه سنه مقدمه اوله رق انکلیز

مصر خصله برنجی دفعه عقد اولنان و اراده سنیه به اقترا

ایدن مقاوله نامه نك صورتیدر

برنجی ماده — ذات شو کتسمات حضرت پادشاهی ایله حشمتلوانکلیز قرالیچه سی

حضرتلری مصره برر بیوک قومیسر اعزام بیوره جقدر در .

ایکنجی ماده — دولت علیه بیوک قومیسری وسائط مصالحانه ایله سودانده

اعاده حضور و آسایشه صالح احسن تدابیری خدیو حضرتلری و یا مشار ایله

طرفدن بوبابده تعیین بیوریه جق مأمور ایله بالاتفاق تحرری ایده جقدر . قومیسر

مشار ایله ایله خدیو حضرتلری مذاکراتی انکلیز بیوک قومیسرینه بیلدیره جکلر

و قرار لشدیریله جق تدابیر مصالح مصریه نك تسویه عمومیه سنه شمولى جهتیله انکلیز

قومیسرینك انضمام اتفایله اتخاذ و موقع اجرا به وضع اولنه جقدر .

اوچنجی ماده — ایکی بیوک قومیسر خدیو حضرتلریله بالاتفاق مصر اردوسنی

تسبیق ایده جکلر در .

دردنجی ماده — ایکی بیوک قومیسر خدیو حضرتلریله بالاتفاق اداره مصریه نك

کافه شعباتی تدقیق ایده جک و فرمان هایونلر دائره سی داخلنده لزوم کوره جکلری

تعدیلاتی اجرا ایله بیه جکلر در .

بشنجی ماده — خدیو حضرتلری طرفندن وقوعبولان تعهدات دولیه فرمان

هایونلره اعطا بیوریلان امتیازاته مغایر اولمدقجه جانب حکومت سنیه دن تصدیق

قلنه جقدر .

آلتنجی ماده — ایکی بیوک قومیسر حدودك امنیتی و اداره مصریه نك حسن

جریانی و دوامی تأمین ایدلدیکنی مشاهده ایدر ایتمزد دولت متبوعه لرینه برر راپورط

تقدیم ایده جکلر و دولتین مشار الیها انکلیز عسکرینك بر مهلت مناسبه ظرفنده

مصرفن چکلوسی خصوصنی تنظیم ایدر بر مقاوله نامه نك عقدینه مباشرت

ایله جکلر در .



یدنجی ماده — مقاله حاضرہ تصدیق اولہ جق و تصدیق نامہ لر اون بش کون ظرفندہ و ممکن ایسہ دہا اول در سعادتہ مبادلہ ایدیلہ جکدر . تصدیقاً للمقال مرخصان مشار الیہما اشبو مقاله نامہ بی امضا و (آرمہ لی) مہر لریلہ تمہیر الیشارددر . اشبو مقاله نامہ بیك سکزیوزسکسان بش سنہ میلادیہ سی تشرین اولنک یکر می دردنجی کونی در سعادتہ تنظیم اولمشدر .

اشبو مقاله نامہ وجبہ انکلتہ دولتی طرفدن سیردر و موند و وولف بیوک قومیسر تعیین قلندی نی مثللو ، دولت علیہ بیوک قومیسر لکنہدہ غازی احمد مختار پاشا حضرتلری تعیین بیورلش ایدی .

مصرک انکلیز عسکرندن تخلیہ سنہ دائر ایکنجی دفعہ انکلتہ مرخصیلہ تنظیم و امضا اولنوب طرف شاہانہ دن تصدیق و تعاطیسی تأخر ایدن مقاله نامہ صورتیدر :

ذات شوکتہات حضرت پادشاهی ایلہ بریتانیای کبیر و ایرلاندا ممالک مجتمعه سی قرالیچہ سی و ہندستان ایمپراطوریچہ سی حضرتلری ۲۴ تشرین اول سنہ ۱۸۸۵ تاریخندہ در سعادتہ عقد اولنان مقاله نامہ نک احکامہ توفیقاً مصرہ بیوک قومیسر لر اعزام بیورمش و بو قومیسر لر کندی راپور طاری نی دولت متبوعہ لرینہ تقدیم ایش اولدقارندن ، ذات حضرت پادشاهی ایلہ قرالیچہ حضرتلری مقاله مذکورہ دہ مصرح نقاطہ توفیقاً دیگر بر مقاله عقدینہ قرار ویرہ رک بونک ایچون سیردر و موند و وولف و طرف دولت علیہ دن صدر اعظمہ خارجیہ ناظری مرخص تعیین ایدلش و مشار الیہم یولندہ و منتظم کورینسان رخصت نامہ لرینی یکدیگرہ بعدالارائہ مواد آتیہ بی قرارلشدیر .

برنجی ماده — الیوم مصردہ مرعی الاجرا اولان فرمان ہایونار مقاله حاضرہ ابلہ تعدیل ایدلش بولندقہ ابقا و محافظہ اولمشدر .

ایکنجی ماده — خدیویت ، مصرہ متعلق فرمان ہایونار دہ مصرح اراضی بی شاملدر .

اوجنجی ماده — حکومت سنہ جانبندن برلین معاہدہ نامہ سنی امضا ایدن دولتار ، سویس قنالتدن سربستی سیرسفاشی بر قانداہا تأمین مقصدینہ مستند بر مقاله نامہ بی تصویب و قبولہ دعوت بیوریلہ جنی گی ، بو مقاله نامہ دہ سویس قنالت بحرینسک کرک صلح و آسایشی و گروک محاربه زمانلرندہ ہر قنی دولت سنجاغنی حامل اولور ایسہ اولسون ، رسوم معینہ بی ایفا ایدرک و الیوم مرعی الاجرا بولنان و یا عائد اولدینی ادارہ طرفندن ایلرودہ نشر ایدیلہ بیلہ جک اولان نظاماتہ توفیق حرکت ایلیہرک ، بردگزدن دیگر دگنرہ کچہ جک بالجملہ سفان حریہ و تجاریہ دایما سربست و آچیق بولنہ جنی بیان قلنہ جقدر . مقاله



مذکورده دول معظمه نك دخى گرك محاربه و گرك صالح و آسایش زمانرنده سربستی
 مروره ایراث خلل ایتمکي و قباله عائد اموال و تأسیساته رعایت ایتمکی تعهد ایده جکلری
 و قنالك آبلوقیه اصلاً تابع اولیه جنی و نه قتالده و نه دهه سویش ایله پورت سعید
 لیمانلرندن اعتباراً اوج میل بحری مسافه داخلنده هیچ برگونه حقوق محاربه
 و حرکت خصمانه اجرا ایدلیه جکی و مصرده بولنان دول ممضیه بولتیقه مأمورلرینک
 قتالندن مرور و عبورک امنیتی و یا سربستیسنی تهدید ایده جک صورتده بعض احوال
 ظهور ایتدکجه مقاوله نامه نك اجرای احکامنه دقت و نظارت اید جکلری گبی،
 ایچارندن بری طرفندن دعوت و قوعنده باب عالی و یا خدیویت جانندن منسوب
 قومیسر مخصوصک ریاستی تحتنده بالاجتماع مخاطره بی موجب احوالی تحقیق
 و اثبات ایله برابر خدیویت مصریه طرفندن قتالك حمایه سنی و سربستی مرور
 و عبورینی تأمینه صالح و سائطه مراجعت اوله بیلمسی ایچون کیفیت خدیویت
 مشار الیه اشعار ایلیه جکلری و هر حالده مقاوله نامه یه لایقی وجهله رعایت
 ایدلیکنی ارأه و اثبات ایتمک مقصدیه سنهده برکره عقد اجتماع ایده جکلری
 و مقاوله مذکورده نك خطه مصریه نك مدافعه سی و قنالك امنیتی ایچون لزوم
 کورینه جک تدابیره ایقاع موانع ایده میه جکی و نهایته الامر طرفین معاهدینک دیگر
 دولتری دخی دول ممضیه مثللو مقاوله مباحوث عنایه اشترا که دعوت ایده جکلری
 خصوصاری مشروط بولنه جقدر .

دردنجی ماده - سودانک حال اغتشاسی ایله مصرده وقوعات بولتیقه دن نبعث
 شورش و فساد بر مدت حدودک امنیتی و مصرک آسایش داخلینسک محفوظیتی ایچون
 تدابیر احتیاطیه فوق العاده اتخاذینه لزوم گوستره بیله جکنه بناء آنکلتره دولتی مملکتک
 محافظه سنه و تنسیقات عسکریه سنه نظارت ایلیه جک و بونیتله انکلز عسکرندن لزوم
 کوره جکی مقداری مصرده براغوب، مصراردوسی اوزرنده تفتیش عمومی اجرا سنه
 دوام ایده جقدر. انکلز عسکرینک چکلمسنه و آنکلتره دولتی طرفندن مصراردوسی
 اوزرنده اجرا اولنان هر نوع نظارتک ختانه متعلق شرائط، مقاوله حاضره نك
 بشنجی ماده سی احکامنه توفیقاً ایفا ایدلیه جقدر .

بشنجی ماده - اشبو مقاوله نك عقدی تاریخندن اعتباراً اوج سنه نك انقضاء
 سنه آنکلتره حکومتی عسکریتی مصردن چکه جقدر . اگر او وقت داخله و یا
 خارجاً بر مخاطره ظهوری امر تخلیه نك تأخیرینه لزوم گوستره جک اولورسه

انکلز عسکری بو مخاطره نك ازاله سنی متعاقب در حال مصردن چکیله جک و اشبو
 امر تخلیه دن ایکی سنه صکره مارالذ کر دردنجی ماده نك شرائط مندرجه سی
 کاملاً حکمدن ساقط اوله جقدر. انکلز عسکری چکلدکده مصر مصونیت اراضی
 قاعده سی فوآندن مستفید اوله جق و مقاوله حاضره نك حین تصدیقنده
 دول معظمه، خطه مصریه نك تعرضدن مصونیتی تصدیق و تأمین ایدر بر
 سندی امضایه دعوت ایدلیه جکلردر. سنه مذکور موجبجه هیچ بر دولت
 مقاوله حاضره ذیل اولان نظامنامه ده مصرح احوال مستثنا اولق اوزره هیچ
 بر حالده مصر طوپراغنه عسکر چیقارمق حقی حائز اولیه جقدر. مع مافیه خارجاً
 بر تعرض و قوعندن قورقغه بعض سببار بولندیغی و یا داخله انتظام و امنیت خالپذیر
 اولدیغی و یا خدیویت مصریه دولت متبوعیه قارشو اولان وظائفی و یا تعهدات
 دولیه سنی اجرادن امتناع ایدلیگی تقدیرده، حکومت سنیه مصری عسکرله اشغال
 ایتمک حقی استعمال ایلیه جقدر. آنکلتره دولتی دخی احوال مشروحه ده مصره
 عسکر سوقه مقاوله حاضره ایله مآزون اولوب، عساکر مرقومه بو مخاطراتی دفع
 و برطرف ایتمک ایچون تدابیر لازمه اتخاذ ایده جکلردر انکلز عسکری قوماندانلری
 تدابیر مذکورده نك اتخاذنده حقوق حکمداری حضرت پادشاهی یه ابرازی واجب
 اولان هر درلو خدمت و رعایت ایله حرکت ایلیه جکلردر. گرك عساکر عثمانیه
 و گرك انکلز عسکری مداخله بی استتزام ایدن اسبابک اندفاعیه برابر مصردن
 چکیله جکلردر. بعض اسباب مانعه دن طولانی حکومت سنیه مصره عسکر سوق
 ایتمکی تقدیرده انکلز عسکرینک اقامتی مدتیجه قوماندانلرک نزدنده بولنمق اوزره
 بر قومیسر اعزام بیوره جقدر. دولین هر نه وقت مصره عسکر سوقی لزومنی حس
 ایدر لر ایسه کیفیتیکدیگرینه اشعار و اشبو مقاوله احکامنه توفیقاً حرکت ایلیه جکلردر.

آلتنجی ماده - اشبو مقاوله تصدیق اولندقدیه طرفین معاهدین کیفیتی اول-
 امرده برلین معاهده سنی امضا ایدن دولتره و بعده خدیویت مصریه ایله مقاولاتی
 تنظیم و یا قبول ایتمش اولان سائر دولتره بیایدیره جکلر؛ و بونلری اشبو مقاوله نامه یه
 موافقتلرینی بیان ایلمک دعوت ایلیه جکلردر .

یدنجی ماده - اشبو مقاوله نامه تصدیق اولنه جق و تصدیقنامه لری امضاسی
 اعتباراً بر ماه ظرفنده و ممکن ایسه دهها اول مبادله ایدلیه جقدر .

تصدیقاً للمقال مرخصان مشار الیہما مقاولہ حاضرہ فی امضا و آرمہ لی مہر لریلہ تمہیر ایٹش اردر .

اشبو مقاولہ نامہ ۲۲ مایس ۱۸۸۷ تاریخندہ ایکی نسخہ اولہرق درسعادتہ تنظیم اولندی .

یوقارودہ بیان قلندی و جہلہ فرانسه سفیرینک مخطرہ سی اوزرینہ خانان سابق اشبو مقاولہ نامہ نک تصدیقندن امتناع ایٹش ایدی . مؤخرآ ۲۳ آغستوس سنہ ۱۸۸۷ تاریخیلہ فرانسه خارجیہ نظارتندن درسعادت سفارتہ بالورود صورتی باب عالی یہ ویرلمش اولان تلغرافنامہ نک ترجمہ سی :

حکومت سنیہ شوراسنی بیانہ مآذونسکزرکہ اگر مسلک سیاسینی اتفاق دولی دائرہ سی داخلندہ قویاً محافظہ ایدر ایسہ بزی ہر حال و کاردہ کندوسنہ ایفای معاونتہ میال بولہ جقدر ، بالخاصہ مصالح مصریہدہ طرفزدن بالدفعات شرح و ایضاح اولتان و اوروپاجہ مقبول و مصدق فرامین ہایوندہ تعیین و تصریح بیورلدینی و جہلہ ذات شوکتآب حضرت پادشاہینک حکم و نفوذ ہایوناری تختندہ اولہرق ادارہ مصریہ بی تکرار مصرہ ویرمکدن عبارت اولان مسلک سیاسی بہ توافق ایدہ جک بر پولتیقہ حقندہ کال گرمی ایلہ اجرای معاونت ایلیہ جگمز محقدر . باب عالی افکار و نیاتی منتظماً طرفزہ بیلدیررسہ و فرانسنہ نک خارجندہ بر گونا تعہداتہ گیرشمز ایسہ بڑہ گوگنہ بیلور .



مصر مسئلہ سنہ دائر جواباً تقدیم اولتان تذکرہ

خصوصیہ صورتیدر

انکلترہ سفیری سیر وایت مصر مسئلہ سنندہ براز مدت تائی اولنسی موافق حال و مصالحت اولہ جغنی بیان ایٹش اولسنہ نظراً دولت علیہ حقندہ بو مسئلہ نک حال حاضرندہ محافظہ سی و یاخود یاپیلان مقاولہ نامہ نک کان لم یکن حکمندہ عد اولنسی می اولی اولہ جغنی حقندہ کی مطالعہ عاجزینک عرضی قرنای حضرت شہریاریدن محمود بک افندی حضرتلری واسطہ سیلہ تلقی اولتان ارادہ سنیہ حضرت خلیفینہی اقتضای عالیسنندن اولغلہ ایجاب حال تأمل اولندی . عرض و بیاندن مستغنی اولدینی اوزرہ ذکر اولتان مقاولہ نامہ نک تصدیق بیورلامسی دولت علیہ نک حقوقہ موافق اولتق اوزرہ دہا نافع و اعتراضی دافع بر مقاولہ عقدینہ موفق اولتق مقصد عالیسنہ مبنی اولمسیلہ بونی حاصل ایتمک ایچون ذکر اولتان مقاولہ نامہ نک بالکلیہ اعتباردن ساقط عدایدلیہ رک ، بروجہ مرغوب تعدیلی طلب اولنسی و یاخود کان لم یکن حکمندہ طوتیلہرق دیکر بر مقاولہ نامہ عقدینک تکلیف قلمسی شقاری اوزرینہ صرف افکار ایدلکدہ ، انکلترہ مرخصی سیر دروموند وولف ایلہ درت آی مدت جریان ایدن مباحثاندہ حقوق سلطنت سنیہ قیود متعددہ ایلہ تحت تأمینہ آلمش ایدوکنندن ، اشبو نتایج حاصلہ کان لم یکن حکمندہ عد اولہرق یکیدن بر مقاولہ نامہ مذاکرہ سنہ کیریشلمسی حالندہ نتایج مذکورہ نک تکرار استحصالی قابل اولوب اولیہ جغنی مشکوک اولسنہ نظراً بونلرک محافظہ سیلہ ذکر اولتان مقاولہ نامہ نک دولتجہ دہا نافع و فرانسنہ ایلہ روسیہ نک اعتراضاتی دافع بر شکلہ تقریبی ضمنتندہ تعدیلنہ چالشلمسی صورتی اولی گوریلورایسہدہ ، لورد سالسبورری جواب اخیرندہ مقاولہ نامہ نک نتیجہ پذیراولہ مامسی حسیلہ مسئلہ نک سیر وولفک برنجی مأموریتندن مقدمکی حالہ رجعت ایتسی لازم کلہجکی و مصردہ اجراسنی درعہدہ ایلدیکی تنظیماتک اتمامہ دگین ، انکلیز عسکری مصردہ قالوب بو مقصد حاصل اولدقدن صکرہ خطہ مصریہ بلا مقاولہ

دخی تخلیه اولنه بیله جکی بیان قلمسنه گوره، انکلتزه دولتی مذکور مقاوله نامہ بی و بوندن مقدمکنی کا لم یکن حکمنده عد ایله مصری ایستدیکی حاله قویدقچه ترک ایتمک عزمنده اولدینی آ کلاشلمسیله، مسئله مصری بی حال حاضر نده محافظه ایتمک دخی غایتله مشکل اوله جنی درکاردر. بوندن بویله انکلتزه جه تنظیمات و اصلاحات مصری نك موقوف علیہی عد اولنان خطه مصری نك مصونیت اراضیسی و سویس قالینک سربستی مرور و عبوری و قایتولاسیونلرک تعدیلی کبی موادک قبولی دولت مشار ایها کندو طرفندن دیگر دولتره تبلیغ و امر تخلیه بی اشبو تکلیفک قبولنه تعلیق ایله برابر، آتیا مصرده داخلی و یا خارجی بر مخاطره وقوعنده طرف دولت علیه دن مصره عسکر سوق اولنمق اوزره انکلتزه نك دخی اولباده دولت علیه به معاونتی شرط اتخاذ ایتمسی احتمالدن بعید دکادر .

مصر مسئله سنده انکلتزه نك نظریاتی دولت علیه نك نقطه نظرینه مابین اولوب ، سیر وولف ایله مقدما جریان ایدن مباحثاتده انکلیر عسکرینک جمله بمالک شاهانه دن اولان مصرده وجودی نامشروع اولمسیله مصردن چکلمسی لازم کله جکی و امر تخلیه نك اجراسی چون ویریلان مهلت دخی انکلتزه دولته بر مساعده قیلندن اولدینی کندوسنه بیان قلندقچه مرخص مومی ایله بونک خلافتی ادعا ایدرک، مصرده بر عصیان وقوعیله خدیویتک امر ونهی جریاندن ساقط اولدینی بر زمانده دولت علیه مصرده حال انتظامک اعاده سی چون عسکر سوقیه یکیدن تاسیس نفوذ حکومته مسارعت ایتمدیکندن بختله و انکلتزه دولتی کندو منافعتک محافظه سی ضمننده مصره عسکر سوقه مجبور اوله رق و اشبو سوقیاته اوراده منافی اولان سائر دولترک اشترا کنی دخی دعوت ایتمش اولدینی حالده هیچ برینک معاونته مظهر اوله میهرق یالکنز باشنه مصری فتح ایدوب بونجه انکلیر قانی دوکش و ملیونلرله لیرا صرفیله آسایش مملکتی اعاده ایتمش اولدینغک بیانیه شمدی بعض شرائط ایله خطه مصری بی ترک ایتمسی دولت علیه به بر مساعده دن عبارت اوله جنی جوابلریله مقابله ایلمکده ایدوکنه واشبو حقوق مساعده بختنده آوستریا، آلمانیا، ایتالیا دولتری انکلتزه نك ادعاسنی و فرانسه ایله روسیه دولتری دخی دولت علیه نك حقوقنی تصدیق ایلمکده بولندقلرینه نظراً بو مسئله ده انکلتزه ایله اویوشمقدن بشقه چاره اولیوب، بوده معامله دوستانه ایله حصول پذیر اوله بیله جکی و چونکه اجباری ممکن اولیان بر دولتی اصرار ایله تضیقده فائده اولمدقن بشقه،

اضاعه حقوقه دخی سببیت ویره بیله جکی جهته شمدیکی حالده مارالذکر مقاوله نامہ نك تصدیق بیوریه مامسنده اولان اسباب مانعه نك اهمیتی اسلوب حکیمانہ ایله انکلتزه حکومته قبول ایتمدیمرمکه بذل مساعی اوله رق، قریباً سیر وولفک لوندیره وصولنده حکومت مشار ایهاجه بو مسئله ده اتخاذ اولنه جنق بولتیقه نك اهمیتی آ کلاشلقده آگا گوره تدابیر مناسبه ایله بالمقابله حقوق و منافع سلطنت سینه به توفیقاً برائتلاف حصوله صرف مقدرت و اهتمام اولنمسی صورتاً ایجاب حاله موافق کبی مطالعه اولدینغک عتبه علیاه عرضی متمنادر اقدم

فی ۲۹ شوال سنه ۲۰۴ و فی ۸ تموز سنه ۳۰۳



SISMANOGLIO MEGARO

اولدیفنه بناءً بو اساس اوزره مصرک انکلیر عسکرندن تخلیه سنه دائر دولت مشار-
الها ایله بر مقاوله تنظیم قلمش ایکن ؛ بو صورتله فرانسه نك بردها مصری استیلا
ایتمی امکانه سد چکلمسنی چکه میان فرانسه حکومتی، بو مقاوله نامه نك تصدیق
ولعاطیسنی منع و تأخیره بذل مساعی ایشدر

شو حالده انکلتره نك بلا شرط مصردن عسکرینی چکمی فرانسه نك دخی
اولوجهابه تونس ی ترک ایسنه منوط دیمک اولوب، فرانسه حکومتی ایسه بونی قبول
ایتمه چکی درکارایدو کندن، و انکلتره نك لای الحاحه مصرک مدافعه سنه معاوتی تکلیفی
قبول بیورلدقچه و یا خود اولباده حق قراری ثابت اولدقچه مصری ترک ایتمه چکی
ودولت علیه فرانسه ایله اتفاق ایتمش اولسه دخی انکلیرلری مصردن چیقارمق
قابل اوله میه جفی نمایان اولدیغندن، شمدی مسئله، خطه مصریه ده حقوق ملکیت
سلطنت سنیه نك بقاسنی بعض شرائط ضروریه ایله تأمین اتمک و یا خود مرور زمانه
بوندن محروم اولمق احتمال قویسنه قارشو مساعد بر فرصت ظهورینه انتظار آستقباله
تعلیق امل ایتمک شقلرندن برینک ترجیحنه منحصر قالوب، البته بعض شرائط ایله
حقوق دولتک بر ساعت اول تأمین اسلم و چونکه ای تالیانک اخیراً مصوعده اتخاذا یلدیکی
قرار بزم ایچون بر عبرت ظاهره اولمسیله مصرک دخی اولوجهابه انکلتره اداره سنده
تقرری تقدیرده سویش قنالتک سربستی استعمالنه دائر یاپیلان مقاوله نامه نك
حسب الشروط حکمدن سقوطیله قنالتک ضابطه سی ده انکلتره نك ید اقتدارنده
قاله رق، دولت مشارالیها لای ایجاب بو طریق بحری بی دولت علیه سد ایده -
بیله چکی و بو حالده خطه حجازیه ایله بمن ولایتی تهلکه ده قاله جفی نظر مطالعه یه
آلتجه شق اولک رجحانی مسلم اوله جغه منبی رأی قاصره گوره اول امرده
ملاحظات معروضه فرانسه دولتیله بوراده کی سفیری واسطه سیله میدان مذاکره یه
قونیه رق حکومت سنیه نك انکلتره دولتیله مصر مسئله سنی بر صورت تسویه یه
ربط ایتمکده اولان مجبوریتی اثبات ایدلد کدنصرکه لوندره سفیری رسم پاشا قوللری
در سعاده جلب و کندوسنه تعلیمات لازمه اعطا اوله رق. لورد سالسبوری ایله بر
صورت تسویه مذاکره سنه پاشای مشار الیهک مأمور بیورلسی و چونکه انکلتره
دولتیله شمدی مذاکره ده درمیان اوله جفی ایکی صورت اولوب، بری مقدما
قرارلشدیرلدیغنی وجهله لای الحاحه مصرک مدافعه سنه انکلتره نك معاوتی تکلیف نك
قبولی و ایکنجیسی مستغنی عرض اولدیغنی اوزره دولت مشار الیها ذاتاً بحر سفیده

مصر مسئله سنه دائر عریضه خصوصیه صورتی

انکلتره عسکرینک مصرده بولنشی عهد و حقوق دوله منافی در. فقط شوراسی
عرض و بیاندن مستفیدرکه جمیع زمانده احکام معاهدات توافق منافع ایله مرعیدر.
تجاوزات استیلا جویانه مستتناً اولمق اوزره بو قاعده تسلیم اولدیغنی حالده مصر
مسئله سنک حل کسب سهولت ایدوب، بالعکس منافع دولیه نك مقتضیاتنه نظر خصمانه
ایله باقلدیغنی تقدیرده او یولده اظهار اوله جق معامله اخذ تارک آثار متقابله سنی
گورمک طبیعیدر. انکلتره نك مصری اشغالی فرانسه نك تونس استیلا سندن
منبعث بر کیفیت اولوب، بوکا صرف حقوقه تجاوز نظر ایله باقیله جق اولسه
انکلتره یه اعلان خصومتدن بشقه بر معامله اوله مزسه ده، بو تجاوزه دولت مشار
الیهانک بحسب المنفعه مجبوریتی تسلیم اولدیغنی صورتده تألیف منافع ایله بلا محاربه
استیفای حقوق ایتمک امکانی ظاهر اولور. فرانسه توسیع ممالک غرضیه جزایر
گی جمله شاهانه دن اولان تونس ایالتی بغیر حق ضبط ایتمش و بو مناسبتله
من القدییم مطمح نظری اولان خطه مصریه نك دخی استیلا سی احتمالی میدانه
قویتمش اولدیغنی حالده دولت علیه فرانسولری تونسدن منع و اخراجه بحسب الحال
قدرتیاب اوله مامش و هندک اقرب گذرگاه وحیدی بولنان سویش قنالتدن
طولای خطه مذکورده نك انکلتره دولتجه اولان اهمیتی درکار ایدو کندن،
دولت مشار الیها بالمسابقه هر نصله مصری تحت اشغال عسکرینه آلمشدر.
بو حالده دولت علیه یالکزجه هم فرانسولری تونسدن و همده انکلیرلری مصردن
جبراً چیقارمق اقتدارینه مالک اولماسنه منبی بویکی دولتدن بریله او یوشوب فرصت
وقوعنده دیکرینه مقاومت اتمک مقتضیات حکمت سیاسی دن ایدو کنه و فرانسه دولتی
تونس اوزرنده اولان حقوق حکمرانی سلطنت سنیه یی طانیمش اولدیغنی حالده
انکلتره دولتی حقوق سنیه یی تصدیق ایله برابر دولت مشار الیهانک مقصدی فرانسه نك
تونس ضبط ایتمسه مقابل و آتیا خطه مصریه یه تعرضه مانع و حائل اولمق اوزره
مصرک مدافعه سنه حق معاوت طلبندن عبارت اولدیغنی آکلا شیلوب، بو ایسه خطه
مذکورده نك الی الابد تحت ملکیت دولت علیه ده مصونیتی تأمین مدار قوی عد

استاتوقونك محافظه سی ایچون آوستریا و ایتالیا دولتریله عقد اتفاق ایتمش اولدیغنه
 و خطه مصریه دخی آق دگزده واقع ممالکدن بری اولمسیله خطه مذکورہ نك
 هر حالده مدافعه سی انکلتزه جه مقرر بولدیغنه بناءً دولت مشار الیها مصری
 بلا شرط ترك ایتك اوزره دولت علیه نك شرائط نافعہ ایله اتفاق مذکورہ دخولی
 ماده لری اوله رق، ایکنجی صورته گوره ایتالیانك مصوعی ترك ایتسی احتمالی دخی
 وارد ایسه ده قننی صورت نزد حکمتوفد جناب شهریاریده رهین تصویب اولور
 ایسه آکا نوفیق مذاکره ایدلمسی و مسئله نك دوامنده موجب احتراز اولان
 احوال دن بریده انکلتزه نك مصری بردها ترك ایتیه چکنه فرانسه نك یقین حاصل
 ایتسیله برابر کندوسی دخی سوریه بی و ایتالیا طرابلس غربی ضبط ایتك اوزره
 دول مشار الیها الله اویشمق طریقته کیتسی احتمالی اولدیغندن، حل مسئله
 همان تشبثه اول امرده سویس قائله دائر اخیراً تنظیم اولنان مقاوله نامه امضا
 و تعطی ایدیلهرک، متعاقباً بروجه معروض فرانسه سفیریه و بعده لورد سالسبورگی
 ایله مذاکره شروع اولمسی صورتلری مطالعه عمیقہ اوزرینه متبادر خاطر عجز
 مظاهر کمتری اولمش ایسه ده ینه هر نه وجهله امر و فرمان حکمتیان حضرت
 ظل اللهی شرفسنوح و صدور بیوریلورسه اصابت آنده اوله جنی محاطلم عالی
 بیورلدقده اولباده وقاطبه احوالده امر و فرمان حضرت من له الامر افدمز کدر .

فی ۱۰ محرم سنه ۱۳۳۶ و فی ۵ ایلول سنه ۱۳۰۴

۳۵۶



مصر مسئله سنه دائر جواباً عریضه خصوصیه صورتی

مصر مقاوله نامه سنك داعی اعتراض اولان نقطه لرندن اك مهمی خطه مصریه
 اوزرنده اولان حقوق مقدسه سلطنت سنیه به انکلتزه دولتک تشریحی ماده سی
 اوله رق، بو کیفیت عالم اسلامیه قارشو ولی نعمت بی متمز ذات خلافتسات افدمز
 حضرتلرینی مشکل بر موقعده بولندیره جنی گبی، انکلیرلرک مصری بلا شرط تخلیه
 ایتلری دخی مخاطره متقدمه کترانه مه کوره دولت علیه نك اتفاق مثله دخولنه
 موقوف اولوب، حالبوکه دولت علیه بو اتفاقه کیرمکه فرانسه و روسیه دولتلرینی
 کندوعلینه دعوت ایتمش اوله جغندن، دولت علیه جه اك خیرلو مسلك بوکونه قدر
 اولدینی گبی سربستی حرکتی محافظه ایله ایلروده بر محاربه ظهورنده قننی طرفده
 بولمینی منفعتیه موافق گورر ایسه اوجهته میل والتحاق ایتکدن عبارت ایسه ده،
 مع مافیه شمیدین اتفاق مثاث مذکورہ التحاق حالنده ممالک محروسه شاهانه
 روسیه و فرانسه دولتلرینه قارشو حال مخاطره دن نه صورتله محافظه اولنه بیله چکنه
 و دولت علیه نك اتفاق مذکورہ نه شرطه و نه گبی منافع مقابلنده التحاق ایده چکنه
 دائر مطالعه مخصوصه عیدانه مک موضحاً عرضی مابین هایون ملوکانه باش کتابتی
 جانبدن فی ۱۱ محرم سنه ۱۳۰۶ تاریخلو تذکره خصوصیه ایله تبلیغ اولنان ارادات
 حکمتینات جناب پادشاهی احکام جلیله سندن اولوب، عرض و بیاندن مستغنی اولدینی
 اوزره مصرک انکلیر عسکر نندن تخلیه سی شرطیه لیدی الحاجه مصرک مدافعه سی چون
 انکلتزه نك دولت علیه به معاوتی تکلیفک قبولی آتیده دیگر بر دولتک مصره
 تجاوزی احتمالک دفعی مقصدینه مبنی اوله رق، بومعاونتک استعمالنه مستقبلا
 بر سبب وقوعی بیله مأموله اولیوب حالبوکه انکلتزه دولتی ایوم مصرده بالفعل
 اشتراک حالنده بولدیغنه و مقدما انکلتزه نك اکتساب معاوتی ضمنتده قبریس
 جزیره سنك اداره سی بیله حسب الايجاب دولت مشار الیها به تسلیم اوله رق اولباده
 عقد اولنان مقاوله نامه داعی اعتراض اولدیغنه نظراً، شمدی انکلتزه نك مصرده
 اعلان اشتراکک آتیده لیدی الحاجه قول معاوتی قدینه تجویبلا

مصرک انکلیز عسکرندن تخلیه سی جمله موفقیات جلیله حضرت خلافتناهدن اوله جغندن، بونک جمله عندده موجب تکران اولسی مأمولدر .


انکلتره نك مصری بلا شرط تخلیه ایتسیچون دولت علیه نك اتفاق مثله دخولی بحثه کلنجه : بواتفاقک روسیه یه اصلا جهت تعلق اولیوب ، مجرد فرانسه نك بحر سفیده مطمح نظری اولان مملکتاره تعرضی منع ایله دول ثلثه نك کندو منفعتلری محافظه ایتک مقصدینه مبنی اولدیغنه و اشبو دولتلرک الچوکی ایتالیا دولتی اولدیغی و فرانسه یی ازجاج ایده جک بعض معامله سرکشانه بولدیغی حالده فرانسه دول متفقہ نك قوتنه قارشو ایتالیا علیهنده برکونه حرکت تعرضیه متجاسر اولدیغنه نظراً، دولت علیه نك دول مشار الیمه التحاقی حالده برقاتدها تزايد ایده جک اولان اشبو قوه مجسمه نك قارشوسنده فرانسه پک کوچک قاله رق ممالک شاهانه نك هیچ بر نقطه سنه تعرض ایده میه جکی درکار و روسیه دولتی، دولت علیه نك اشبو اتفاقه التحاقندن ممنون اولزسه ده بالذات روسیه علیهنده اوله رق دولت علیه ایله انکلتره بیننده عقد اولنان قبریس معاهده سندن مغیر اولوبده برشی یاپه مدیغی و بالعکس انکلتره نك رقابتی تحریک ایله دولتین فحیمتین بیننده کی مناسبی تزیید ایچون دولت علیه یه دهها زیاده مائرمودت ابرازینه مجبور اولدیغی گی، کندوسنه تعلق اولیان براتفاقندن طولای دول متفقہ یه قارشو دولت علیهنده برکونا حرکت خصمانه ده بولنه میه جغنی دخی شمدی یه قدر بلغار امارتنه بیله اوله بر معامله ده بولنه مامسیله مستدل اولوب، مع مافیه دولت علیه اشبو اتفاقه داخل اولوب اولما مقده مختاردر، شرط اتفاق بحر سفیده استاتوقونک محافظه سنه مبنی اولدیغندن ، دول متفقہ دن هربری دیگرینک آق دگرده کائن ممالکنه تعرض ایتماک و آخر بردولتی تجاوز ایتدیرمامک دیمک اولوب ، دولت علیه بو اتفاقه داخل اولوق ایستدیکنده بروقت معینده مصرک انکلیز عسکرندن تخلیه سی شرطندن بشقه تونس ایله جزایر حقدیه بعض قیود درمیان اولنسی لازمکه جکی بدیهی در . بو اتفاقک منافی جهت نقل مطالعه اولتنجه مصرک حال سابقه ارجاعندن بشقه یونستانک گرید ایله یانیه یه تجاویز و آوستریانک سلانیکه امتدادی و ایتالیانک آرنادولق ایله طرابلس غریبه تعرضی . فرانسه نك سوریه یی استیلاسی و امور مالیه مزه دول اجنبیه نك مداخله سی اندیشه لری برطرف اولغله برابر، داخل ممالک شاهانه ده بودولتلرک تسویلاتندن منبعت و مخا آسایش حالات و مشکلاتک اندفاعیه دهها آز مصرفه اداره مملکت امکان

ایدرک، دولت علیه نك تزیید قوت و مکنتنه فرصتیاب اولسی محسناتنه مقابل دول متفقہ نك امور داخلیه مزک اصلاحاتنه دائر بعض وصایاده بولنملری احتمالی دخی وارد اولوب، مع هذا دول مشار الیهدن هربری کندو مملکتنده نه وجهله مستقل و حریت حرکتی محافظ ایسه دولت علیه نك اولوجهله استقلالی شرطی محافظه اولنیه یله جکندن، مارالذکر اتفاقه التحاقک لزومی تحقق ایدر ایسه او حالده ایشک هرجهتی دولتجه تدقیق ایدیه جکی بدیهی در .

الحالة هذه رأس مسئله انکلتره حکومتک مصرده بلا مقاوله دوام و تقرینه میدان ویرمیهرک مصر اوزرنده اولان حقوق سلطنت سنیه نك تأمین قضایه سی ایدوکندن ر اولجه عرض عتبۀ علیا قلندیغی وجهله انکلتره سفیریه اولان مصاحبتده دولت متبوعه سنک مصر مسئله سنه دائر تکرار در سعادتده مذاکره یه کبریشمکه میال اولدیغی کلاشلدیغندن، لوندره سفیری رستم پاشا قوللرینه یا تعلیمات مفصله ارسالیله و یا خود کندوسی برماه مدته در سعادتده کلکه ماذونیت طلبنده بولتدیریله رق شایان بیوریله جق مساعدۀ سنیه اوزرینه بورایه جلب ایله مسئله نك اولیات و تفصیلاتنه دائر معلومات کافی اعطاسیله عودتسنده لوردیسالسیوری ایله اراده سنیه حضرت شهنشاهی دائره سنده برصورت تسویه قرارلشدیرمغه مشار الیهک مأمور ایداسی مناسب گی مطالعه اولنمش ایسه ده یزه هر نه وجهله اراده و فرمان بیوریلورسه اصابت آنده اوله جغنی محاطعلیم عالی بیورلدقده اولبابده و قاطبۀ احوالده امر و فرمان حضرت ولی الامر افندمز کدر

فی ۱۳ محرم سنه ۳۰۶ و فی ۸ کانون اول سنه ۳۰۴

۸ اول اول سنه



بولنمش ایسه او حالک محافظه سی دیمک اولوب، بوشرط دول متفقہ حاضرہ ایچون کافی ایسده ممالک شاهانه دن اولان مصر وانکلتره نك تحت اشغالنده وتونس ایله جزایر فرانسه نك ید خبط واستیلاسنده و دولت علیه نك پروتستوسی تحتده بولنمشه منی سلطنت سنیه نك اتفاق مذکورہ التحاقی تقدیرده مصرک بروقت معینده تخلیه سی شرطنه وقت مرهوننده تونس و جزایر ولایتلرینک دولت علیه جه استردادی حقوقک محافظه اولدینغی قیدینک علاوه سی لازمکه چکی بدیهی ایسده عرض وییادن مستغنی اولدینغی اوزره اشبو اتفاق کیفیتی رأساً دوشونش بر مسئله اولیوب، مصری انکلتره یه صلحاً ترك ایتدیرمنک چاره سی مطالعه سننده متبادر اولان ایکی صورتدن بری اوله رق عرض قلمش و بوده حین حاجتده مصرک مدافعه سیچون انکلتره نك معاوتی شرطنک نزد همیون ملوکانده رهین جواز اوله مامسندن ناشی چاره دیگر اولمق اوزره تخطر ایدلمش اولدینندن، و اولبایده شرفواقع اولان سوال عالی اوزرینه اشبو اتفاق فوائدی تأمل اولدینغی صره ده دول متفقہ نك امور داخلیه مزك اصلاحاتنه دائر بعض وصایاده بولنماری احتمالی دخی نظر مطالعه دن دورطو تلامش ایسده، بونك ماهیت و اشکالک کشفی قابل اولیوب، مع مافیه دول مشار الیه م مقصد اصلیلری موازنه دولیه یه لزوم قطعیمی بدیهی اولان دولت علیه نك تزاود قوت و مکنتیله محافظه صاح و مسالمت عمومییه معاوتی قضیه سی ایدوگندن وقوعی احتمالی ملاحظه اولسان و صایانک بومقصدہ متعلق اولمی لازم کلوب، تقدیری ده هر حالده رأی و اراده سنیه جناب پادشاهی یه منوط اوله رق، بونده رسماً بر کرنا مجبوریته اوله میه جنی درکاردر .

ایتالیانک حاله کنجه قدیماً دولت علیه ایله ایتالیا بیتنده برگونا ماجری اولدینغی حالده دولت مشار الیه نك برمدتدنبرو بعض ازعاجات و تجاوزاتده بولنمی مطالعه عاجزی یه کوزه کندو حسابنه دکل، متفقلرینک خاطرینه منی اولمی اقتضایدوب، مقدا مصر مسئله سنه دائر تنظیم اولنان مقاوله نامه نك تصدیقی منع ایتک تصدیله فرانسه سفیرینک عتبه عالیای شاهانه یه تقدیم ایلدیکی عریضه ده حین حاجتده مصرک مدافعه سی ضمننده انکلتره نك معاوتی شرطنک قبولندن توقی ایله مصرک انکلتره عسکرندن تخلیه سی خصوصنده فرانسه نك معاونت مادیه و معنویه سنه اعتماد بیورلمسی عرض و تذکار و آلمانیسا و اوستریا دولتری مارالذکر مقاوله نامه نك منافع دولت علیه یه موافق اولدینغک بیانیه تصدیقی بوضیه و اخطار قلمش ایدوگندن مقاوله نامه نك

مابین همایون باش کتابتنه

تذکره خصوصیه

دولت علیه نك بحر سفیده استا توقونک محافظه سی مقصدیله منعقد اولان دولثه اتفاقنه نه شرطله و نه کبی منافع مقابلنده التحاق ایده چکی حقنده کی مطالعه عاجزانه مک عرضی امر و فرمان بیورلمسی اوزرینه اولبایده تنظیم و تقدیم اولنان مخطرہ ثنوری مشمول لحاظه دقایق افاضه جناب ملکداری اوله رق، اشبو مخطرہ نك شرط اتفاقه دائر فقره سننده معروض اولدینغی وجهله کرک تونس و جزایر حقنده درمیان ایدلمسی لازمکلان قیوده و کرک دول متفقہ طرفندن توصیه اولنمی ملحوظ اولان اصلاحات داخلیه نك ماهیت و اشکالنه متدائر ایضاحات لازمہ نك و برده ایتالیا دونماسنک تکرار از میره کلمک اوزره بولندیغی و در سعادت ایتالیا سفیرینک بانق عثمانینک تفتیش حساب و معاملاتی حقنده خارجیه نظارت جلیله سنه تبلیغاتی حاوی تذاکر خصوصیه معروضه مندرجاتی ایتالیا دولتنک دولت علیه یه قارشو سوء نیاتی بر قاتدها اظهار ایتکده اولسلیله، دولت علیه نك کندوسنه بویله آچقندن آچیغه اظهار خصومت ایدن بردولتنک داخل اولدینغی دائره اتفاقه دخوله نه صورتله میل ایده بیله چکی و آندن صکره اشبو آثار خصومتک نه صورتله زائل اوله جنی شایب تدقیق و ملاحظه اولدینندن، بوبایده کی مطالعاتک عرض عتبه علیا قلمسی و مسئله مصریه ایچون مخطرہ مذکورده محرر شقیندن اولکی وجهله لوندره سفیری رستم پاشا حضرتلرینه مفصل و موضع تعلیمات ارسالی و مناسب اوله جفندن، سلطنت سنیه نك منافع و آرزوسنه موافق و انکلتره دولتنک دخی قبول و موافقتنه صالح برصوت تعدیلیه قلمه آلنهرق اولبایده تنظیم اولنه جق تعلیمات مسوده سیله برابر عرض و تقدیم اولنمی حقنده شرفتعلق بیوریلان ارادات حکمت آیات جناب خلافتپناهی بی مبلغ فی ۱۳ محرم سنه ۳۰۶ تاریخلو تذکره خصوصیه علیه لری آندی. بحر سفیده استا توقونک محافظه سی اساسنه مستند اولان اتفاق، تاریخ اتفاقده آق دکزده کائن ممالک نه حالده و قتی دولترک تصرفنده

تصدیق بیورل مامسی کیفیتی نزد دولت علیه فرانسه نفوذینک تفوقه حمل واسناد اوله رقیب دیگر دولترک و با خصوص فرانسه نیک رقیب قویسی اولان آلمانیا ایله انکلتزه نیک اولانده بعض مرتبه اغبررار لرینی موجب اولمش اولمسیله ایتالیانک اولوق تدنبرو رونما اولان معاملات و خصوصیه فرانسه یه میدان او قورجه سنه حرکاتی فرانسه نیک دولت علیه یه وعدایتش اولدینی معاونتک ایفاسنه عدم اقتدارینی اثبات ایله بوراچه فرانسه نفوذینک از الهسی مقصدینه مبنی اولدینی آکلایلوب و حد ذاتنده ایتالیانک اودرجه اهتتی اولیوب متفق اولان دولترایله دولت علیه بیننده مناسبات دوستی حسن محافظه اولندجه ایتالیانک کندو باشنه برشی یا بمسک احتمال اولدینی و مصر مسئله سنه دأر انکلتزه دولتیله مذاکره شروع اولنسی اول امرده سویس قنالتک سربستی استعمالی حقنده تنظیم اولنان مقاوله نامه نیک امضالمنسنه متوقف اولوب، بونک اسبابی ده استکمال ایدلمکده اولدینی مثللو بر طرفدن دخی بر موجب اراده سنیه مسئله مصریه یه دأر سلطنت سنیه نیک منافع و آرزوسنه موافق و انکلتزه دولتنک قبول و موافقتیه صالح بر صورت تسویه تعدیلیه قلمه آلنه رقی لوندیره سفارت سنیه سنه کوند رملک اوزره تنظیم اولنجه حق تعلیمات مسوده سیله برابر عرض و تقدیم قانسه جنی درکار اولمغه خاکپای هایون ملوکانه یه عرضی متمنادر اقدام

فی ١٤ محرم سنه ٣٠٦ و فی ٩ کانون اول سنه ٣٠٤



مصر مسئله سنه دأر عتبه سنیه یه تقدیم قناتن عریضه خصوصیه

خدمت مستوجب المفخرت صدارتده کچوریلان شو درت سنیه یه قریب مدتک اوروبا پولتیقه سنک ال بحرانلی زمانه تصادقندن ناشی منافع سیاسیله ری مختل اولان دولترک تمایلات انقلابجویانه لر یله بونلره قارشو صلح و مسالمت عمومیه نیک محافظه سی قیدنده هم افکار بولنان دیگر دولترک مسلك سربستانه لر یه میاننده دلالت سلامت فایت حضرت خلافتیناهی ایله اتحاد اولنان خط حرکت بی طرفیده دول مشار الیهمدن و یا دیگر طرفک پولتیقه سنه هدف اولمق تهلکه سنندن ممالک شاهانه نیک تأمین مصونیتی امرنده ذهنک علی التوالی توغل و اشتغالندن بی تاب اولان وجود کترانه مک دکنمکه درکار بولنان احتیاجی، مرحمت سنیه شهنشاهی یه سزاوار اوله جق درجه یه واصل اولمش اولدینی حالده هنوز تسویه پذیر اوله میان مسائل مهمه سیاسی آراندده استرحام عفو عالی یه مجاسرت عییدانهم شیمه فدا کاری و عبودیتیه منافی ایسه ده، هیئت اداره نیک خلاف کیرانی اولان بندگنک امور اداره یه مداخلاتی اکثریا مصالح حکومت سنیه بی تعطیل وسکته دار و با خصوص مسائل سیاسیله ده اضاعه حقوقه بادی اوله جق مرتبه دولتی اضرار ایتمکده اوله رقی، بو حالک مسؤلیتی ایسه آنلره دکل و کلا قوللرینه و علی الخصوص عبدملوک شاهانه لرینه راجع اوله جغندن، اندیشه مسؤلیت، منجاء خاص و عام اولان ولی نعمت بی متمز پادشاه عالیتبار افدمن حضرتلرینک نظرگاه دقایق اکتناه ظل الیه لرینه عرض حقایق حاله مجبوریت و رمشدر. بو حال ایله امور مالیه و ملکیه نیک مشکلاتندن بشقه شواننده قوللرینه الکیزیده بادی اتعاب فکر واضطراب اولان ماده، مصر مسئله سی اولوب، علم حقایق- شمول جناب شهنشاهی لرینه عرض و بیان حاجت اولدینی اوزره انکلتزه نیک مصری تحت اشغال عسکر یسنه آلمسی هر نه مقصده مبنی اولورسه اولسون، مؤخرآ انکلتزه جه خطه مصریه نیک کرک باجمله اها لیسنک اسلام اولسی و گرنک موقع و احوال خصوصیه. سائره سی ایجابجه مطلقا بر حکومت اسلامیه اداره سی جابندن اداره سی لابد ایدوکنه یقین حاصل اولمش اولدیغندن، کماکان دولت علیه نیک تحت ملکیتده قالمق و فقط جزایر ایله تونس کی مصر دخی بر آرا لقی فرانسه طرفندن ضبط اوله رقی بو خطه ده

انكلتره منافع تجاريه سنك اخلالى و بر غائله زماننده انكليز دونمانسه سويش قانك
 سدئ احتمالى مثللو محاذيره محل قالمق ايچون مصرك هر حالده تعرضاتدن مصونيتي
 ضمنتده لى الحاحه انكلتره نك دولت عليه فعللاً معاونته مآزون اولسى شرطيله
 عسكرينك بر مدت معينه ظرفنده مصردن چكلمسنه موافقت ايش و اولبايده انكلتره
 مي خصيله جريان ايند مذا كره مجلس و كلانك تدقيقاتندن كچرك بر مقاوله نامه
 دخى تنظيم و امضا ايدلمش ايكن ، فرانسه نك مصر حقنده كى آمال سياسيه سنه سد
 چكن اشبو مقاوله نامه نك محتوياتى فرانسه سفيرى مغاير حقيقت معناده تفسير ايله
 افكار هميون ملوكانه ده ذكر اولنان مقاوله نامه نك دولت عليه جه مصردن بتون
 بتون قطع علاقه ايدلمسنى استلزام ايدى چكى زميننده بر حكم حاصل ايدرك ،
 تصديقندن امتناع بيورلمش و بو حكم اليوم افكار معالى آثار شهنشاهيده باقى اولسنه
 مبنى انكلتره نك موافقتى حاصل ايدى چك يولده ديگر بر مقاوله تنظيمى دخى ممكن
 اولمامش اولديغندن ، مقدا قراليجه حضرتلى طرفندن مصدق اوله رق كمش اولان
 مذكور مقاوله نامه نك بلا تعاطى رد ايدلمسندن متأثر اولان انكلتره حكومتى ،
 كچه بر گونا اثر اغبرار اظهار ايتمامش ايسده بوئانده مشهود اولان بعض اماره لره
 نظراً انكلتره نك نفوذى تحتنده دائر اولان اداره مصرينه نك يواش يواش بر حكومت
 مستقلة طور و مشاورينى المقدمه اولسى انكلتره دولتك بوروشله حكومت مصر يه
 مستقبلايه كسب استقلال ايتديره رك مصرك تعرضاتدن مصونيتى متضمن اولان
 و بزجه رد و دريغ اولنان مقاوله نامه نك دولت عليه حقنده دخى جارى اولمق اوزره
 مصر حكمدار يله عقدى صدنده بولمى ملاحظاتى عبد مملوك شاهانه لرينه يادى .
 آميتيه واضراب عظيم اويب . عدله تعالى بويه رحلت و قوتتمه حجازيه بحر
 قصصت مقدسه مى تحت محاصره ده بولمى چكى . مصرك استقلالى بلغارستانك دهر
 بعده ماكدونيا ايله برابر كسب استقلال ايتمى مستلزم و او حالده حسب الموازه
 روم ايللى نك قطعات ساروسينك ده ديكر حكومتلر ييننده منقسم اولسى احتمالان
 ذهن قاصر جه فوق الغايه موجب ازدياد جور و اذا اوله رق ، ا كچه مصر مسئله نك
 يكي دن مذا كره سنه انكلتره حكومتى اماله ايله مقدمكى اساس دائره سننده يه
 شمدى بر مقاوله نامه عقدى اولكى قدر آسان دكل ايسده ينه امكان تحتنده اولوب ،
 فقط مقدا تنظيم و امضا اولنان مقاوله نامه حقنده كى حكم شاهانه باقى اولدغه
 او اساسهم كوره انكلتره دولته ديكر مقاوله نامه قبول ايتديرمكدى قوللرى

بولديغ جهته ، چونكه منافع دولت هر شئه مقدم و محافظه شان سلطنت سنه
 و مملكت الزم اولديغندن . بندكان شاهانه دن هر كيم بلا شرط مصرك انكليز عسكر نندن
 تخليه سنى متضمن بر مقاوله نامه عقدينه انكلتره حكومتى اماله يه مقتدر اولور ايسه
 قوللرى دخى از جمله متشكر و متبدا ر اوله جغمدن ، وقت فوت اولزندن اول محاذير
 ملحوظه معروضه نك او كى آلمق ايچون ايجاب حالك اجراسنه مساعدئ سنه
 حضرت خلافتنا هيلرينك شايان بيورلمسى ضمنتده عرض حقيقت حاله اجترأ و بو
 وجهله اعتراف عجز و قصور ايله جهه عبوديت و تضمرعات مملوكانه م نقش باى ميامن
 پيمائ شهنشاهيرينه موضوع اولديغى حالده عفو و مرحمت سنه يه التجا ايلديكم
 محاط علم جهان آراى جناب جهاندارى بيورلدقده اولبايده و قاطبه احوالده امر
 و فرمان حضرت من له الامر افدمز كدر .
 فى ۲۲ تموز سنه ۳۰۵



SISMANOGLIO MEGARO

مصر مسئله سنه دأر مابین همایون باش کتابته تذکره خصوصیه

مصرک انکلیز عسکرندن صورت تخلیه سی حقنده لورد سالسبوری ایله جریان ایدن مکالمه نك تفصیلاتی حاوی لوندرو سفیری پاشا حضرتلرندن وارد اولان تحریراتک ترجمه سی دوزکی کون خارجیہ نظارت جلیله سنک تذکره سیله معاً عرض عتبه علیا قلمش ایدی. تفصیلات مذکورہ دن مستبان اولدینی اوزره انکلتره حکومتی مصرک انکلیز عسکرندن تخلیه سی بختده ایکی صورت درمیان ایدوب، برنجیسی: مصردن بلا مقاوله انکلیز عسکرینک چکلمسی ماده سی ایسه ده، بوصورت لورد سالسبورینک قولنجہ خطہ مصریہ ده انکلتره نك اجراسنه ابتدار ایلدیکی تدایرک صوک نتیجه سنه، یعنی اصول اداره نك کاملاً تنسیقیه مملکتک اصلاحی ومصر اردوسنک کندو باشنه مدافعه مملکتہ کافی ومقتدر اوله جق برحاله ایصالی خصوصاتنه معلق اولسیله، مصرده انکلیز اشغال عسکرینک الی غیرالہایہ دوامی دیمک اولان بو صورت داعی محاذیر اولدینی گبی، ایکنجیسی دخی: مصرک تخلیه سی ایچون بر مقاوله نامہ عقدی اولوب بو بابدہ درمیان اولنان شرط ایسه مملکتی داخلی ویا خارجی بر مخاطریہ قارشو مدافعه ایچون انکلتره دولتک لدی الحاجہ مصره عسکر سوخته مأذون اولسی ماده سنه اولجہ دولتک استحصال موافقتی کیفیتی مقدماتہا اہون شرائطہ تنظیم اولنان مقاوله نامہ یہ اعتراض ایدن فرانسه حکومتی شمعی درمیان اولنان شرطہ قارشو مشکل بر موقعہ بولنه جنی مثللو، دولت علیہ ایله انکلترہ بی دایما اختلاف حالتہ گورمک مقاصد سیاسیہ سی اقتضاسندن اولان روسیہ دولتک دخی شرط مذکورہ مجاناً موافقتی ملحوظ اولدیغندن، بو بابدہ فرانسه وروسیہ دولترنجہ التزام اولنان منافع خصوصیه سیاسیہ مصر اوزرنده اولان حقوق سلطنت سنیہ نك محافظہ سنہ حائل اولمقدہ اولوب مع مافیہ، شمعی فرانسه ایچون شقیندن برینک اختیارندن بشقہ چارہ اولماسنه نظر آ، یاعندالاقضا انکلتره نك مصره عسکر سوتی مأذونیتہ موافقت ایتسی ویا خود انکلیز عسکرینک الی ماشاالله مصرده بقاسنہ قائل اولسی لازم کله جکی جهتہ فرانسه جہ شق اولک ترجیح ایدلسی محتمل اوله رق، اوتقدیرده روسیہ نك دخی موافقتی شرطنک تعدیلی، یعنی موافقت

ماده سنک مقاوله سابقہ وجہلہ آق دکزده ساحلدار اولان دولترہ حصریہ امر تخلیه یه دأر انکلتره ایله بر مقاوله نامہ عقدینہ دولت مشار الیہانک استحصال موافقتی مأول اولوب، عکسی تقدیرده، یعنی فرانسه حکومتی اعتراض سابقندن نکول ایتدیکی صورتہ، چونکہ مصرک بلا مقاوله انکلتره نك تحت اشغال وتحمکنده ترکی حالتہ جوق زمان مرور ایلکسزین خدیویت مصریہ ایلک فرصتن استفاده ایله انکلتره نك معاونت ومظاہرت دائمہ سنہ استناد دولت علیہ دن فک رابطہ تابعیتہ شتاب ایدہ جکی روش حالدن نمایان اولمقلہ، بو محذور عظیمی دفعاً مصرده انکلیز عسکرینک دوامنی قبول ایله و آتیا وقت مرہوننده امر تخلیه یه دولتین بیتندہ بالاتفاق برقرار ویرمک اوزره بر مقاوله نامہ عقدیہ مصر اوزرنده اولان حقوق ملکداری سلطنت سنیہ نك ممکن اولدینی قدر محافظہ سنہ مسارعت و بوجبوریتک شمیدن فرانسه حکومتہ بیانیلہ مارالذ کر ایکی شقندن برینک اختیارینہ دعوتلہ، آله جق جوابہ کورہ حرکت ایدلسی ایجاب حال و زماندن اوله رق تخطر اولنمش ایسه ده اول بابدہ ارادہ سنیہ حضرت خلافتناھی ہر نہ وجہلہ شرفسنوح و صدور بیوریلور ایسہ اصابت آندہ اوله جنی و فرمان بیوریلدینی تقدیرده مصلحت برکڑہ ده انجمن خصوصی ویا مجلس مخصوص وکلادہ عریض وعمیق مطالعہ وتدقیق اولنہ رق قرارینک عرض حضور عالی قانہ جنی جهتہ عتبه علیایہ عرضی متمنادر افندم .

فی ۲۰ رمضان سنہ ۳۰۷ و فی ۲۷ نیشان سنہ ۳۰۶



دولت متبوعه سنک ترجمان افکاری اولان مصلحتگذار مومی الیهک اشبو بیانات
 واضحه سنه باقیلورسه مصرک استخلاصه معاونت دکل، بووسیله ایله ممالک شاهانه نیک
 مقاسمه سنی دوشنمکده اولان روسیه دن امداد امید یبهوده اولدینی گی. و قتیله مصره
 دائر تنظیم اولنان مقاوله نامه نیک تعاطیسنی منع ایچون دولت متبوعه سی نامه هر وجهله
 و عدم معاونت ایدن فرانسه سفیری دخی لورد سالسبورینک جو ب اخیرینه کسب معلومات
 ایله لیدنبرو باب عالی یه سیرکجه کلوب اثنای، صاحبته دهده مصره دائر بحثه کیریشمکده
 اجتناب ایتکده اولمسنه نظر آ فرانسه دولتی دخی انکلتزه ایله صورت آخرله او یوشمق
 مجبوریتده بولدینی آ کلاشلمقنده اولمسیله، فرانسه نیک اولبایده انکلتزه دن استحصال
 ایتک ایستیه جکی حق سکوت، دولت علیه نیک بشقه جه ضررینی مستلزم اولمسندن
 حذر اولنور. بناء علیه مادامکه انکلتزه حکومتی دولت علیه ایله دیگر بر مقاوله نامه نیک
 تنظیمی مذاکره سنه کیریشمکی مصر دن انکلیز عسکری چکلدکن صکره وقتاً
 من الاوقات انکلتزه جه یینه مصره عسکر سوقه لزوم کوردیگی تقدیرده حکومت
 مشارالیه نیک بوکا مأذون اولسی شرطنه شمیدن دولت لیک استحصال موافقتلرینه
 تعلیق و بو حاصل اولدقجه مصر معاونت خارجییه محتاج اولمقسزین کندو استقلالنی
 محافظه یه کسب اقدار ایدنجه یه دکن مصر دن عسکر نی حکمیه جکی بیان وتصریح
 ایتشد. بو تقدیرده ایشی مسکوت غنه براقه رق حکومت مصریه نیک مسلک استقلالده
 بول آلمسنه و بوندن طولانی روسیه ایله فرانسه نیک انکلتزه ایله او یوشمه سنه وقت
 و میدان ویرمکدن ایسه انکلتزه حکومتی مقاوله سابقه ده اولدینی وجهله دولت لیک
 موافقتی شرطنی یالکز آق دگزرده ساحلدار اولان دولت لره حصر ایدرسه فرانسه یه
 و اگرچه دول معظمه نیک جمله سنی تخصیص ایلدیکی صورتده سائر دولت لره برابر
 روسیه یه دخی مراجعتله شرط مذکور تکلیف اولنهرق موافقتلری حاصل اولورسه
 فها. اولدینی تقدیرده مصرک انکلیز عسکر ندن تخلیه سی ماده سنه وقت مرهوننده
 دولت علیه ایله انکلتزه دولتی بیتنده بالاتفاق قرار ویرمک قیدیه مصر اوزرنده
 اولان حقوق حکمداری حضرت پادشاهی بی تأمین ایده جک شرایط سائر ایله
 بر مقاوله نامه عقیدینه تشبث ایدلمسی موافق مصلحت اوله جنی تخطر اولمش ایسه ده
 اولبایده هر نه وجهله اراده سنیه حضرت خلافت پناهی شرف تعلق بیوریلورسه
 اصابت آنده اوله جنی محاط علم عالی بیورلدقده اولبایده و قاطبه احوالده امر و فرمان
 حضرت من له الامر افند من کدر. فی ۳ صفر سنه ۱۳۰۸ و فی ۶ ایلول سنه ۱۳۰۶

مصر مسئله سنه دائر عریضه خصوصیه

حد ذاتده حائز اهمیت و نظر دقتدن دور طوتلامسی قوللری ایچون فریضه
 عبودیت اولان بو اددن بری مصر مسئله سی اولوب، اشبو مسئله نیک شمعی یه قدر بر حسن
 نتیجه یه ایصالیه خطه مصریه ده اولان حقوق سلطنت سنیه نیک تأمین اولنه مامسنه
 سبب فرانسه ایله روسیه نیک اعتراض واقعی اوله رق، اشبو اعتراضدن مقصد عجا
 حقوق دولت علیه نیک حسب الموده ده ازیاده تأییدینی در؛ یوقسه فرانسه حکومتجه
 آتیا مصری تونس گی عسکرله اشغال ایده بیلمک ایچون دولت علیه ایله انکلتزه
 دولتی بیتنده عقد اولنهرق مقاوله نامه ده باب استیلانک سد اولنمسی و روسیه
 دولتجه ده دولت علیه ایله انکلتزه دولتی بیتنده او یله بر تجاوز حقوق دعوا سنک
 تسویه پذیر اولمسندن ایسه بقاسی آرزو اولمسندنمی در؟ بورالری شایان تأمل
 اوله رق، شق اوله گوره دولت علیه نیک تأیید حقوقی التزام اولمش اولدینی حالده
 عجا دولت علیه فرانسه و روسیه ایله اتفاق ایتمش اولسه، چونکه انکلتزه نیک ده بشقه جه
 متفقلری اولدیندن، مصری انکلیز اشغال عسکر یسندن جبراً و یا حرباً تخلیص ایتک
 ممکنمی در؛ و ممکن فرض اولنسه عجا فرانسه و روسیه دولت لرنجه بو صورتی اختیار
 اولنور؟ یوقسه صرف دولت علیه نیک منفعتنه اوله رق مال وقان تلف ایتکدن ایسه
 انکلتزه ایله او یوشوب، آخر صورتله استفاده ایتکمی ترجیح قلنور؟ بورالری دخی
 شایسته ملاحظه و تفکر اولوب، کچن هفته: یعنی شهر آغستوسک یگر می سکرنجی
 صالی کونی باب عالی ده روسیه مصلحتگذار یله گوریشدیگی اثناده مومی الیه روم ایلی
 جهتجه حاکم فالغندن بحثله دولت علیه مصری ضایع ایتدیگی گی روم ایلی بی
 دخی الدن چیقاروب آناتولی جهتی بینمزده تقسیم اولنهرق جنی تعیراتی سرد و اتیان
 ایتسیله، مصر اصلا ضایع اولیوب سایه توفیقاتوایه حضرت پادشاهیده روم ایلی
 و آناتولی ممالک شاهانسی دخی مصون اوله رق، بعونه تعالی هیچ بر طرفه یرترک
 اولمیه جنی جوابیله مقابله اولمسی اوزرینه مصلحتگذار مومی الیه گوله رک، آرمزده کی
 یازمخانه نیک اوزرنده بولنان چغراغی اشارتله؛ - بتون ماملکمی شوچینغراغه مقابل
 طوته رق سزکله بحث ایدر و اگر مصره بردها مالک اوله بیلورسه کز بنده دنیاده
 دینجی قالورم. - جوابله ادعاسنی تأکید ایتمش ایدی.

قارشو مشكل بر موقعه بولنه بيلورسه ده، اولاً بوشرك حكمى دائمى الحريان اوليه رق، يالكز وقتاً من الاوقات طرف دولت عليه دن مصره عسكر سوقي ايجاب ايدجك حالات معروضه دن برينك وقوعه متوقف اولديغه نظراً و قبريس مقاوله نامه سنه قياساً اشتراك حقوق معناسنى تضمن ايدميوپ حاله كه ديكرنده جزيره نك اداره سى دخى انكلتره يه ترك و تسليم ايدلمشدر. ثانياً قبريس مقاوله نامه سى آناطولى نك تعرضدن مصونيتنى تأمين ايچون جزيره نك اداره سى انكلتره يه ويرمك مركزنده اولدينى حالده مصر مقاوله نامه سى عين حقوقى تأمين ضمنده مصرى انكلتره دن آلى صددنده اولمسيله، برنجيسى اعتراضه هدف اولديغه نظراً، ايكنجيسى حقدده هيچ برشى دينلما مكم لازم كله چكى دركاردر .

مركز انكليز عسكرندن تخليه سى ايچون انكلتره دولتى طرفدن تكليف اولنان شرط مذكور دن فراغت اولنه مامسى سبينك تدقيقنده نمايان اولديغه كوره، انكلتره جه نظر اعتسادن بر آن دور طوتيله ميان و هيچ برشيئه فدا اولنه ميان ماده حياتيه، سويش قالك انكليز سفانته سد اولنه مامسى مسئله سى اوله رق، بوبابده احتراز اولنان تهلكه ايسه برآ واقع اوله بيله چكندن، بويوك تأمينى درعهده ايدجك حكومه مصر ك ترك و تسليمنده كندوسى ايچون بر نظارت و معاونت حقنى ايقاتمك طلبنده بولنش و اكر چه قالك محافظه سربستيسى حكومت مصر يه عائد ايسه ده، آتياً انكلتره ايله مخاصمه حالنده بولنه جق بردولت طرفدن خديويت اله آلنه رق ويا مصرده بر اختلال ترتيب اولنه رق، قالك سدى ويا خود فرانسه، جزاير و تونس مثللو مصرى دخى استيلا ايدرك انكلتره نك حياتنه حاكم اولسى گي مخاطراتدن امين اولق ايچون امر تخليه نك اجراسندن صكره مصر ك كاكان احوال داخله سنه مد نظر دقت ايدرك، مصر جه ملنزم اولان امنيتى اخلال ايدجك بر حال وقوعنده يا دولت متبوعه ايله برلكده ويا خود يالكز پاشنه تدابير عسكر يه مراجعتله اعاده امنيته شتاب اولمى قضيه سنى بر مقاوله يه ربط ايتك ايتمش ايدى. مباحوث عنه اولان شرك قبولنده تردد اولمى سندن طولايى لورد سالسبورينك بودفعه كى جوابنده: « انكلتره و فوعات ايله كندوسنه تحمیل ايدلمش بروظيفه ايله مكلفدر. بو وظيفه قسماً حرکات سابقه نك و قسماً فرانسه حكومتك اختيارى مناسب گوردى كى حرکات بطاكتكارانه سنك نتيجه سيدر. انكلتره ... من حكومتن اول بو وظيفه يه ايقاتملى در. وظيفه مذكوره نك تمامى اجراسى

مصر مسئله سنه دائر عتبه سنه يه تقديم قلنان عريضه صورتى

معلوم على اولدينى اوزره انكلتره دولتى جواب اخيرنده مصر ك انكليز عسكرندن تخليه سيچون معاد تعيينه يناشمدقدن بشقه حقوق حكمدارى سلطنت سنه يه دخى ياد ايتمه رك هر نه زمان مصر ك اداره ملكيه و ماليه و عسكر يه سى بالترقى كندى كندى مدافعه ايدجك در جهده كسب قدرت و استقلال ايدر ايسه اول وقت مصر دن بالطبع يدحمائيه سى چكيله چكى بيان ايلش و فى الواقع مصر ك شو بولندينى مجراى ترقيده دوام ايله اويله بر نتيجه حاصل ايتمى، يعنى مصر ك چرخ اداره سى كندى كندينه دونمكه باشلا دىنى زمان كندى موقع سياسيسنده حاصل ايتش اوله چنى موازنه مستقوله ايله آريجه معاهده دوليه تحتله كيره رك كسب استقلال ايلسى قويا ملحوظ بولنش اولديغندن، و بوتقديره كوره لاسمح الله مصر ك دولت عليه يه اولان ارتباطى منقطع و اولوجهله مصر اوزرنده اولان حقوق حكمدارى سلطنت سنه ضايع اولمغله برابر، حجاز و يمن ولايات شاهانه سى دخى تهلكه ده بولنه چغندن، مصرى كندى طبيعته ترك ايله ملحوظ اولان او مثللو مخاطراته ميدان ويرلمكدن ايسه هر نه وجهله ممكن اولور ايسه مسئله يه بر مقاوله يه ربط ايله حقوق مقدسه دولت عليه يه انكلتره نك ضمانى تحتله آلى خير لو اوله چنى بديهى اولوب، بو مقاوله نك شكله كنججه: مقدما انكلتره دولتى بر مدت معينه طرفنده مصر دن عسكرى چكمك ايچون در ميان ايلديكى شرط، مصر تخليه ايدلكدن صكره داخل و خارجاً بر مخاطره حالنده بولندينى، يا خود خديويت مصر يه دولت متبوعه سنه قارشو اولان وظائفى ايفادن امتناع ايلديكى تقديره مصر ك طرف حكومت سنه دن عسكر له اشغال ايدلمسى و انكلتره نك دخى دولت عليه فعلاً معاونت و شايد بعض اسباب مانعه دن ناشى دولت عليه عسكر سوق ايتمه جك اولور ايسه انكلتره حكومتى كندى طرفدن عسكر سوقيله اعاده امنيت و دفع مخاطراته اولجه ماذون اولسى مركزنده ايدو كندن، بوشرطه فرانسلر طرفدن اشتراك حقوق معناسى ويرلمش و بناء على اول وقت تنظيم اولنان مقاوله نامه نتمام قالمش ايدى. بوشرط او تفسيرى متحمل اولسه و بوكا موافقه بر گونا محجوريت دخى اولسه اولبايده دولت كندى تبعه

مدتی ارائه ایتک اوزره معین هیچ بر مدت وضع ایدیه مز. بر مدت تعیینه تصدی ایدیلورسه وظیفه مذکور نك اكلانی الی غیرالتهایه تمدید ایتکدن بشقه بر ثمره حاصل اوله مز. فقط شو جزم واعتقادده یمکه بو وظینه ا کمال و مصرک حکومتنه ، اداره سنه، تنسیقات عسکریه سنه و امور مالیه سنه لازم کلان قوت اعاده واعطا ایدلده کده، مصرده رأس حکومتده بولنان بر ذات ایله اهلینک مستفید اوله جقلری امنیت و بو حسدن تولد ایتسی ضروری اولان بلاقید و شرط استقلال آرزوسی انکلز اشغالی بر نتیجه ساله وطیبیه یه ایصال ایله جکدر. « تعییراتی مطالعه و تدقیق ایدلدیکی حالده، انکلتره نك تحت اشغال عسکر یسنده بولنان مصرک بلا مقاوله طبیعتنه ترك اولنسی تقدیرده آتسی نریه منجر اوله جنی بالسهوله آکلاشیه جفندن، یعنی انکلتره دولتی شو حالده مصرک تخلیه سنه مدت تعیینی فکرندن فراغت ایدلدیکی نمایان اولوب، بو کاده فرانسه نك مداخله واعتراضی سبب اولدیغندن، گرچه انکلزلرک معلوم و مجرب اولان طبع و طورینه نظراً، کندولرینه تحویل مسلك ایتدیرمک امکانی کوریله مامکده ایه ده، بو بایده دولت علیه قارشو فرانسه حکومتی مسئول اولسیله انکلتره دولتی نزدنده اجرای تشبثات دوستانه ایله مرضی عالی جناب جهانبانی دائره سنده برقرار حصوله لورد سالسبوری بی اماله یه فرانسه توسط اوله نرق، بوندن بر حسن نتیجه حاصل اولور ایه فه، اولدینی تقدیرده وقت مرهوننده انکلز عسکرندن تخلیه سی خصوصه دولت علیه ایله انکلتره حکومتی بیننده برقرار ویرمک شرطیه مصر اوزرنده اولان حقوق سلطنت سینه نك محافظه و تأمینته مدار اوله جق قیود لازمه ایله بر مقاوله نامه عقدینه تشبث اولنسی ضروری اوله جنی تخطر اولنمش ایه ده، اولبایده اراده مله میت افاده حضرت خلافتناهی هر نه وجهله شرفسوح و صدور بیوریلورسه اصابت و حکمت آنده اوله جنی محاط علم عالی بیورلدقده اولبایده وقاطبه احواله

فی ۹ ربیع الاول سنه ۳۰۸ و فی ۱۱ تشرین اول سنه ۳۰۶

عتبه سنیه یه عریضه خصوصیه صورتی

مصر مسئله سنه دائر انکلتره دولتندن اخیراً آلتوب ترجمه سی عرض حضور عالی قلمش اولان جواب رسمی نك مندرجاتیه بونی تعاقب ایدن سائر ادله و امارات، مصر اوزرنده اولان حقوق سلطنت سنیه یی بر حال تهله کده کوسترمکده اولدیغندن و اگرچه مصرک انکلتره عسکرندن تخلیه سی ماده سی آتی یه تأخیر اوله نرق شمیدلک یالکز حقوق حکمداری حضرت پادشاهی بی تأمین ایده جک شرائط ایله بر مقاوله عقد اولنورسه، بعده امر تخلیه یه دائر دیگر مقاوله نامه عقدیه مقصد اصلی دخی حاصل اوله بیله جکندن، اول باول حقوق مقدسه شاهانه نك تأمین و فقط حکومت مصریه گوندن گونه طریق استقلاله خطوه انداز اولمده اولسی حسیه اولبایده بر شی یاپه بیلیمک امید ی آن بآن کسب ضعف ایتکده اولسیله، بو بایده اوله جق تشبثاتک تسریعی نه درجه مقتضی ایدوکی عرض حضور عالی قلمش ایدی. بو خصوصک بر انجمن مخصوصه تدقیقی حتمده موعود اولان اراده سنیه حضرت خلافتناهی هنوز شرف صدور ایتیب، حالبوکه بوتشبات مقتضیه اوگمزده کی شهر حزیراندن صگره قاله جق اولورسه فرصت فوت اوله جنی حس اولمده اولدیغنه و چونکه بو بایده اهل و قوعی چوق بر زمان مرور ایتکسزین خطه مصریه نك الدن کیتمسیه برابر، بحر احمرده کائن ممالک شاهانه نك و بالتبعیه معاذالله تعالی خلافت سنیه نك دوچار تهله اولسنی انتاج ایده جکی گی، بو صورتله آق دگن موازنه سنک تغیری، جناب حق مصون ایله، ممالک شاهانه جه ده سائر تحولاتی مستلزم اوله بیله جکنه نظراً، گرك ولی نعمت بی متمز ذات شوکتسات افدمز حضرتلرینه و گرك دولت علیه لر یه ملت اسلامییه قارشو بویه بر حالک مسؤلیتی قوللری یالکزجه تحمل ایدمیه جکم جهته، مسئله یه دائر جریان ایدن اخبارات ایله اولبایده اولان استطلاعات کترانه می هیئت وکلانک پیش نظر تدقیقنه وضع ایتک مجبوریتده بولدیغمدن، اولجه فرمان بیورلدینی وجهله مسئله نك بر انجمن خصوصیه تدقیق و مذاکره سیله نتیجه سنک خاکبای همون ملو کانه یه عرضنه مساعدت سنیه شهنشاهی لری شایان بیورلسی استرحامنه اجتسار اولنغین اولبایده وقاطبه احواله امر و فرمان حضرت من له الامر افدمز کدر.

فی ۲ ذی القعدة سنه ۳۰۸ و ۲۸ مایس سنه ۳۰۷

و یا خود تخلیه مقاوله سی مذا کره سنه کیریشله کده شرائطی تشدید و یا خود زمان تخلیه پک زیاده تطویل اولنماق و یا دها سائر مشکلات و مخاطرات حدوث ایتمامک ایچون براساس امینه بنای حال ایدلسی اعتقاد عاجزانه گوره الزم و مستعجل اولوب، شمذیک محفوظیت حقوقه متعلق تأمینات اخذیله اکتفا ایدیلوبده مقصود بالذات اولان تخلیه خصوصنی مقاوله آتیهه تعلیق ایلمک مقصده موافق کوریله مدیکی جهتهه تأیید حقوق، تعیین زمان تخلیه مطلبارینه بر لکده تثبیت اولنسی مطالعه - سنه یم. انکلتیره، تخلیه به برمدت تعیینی تکلیف اولنه حق اولسه حکومت مشار الیهاردی متضمن اولان تقرر سابقه عطف ایله جواب ویره جکی حقنده اکثریت طرفدن بیان اولنان افکار، واقعا مهم و شایان نظرایسه ده مذا کره به تثبیت اثناسنده صرفی طبعی اولان مساعی و لازم الارائه گوریلان اسباب امنیت دلاتیله حکومت مشار الیهانک تقرر سابق محتویاتنده ثباتی برطرف اوله بیله جکی ملحوظدر .



عریضه خصوصیه عاجزی اوزرینه شایان بیوریلان مساعده سنیهه بناء انجمن مخصوص عقذیله مذا کره مصیحت اولنش ایدی . صدراسبق سعید پاشا حضر تارینک ۸ ذی القعده سنه ۳۰۸ و ۱۶ حزیران سنه ۱۳۰۷ تاریخلو مضبطهیه ملفوف اولان مطالعه لرینی حاوی ورقه صورتی :

مصر مسئله سنک معلقتی نه قدر اوزار ایسه مخاطره سی او نسبنده تراید ایده جکی بداهتنه نظراً دها زیاده زمان کچمکسزین بر صورت تنظیمه عقدی فرائض اموردن بولندینی جای بحث و اختلاف دکلدر. فقط بیک سکز یوزسکسان درت سنه سی حزیراننک اوزبشی و اون آلتیسی تاریخلریله انکلتیره و فرانسه دولتری بینده تعاطی اولنان تقررلرده، انکلتیره حکومتی بولتیقه سنی هر گونا شک و اشتباهی ازاله ایتمک اوزره و فرانسه حکومتی طرفندن وقوع بولان بیاناته مبنی کندو عسکرینی بیک، سکز یوز سکسان سکز سنه سی اوائلنده کیرو چکمه موافقت ایدر؛ عباره سی موجود ایدی. حال بویله ایکن انکلتیره بر سنه صکره موسیو وولفک مأموریتیه عقد ایتدیکی ایلمک مقاوله ده، زمان تخلیه بی مسکوت عنه بر اقوب، بوباده ایلروده بر مقاوله یاییلمسی شرطنی علاوه ایتمش و لورد غرانویلمک حسن فهمی پاشاه و یردیگی لایحه ده، لدی الحاجه مصره طرف سلطنت سنیه دن قوه بریه و بحریه سوقی، فقره سی موجود ایکن ینه موسیو وولفک و ساطتیه عقد اولنوب، تعاطیسی تأخر ایدن ایکنجی مقاوله ده، «وقت حاجتده دولت علیه ایله انکلتیره دولتک مشترکاً مصرجه مداخله عسکریه اجرا ایللری فقره سی قونلشدر. » بو صورتله بو مثللو تأمینات دولیه نك تغیر احوال ایله تبدل ایتدیگنی کوستریور؛ و حتی خطه مصریه ده حقوق حکمرانی دولت علیه نك محفوظیتی دولت مشار الیها، مصری اشغالندن صکره تحریراً و مکرراً بیان ایتمشیکن، شمذی تأمین حقوق ایچون سند جدید استحصالی احتیاجنده بولنمسی دخی قضیه مشروحه بی مؤید کورینور . او جهتهه بو دفعه کی صورت تنظیمه نك حکمنه دخی حیولت عوارض ایله خلل گلمامک

صدر اسبق سعید پاشا حضر تارینک فی ۶ ذی القعدہ سنہ ۳۰۸ و فی ۱ حزیران سنہ ۳۰۷ تاریخیلہ عرض حضور عالی قتلان انجمن خصوصی مضبطہ سنہ ملفوف ورقہ دہ محرر مطالعہ لرینہ جواب اولہرق طرف صدارتدن عرض و تقدیم قتلان مطالعہ صورتیدر :

فرانسہ حکومتک بیانانہ مبنی انکلترہ حکومتک کندو عسکرینی بیک سکزیوز سکسان سکز سنہ سی اوائلندہ گبرو چکمگہ موافقتی دولترک حصول رضاری قیدیلہ مقید و بناء علیہ اولبایدہ دولترلہ برقول و قرار تنظیمی مقدر ایدی. امر تخلیہ دائر موسیو وولف ایلہ تنظیم اولنان مقاولہ اخیرہ دہ تعیین قتلان مدتک نہایتی تاریخ مذکورہ موافق وینہ دولترک رضاسی قیدیلہ مقید اولدینی گی، حالا بوگونکی گون حکومت مشار الیہانک امر تخلیہ بی تعلیق ایتدیکی مادہ، دولترک رضاسی قیدی اولوب، راضی اولیان دولت ایسہ فرانسہ حکومتی در. بو قیدک حکمی اولیوبدہ انکلترہ نک بر وجه محرر بیک سکزیوز سکسان سکز سنہ سندہ عسکرینی کبرو چکہ جکنہ دائر اولان بیاناتی کافی و اولبایدہ مقاولہ عقدی بی لزوم ایدیسہ، بو خصوص ایچون حسن فہمی پاشا مأموراً انکلترہ گوندرلما ملی ایدی. ثانیاً مادامکہ لورد غرانویک پاشای مشار الیہہ ویردیگی لایحده لدی الحاجہ مصرہ طرف سلطنت سنیہ دن قوہ بریہ و بحریہ سوقی فقرہ سی موجود ایدی؛ او حالہ بو تکلیفک بلا توقف قبولیلہ انکلترہ دولتی طرفدن لدی الحاجہ مصرہ عسکر سوقی تکلیفک وقوعہ محل بر اقلما ملی ایدی. مع مافیہ تعاطیسی تأخر ایدن مقاولہ دہ؛ وقت حاجتہ دولت علیہ ایلہ انکلترہ دولتک مشترکاً مصرجہ مداخلہ عسکریہ اجرا ایلری فقرہ سی قونلدینی، قولی غلط اولوب، طوغریسی : دولت علیہ نک مصری عسکراہ اشغال ایتک حتی استعمال ایلیہ جکی و احوال مشروحدہ انکلترہ حکومتی دخی مصرہ عسکر سوقہ مآذون اولوب، شاید بعض اسباب مانعہ دن طولانی حکومت سنیہ مصرہ عسکر سوق ایتدیکی تقدیردہ بر قومیسر بولندیرہ جنی مضرح و بوجہنہ انکلترہ نک ایفا ایدہ جکی خدمت دولت علیہ یہ مجرد بر معاونتدن عبارت اولہرق.

اشترک حقوق معناسی تضمن ایتیمہ جکی بشقہ جہ ویریلان بیاننامہ ایلہ مؤیددر . « تأمینات دولیہ تغیر احوال ایلہ تبدل ایدر . » مضمونہ کلنجہ بونک اسبابی قنی طرفدن اولدیغنک تعینی اقتضا ایدوب « بو دفعہ کی صورت تنظیمہ نک حکمنہ دخی جبولت عوارض ایلہ خلل کلامک و یا خود تخلیہ مقاولہ سی مذا کرہ سنہ کیریشلدکدہ، شرائطی تشدید و یا خود زمان تخلیہ پک زیادہ تطویل اولنماق و یا دہا سائر مشکلات و مخاطرات حدوث ایتامک ایچون بر اساس امینہ بناء حال ایدلسی الزم و مستعجل » اولدینی عبارہ سی ایسہ، معاملات سابقہ یہ فضولی بر عزو و قصوردن کنایہ اولدینی گی، تأمین حقوق ایلہ تعیین زمان تخلیہ مطلبارینہ بر لکدہ تشبث اولنسی مطالعہ سی و بونک حصولہ دہ مدا کرہ یہ تشبث اثناسندہ صرف مساعی ایلہ اسباب امنیت اراہ سی چارہ حکمنہ یاد قلمسی دخی، بر تصورزدن عبارت ایسہ دہ، خطا مصرہ دہ حقوق مقدسہ حضرت خلافتیناہینک گرفتار اولدینی حال تہلکہ نک تصدیقیلہ برابر امر تخلیہ یہ مدت تعیینک موقوف عاہی و حتی شرط اصلبسی آق دگزدہ ساحلدار اولان دولترک مقاولہ یہ موافقتی قیدی اولدینی و بونی قبول ایتامک ایچون بر طاقم القات علینہ دہ بولنان فرانسہ نک شمدی اختیار شرمساری و خجالتلہ بلا تحویل، قید مذکورہ موافقتی مستحیل ایدوکی بیانورکن ینہ تأمین حقوق ایلہ برابر تخلیہ یہ مدت تعیینک انکلترہ یہ تکرار تکلیفی رأیندہ بولنمق کبی بر خطا، احوال سیاسیہ نک تأثیراتی تحتدہ بولنمیانلر ایچون قابل عفو اولسہ دہ، حیات سیاسیہ ایلہ اقتضای مصلحتی تقدیر ایدہ بیلہ جک بر موقعہ بولنانلر حب و طندن وارستہ اولدقجہ انکلیز عسکرینک کبرو چکلمسنہ شمدیدن قرار ویرلیہ جک اولدینی حالہ مصردن بالکلیہ واز چکمک و نتایج وخیمہ سائرہ یہ قائل اولمق دیمک اولان اولیلہ بر رأیہ اشترک ایدہ میہ جکی درکاردر. حقیقت حالہ دہ مثلہ نک کسب ایلدیکی درجہ اہمیتہ و ماسبق احوالہ نظراً شو صرہ دہ فرانسہ حکومتک وساطتی انکلترہ دولتی عقد مقاولہ یہ امالہ ایدہ مدکن بشقہ، دولت علیہ ایلہ انکلترہ بینندہ موافقت حصولی برقات دہا تصعب ایدہ جکی بدیہی و فرانسہ نک بزہ بالکیز بر نصیحتلہ اکتفا ایئسی دخی بوکا دلیل کافی اولدیغہ و فقط روش حالہ و حیات کترانہ مہ گورہ، شو بر ایکی آی ظرفدہ لوندیرہ جہ صورت مناسبہ دہ اجرای تشبثات جدیہ ایلہ خطا مصریہ اوزرندہ اولان حقوق ملکداری حضرت پادشاهی برسند رسمی ایلہ تحت تأمینہ آلمدقجہ، چوق زمان چکمکسزین مصرک بالکلیہ

الدن کتیمی تهاکسی تظاهر ایدرک ، معاذالله تعالی اولیه برحالدن تولد ایدرک نتایج وخیمه عرض و بیاندن وارسته بولندیغه بناء ، بلا تأخیر لوندزه سفیری رستم پاشا قوللری واسطه سیله لورد سالسبوری نزدنده بروجہ معروض اجرای تشبثات اولنهرق ، مصرک انکلیزعسکرندن تخلیه سی خصوصه ایلروده بین لدولتین برقرار ویرمک اوزره خطه مصریه ده اولان حقوق سلطنت سنیه تک تأمیننه مدار اوله جق شرائط ایلہ بر مقاوله نامه عقدینه انکلتره قاپینه سنک موافقتی استحصال ایچون پاشای مشار الیہ تعلیمات اعطاسی وبوبابده بی طرف دوست بردولتک وساطتی حصول مقصده خیلی یاردم ایدرک جکندن ، ولی نعمت بی متمز پادشاهمز افدمز حضرت تریله آلمانیا امپراطوری بیننده موجود اولان مضافة وحب وموالاته رعایه آلمانیا دولتی حقوق مقدسه شاهانه تک محافظه سی ضمننده انکلتره حکومتی نزدنده اجرای وساطت دوستانیه دریغ همت ایتیه جکی مجزوم بولندیغندن ، موافق امر و اراده حکمت افاده حضرت خلافتپناهی اولدینی تقدیرده وساطت مطلوبه تک استحصالنه طرف اشرف ملوکانه دن آلمانیا سفیری موسیو رادویچک مأمور ابدلی موافق حال ومصلاحت اولور ایسه ده اولبابده هر نه وجهله اراده وفرمان بیوریلور ایسه اصابت آنده اوله جفی محاط علم عالی بیورلدقده اولبابده وقاطبه احوالده امر وفرمان حضرت من له الامر افدمز گذر .

فی ۸ ذی القعدة سنه ۳۰۸ و فی ۳ حزیران سنه ۳۰۷



عتبه سنیه یه عریضه خصوصیه صورتی


طبع هایون ملوکانه لرینه گران گله جک اولسه دخی حق شاهانه لرنده توجه عمومی و حقوق مقدسه حضرت خلافتپناهی بی محافظه عرض ختایق احوال ابله ایفای فریضه عبودیت کترانه مه مساعده سنیه شهریار یارینی استرحام ایدرم .
عرض و بیاندن مستغنی اولدینی اوزره دنیا ده اذکیای عالم دخی اکثریا بونلردر . ولی نعمت بیتمز ذات شوکتسما افدمز حضرت تری بوجهله تک سرفراز رونق طرازی و قوللری کیلردخی اعجزی اولوب ، حسیات ایسه مشهودات و مسموعاتک تأثیراتیه حاصل اوله رق ، نوعه کوره یاروحی فرحیاب و یاخود طبع نازکی تضییق ایلہ وجودی دوچار اضطراب ایدر .
اشته شایان تدقیق اولان بونوع حسیاتدرکه ایراث ایتدیکی اضطراب درونی دفع ایچون انسان چاره تحریرینه و اتخاذ تدابیر احتیاطیه به محتاج و مجبور اولور . اشبو خاصیت طبیعه تک اسرارینه واقف اولنلر ، بونی جلب منفعت یولنده استعماله تصدی ایلدکلرندن ، ارباب حیل ، انسانده بو نوع حسیاتی صنیه ایلہ حصوله کتیره رک کندولری استفاده و خلقی اضرار ایتکده درلر . مثلاً ، بر مملکتده اصلا حائز اهمیت اولیان بر کچوک وقعیه یی مبالغه ایلہ تجسم ایتدیره رک و یاخود بر گونا اصل و اساسی اولمقسزین وخیم العاقبه بر بیوک حادثه خبری اختراع ایدرک ، بونی اوتیه برویه نشر و اعلان ایتک واسطه سیله او مملکتک تحویلاتی اصحابنده موجب اندیشه حسیات حصوله کتور مسیله هر کس دفع اندیشه واضطراب ایچون تحویلاتی صاتمغه مسارعت ایلدیکندن ، فیأتلر دوشوب ، گرچه ایکی اوچ گون صکره نشریات واقعنه تک عدم صحتی ظاهر اوله رق ، تحویلات اسکی قیمتته رجعت ایدر ایسه ده ، بوآراده ارباب دسایس تحویلات اشترا سیله خیلی کار ایدوب ، صاتانلر ایسه دوچار خسار اولورلر . بومنوال اوزره صنیه ایلہ موجب اندیشه حسیات حصوله کتورمک واسطه سیله دولتلرک دخی بعضاری استفاده و دیگرلری ضرر دیده اولمقده درلر .
بزده دخی واقع اولمقده اولان عین حالک گرک خلقه و گرک دولته و باخصوص

ولی نعمت بی متمز شوکت‌آب افدمز حضرت‌ترینه ایراث ایتمکده اولدینی مضرات،
حقایق احواله واقف اولان اصدقای بندکانی دوشوندیرمکده در .

شرف قریت شاهانه‌یه نائل اوله بیلان اصحاب حیل و دسایس، اصلا اهتمتی
اولیان عادی برشیتی نظرگاه عالی‌یه غایتله جسم و عاقبتی وخیم برشکلده عرض ایدرک
و بعضاً اصل و اساسی اولیان و وقوعی غیرمحتمل اولان شیرلی اختراع ایلیه‌رک، وجود
هایون ملوکانه‌ده اندیشه واضطرابی موجب حسیات حصوله کتیروب، اشبواضطرابک
دفعنه چاره اولق اوزره اصحاب حیل طرفدن گوستریلان و یاخود عرض اولنان
احوالک صحتیه اعتماداً طرف اشرف شاهانه دن اتخاذا بیوریلان تدایرک ضمنده
ارباب دسایس مستفید اولیورسده، برطاقم بندکانک خدمت دولتدن محروم و بعض
کیمسه لرک دخی خدمتله و یاخود اقامته مأموریتله اوتیه برویه تبعید ایدلسی مرحمت
سنیه‌یه منافی اولدقدن بشقه، بروجه معروض احداث اولنان حسیات اندیشناکک
جمله نتایجندن اوله‌رق، برشیخک ذکر و مقابله ایچون عقد جمعیت ایتسنک منعی
و اهلینک ختان و یا ولیمه جمعیت‌ترینه مساعده اولنماسی و بر قاج احبابک بریره
اجتماعی‌حالنده بونک سوءظن تحتند، طوتلسی گبی احوال خلقک حریت‌طبیعیه‌سنی
نه درجه تضییق ایده‌جکی وارسته عرض اولدیغندن، حق هایون جناب شهریاریده
الزم اولان توجه عمومینک محافظه‌سنه مأمور برعبد ایچون بو‌حالی نظر تأملدن
دور ایتماکک طبیعی اولوب، بنا برین بو‌حالک دولته ایراث ایتمکده اولدینی مضرت،
اک زیاده حائز اهمیت اوله‌رق، چونکه دسیسه‌کارانک وجوت لازم الوجودهایونده
بسلمکده اولدقاری حسیاتدن متولد اندیشه، هر‌حالده انسانه بادی تسلیت اولسی
لازم کلان امنیتی بالکلیه محوایتدیکندن، بو‌کیفیت دولتک منفعتنه و یا دفع مضرتنه
دائر باب‌عالیدن وقوع‌بولقده اولان معروضاتک قبولنه مانع اولمقده اولسی حسییه
امور ملکیه و سیاسییه متفرع بر طاقم مصالح مهمه سکتهدار اولمغله برابر، مصر
مسئله‌سنک مذاکره‌سنده انجمن خصوصینک دخی تسلیم کرده‌سی اولدینی اوزره،
دولت‌علیه بوگونکی گون وادی تهلیک‌یه گیرمکده اولوب، بو‌حالک دوامی تقدیرده
معاذالله تعالی یگیدن بر دولت اسلامییه تشکل ایدرک چوق زمان مرور ایتمکسزین
دولت عثمانیه‌نک حالی دیگر گون و اسلاف عظام شاهانه‌لرینک زمان سنطنتلرنده
بونجه شان مظفریتلره خدمت ایدن ترک ملتی، الیوم بلغارستانده قالان اهل اسلام
ایله هم‌حال اوله‌جنی ادنا ملاحظه ایله آکلاشیه‌جفندن، فوق‌الغایه اهتمتی حائز

اولان مصر مسئله‌سی بر آن نظر دقت شاهانه‌لرندن دور طوتلیه‌رق اولباید اولان
اولان معروضاته اعتماد بیورلمسنی و اشتباه بیورلدینی تقدیرده درحال یگیدن برهیئت
وکلا تشکیلیه دولت‌علیه‌لرینک تأمین استقبالی خصوصنده اضاعه وقت بیورلنماسنی
جامدن عزیز بیلدیکم ولی نعمت بی متمز افدمز دن خاصه استرحام ایدرم .
اولباید و قاطبه احوالده اراده و فرمان حضرت ولی الامر افدمز کدر .

فی ۱۸ حزیران سنه ۳۰۷



SISMANOGLIO
MEGARLO

مصر مسئله سیله معاً عین زمانده روم ایلی شرقی و مالیه مسئله لریله دخی
اشتغال اولتمقده ایدوگندن، بلغارستان قومیسری حقنده مابین همایون
باش کتابتدن آلتان تذکره خصوصیه صورتی

پرنس ایله ملاقاتنده جریان ایدن مصاحباتی و اولبایدده بعض افاداتی حاوی
غضبان افندیدن گلان فی ۵ نیسان سنه ۸۶ تاریخلو تلغرافنامه ترجمه سنک لویه
دمنجک وارد اولان فی رجب سنه ۳۰۳ تاریخلو تذکره خصوصیه صدارتپناهیری
لدی العرض منظور عالی خلافتپناهی بیوردی. ترجمه مذکورہ نک اکثر مندرجاتی
خلاف واقع اولوب خصوصیه غضبان افندی به عزو واسناد اولنان شیرک کلیاً اصل
واساسی اولماغله بونی رد و جرحه طرف اشرف جناب پادشاهیدن مأمور بیوردقارینک
پرنس اشعاریله برابر، افندی مومی الیهک، انکلتزه به منسوب بر مأمورک رینه طوغریدن
طوغری به طرف اشرف حضرت پادشاهیدن انتخاب و تعیین بیوردینی جهته
علمنده بعض اتزیه لر وقوعی طبیعی اولوب، حالبوکه گندوسی دولت مأموری
بولمق حسیه حیثیت و ناموسنک وقایه سی لازمه دن اولدیغندن، مومی الیهک هر
حالده محافظه بیورلمسی و ولی نعمت بی متمز پادشاه عالمناه افندمز حضرتلری
ذات سامی صدارتپناهیلرندن هر وجهله خوشنود اولوب خدمات واقعه فخیما.
نلرینی و اقتدار و حصافت خدیوانه لرینک واصل اولدینی درجه عالی به همیشه
یاد و تذکیر بیورمتمده اولدقاری حالده، حق سامی خدیوانه لرنده بویولده نشریات
وقوعی نزد جلیل ولی نعمت بیتمده اصلاً تجویز بیورلمدینی گبی، بومثلو اکاذیب
واراجینی تصنیع و نشرایدنار، شوکت مآب افندمز حضرتلرینه دخی افترا ایتمکده
اولملریله متجاسر لرینک سریعاً ظاهره چیقاریله رق شدیداً تأدیب اولمق اوزره عتبه
علیابه عرضی مقتضای امر و اراده سنیه حضرت خلافتپناهیدن اولمغله اولبایدده امر
و فرمان حضرت ولی الامر کدر

فی رجب سنه ۳۰۳ و فی ۲۵ مارت سنه ۳۰۲

مابین همایون باش کتابته تذکره خصوصیه

بوکون تلقی اولنان اراده حکمتعاده جناب خلافتپناهی اوزرینه روسیه سفیری
باب عالی به دعوت اولته رق، صوفیه و قوعاتنه دائر مصاحبه کیریشلمسیله غضبان
افندینک حالا مسلکی پرنس علساندروک امارتده بقاسی املنه مصروف اوله رق،
انکلتزه قونسولوسنک اخطاری اوزرینه روم ایلی شرقی به عسا کر شاهانه سوقیله
ایالتک ضبطی حکومت سنیه به توصیه ایلدیگی، سفیر مشار الیه طرفندن درمیان
اولندقدده، غضبان افندینک او بایده کی اشعاری انکلیر قونسولوسنک افاده سنی
نقل و تبلیغدن عبارت اولوب، اگرچه کندو اعتقادلری وجهله افندی مشار الیهک
پرنس میل و مودت ذاتیه سی وار ایسه، دولت علیه بلغارستان مسئله سننده غضبان
افندی بی رهبر اتخاذ ایتیموب، روم ایلی شرقی اختلالنک ابتدای ظهورنده پرنسک
غزلی تصمیم اولنمش اولدینی حالده بونک اجراننده مشکلاته و بلکه ده سفک دماء
مخاطراتنه تصادف اولنه جنی نمایان اولسی اوزرینه مسئله ده اقتضای حاله گوره
حرکت و دول معظمه نک اتفقندن آریله رق نه وجهله اداره مصلحت اولندینی
تعریفدن مستغنی ایدوکی سفیر مشار الیه سرد و اتیان و شمعی پرنس، مقام امارتدن
دوشمسیه مقصد اصلی طبیعتیله حاصل اولمش دیمک اولدیغندن، تکرار پرنس مشار-
الیهک امارته عودتیله شمعی به قدر او یوزدن چکیلان مشکلاتک تجدیدینی آرزو
ایتمک موافق حکمت اولمدینی گبی، بلغارستانک اعاده حال و انتظامی خصوصنده
باب عالی ک مساعیسی پرنسک امارته اعاده سی مسلکنده جاری اولیموب،
بویابنده انکلتزه بولتیقه سی نه مرکزده اولورایسه اولسون، حکومت سنیه البته کندو
حقوق و منفعتی دائره سننده حرکتله دول معظمه نک اتفقندن آریله جنی
بیان قلمسیله، سفیر مشار الیه اشبو افادات عاجزیدن اظهار ممنونیتله برابر، دولت-
متبوعه سنک مقصدی، خیلی فدا کارلقله وجوده کتورمش اولدینی بلغارستان امارتنک
محافظه سیله مشکلات واقعه نک بر حسن صورته تسویه سی و بویابنده حقوق شاهانه بی
بالمحافظه دولتین فحیمتین بیتمده جاری اولان مناسبات دوستی نک ادامه سی ماده سی
اولدیغندن، حکومت سنیه جانبندن دخی عین معامله ایله مقابله اولنمی ارزوسنده

بولنديغني بالبيان بلغارستانك نظامنامه اساسيى ايجاب حاله موافق اولديغني جهته
اقتضاسنه گوره تنظيمي لازم كله جك ايسه ده بونك هنوز مذا كره سي وقتي كلمديگني
افاده ايلسيه، دولت عليه همجواري بولان روسيه دولتيه حسن مناسباتي محافظه
ايلك ايله كندوسني بختيار بيلديكي گي، دولتين فخيتمين پينته تيمناً جاري اولان
مودتك قيمتي تقدير ايدن باب عالي، ديگر بر دولت رقيه نك آمالنه تمايل ايله
روسيه دولتك اغبراريني داعي مسلكه سالك اولديغنه كندوسني تأمين ايديه بيله جكمدين
بونك خلافته هر گونا اعتقاد طوغري اوليه جني و بلغارستان نظامنامه سندين
بخت ايتنك في الواقع زماني اولديغني بيان قلمش و سفير مشاراليه افادات عاجزي به
استناداً باب عالي نك نيات خالصانه سني دولت متبوعه سنه اشعار ايديه جكني و بلغارستانك
احوال حاضره سنه دائر اولان معلوماتي بزجه معلوم اولان درجه ده اولوب، يارين
ودها صكره كسب ايديه جكي معلوماتي دخي طرف ثناوري يه بيلديروب، لذي الحاجه
مبادله افكار ايله جكني بالا فاده عودت ايلش اولغله عتبه سنه يه عرضي متمنادر
افدم . في ۱۳ آغستوس سنه ۳۰۲



ماين همايون باش كتابته جواباً يازلمش تذكره خصوصيه

روسيه دولتي كندوسنك شرقيه بر آرزوسي قالمديغنك بيانيله بلغارستان
مئله سنده مقصدي، حكم عهدي محافظه ايتكدين عبارت اولديغنه بزي تأمين
ايتكده و انكلتره دولتي ايسه امارتك كسب توسع استقلاللي امرينه بلغارلري تشويق
ايتكده اولسنه نظراً دولتيندن قغيبي شايان امنيت اولوب، بو حاله قارشو دولت
عليه جبه نه درلو تدبير اتخاذا اولنق لازم الله جگنك و قوه احتياطييه بي محالرينه اعاده
ايتك اقتضا ايديورسه نه قدريني، نه وقت براقق مناسب اوله جغنك بالمطالعه عرض
عتبه عليا قلمسي قرناي حضرت شهربايردين محمود بك افندي واسطه سيلاه تليقي
اولنان اراده سنه جناب پادشاهي اقتضاي عاليسندن اولغله، ايجاب حال تأمل
اولندي

هر دولتك حركتي كندو منافغنك مقتضياتنه تابع اولديغندن، لسان ديپلوماسي
اوزره قابل تاويل اولان بياناته اعتماد اولميوب، تشبثاته باقلمق ايجات ايدر. ماسبق--
احوال ايله روسيه نك بلغارستان مسئله سنده مشهود اولان طور و حرڪاتنه گوره
دولت مشسار اليهانك مساعيسي برلين معاهده سنك محافظه احكامي وسيله سيلاه
بلغارستاني مجرد كندو نفوذى تحت آلوب تشكيلات آتیه سني آياستفانوس معاهده
نامه سنه تطبيق ايتك اولديغني آ كلاشاور .

انكلتره ايسه بوتشكيلاتك كندو نفوذى تحتنده و روسيه نك منافع خلافته
حصول پذير ولسني امل ايدر . روسيه نك مقتضاي منافع بلغارستانك اداره
عسكريه سني شمديدن اله آله رق زماني حولنده دها آز كلفته استانبولي حصر
ايدوب انكلتره دونمسانه بوغازلري سد ايلك اولديغني گي، بوگا، مقابل انكلتره نك
آرزوسي دخي بوغازلري روسيه يه ضد بر يد اقتدارده گورمك ماده سي اولد--
يغندن، دولت عليه دن قطع اميد ايديه جك اولورسه آتیده رومانيا و صربستان
ايله بالاتفاق كندو نفوذى تحتنده و روسيه علپنده برهيتت مجتمعه حاصل ايديه--
ييلمك ايچون اولجه بلغارستانك كسب توسع و استقلال ايتسنه ساعي اولسي
محمل اولسيلاه، بو ايكي دولتك، دولت عليه يه اداره ايلديكي لسانه اعتماد ايتك

جائز اوله مز. مع مافیه منافع سیاسیه لری یکدیگرینه مابین اولان اشبو ایکی دولته آرو آرو مقصومت ایتممز خارج ازامکان بر کیفیت اولدیغندن، طرفیندن برینک طوغریدن طوغری به ویاخود بالواسطه حقوق شاهانه به تعرضی وقوعنده دیگرینی قوه الظهر ایدنمزم ضروری اولور. فقط بوده ایکنجی درجهده دوشونیه جک بر ماده اولوب، شمیدیکی حالدده مسئله بر پرنس انتخاب ایتمک کیفیت اولدینی حالدده روسیه بو انتخابک اجرا آتی تصعب و انکلتزه ایله آکلاشدیغنه گوره اوستریا اشبو اجرا آتی بالتصویب بلغارلره توصیه ایتمکده اولوب، صوفیه دن اخیراً آلتان معلومه نظرآ مجلس عمومی بو خصوص ایچون طرنودهده اجتماع ایتمک اوزره بولدیغندن و روسیه مسلك حالسندده دوام ایتدجکه امارته هر هانگی بر پرنس انتخاب اولنمش اولسه، کندوسی بوکا رأی ویرمیوب، حالبوکه انتخاب اولنه جق پرنس، بالجمله دول مضیه طرفندن تصدیق اولنمدجکه جانب دولت علیه دن تعیین بیوریه میه جغندن، مسئله بر مدت دهها کشا کشته قاله جقسدهده، مجلس عمومی تصدیقیله هیئت نیایت تأید ایدرک، اجرای حکومتده دوام ایده جکی و دائرة امارت ایله روم یلی شرقی ایالتنده امنیت و آسایش محافظه اولنمدجکه روسیه دولتی بلغارستانه عسکر سوقه تصدیق ایدمییوب، بوکا فرصتیاب اولمق ایچون دائماً بلغارستانده برغانله احداثه چالشه جنی درکاردر.

شو حالدده بلغارستانه قارشو بر قوه احتیاطیه اولمق اوزره مقدماتی سلاح آلتنه آلتان عساکر شاهانه نک محللرینه اعاده اولتوب اولنمماسی بحثه کلنجه؛ اگرچه شمده به قدر حسرت ضروره دوام ایدن مصارف فوق الاماده مضایقه مالییه بی زیاده تشدید ایتماش اولسه سلانیک جهتهده کی ایکی قول اردونک بر مدت دهها اوجهتهده سطوت انداز اولمسی فائده دن خالی اولمزهده. مصارف حاضره نک ادامه سی حالدده بوندن آلتی آی صکره برغانله ظهور ایده جک اولور ایسه دیگر عسکر جمع و تسلیحی خصوصنده مالاً عظیم مشکلاته تصادف اولنه جنی مثللو، لزومی درکار اولان اسلحه و مهماتک دخی آز کون ایچنده تدارکی قابل اوله میه جغندن، قوه احتیاطیه افرادینک عنداللزوم ینه جمع اولنمق اوزره شمیدین تدریجاً خانه لرینه براغلمسی و بر طرفدن آچه تدارکیله بر ایکی یوز بیک تفنک مابعه سنه مبادرت اولنمسی ایجاب حاله موافق گی تخطر اولنمسیده اولبایده هر نه وجهله اراده و فرمان بیوریلور ایسه اصابت آنده اوله جغتنک سده سنیه ملوکانه به عرضی متمنادر اقدم.

مابین همایون باش کتابته تذکره خصوصیه

دون مجلس خاص کونی اولدینی و مجلس وکلانک انعقادینی استلزام ایده جک فوق العاده بر ایش دخی بولنمدینی حالدده مسموعاته گوره دونکی پنجنشنبه کونی باب. عالیده مجلس وکلا عقد ایدیلوب، کیجه ساعت ایکی به قدر دوام ایش ایدوکنندن و شو حال، ولی نعمت افندمز حضرتلرنجه باعث مراق اولدیغندن سینک عرض عتبه. علیا قلمق اوزره اشعاری افاده سنی حاوی تذکره خصوصیه علیه لری آلتدی.

دونکی کون مجلس وکلا عقدینک اصلی اولیوب، بعضاً ارادات سنیه نک اجرای ایجابات عالیه سیله معروضاتنک بلا تأخیر تقدیمی مقصدینه منی عاجز لرینک آقشاملری ساعت بره و ایکی به قدر باب عالیده کجکدیگم کثیر الوقوع اولدینی گی دونکی کون دخی عرضی مقتضی اولان بعض مصالحک تهیه و تخریرینه، ایکندیدن صکره، کندو تبعه لرینه مخصوص وادک افاده سی ضمننده یکدیگرینی متعاقب تر دشناوری به کیش اولان فرانسه و ایران و اوستریا سفراسی مانع اولمیریه، اورمان اداره سنک مالیه نظارتنه الحاقی و تجارت و نافع نظارت لرینک برلشدیرلمسی حقدده کی تدقیقاتک اجراسی تأخر ایتمش و بو خصوصه دائر یازیلان تذکره رسمیه نک تیضنده قلمجه یا گلشلق وقوعنه منی تکرار تیضی براز دهها انتظاری موجب اوله رق، ساعت ایکی به قریب وقته قدر قپوده قالمش و پترسبورغ ایله پارس سفیرلری معاش لرینک خارجیه بودجه سی میاننده، ضمی حقدده آقشامه یقین آلتمش اولان تذکره علیه لرینه جواب تقدیمی ایچون خارجیه ناظری پاشا حضرتلری لاجل المذاکره دعوت اولنمش ایدوکنندن، نزد عاجزیده یالکز پاشای مشار الیه بولنمش اولدیغتنک عتبه سنیه به عرضی متمنادر اقدم.

۲۷ ربیع الاول سنه ۳۰۴ و فی ۱۲ کانون اول سنه ۳۰۲



مابین هایون باش کتابته تذکره خصوصیه

انگلتزه سفیری سیر وایت بوکون باب عالی به کله رک دونکی کون حضور شوکت موفور حضرت شهنشاهی ده مشول شرفه نائلیتده حقنده شایان بیوریلان التفات سنیه اولوکانه دن طولایی بیان تشکر و ذات عالی صفات جناب پادشاهینک محافظه حقوق مقدسه ملکداریلری امرنده ابذال بیوریلان هممات جلیله شاهانه لرینی بالتقدیر ائنه جمیله حضرت خلافتپناهینک یاد و تکرار یله ترین لسان عبودیت ایلشدر. بلغارستان مسئله سندن بحث اولدینگی صروده روسیه دولتی صورت غیر مشروعده یعنی دولت علیه نك اذنی اولقسزین بلغارستانی اشغال عسکریمی تحت آله ایوب شاید فضولی اوله رق بوکا تصدی ایده جک اولور ایسه دولتر طرفدن منع اولنه جغنی و شاید طرف دولت علیه دن رخصت ویر یله جک اولور ایسه معاذه تعالی بو صورت ممالک شاهانه نك مقاسه سنی انتاج ایده رک هر دولت کندو. سنه ستاسیتی اولان مملکتی آلوب او حلاله پای تحت سلطنت سنیه دخی روسیه نك ید استیلا سنه کچه جگنی مشار الیه افاده فقط بو مسئله ده حکومت سئیه نك اتخاذ ایلدیکی مسلك پک حکیمانه اولمقله بو یولده اداره مصلحته دوام اولنه رق مسئله دلخواه عالی وجهله تسویه پذیر اوله جغنی علاوه ایلمسی اوزرینه بلغار مبعوثلریله اولتان مذا کرده تسویه مصلحتک امکانی ته درجه یه قدر ایلر ولدیکی طرف ثناوریدن ایضاح اولنه رق شهیدیکی حالده ایش حکومت حاضره ایله فرقه مخالفه نك خط حرکت پروغراملرینک توحیدینه قالب طرفین دخی بونک اجراسیله برلشمکه و متعاقباً پرنس اتخان به شروع ایلمکه راضی اولدقلرندن بونک سرعت اکلانه صوفیه ده کی قونسولوساری واسطه سیله معاونت ایلمسی سفیر مشار الیه دن طلب اولمقله برابر دیگر صورت دخی بوراچه بر قونفرانس عقیده ایله بر قرار موافق اعطاسی اولدیندن بو بایده کی مطالعه سی استفسار اولدقده کندهوسی حضور هایونده دخی عرض ایلدیگی وجهله حقوق و منافع دولت علیه نك محافظه و استکمالی خصوصنده هر وجهله ایفای حسن خدمته حاضر ایسه ده بو خصوص ایچون قونفرانس عقدی حقنده رأی اعطاسنده متردد اوله رق باخصوص کی

قونفرانسه بر چوق تعب و مشقته تصادف ایتدیکندن بونک تکررینی آرزو ایتموب مع مافیه ینه دوشونلک اوزره بو بایده موسیو رادویچک رأی و مطالعه سنک استفسار اولمسنی ایما ایتشدر. مصر مسئله سنه نقل کلام اولدقده مصرک امر تخلیه سی جانب باب عالی دن تعجیل اولمسی اوزرینه بو خصوصک مذا کره سیچون انکاره دن کوندرلش اولان سیر دروموند وولف انتظاردن اوصانوب کیتمک نیتده بولندیندن ومومی الیه ک مذا کره سیله اولمقسزین لوندیره یه عودتی انکلتره جه حسن تأثیر ایتیه جکندن کندوسیه بالذات مذا کره یه وقت اولنجه یه قدر دیگر بر مأمور واسطه سیله لایحه سنک تفصیلاتنه دائر معلومات آلنوب آکا کوره مذا کرد ایلمسی سیر وایت طرفدن توصیه اولنش و بوکا جواباً سیر وولفک بورایه کلیسی بلغار مبعوثلرینک ورودی زمانه تصادف ایدرک بلغارستان مسئله سنک بر آن اقدام نهایت پذیر اولمسی ملتزم اولسنه منی باب عالی باشلوجه بواش ایله مشغول اولمش ایسه ده سیر وولفک لایحه سی دخی در دست تدقیق اولوب قریباً کندوسیه کوروشیله جکی بیان قلنمش اولمقله عتبه سنیه یه عرضی متمنادر اقدام.

فی ۶ جمادی الاول سنه ۳۰۴ و فی ۸ شباط سنه ۳۰۲



اولدینی اوزره بلغارستان اداره حاضره سنی دائماً خطرات لازم و شدید ایله تحذیردن خالی قالمدیغندن بلغارستانک اغتشاشات واقعه سندن طولانی دولت علیه هروجه اعتراضدن مصوندر. روسیه سفارتی ترجمانی موسیو ماقسیموفک واصل سمع عالی اولان تفوهاتنک ولی نعمت بی منت افندمزی بحضور ایتمش اولسی طبیعی اولوب بلغارستان مسئله سنده باب عالی جه طوتیلان مسلك حقوق و منافع سلطنت سنییه موافق اولمق اوزره طرف اشرف حضرت خلافتیناهیدن تعیین بیوریلان خط حرکتدن عبارت اولدینی و بو مسلك روسیه دولتک مقصدینی دخی شامل بولندی حالدده مسلكمزی لغرض روسیه سفارتنه انکرتنه پولتیقه سی طرزنده گوسترلسی و ناحق یره تفوهات دعوت ایدلسی بعض ارباب حیل و فسادک ایشی اولوب بونک ذات مصاحته اولان مضرتندن بشقه او مثالو اخباراتک تأثیراتی وجود مقدری عموم تبعه شاهانه و علی الخصوص تام هایونلرینی خطبه لرنده یاد ایدن باحمله اهل اسلامه لازم اولان ذات اقدس حضرت خلافتیناهی بی اولوجهله بی حضور ایلسی عاجز لرینه اک زیاده مورت غم اوله رق مسائل واقعه نك مشکلاتی تأمل و ملاحظه صره سنده ارباب فسادک حرکاتی نظر مطالعه دن دور ایتمک مجبوریتده بولنیورم حالوکه روسیه سفارتی طوغریدن طوغری به باب عالی دن ایله معلومات ایله قالمش اولسه تشبثات واقعه موسیو نلیدوفک موافقتی خلافتده برشی اولمدیغندن و دولت متبوعه سی دخی حکومت سنییه اجراسی ناقابل تکلیفاته بولنیه جنی درکار ایدوگندن سفارت مأمور لرینک تهدید آمیز لسان استعمالنه محل اولیه جنی وارسته عرض و بیاندرد. بلغارستان هیئت اداره سنک تعدیلی حقدده اولجه قرارلشدیریلان صورت روسیه نك مطلوبنه موافق دوشمندن ناشی مؤخرأ هیئت مذ کوره ایله فرقه مخالفه نك توحید مسلك حرکتلرینه لزوم گوریله رک اولبایده موسیو نلیدوفک دخی رأی و موافقتی منضم اولدینی حالدده ایفای مقتضیاتنه بالمبادره بلغار مبعوثلریله فرقه مخالفه رئیس زانقوفه استعمال اولتان لسان شدید ایله وصایانک درجاتی حاوی اولوب موسیو غره قوف واسطه سیله صوفیه ده فرق مختلفه رؤسائنه تبلیغ اولتمق اوزره قلمه نان وبعده رضا بک افندی حضرتلرینک وقوع مأموریتی اوزرینه مشار الیهک تعلیماته درج ایدیلار اخطاراتک برصورتی لفاً تقدیم قلمغله مطالعه سندن محاطعلم عالی بیو ریه جنی وجهله باب عالی نك بودرجه به قدر بلغارلره واقع اولان تأکیداتیه موسیو ماقسیموفک تفوهاتی بیننده کی نسبتنزلک ارباب فسادک اثر اغفالاتی ایدوکی آشکاردر اقدام . فی ۸ جمادی الاخر سنه ۳۰۴ و فی ۲۰ شباط سنه ۳۰۲

مایین همایون باش کتابتنه تذکره خصوصیه

اولجه دیگر تذکره ثناوری ایله عرض اولندیغنی وجهله سلسره و روسجق اختلالی برطرف اوله رق آسایش اعاده ایددیگی آگلاشدیغنی مثللو شمعی رضا بک افندی حضرتلرندن آتوب لاجل لتقدیم ترجمه ایدلمکده بولتان تلغرافنامه ده صوفیه ده دخی بر اختلال اماره سی مشاهده اوله رق فرقه مخالفه دن قره ولوف وزانقوف ایله دیگر یر قاقج کشی تحت توقیفه آلدیغندن خارجدن آله جق معلومات اوزرینه بوکا یا ککش معنی ویرلماک ایچون کیفیتک حکومت سنییه بیله یرلسی حکومت حاضره طرفندن رجا ولندیغنی اشعار ولتمشدر. متعاقباً پارسدن ورود ایدن هاواس تلغرافنده عصیانک طرنوه و سائر محالرده دخی ظهوریه بلغارستانده اغتشاشات تعمیم ایدرک صوفیه ده زانقوف و قره ولوفک توقیف اولندیغنی محرر اولوب دون صباح کی هاواسی تلغرافنک سلسره وقوعاتی اوزرینه اختلالک بلغارستانده عمومیت کسب ایددیگنی یازمش ایکن بونک صحتی تحققی ایتدیگی کی ایشو تلغرافنک دخی مبالغه دن عبارت یاخود رضا بک افندی طرفندن ویریلان معلوماتدن کنایه اولسی محتمل اولغله برابر هاواس حوادثنک صحتی حالنده ده مادامکه بلغارستانده فرقه مخالفه جزئی و اداره موقه طرفدارانی غالبدر زده نه ظهور ایتسه حکومت حاضره نك تیزالیدن اختلالی باصدیرمسی اغلب مأمول اولوب عکس تقدیرده اختلال واقع بر محاربه داخلی رنگنی آله جق اولور ایسه او حالدده آسایشک اعاده سیچون بالاتفاق برقرار اتخا اولتمق اوزره درعقب دول معظمه ایله بالخباره در سعادت قوتفر نسنگ اجتماعی تکلیف ایدلمک لازمگله جگی تخطر اولتمش ودرت کوندنبرو بلغارستانده وقوع بولمقده اولان اختلاللر اوزرینه روسیه دولتک تمایلات و تصوراتنه دائر پترسبورغ سفارت سنیه سنجه اولان استطلاعاتک بیلنمسی لازمه دن اولدینی حالدده هنوز برشی یازلماش اولدیغندن سفارت مشار الیهادن سریعاً استعمال کیفیت اولنسی خارجیه نظارت جلیله سنه یازلمش اولغله آله جق جوابه گوره دخی ایجاب حال بالتأمل عرض عتبه علیا قلمه جنی درکار بولتمشدر. بلغارستانده برکونه قاریشقلق وقوعه کلکسزین پرنس انتخابی مسئله سنک بتیرلسی حقدده حکومت سنییه جه صرف اولتان مساعی جمله نك معلومی

مجبور اولمشلردر. بلغارستان سنه نك امتدادی دولت علیه مالاً خلیجه متضرر
ایتمش ایسه ده بومسئله دن منبعث احوال دن طولائی روسیه آلمانیا و اوستریا دولتری
پینده بر زماندن برو منعقد و مسئله شرقیه روسیه پوتیقسه سنه مدار و مساند
اولان اتفاق مثلث شوا ثناده خلیلذیر اوله رق اوستریا و آلمانیا دولترینک مسلك
پوتیقیری دولت علیه دهها زیاده نافع بر یوله تحول ایتمش و بو صورتله روسیه
دولتی معینسز قالب ثباتنه گوگنیه میان فرانسه یه تمایله مجبور اولمشدر. جمله
موفقیات میامن آیات حضرت خلافتنا هیدن اوله رق سلطنت سنه نك اوروپا
موازنه سیچون اهمیت وجودی و تمامی ملکیتک محافظه سی وجوبی گرگی کی
تحقق ایتمکله نملک شاهانه یه تعرض و قوعنی منع ایچون بر جمعیت دولیه تشکل
ایلمشدر. بوجمیت فرانسه و روسیه دن ماعدا بالجمله دول معظمه یی شامل اولوب
دولت علیه شو حالده او یله بر موقع عال العالده بولمغله هم بو حال و موقعی محافظه
و همد. مستقبلی تأمین ایچون اشبو جمعیت دولیه نك داخل دائرة اتفاق اولمق
مقصدیه جمعیت مذکوریه یی تشکیل ایدن دولتره تقرب ایلمسی مقتضیدر. بلغارستان
مسئله نك دوامی سببیه فوق العاده عسکر بسلمک مجبوریتی فرط مضائقه مالیه یی
درجه فایه ایصال ایلمکده اولوب روسیه دولتی کندوسندن دلگیر اولان
بلغارلری تحت انقیاده آلمق ایچون قوه جبریه استعمالنه عدم اقتدارینی بیان ایله
رابر حکومت سنیه جه کندوسنک عزت نفسی خوشنود ایتمک اوزره تمیه اولنان
اسباب ترضیه قناعت ایتمه رك بلغارستانک بولندیغنی حال اسف اشمالی توخیمه
ساعی اولوب مسئله نك سورونجمه ده قالمسیه دولت علیه نك مصارف فوق العاده
بوزندن قدرت مالیه سنك تناقصی کندوسی ایچون موجب منفعت عد ایده جگی
بدیهی ایسه ده بزجه مضائقه مالیه کیفیتی نتیجه سندن حذر اولنه جق بر ماده حکمنی
آلمده اولدیغنی کی بلغارستان مسئله سنك دخی بوندن زیاده حال کشا کشته طورمغه
تحملی قلمدیغندن ایشه بر حسن نتیجه ویرمنک زمانی حلول ایلمش اولدیغنه و چونکه
استیلاات واقعه یه گوره بلغارستان حکومت موقه سی افکار مفرطه اصحابنک
تضییق تحتنده اولوب ، بولندقلری حال مشکلدن قورتلمق ایچون صوبرانیه یی جمع
ایله استناد ایتدکلری دولترک قبوله مظهر اوله بیله جک بر نس انتخابنه شروع
ایلری محتمل و اولوجهله انتخاب اولنه جق پرنس روسیه نك عدم قبوله رغماً دول
ساره نك قبول و تصدیق ایلملری مأمول اوله رق شو صره ده بلغارستان عدلیه

عنه سنیه یه عریضه خصوصیه

روم ایلی شرقی مسئله مهمه سنك ابتدای ظهورندن برو نزد هایون ملوکانه ده
اتحادی تسبب و باب عالی یه تعیین بیوریلان مسلك حکیمانک شمعی نتایج
مفیدسنی مشاهده ایدن انظار عامه شهنشاه عالیناه و شهریار حقایق اکتناه افندمزک
هم حکمت نهم ملوکانه لرینی حقیله تقدیرده عاجز قاله جنی درگارددر. حقا که
اومسلك سلیم و مستقیمک آثار دلالتی ایدوگنه اشتباه اولنه مز که دولت علیه نك
مضرتنه اولمق اوزره ظهوره گلان روم ایلی شرقی مسئله سنده استفاده ایتمک
ایستیان دولتر ایله بالقان حکومتلرینک کافه سی متضرر اولوب دولت علیه حقدنه
متصور اولان مضرت بعون الله تعالی ایوم بر منفعت عظیمه یه منقلب اولمقده در.
اغیارک القاتنه آلدانه رق کسب استقلاله مقدمه اوله جق بر اتحاد فکریله نقض
عهده قیام ایدن بلغارلر کندو حرکت اختلالیه لرله دعوت ایلدکلری خارجی
و داخلی محاربه و مجادله لرده دوچار تلفات و مضرات اولدقن صکره آرزوی ملیاری
اولان اتحاد و اتفاق مؤخرأ کندو میانه لرنده تحدت ایدن اختلاف سببیه بدل
انشقاق و نفاق اولمسلیله اومیانده آرزولرینک استکمانی درعهده ایدن پرنس
علکساندری ضایع ایتدکن بشقه اوزرلرینه مسلط اولان روسیه دولته قارشو
معاونت سیاسی لرینه استناد ایتدکلری دولترکده امدادینه مظهر اوله یه رق
و نهایت الامر دولت متبوعه لرندن بشقه ملجاء و پناهنلری اولدیغنی آکلا به رق
دوچار اولدقلری حال خطرنا کدن قورتلمق ایچون ایوم سلطنت سنیه یه سیغمنشدر.
بلغار اختلالندن استفاده ایتمک املیه تهیات عسکریه یه قیام ایدن صربستان
ویونانستان دعوت ایتدکلری محاربه لرده بشقه بشقه مغلوب و متضرر اوله رق انجم
کاره وجود حکومتلری دولت علیه نك بقای قدرت و شانیه قائم اولدیغنی آکلامشدر
و اشبو روم ایلی شرقی و یاخود بلغارستان مسئله سنده یکدیگرینه قارشو بر موقع
سیاسی قزاق صدنده بلغارلری تشجیع ایدن انکلتره و روسیه دولتری
مقصدلرینک حصوله موفق اوله میرب دولتیندن برینک دیگرینه غلبه سی دولت
علیه نك معاونتته محتاج اولدیغنی طرفین ادراک ایدرک آکا کوره تصحیح افکاره

مدیری استویلوفک ویانهیه عزیمتی دخی بوبابده آوستریا دولتدن رأی آلمق مقصدینه
مبنی اولسی ملحوظ بولندیغنه نظراً مادامکه روسیه نك هیئت اداره حاضر نك
مشروعیتی حقننده واقع اولان اعتراضی دفع ایتمک ایچون هیئت مذکور نك تعدیل
وهپ فرقه لری ابراز یده جنک صورتده تشکیله جانب حکومت سنیه دن هر وجهه
بذل مساعی اولنه رق روسیه طرفداران نك عدم موافقتیه مبنی اجرای تعدیلات قابل
اوله مامش و بلغارستانك شو حال کشا کشته دوامی محذور و مخاطره دن سالم
اولیه جنی درکار بولمشدر. هیئت موجوده ایله پرنس انتخابنه شروع اولنمق اوزره
دول معظمه یه بیان حال اولنه رق مقدما روسیه دولتی طرفدن اراده اولنان پرنس
دومغره لی یه علاوه هپ دولتلك قبولنه شایان دیگر ایکی نامزد تکلیفیه بوبابده
دولت متبوعه صفتیه جانب حکومت سنیه دن مسابقت کوسترلسی واشبو نامزدلرک
اوصاف مطلوبه یی حائز اولدقلری مقدمه پترسبورغ سفارت سنیه سندن بیان قلنان
پرنس دوناصو ایله پرنس دو اولدنبورغ اولسی مناسب کی تخطر اولنمش ایسه ده
اراده مله میت افاده جناب تاجداری هر نه وجهه متعلق و شرف صدور بیوریلور ایسه
اصابت آنده اوله جنی محاط علم عالمشمول حضرت خلافتناهی اولدقده اولبایده
وقاطبه احوالده امر و فرمان حضرت ولی الامر افدمز کدر .

فی ۳ رجب سنه ۳۰۴ و فی ۱۶ مارت سنه ۳۰۳



مایین همایون باشکتابتندن اراده سنیه یی مبلغ تذکره خصوصیه

بلغارستانك بولندیغنی حال کشا کشته دوامی محذور و مخاطره دن سالم اوله میوس
ایشه بر حسن نتیجه ویرمنک زمانی حلول ایلمش اولدیغندن بلغارستان هیئت
موجوده سیله پرنس انتخابنه شروع اولنمق اوزره دول معظمه یه بیان حال اولنه رق
مقدما روسیه دولتی طرفدن اراده اولنان پرنس دو مغره لی یه علاوه هپ دولتلك
قبولنه شایان دیگر ایکی نامزد تکلیفیه بوبابده دولت متبوعه صفتیه جانب حکومت
سنیه دن مسابقت کوسترلسی واشبو نامزدلرک اوصاف مطلوبه یی حائز اولدقلری
مقدمه پترسبورغ سفارت سنیه سندن بیان قلنان پرنس دوناصو ایله پرنس دو
اولدنبورغ اولسی مناسب کی تخطر اولدیغنه واقعات سائر یه دار بوصباح
شرفوارد اولان فی ۳ رجب سنه ۳۰۴ تاریخلو تذکره مفصله صدارتپناهی لری
لدی العرض منظور عالی بیورلدی . بونده تعداد بیوریلان موفقیات ذات سامی
فخیمانه لرینک آرای صائبه لر یله اخذ وتلقی بیوردقلری اوامر وارادت سنیه یه
امثال لرینک وسائر وکلای فخام حضراتنک دخی صرف ایلدکاری اقدامات
ومساعی نك ثمره سی اولغله ریاست جلیله وکالتپناهی لری تحتده اوله رق هیئت حاضره
وکلای انتخاب بیورملرندن طولای ولی نعمت بیتمز شوکتا ب افدمز حضرتلری
ذات سامی صدارتپناهی لرینی تبریک بیورمقده درلر . روسیه و المانیا و اوستریا دولتلری
پینده بر زماندن برو منعقد و مسئله شرقیه روسیه پولتیقه سنه مدار و مساعد اولان
اتفاق مثلثک شواننده خلل پذیر اولدیغنی و ممالک شاهانه یه تعرض وقوعنی منع ایچون
بر هیئت دولیه تشکل ایلدیکی و روسیه دولتنک مسئله نك سورنجمده قالمسیله
دولت علیه نك مصارف فوق العاده یوزندن قدرت مالیه نك تناقضنی کندوسی ایچون
وجب منفعت عد ایده چکی بدیهی ایسه ده دولت علیه جه مضایقه مالیه کیفیت
نیجه سندن حذر اولنه جنق بر ماده حکمنی المقده اولدیغنی مارالذکر . تذکره علیه
فخیمانه لرینک همه مندز حندن ایسه ده محتاج بیان اولدیغنی اوزره روسیه دولتی
دولت علیه ایله همجور ووب استیگی زمن کینوعکر سوتیه تموص و بحدده قدر
الاطولی ده کائن ولایات شاهانه یی اشغال ایسی کندوسنجه ممکن اولدیغنه واکرچه

بلغارستانده روسیهیه مخالف بر فرقه واریسه ده اهالی نك قسم اعظمی روسیهیه متوجه
 ومیال اولدینی مثلوق قره طاغ اهالیسی دخی بستون کندوسنه مطیع و مجلوب و صربستان
 ایله رومانیا اهالیسنك بر قسمی بیله روسیهیه مائل بولندیغنه بناء دولت مشالیهاصلا
 گوجندیرلیوب کندوسیله ایوچکینلیک مهم و مقتضی ایدوکندن بدایت مسئله دن برو
 دولت علیه جه اتخا اولنان مسلك بواساسه مستند بولنمش اولسنه وچکن هفته ایچنده
 حضور همایون جناب ملوکانه ده نائل شرف ثول اولان روسیه سفیر یله بلغارستانه سریراً
 بر پرنس اتخابی ماده سی مذاکره بیورلدینی صروده سفیر مشار ایله تلقی ایلدیکی
 مطالعات سنیه یی امپراطور حضر تارینه تبلیغ و اشعار ایده جگنی وعد و بیان ایلمی
 اوزرینه ملاقاتک ایرتسی کونی ذات سامیء صدارت پناهیلر یله ده کوروشمی کندوسنه
 امر و تنیه بیورلدیغندن سفیر مشار ایله باب عالی ده ذات عالی خدیو یلر یله کوروشمش اولدینی
 کبی دونکی کون امپراطور مشار ایله حضر تارینك اشبو تبلیغ اتدن متشکر و ممنون اولدقارینی
 وایشک بر آن اول یتمنسه میال کورندکرینی وقوعبولان اشعار اوزرینه صورت
 غیر رسمیه ده خاکبای شاهانه یه عرض و ابلاغ ایتدیرمش و بوگون دخی باب عالی یه
 گیدرک ذات سامیء دور افخمیلر یله کوروشه جگنی سونیش اولسنه نظراً مطالعه
 معروضه فخمیانه لری حقدده بررأی و مطالعه بیان بیورلزدن اول سفیر مشار الیهک
 پترسبورغدن یگی آلمش اولدینی اوامر و تعلیماتک ندن عبارت اولدینی بیلمک
 لازم گلدیگندن بوگون کندوسیله ملاقات بیوریلهرق وقوعبوله جق تبلیغات و افادت
 اوزرینه ایشک عریض و عمیق تأملیه بو باده نه یا یلق اقتضایده جگنک عتبه علیایه
 عرضی امر و فرمان بیورلدینی گبی مضایقه مالیه نك گوندن گونه اشتدادی جهتیله
 اصلاحات مالیه یه کمال کرمی ایله تشبث اولنسی بالدفعات امر و فرمان بیورلمش و بوده
 احتیاجات حاضر یه کوره بر بودجه تنظیمه و خزینه جه و بالجمله شعبات ادره جه
 اسرافاتک اوکی آلمق و هر طرفجه تصرفه تمامیه رعایت قانمقله برابر امور مالیه نك
 بر طاقم اهلیتسز و قیدسز و مرتکب آدمارک الندن تخلیصنه متوقف بولنمش ایدوگندن
 بو باده کی ازادات سنیه احکام جلیله سی دائرة اصابت باهره سنده بر آن اول اجرای
 ایجابات صلحته اهتمام اولنسی بوکره دخی تأکید و تکرار بیورلمش و لغله و باده
 امر و فرمان حضرت ولی الامر کدر .

فی ۳ رجب سنه ۳۰۴ و فی ۱۶ مارت سنه ۳۰۳

ما بین همایون باش کتابتنه جواباً تذکره خصوصیه

بلغارستانک بولندیغنی حال کشا کشده دوامی محذور و مخاطره دن سالم اوله میوب
 بوایشه بر حسن نتیجه ویرمنک زمانی حلول ایش اولدیغندن بلغارستان هیئت
 موجوده سیله پرنس اتخابنه شروع اولنق اوزره دول معظمه یه بیان حال ایدیلهرک
 مقدا روسیه دولتی طرفندن ارأه اولنا پرنس دومنیغره لی یه علاوقه هپ دولترک
 قبوله شایان دیگر ایکی نامزد تکلیفیه بو باده دولت متبوعه صفتیه جانب حکومت
 سنیه دن مسابقت گوسترلمی واشبو نامزدلرک پرنس دوناصوایله پرنس دو اولدنبورغ
 اولسی مناسب گبی تخطر اولندیغنه و افادات سائر یه دائر بوضوح عرض عتبه علیا
 قلنان تذکره عاجزی و زرینه ولی نعمت بی متمز پادشاهمز افدمز حضر تارینك
 حق بندکانه مده از سرنو شایان بیوریلان توجهات معالی غایات جهانبانیلرینی
 مبشر و چکن هفته ایچنده حضور همایون جناب ملوکانه ده نائل شرف ثول اولان
 روسیه سفیری ایله بلغارستانه سریراً بر پرنس اتخابی ماده سی مذاکره بیورلدینی
 صروده سفیر مشار ایله تلقی ایلدیکی مطالعات سنیه یی امپراطور حضر تارینه
 لدی الاشعار امپراطور مشار ایله اشبو تبلیغ اتدن متشکر و ممنون اولدقارینی وایشک
 بر آن اول یتمنسه میال کورندکرینی دونکی گون صورت غیر رسمیه ده خاکبای
 شاهانه یه عرض و ابلاغ ایتدیرمش و بوگون دخی باب عالی ده ثناورلریله گوریشه جگنی
 سونیش اولسنه نظراً مطالعه معروضه عاجزی یه متدائر بر رأی و ملاحظه بیان
 بیورلزد اول سفیر مشار الیهک پترسبورغدن یگی آلمش اولدینی اوامر و تعلیمات
 دن عبارت اولدینی بیلمک لازم گلدیگندن بوگون کندوسیله بالملاقات وقوعبوله جق
 تبلیغات و افادت اوزرینه ایشک تأملیه بو باده نه یا یلق اقتضایده جگنک عتبه
 علیایه عرضی و امور مالیه نك صورت اصلاحی حقدده شرفصدور بیوریلان
 ارادات حکمت آیات جناب خلافتناهی بی مشعر تذکره خصوصیه علیه لری اخذ
 و فرائت و بوکره دخی فوق الاستحقاق مظهر بیورلدیغنی التفات جهاندراجات حضرت
 تاجداریدن طولانی هر آ زبور زبان رقتیبیان اولان دعوات مفروضه جناب
 نه ناهی با کمال افتخار تکرار و تلاوت اولندی. سفیر مشار الیه بوگون نزد ثناوری یه

و بو مناسبته اضاعه ایدیلان اوقاتک عین حالات وقوعی محتمل اولسیله موسیو نلیدوفه بیان قلندیغی وجهله مادامکه یالکیز بر نامزد ازانسی و بونکده روسیه دولتی طرفدن اورتهیه قومی تکلیف اولنیور اشبو نامزدک هر طرفک قبول و تصدیقنه مظهر اوله بیله جک بر پرنس اولسی و ده اشبو نامزدک ازانسیله برابر صورت انتخاب و تعیینی معاملاتنه دائر بعده مذاکرهیه قونیهلجق نهلر وار ایسه انلرک دخی قابل اجرا اولوب اولمدیغی ا کلاشامق ایچون شمیدین بیلدیلمسی اقتضایده جگندن موسیو نلیدوفه آکا کوره جواب اعطاسی تخطر اولمش و روسیه نیک بو تکلیفی اوزرینه مسئله نیک سرعت تسویه سنجه دولت مشارالیه طرفدن تسهیلات گوسترلمسی مأمول اولیوب مع مافیله محافظه حسن مناسبات ایچون بوبابده دخی دولت مشارالیه نیک تکلیفنه مماشات گوسترلمسی موافق حال اولوب شوقدرکه اولجه دخی عرض حضور عالی قلندیغی وجهله بلغارستان هیئت اداره حاضره سی شو قرار سنز خالدن مشتکی اولان افکار مفرطه فرقه سنک تصدیق تحتنده بولمغله بو حال کشمکشه بر نهایت ویرمک زعمیله فرقه مذکور هیئت مذکوریه بی دوشروب اداره حکومتی اله آله جق اولورسه صورانییه بی دعوتله پرنس علیکساندری امارته تکرار انتخاب ایتدیرمک کی روسیه نیک برقات دها بغض و غضبی داعی طور و حرکتده بولنه رق حال و موقعی دها زیاده اشکال ایلمری احتمالدن بعید اولمدیغی جهتله حکومت سینه جه مسئله نیک بر ساعت اول بیتورلمسیله بلغارستانک حال طبعیسنه ارجاعنی طلب و اصراردن خالی قالماق لازمگله جگندن مزده حکمتوفد جناب شهریاریده رهین تنسب اولدیغی تقدیرده موسیو نلیدوفه بوجه معروض جواب اعطاسیله مؤخرأ حکومت متبوعه سندن الوب تبلیغ ایده جکی تعلیمات اوزرینه ایجاب حاککینه بالتأمل عتبه علیایه عرض اولنسی مناسب کی مطالعه قلنمش اولمغله و امور مالیه نیک صورت اصلاحی خزینه جلیله جه در دست تدقیق و تأمل اولوب قریباً ویریه جک لایحه اوزرینه کیفیت مجلس و کلاجه دخی مذاکره اولنه رق قراری عرض حضور عالی قلندجی درکار بولمغله سده سنیه ملوکانهیه عرضی متمنادر اقدم

فی ۱۶ مارت سنه ۳۰۳



گلوب طرف اشرف حضرت پادشاهیدن دولت متبوعه سنه اجرا ایلدیگی تبلیغاته جواباً المش اولدیغی تعلیماتک خلاصه سی بلغارستان مسئله سنک بیتورلمسی حقیقه کی ارزوی شاهانهیه ایمپراطور حضرتلری اشتراک ایله ذات شوکتسات حضرت پادشاهییه اولان رعایت مخصوصه سنه و بو وسیله ایله ده بر دلیل جدید ابرازینه اهتمام ایلمش اولدیغندن بلغارستان امارتی ایچون اول امرده بین الدولتین بر نامزد قرارلشدیریلوب اشبو قرارک سائر دول معظمیه تبلیغیه موافقتلری استحصال اولندقدن صکره چونکه روسیه دولتی بلغارستان پرنسک هیئت حاضره مذکور نیک رأینه مراجعت اولنقسزین امارته بالتعین یرلشدیرلمسی مرکزنده ایدوکی افاده اولنسی اوزرینه اولوجهله در میان اولنه جق نامزد هنوز معلوم اولوب اولمدیغی طرف عاجزیدن لدی السوال موسیو نلیدوف الدیغی تعلیماتده بوکا دائر صراحت اولمدیغی فقط صورت معروضه نزد هایون ملوکانهده اساساً قرین قبول اولدیغی حالده پترسبورغدن استفسار و ته جغنی بیان ایلمسیله اعتقاد ثناورییه کوره دولت متبوعه سنجه تنسب اولنه جق پرنس نزد شاهانهده دخی رهین تصویب عالی اوله جغنی درکار اولمغله برابر بو پرنسک انتخابی بلغارلره توصیه و حتی قبولنه مجلس عمومی دعوت دخی اولنور ایسه ده حق انتخاب عهداً آنلره عائد اولدیغی حالده ازان اولنه جق نامزدک مطلقاً انتخابه صورانییه مکلف طویله میه جغندن روسیه دولتی در میان قلنه جق اولان نامزدک گرک بلغارلرک و گرک دول ممضیه نیک قبولنه مظهر اوله بیله جک بر پرنس اولسی خصوصنک تأملی دخی دولت مشارالیه براهلیمق لازمگله جکی طرف تناوریدن بالیان اولوجهله مطلوبه موافق بر نامزد حاضرلندقدنه بونک انتخاب و تعیینیه امارته اقعادی ماده سنک صور اجرائیه سی حقیقه اولان معلوماتی دخی اتفهام اولندقدنه سفیر مشارالیه بو خصوصه دائر هنوز هیچ بر معلومات آلیوب بین الدولتین قرارلشدیریله جق اولار پرنس بالاقدام بلغارلره قبول ایتدیریله بیله جگندن بونک امارته یرلشدیرلمسی کیفیتی بعده میانده بلندا کره قرارلشدیریله جغنی تکرار اولنمشدر . بیاندن مستغنی اولدیغی اوزره بزجه مسئله نیک بر آن اقدم بیتورلمسی نه درجه مطلوب ایسه روسیه دولتسنجه دخی بلغارلر کندوسنه عرض اقتیاد اینجهیه قدر بلغارستانده ایقاع مشکلات ایله مسئله بی سورندیرمک او مرتبه ملتزم اولدیغندن دولت مشارالیه نیک تکلیف واقعی بلا شرط قبول اولنسی حالده مقدما تکلیف اولنان پرنس دومینغرملی نیک بلغارلره قبول ایتدیلمسی خصوصنده تصادف اولنان مشکلاتک

ما بين هايون باش كتابته جواباً تذكرة خصوصيه

بروجه استيدان روسيه سفيرينه اعطاسي مقتضاي امر وفرمان هايون ملوكانه دن بولان جواب اوزرينه سفير مشاراليه طرفندن باب عاليه هنوز ايضاحات ويرلماش اولديغندن ايضاحات مطلوبه خارجيه ناظري پاشا حاضر تلري واسطه سيله تعجيل قلمسي اوزرينه سفير مشاراليه اولبايده حكومت متبوعه سندن جواب المديغني والمديني آنده تبليغ ايدجكني بيان ايله برابر اولجه پترسبورغدن المش اولديغني برتخريراتي قرآتله نه يولده افاداده بولنديغني مابين پاشاي مشاراليهدن النان في ۷ رجب سنه ۳۰۴ تاريخلو تذكرة منظور عالي بيورلمق ايچون لفاً تقديم قلندي. مطالعه سندن محاطعلم عالي بيوريله جنج وجهله روسيه نك تكليفي بلغار اداره حاضره سني پرنس اتخانه قارشدير مامق وتعبير ديكرله پرنسي فرقه مخالفه به انتخاب ايتديرمك مقصدينه ميني باب عاليه هيئت نيابت حقه تبيديل طور ومسلك اولنه رق حكومت سنيه بلغارستانده بر حال مشروعك اعاده سنه صالح تدابيرى اجرايه مجبور بولنديغنيك دول معظميه صراحة تبليغيله امارتك حال حاضرى برلين معاهده سنه موافق اولديغندن دولت عليه ايله روسيه دولتي بيننده قرارلشديريله جق صورته گوره دولتلر نژدنده اجراي تشبثات اولنسي وشايد بلغارستان اداره سنده بولسانلر مخالفت گوسترلر سه طرف دولت عليه دن برغوس لماننه بر حرب سفينه سي ارسالى وبرا اجراي نمايش عسكرى ايله معامله تضيقيه ده بولنمسي صورتلري اولوب روسيه نك بلغارستانه عسكرى سوق ايدمه مامسي ايچون تدابير مقتضيه اتخاذي حقه مقدمه شرفسنوح وصدور بيوريلان امر وفرمان حكمتيان حضرت خلافتناهي اوزرينه مسئله بين الخواص عريض وعميق مطالعه اولنه رق اولبايده عرض حضور عالي قلنان مضبوطه بيان اولنديغني وجهله روسيه نك بلغارستانه فعلاً مداخله سي يا بلغارستانده بر محاربه داخله يي منتج اختلال ويا خود بلغارلك دولت متبوعه به قارشو عصيانيله عساكر شاهانه ايله بلغارلريننده جنك وجدال وقوعه متوقف گورنمش ايدوكندن بلغارستان حكومت موقه سي داخله منع اختلاله مقتدر بولنديغني گي باب عاليه جده بلغارلك دولت متبوعه لرينه قارشو دائره اطاعتدن چيقما لرينه اعتنا ولتمق مسلكي

اتخاذ اولنش وشبو خط حرکتك موافق حال ومصالحه ايدوكي مؤخرآ وقوعاته نابت اوله رق حكومت حاضره منع اختلاله مقتدر اولديغني مثللو روسيه دخي بلغارستانى اشغال عسكرى تحتنه آلمغه وسيله بولامامشدر. مؤخرآ اوروبا بولتيقه سنك منافع دولت عليه ده موافق بر حاله تحولى اوزرينه روسيه دولتي تعديل مسلك ايتمش ايسده بلغارستانده اولان مقاصد بولتيقيسندن بالسهوله كفيده ايتيه جكي دركار بولنديغندن بلغارلري بر عصيان حاله كتيروب دولت عليه يي قوه حربه استعمالنه مجبور ايدرك بو واسطه ايله استحصال مقصدايتمك املنده بولنمش اولوب في الواقع هيئت اداره حاضره يي طرفدايله پرنس اتخايجي روسيه طرفداراني واسطه سيله اجرا ايتديرمك ايچون يالكز بر نمايش عسكرى كافي اوليوب اشبو نمايشك بيله نتيجه سي ينه محاربه يه منجر اوله جغندن بومسئله ده دولتلر بيننده واقع ولان اختلافه نظرآ اوليه بر محاربه نك عاقبتى نه اوله جنجى جاي تأمل اولديغنه وروسيه دولتي امارتك حال حاضرى برلين معاهده سنه موافق اولنديغني رآينده بولنيورسده بوراى دول سائرجه مصدق اولنديغني جهتله او اساس اوزرينه دولت عليه ايله روسيه دولتي بيننده قرارلشديريله جق صورت دول سائر نك مخالفتنه تصادف ايدجكندن بو بايده روسيه دولته باغلامق جايز اوليه جنجى بديهي بولنديغنه بناء موسيوليدوفك پترسبورغدن الوب تبليغ ايدجكي ايضاحاتك تدقيقه دولت مشاراليهانك تكليفي قابل اجرا بولنديغني حاله آ كا گوره دول سائر نژدنده اجراي تشبثات اولنسي واولنديغني صورته ايچاب حاله توفيق مامله ايدلسي لازم كله جكندن اولبايده اولان مطالعه عاجزى عرض حضور عالي قلنه جغنيك سده سنه ملوكانه به عرضي متسندر اقدم.

في ۸ رجب سنه ۳۰۴ و في ۲۱ مارت سنه ۳۰۳



ابتدا دولتلك بوضوح موافقتلى مشكوك اولدينى مثلو بوموافقتك حصولى
تقديرده نيابته تعيين قلنه جق پرنسك بلغارستانده اكثرى تشكيل ايدن فرقه لرك
مرضيسى خلافه اجرا آته تصديسى حالده بلغارلر بوپرنسى دخى مملكتدن طرد
واخراج ايدجكلى ملحوظ اوله رق بونك نتيجه سنده بلغارلرى عصيان حاله
ك يروب قوه جبريه استعماله و بناء عليه برغاله احداثه سبب اوله بيه جگندن
وهر حالده بومسلك مسئله يه قريبا برنهایت ويرمنك طريق صحیحى اولدينى جهته
بو يولده ينه ايش سورنجمده قاهره بلغارستان انواع وقوعات ومخاطراته
معروض بر حالده بولنه جنى گي بومسلك دن طولاي بر زماندن برى سلاح آلتنده
بولندي رلقده اولان قول اردوى هايونلرى طاعيديله ميوب مصارف فوق العاده
يوزندن دولت عليه نك قدرت ماليه سى دوچار ضعف كلي اوله جگندن او مثلو
نتيجه سى امنيت بخش اوله ميان برتكليفه ميانده موافقتله روسيه دولته باغلامقندن
ايسه « مسئله نك صلح ومسالت عموميه نك محافظه سى قضيه سنه تعلقى جهته تكليف
معروضك وقوعات وخيمه يى داعى مشكلاته تصادف ايتكسزىن اجرا اوله بيه جگنى
حكومت سنيه بالكزجه تأمين ايدم ميوب حل مسئله نك صورت امكانى بين الدول
تعاطى افكار ايله تقرر ايدم بيه جگندن بلغارستانك بولندينى حال وموقعك جانب
باب عاليدن دول مضيه يه بيانيله بونك اوزرينه قاينه لر بيننده مخابره اولدينى صره ده
روسيه دولتلك واقع اوله جق تكليفى سائر دولتار مثلو دولت عليه جه دخى نظر
اعتباره الهرق برلكده تدقيق اوله جنى « زميننده موسيو نليدوفه جواب اعطاسيله
برابر بوجه معروض بلغارستانك بولندينى حال وموقعك بيانيله بر زماندن برو
سورنجمده قالان شو پرنس انتخابى مسئله سنه بر صورت ولاجل الانتخاب
بر ايكى نامزد قرارلشديرلسنه دول معظمه نك دعوت ايدلسى مناسب گي تخطر
اولنش ايسه ده اولبايده وقاطبه احواله

في ۱۰ رجب سنه ۳۰۴ و في ۲۳ مارت سنه ۲۰۳



عنه سنيه يه عريفنه خصوصيه

رضاباشا قوللرى واسطه سيله تلقى اولنان امر و فرمان هايون حضرت خلافتناهي
اوزرينه بواخشام باب عاليدن عودنده روسيه سفيري ايله گوريشوب مشار ايه جواباً
موسيو كيرسدن آلمش اولدينى تلغرافنامه ده دولت عليه ايله روسيه دولتى بيننده
بلغارستان امارتى ايچون ميانده بالاتفاق قرارلشديريله جق نامزد المانيا دولته و دولت
مشار ايلها واسطه سيله ديگر دولتاره قبول ايتديرلسنى متعاقب جمله نك اتفاقيه اشبو
نامزد امارت مشار ايلها نيابته تعيين قلنوب بو واسطه ايله امور اداره مملكت تحت
انضباطه الهرق تنظيم اولندقدن صكره انتخابات جديده اجراسيله تشكيل اولنه جق
مجلس عموميه مارالعرض نامزدك پرنسلكه انتخاب اولنسى اشعار قلنديغى بيان
ايلمسيله نامزدلگى قرارلشديريله جق اولان پرنسك نيابته تعيينندن ايسه طوغريدن
طوغرى يه امارته انتخاب وتعيينى يولنه كيدلسى و اولوجهه پرنسك نائب صفتيله
ايدم جگى تنظيماتى پرنس صفتيله اجرا ايلسى دهها زياده موافق مصلحت اولزى
سؤاله سفير مشار ايه طرفدن ويريلان ايضاحاتده نيابته تعيين قلنه جق اولان
پرنس اول امرده هيئت اداره حكومتى تشكيل ايله عسكرك تنظيمى و امارتك
نظامنامه اساسيسنك تعديل وتسويه سى و بلغارستان ايله روم ايلي شرقى نك اتحاد
و اداره سنه متفرع تشكيلات وتعديلاتك ايفاسى مثلو اجرا آته تشبث ايدم جگندن
موفق اولدينى صورتده امارته تعيينى وعدم موفقيتى حالده اولوقت ينه ايچابنه
باقلمسى لازم گله جگى تصريح اولنش و نامزدك اسى سؤال اولندقدم موسيو
كيرسك تلغرافنامه سنده صراحت اوليوب ينه پرنس دومينغره لى وياخود بشقه سيمى
اوله جق معلوم اولدينى جوابى ويرلشدر. صورت معروضه فرقه مخالفه رئيسى
زانقوفك مقدا و يرمش اولدينى لايحه ده تكليف اولنان موادك موقع اجرايه وضعى
ديمك اولوب بومقصدك حيز حصوله وصوله وقتيله جنرال قولبارس واسطه سيله ده
تشبث اوله رق حاصل اولان نتيجه بلغارلرى روسيه دولتدن برقات دهها دلكير
ايتكندن عبارت اولمسيله موسيو نليدوفه دخى ايما اولدينى وجهه دولت متبوعه سنك
تكليف جديدى ذاتاً تجربه اولنان برشى تكرر تجربه يولنه كيتمك ديمك اوله جگندن

ما بين همایون باش کتابتنه جواباً یازیلان تذکره خصوصیه

پرنس علیکساندر طرفندن فلبده قالجوفه کشیده قلنان بر تلغرافنامه ده « نیا تکزردن غایت محسوسم قلباً تشکرایدرم » کبی مبهم سوزلر بولنوب اگرچه بعض دولتار مشارالیه پرنسک امارته عودتی تجویز ایتمکده ایسه لرده شاید کندوسی دیگر طرفندن قوت الهرق بلغارستانه عودت ایده جک اولور ایسه عودتیه برابر بلغارستانک اعلان استقلال ایلسی ملحوظ وبوحالدر بالآخره غوائل عظیمه حدوتی دعوت ایده جگی درکار اولدیغندن مذکور تلغرافنامه مندرجاتنه و روسیه سفیرینک بوکون اخشام ۲ وزیر رضاپاشا حضرتلری طرفندن باراده سنیه ثناورلرینه تبلیغ ایدلش اولان بیاناته نظراً تأمل کیفیتله بوبابده کی مطالعه عاجزینک عرضی حقنده شرفصدور بیوریلان امر وفرمان همایون جناب تاجدار یی مبلغ تذکره خصوصیه علیه لری وملفوفی الندی . پرنس علیکساندرک تلغرافنامه سی یوم ولادتی مناسبتیه فلبده کندوسنه تبریکی حاوی یازیلان بر تلغرافنامه یه جوابدن عبارت اولوب فی الواقع بلغارستانده پرنس مشارالیهک عودتی ارزوایدنلر پک چوق ایسه ده امارته تکرار انتخاب اولنسی غیر مأمول وبوبابده اولجه انکلتره سفیری تبلیغات تأمینیه ده بولندیغی کبی قونت قالنوی دن بالورود بوکون باب عالی یه گلمش اولان آوستریا سفیری طرفندن صورت مخصوصه ده قرائتله بر صورتی ویریه رک لاجل التقدیم ترجمه ایدلمکده بولنان تحریرات مندرجاتی دخی پرنس علیکساندرک تکرار امارته انتخابی ویاخود بلغارستانده استقلال اعلانی ناقابل ایدوگنی مؤید اولوب بلغارلر دائره اطاعتده محافظه اولندیجه خلاف مرضی عالی حال وحرکتده بولنیه جقلری درکاردر . موسیونلیدوفک رضا پاشا حضرتلرینه واقع اولان بیاناته کلنجه سفیر مشارالیه سفرای سلطت سنیه یه یازیله جق اولان تلغرافنامه عمومی یی گورمش اوله بلکه ادرجه تلاش ایتزایدی ض اولتور . چونکه اشیر تلغرافنامه گرچه موسیونلیدوفک تشبثات واقعه سنده موقیبتی تأمین ایده جک درجه ده دگل ایسه ده بونده بلغارستانک مستثنی برحالده بولندیغی بیانیه قاینه لر بیننده تعاطی افکار اوله رق تسویه مسئله یه بر صورت بولنسی و انتخابه وضع اولنقی اوزره بریاخودایکی

نامزد قرارلشدیرلسی خصوصارینه دولتار دعوت اولنه جغندن بوصورتله روسیه تکلیفک تمشیتنه بر زمین حاضر لائمش اولور . امارته بر پرنس تعییندن عبارت اولدیغی حالده یدی ماهی متجاوز برمدتدنبرو سورنجمه ده قالان شومسئله یه نهایت ویرمک خصوصه خلوص نیتله سلوک ایدلش اولسه بر قاچ کون ظرفنده تسویه مسئله ممکن ایدوگی آشکارایکن ماده نک کشا کشته قالمسی دولتینک مقاصدی یکدیگرینه مابین اولسندن منبعث اولوب دولت علیه نک منفعتی بر آن اقدم مسئله یه نهایت ویره رک غائله دن امین اولمق و روسیه نک مقصدی بلغارلری کاملاً تحت اطاعتنه التجیه قدر مسئله یی سورندیر مک اولدیغی بدیهی و فقط صلح و منسالت عمومیه نک محافظه سنی التزام ایدن بش دولتک بوبابده دولت علیه نک مقصد و مسلکنه اشتراک ایلری طبعیدر . حل مسئله ایچون دولتک نقطه استنادی برلین معاهده نامه سی اولدیغی وعهداً حق انتخاب بلغار اهالیسنه عائد ایدوکی درکارایکن ارأه اولنه جق نامزد حقنده موافقتلرینی بلغارلرک قبولنه تعلیق ایده جکلری نمایان اولدیغی حالده روسیه نک ارأه ایده جکی نامزدی بلغارلره قبول ایتدیروب یرلشدیرمک تکلیفی حکومت سنیه نک روسیه یه قارشو تعهد ایتسی تهلکه دن سالم اولیه جفی وارسته عرض و بیاندر . موسیونلیدوفک تعریفنه گوره دولتاره اولنه جق تکلیف میانده قرارلشدیریله جق اولان نامزدک اول امرده نیابته تعیینیه روسیه دولتک بلغارستان ایله اعاده مناسبات ایتدکن صکره امارته تعیینی ماده سنندن عبارت اولوب تبلیغات واقعه نک میانده تحت اتفاقه انه جق اولان تفرعاتی محرم طوتیه جغندن بالفرض دولتار عن جهل بوتکلیفه موافقت و بلغارلر دخی بوصورتله مسئله بر طرف اوله رق ارأه اولنه جق نامزد متعاقباً انتخابه وضع ایدیه جک ظنیه بونی قبوله مسارعت ایتش اولسه لر بیله مقصدک قسم اولی حاصل اولدقن صکره نائب اوله جق هیئت مدیرانک تشکیلی ومأمورینک روسیه طرفدار ی اولان فرقه مخالفه ایله تبدیلی ومتمماً مطرود اولان ضابطانک اعاده سیله حربیه اداره نک بر روسیه جزائنه احکامی ونظامه داخلی تک تعدیلی مثلوه موادک اجراسنه تشبث اولندقدنه بلغارلرک سربستی صافی مقصد اصلیرینه بنابر اجراءه اصلا میدان ویرمیه جکلری گی بلغارستانده روسیه نفوذینک عودتی اینجیان دولتار دخی اهالی یی مخالفته جراً تلندیره جکلرندن در حال بلغارلر نائب اوله جق برنسی مملکتدن طرد و اخراجه شتاب ایده جکلری شبه سز اولغله بوتقدیرده

بلغارلر هم روسیه و همده دولت علیه قارشو عصیان حالده بولنش اوله جقارندن شو حالده روسیه دولتی نزدنده دولت علیه بلغارستانه عسکر سوقيله اهالی بی تحت اطاعته المق وظیفه سیله مکلف طوتیلوب سائر دولتلر ایسه بونی تجویز ایتیه جکلرندن ایلروده حکومت سنیه هم روسیه بی ممنون ایتامش و همده دیگر دولتلری کوجندیرمش اولغله برابر بلغارلر دخی تحت اطاعتدن چیقارلمش اوله جغه نظراً روسیه نك تکلیف واقعی ایشی بر حسن نتیجه ایصال ایتدکدن بشقه مسئله نك مشکلاتی قات قات آرتیروب دولت علیه بی وخیم بر موقعهده بولندیره جنی تأمل و گوندن کونه مشدد اولمقده اولان مضایقه مالیه مز دخی ملاحظه اولندقجه حکومت سنیه نك شمیدیکی حالده بولندیغی موقع عالی بی محافظه ایچون یالکیز روسیه نك تکلیف محرمانه سنه باغلامقدن ایسه دول معظمه نك جمله سنه مراجعتله آچیقندن آچیغه تعاطی افکار اوله رق قابل اجرا برقرار استحصالیه بذل مساعی اولنمی اولی کورینور. بوبابده سائر دول معظمه سفرا سیله صورت محرمانه ده استشاره فرمان بیوریلورسه ولی نعمت بی متمززات شوکتسات افدمز حضرتلری ایچون اطمنان تام حاصل اوله جغنك عقبه سنیه عرضی متمنادر افدم .

فی ۱۳ رجب سنه ۳۰۴ و فی ۲۶ مارت سنه ۳۰۳




تذکره خصوصیه

بلغارستان مسئله سنك تسویه سی حقنده روسیه دولتنك تکلیفی موسیو نلیدوفك رضا پاشا حضرتلری واسطه سیله عقبه علیایه عرض ایلدیگی وجهله دولت علیه ایله روسیه دولتی بیتنده قرارلشدیریله جق اولان نامزدك آلمانیا دولتی وساطتیه سائر دول ممضیه نك موافقتلری بالاستحصال بلغارستان امارتی نیابتیه تعیین ومتعاقباً صوبرانیه نك اجتماعیه بلغارستان پرنس لکنه انتخاب اولنمندن عبارت ایسه بوکا حکومت سنیه نك مع الممنونیه موافقت ایده جگی درکار اولوب فقط سفیر مشار الیهك صورت معروضیه علاوه اوله رق باب عالییه واقع اولان ایضاحاتی وجهله میانده نامزدلگی قرارلشدیریله جق اولان پرنسك نیابتیه نصبندن صگره پرنس مشارالیه طرفندن هیئت مدیران تشکیل و باغار عسکری تنظیم و بلغارستانك نظامنامه داخلی و روم ایلی شرقی ایله اتحاد اداره سی نظاماتی تعدیل اوله رق بیکدن اجرای انتخابات ایله اجتماع ایده جك مجلس عمومییه تعدیلات واقعه تصدیق ایتدیرلکدن صگره پرنس مشار الیهك امارته انتخاب ایتدیریله رک یرلشدیرلمسی ماده لری روسیه دولتنجه ملتزم اولدیغی حالده برطاقم موانع و مشکلاته تصادفی ملحوظ اولان بومثالو تشبثات و اجرا آتک موفقیتنی حکومت سنیه یالکیز باشنه تأمین ایده میه جکنند مواد مذکوریه دائر دخی بین الدول تعاطی افکار اولنمی و اگرچه بونلر ملتزم دکل ایسه مشارالیه رضا پاشا واسطه سیله عرض اولان تکلیف ایله اکتفا ایدیه جکنك بیان قلمسی ضمننده بر موجب اراده سنیه پاشای مشارالیه واسطه سیله سفیر مشارالیه تفهیمات لازمه اجرا اوله رق النان جوابنده باب عالییه فضله اوله رق واقع اولان افاداتی کندو رای مخصوصی ایدوکنك بیانیه تبلیغاتمز اوزرینه دولت متبوعه سندن استفسار کیفیتله اله جنی جوابی بیلدیره جکنی سفیر مشارالیه اتیان ایلدیکنی پاشای مشارالیه گلوب افاده ایلش و باب عالی نك بوبابده دولتنزه مراجعت ایتک تشبثده بولندیغنی روسیه دولتی آکلامسیله تعدیل مسلك ایلمسی مأمول ایدوکی ظننده بولنشدر . شمدی به قدر بومسئله ده روسیه نك بولتیقه سنه لایقیه کب وقوف ایدلش اولدیغندن دولت مشارالیه بلغارستانده کافی السابق اعاده نفوذ ایده میه جک

اولدینی حالده پرنس آتخابنه موافقتله مسئله نك كندو منافعی خلافده نهایت پذیر اولسنی تجویز ایتکدن ایسه فرصت وقوعه دکن معلق بر حالده قلمسنی ترجیح ایده جکی بدیهی اولوب بویسه دولت علیه نك ازدیاد مضرتی موجب اوله جنی جهته دولتره بالمراجعه دفع مشکلاته چاره آرامسی ضروری ایسه ده مادامکه موسیو نلیدوف نبلیغات واقعه اوزرینه دولت متبوعه سندن استفسار کیفیت ایشدر . الهجنی جوابه انتظار اولسنی طبیعی اوله رق بوفرستله دخی روسیه نك صورت فکر و مطالعه جدیده سی آ گلاشادقده ایجاب حال ینه بالتأمل عرض عتیة علیا قلنه جغتک خاکای هایون ملوکانه یه عرضی متمنادر افندم .

فی ۱۴ رجب سنه ۳۰۴ و فی ۲۷ مارت سنه ۳۰۳



عتبة سنیه یه عرضیه خصوصیه جوا بیه

دولت علیه نك اتفاق مثله صورت التحاقی حقنده اولان مطالعات مخصوصه عاجزینک و برده قبریس معاهده نامه سنده دولتین معاقدین یکدیگرینه قارشو بعض تعهداتده بولندینی کی مقدمه دولت علیه نك انکلتره و آوستریا و صربیه اتفاقه التحاقی ایچون بسط مقدمه اولندینی صروده دولت علیه نك کندولرینه قارشو نه مثلاً تعهداتده بولنه چنی و آنرا گنده دولت علیه یه نه یولده تأمین منفعت ایده جکلری بیان و تصریح ایدیلوب ایدلمریگنک و دولت علیه نك اتفاق مثله التحاقی حالاً و استقبالیاً نه درلو منافعی و عکسی حال نه گی محاذیری مستلزم اوله جغتک و الحاصل استقبالیاً هر درلو احتمالاتک باخطرۀ مخصوصه عرض عتیة علیا قلمسنی حقنده باش کاتب پاشا قوللری طرفندن باتذکره خصوصیه تبلیغ اولتان امر و فرمان دقایق بیان حضرت تاجداری منطوق جللی قرین ایقان بندکانه اولدی . مقدا انکلتره و آوستریا و صربیه دولترای طرفندن سفرای سلطنت سنیه واسطه سیله اظهار اولتان آرزوی اتفاقه حکومت سنیه جانندن جواب ویرلمدیگی جهته شرایط اتفاقه دائر برکونا بحث و مذاکره جریان ایتامش ایسه ده مقصد اصلی بلغارستان مسئله سی اوزرینه روسیه نك ممالک شاهانه یه تعرضی احتمالنه قارشو برسد ممانعت چکمکدن عبارت اوله جنی اکلایلوب بونک عدم حصواته و بعده روسیه ایله فرانسه بیتنده برمقارنت اماره سی کورلسنه مبنی انکلتردنک حقوق و قوفی و بلکه ده تشویق و تکلیفیه آلمانیا و آوستریا و ایتالیا دولترای بیتنده براتفاق عقد اولنش و بواتفاق شرایطی ایسه دول مشارالیه مدن هر برینک مملکتتک استاتوقوسی یعنی بولندینی حال محافظه اولنق اوزره هر قغیسنک الکانسه خارجدن تعرض وقوعه گله جک اولور ایسه بو تعرضی جمله سی بردن قوه متحده لر یله مدافعه ایتک اولدینی و انکلتره نك مستملکاتنه دگل فقط منافعه تجاوز و وقوعنده بونک مدافعه سی دول ثلثه معروضه بیتنده منعقد اولان اتفاق شرایطله قابل تطبیق اوله میه جغندن انکلتره دونتی اتفاق مذکره اویولده داخل اولمیوب شوقدرکه روسیه تعرضتک مدافعه سنه اشتراک ایلیه جکی ترشح ایدن معلوماتدن منقهم اولمشدر . دولت علیه ججه اشبو اتفاقه داخل

اولمق ایچون دولتله بیننده مقرر اولان شرائطدن بشقه برشی تعهدینه حاجت اولیوب سلطنت سینه اوروبادولتلیله روسیه دولتی بیننده اولان مناسبات پوتیقیه ناک محوری مقامنده بولندیغندن دولت علیه ناک اتفاق واقعه التحاقندن دول معاقدینجه حاصل اوله جق منفعت آتیده عرض اولنه جنی وجهله غایتله ذیقیمت اولوب شویله که آلمانیا ایله فرانسه بیننده برحاربه وقوعنده آوستریا روسیه ناک تعرضه معروض برحاله بولنه جنی جهته آلمانیا و آوستریا دولتری یکدیگرینه معاونت ایده میه جگی وایتالیا دولتیک قوه معاونه سنی ایکیه تقسیم ایله ایده جگی معاونتک دولتین مشار الیه مانک پکده ایشنه یارامیه جنی کی انگلتره دخی دولت علیه ایله اتفاق ایتکسزین دونمسانی قره دکزه کچیروب روسیه علمنده استعمال ایلیه میه جگی درکار اولدیغندن شو تقدیرده دولتله بیننده کی اتفاق کآن لم یکن حکمنده عد اولنه بیلور حلبوکه دولت علیه ناک بو اتفاقه داخل اولسیله عرض و بیانندن مستغنی اولدینی اوزره نه فرانسه ناک آلمانیا به ونده روسیه ناک آوستریا به تعرضلینه امکان قالمیه جغندن دولت علیه ناک اتفاق واقعه التحاقی اوروپانک صلح و مسالمت عمومیه سنی گرچکدن تأمین ایتمش اوله جنی درکاردر . اشبو اتفاقک حالاً و استقبلاً دولت علیه به منافی و عکسی حالک محاذیری بختنه کلنجه اول سلطنت سینه ناک اوروپا مسالمت عمومیه سنی حقیه تأمین قدرت بخش اولسی حسیله قدر و شانی بالاتر اولمغه برابر ممالک شاهانه هر درلو تعرضات خارجیه دن مصون اوله جغندن شمیدیکی کی روسیه ناک برغالبه چیقارمسندن حذر اولنیه رق اول باول دولترله بالمخابره بلغارستان مسئله سنی دولت علیه ناک حقوق و منافعه موافق صورتده نهایت ویریلور . ثانیاً دولت علیه آسایش و امنیت داخلیه ناک محافظه سنی کفایت ایدجک قوتدن زیاده عسکر بسلمگه محتاج اولیه رق مضایقه مالیه دن قورتیلوب درحال اعتبار مالیه سی قات قات ترایدیدر . ثالثاً انگلتره ناک تبعه شاهانه دن بعض اقوامی تحریک ایله روسیه علمنده دیگر قوتلر پیدا ایتک تشبیه حاجت قالمیوب لدی الحاجه استناد ایده جگی قوت دولت علیه ناک هیئت مجموعه سی اولمش اولور . رابعاً سلطنت سینه دول معظمه دن درت دولتی دائره اتفاقه الدینی معلوم اولدقده تبعه شاهانه دخی محاربه غائله سندن امین اوله رق متبوع مفضملرینه اولان میل و محبت و انقیادلری ترایدایدوب دعوات خیریه حضرت خلافتیناهی ایله مشغول اولورلر . خامساً صرب و رومانیا دولتری دخی سلطنت سینه ناک داخل دائره اتفاق اولمغه افتخار ایدرلر . سادساً روسیه دولتی مارا العرض

اشبو اتفاق مثلک خارجنده بولندقجه حیثیت و اعتباری تناقص ایده جگی جهته بو حاله تحمل ایده میوب آلمانیا و آوستریا دولترله تجدید معاهده ایله داخل اتفاق اولمغه سعی و تشبیه ایده جکندن بو کاموفیتی حالنده اولجه دولت علیه اشبو اتفاقه داخل اولمش بولنورسه از جمله روسیه ایله دخی تدافعی براتفاق دائره سنی گیرمش اوله رق بو وجهله دخی تعرضدن مصونیتی تأمین ایتمش بولنور . عکسی تقدیرده دولت علیه یالگز باشه قلوب اوروپا دولترینک معاونتندن بری ارلدقجه بلغارستان مسئله سنی روسیه دولتک نفوذی حکم فرما اوله جغندن ایشه بر حسن نتیجه ویرمک قابل اوله میوب بو حالک بر مدت دهها دوامی تقدیرده فرط مضایقه مالیه دن ناشی دولت علیه ناک قوه احتیاطیه سنی طاغتمغه مجبور اولسی و بلغارلرک دخی بر اختلال داخلی مخاطره سنی قارشو شو حال کشمکشه چوق وقت تحمل ایده میهرک و دولت متبوعه لرینک معاونتندن قطع امید ایدرک برلین معاهده سنک اهالی به ویرمش اولدینی صلاحیه استناداً بر پرنس تدارک و انتخابیه دولتره تصدیق ایتدیرمک تشبیه ایلمری مستبعد دکادر . ثانیاً امر انتخابک تأخیریه بلغارستانده مهم بر اختلال وقوعی تقدیرده حکومت موقته بونی درحال باصدیرمغه موفق اوله مزسه اعاده آسایش ایچون دولت علیه ناک بلغارستانه عسکر سوق ایتمک مجبور بولنسی . ثالثاً بو مسئله دن طولانی روسیه ایله آوستریا وانگلتره بیننده بر محاربه وقوعه کله جک اولور ایسه دولت علیه ناک دخی بو محاربه به منجر اولسی . رابعاً بلغارستان مسئله سی بالمخاربه فیصل پذیر اولدینی صورتده چونکه روسیه دخی مارا العرض اتفاق مثلک خارجنده طوره میوب آلمانیا و آوستریا دولترله تجدید معاهده اتفاقیه بذل مساعی ایده جکندن بوکا موفقیتی تقدیرده اناطولی ممالک شاهانه سنک روسیه ناک تعرض و تهدیدینه معروض بر حاله قلمسی اغلب ملخوظاتدر . خامساً بر طرفدن شدت مضایقه مالیه ناک انتاج ایده جگی حالات و دیگر طرفدن دولت علیه ناک شو حالندن استفاده ایتک ایستیان دولترله حکومت مجاوره ناک اهالی بیننه القا ایده جگی فسادات حکومت سنییه بی انواع مشکلاته دوچار ایتسندن حذر اولنور . دولت علیه ناک دیگر دولترله اتفاق وعدم اتفاقی مطالعاتنک تعمیقنده وارد خاطر عجز مظاهر کمترانهم اولات محسنات و محاذیرک عرض و بیانه جرات اولمش ایسه ده سهو و خطادن سالم اوله میان ملاحظات معروضه ناک تصحیح و محو و اثباتی دقایق امور مهمه ده حقایق بین

وواصل مرتبه علم يقين اولان ولى نعمت بى متمز ذات شوكتها افندمز
حضرتلرينك رآى و اراده ملهيمت افاده جناب خلافتناهيلايرينه منوط و متوقف
اولمغين اولبايده و قاطبه احوالده امر و فرمان حضرت ولى الامر افندمز كدر .

في ١٥ رجب سنه ٢٠٤ و في ٢٨ مارت سنه ٣٠٣



گرك در سعادتده غزتهيه درج اولمق ايچون سير و ايت طرفدن قلمه آلديرلمش
اولدينى اكلاشيلان بندق و گرك لوندرده ديل تلغراف غزتهسيلاه نشر اولوب
انكلتره و كلانسك لسان حالى اولدينى لوندره . سفارت سنه سندن بيلديريلان ديكر
بندق محتويته نظراً انكلتره دولتي بلغارستان مسئلهسي حقتده دولت عليه ايله روسيه
دولتي بيننده براتلاف و اتفاقك وجودى اعتقاديله بو حالك نتايج و خيمه سنى شرح
ويان ايدرك شو واسطه ايله برطاقم تصورات و اخطارات مهمه ده بولنش اولديغندن
انكلتره و كلانسك بو وجهه نمايان اولان منوياتنه مقابل و كلای دولت عليه جه دخي
تدابير مقتضيه اتخاذاي لزومه بناء اولبايده اولان مطالعه عاجزينك عتبه عليه
عرضي قرناي حضرت شهرياريدن محمود بك افندى واسطه سيلاه دونكي كون تاقى
اولان اراده سنیه حضرت پادشاهيدن اولمغله ايحجاب حال تأمل اولدى . بياندن
مستغنى اولديغى وجهه بلغارستان امارتنه نامزد اولمق اوزره روسيه طرفدن درميان
اولان پرنس دومنغرولى نك انتخابه وضعيله مسئلهيه نهايت ويرلمسى بلغارستان حكومت
موقه سنه توصيه بوو تشبثك حسن نتيجيه وصولي ايچون دول معظمه نك دخي
انضمام معاونتلى طلب اولنش ايدى . بو بابده يالكز المانيا دولتدن موافقت جوابي
الثوب ماعداسي دريغ معاونت وحتي انكلتره ، اوستريا و ايتاليا دولتلى پرنس انتخابي
مادهسي بلغارستانك امور داخله سندن اولمغله بوكا مداخلاه به حقلى اولمديغندن
بموجب معاهده بلغار مجلس عموميسى طرفندن پرنس انتخاب اولندقدن صكره
كندولرى دخي بيان موافقت ايدى جكاريني بيلديروب بلغارستان هيئت حكومتى ايسه
افكار عموميه پرنس دومنغرولى نك لياقتي عليهنده بولنسنه مبنى انتخابي قابل
اولميه جفنگ اشعاريله اولبايده اجرا اولان وصاياتك قبولي خصوصنده بيان
معذرت ايلشدر . بو نتيجه اوزرينه تكرار روسيهيه مراجعت اولندقدن پرنس
دومنغرولى نك هيئت اداره موقه طرفدن قبول اولنمامسى اهالى نك عدم قبولي
ديمك اولمديغندن هر نه وقت هيئت مذكوره تبدل ايدرك سربستانه انتخابات اجرا سيلاه
عمرى دگندن تشبثك ايدر و پرنس مسلمان الله بولمق طرفندن قبول

SISMANOGLIO

اولنیه جق اولور ایسه اووقت دیگر نامزد ارانه سنه حاجت مس ایده جگی جوانی
 النمش و بو صورتله دولت مشارالیه انک مقصدی هیئت حکومت روسیه طرفدارنی
 یدینه کچنجه یه دکن مسئله بی کیکدیرمک اولدینی منضم اولمشدر . بیان حال
 ضمننده بوکره صوفیه دن گوندرلمش اولان خارجیه مدیر اسسبقی وولقوویچک
 ویردیکی ایضاحاته الحاله هذه هیئت نیابت ایله هیئت مدیران سربستی و محافظه کاران
 فرقه لرندن مرکب اولوب باب عالی نك وصایای و وجهله ذکر اولنان هیئت لر فرق ثلثی
 شامل اولق اوزره اشو هیئتاره زانقوف طاقندن دخی اعضار ادخالنه ذاتاً
 سعی ارلمش ایسه ده روسیه طرفدارنی اولان بوطاقم، زمام اداره حکومتی کاملاً
 اله الملق قصدیه تکلیف واقعی قبول ایتیه رک هیئت اداره ده اکثریتی حائز اولق
 طلبنده بولنش اولوب حالبوکه بونلر بلغارستان و روم ایلی شرقیده اهالی نك انجق
 برخمسی نسبتنده اقل قلیل اولمسیه عسکر دخی داخل اولدینی حاله اکثریت
 اهالی اشبو روسیه طرفدارانك حکومتی قبول ایتیه جکی کبی الیوم نفوذ امارتی
 حائز اولان مجلس عمومی دخی هیئت حاضره نك خلاف کیری اولان دیگر برهیئتی
 اصلاً تصدیق ایلیه جگی جهتله بوبابده اصرار اولنه جق اولور ایسه در حال
 بلغارستانده دیگر اختلال وقوعه کله رک بوضورنک روسیه نك مداخله عسکر یسنه
 وسیله بخش اولمندن حذر اولدینی و اگرچه هیئت حاضره محافظه آسایش ایچون
 مشکلات جاریه خواه ناخواه تحمل ایتمکده ایسه لرده هیچ بریسی حریص منصب
 اولیوب دولت علیه ایله دول معظمه بیننده مناسب بر نامزد قرارلشدیرلدینی تقدیرده
 در حال مجلس عمومینک انتخابنه عرض اولنه رق بووجهله بر پرنسک امارته تعیین
 بیورلدینی گون جمله سی مأوریتدن دستکش فراغت اولق اوزره شمیدین امضاری
 تحتنده سند ویرمه که حاضر بولندقلری آ گلاشلمشدر . الحاصل روسیه دولتی
 هیئت اداره حاضره نك سقوطیله بلغارستانده بر قاریشقلق وقوعه انتظاراً بعض
 تدارکات حربیه ده گورنمکده و هیئت مذکورده ایسه چونکه بر موجب معاهده
 مجلس عمومیجه انتخاب اولنان پرنس دووالده مار روسیه نك عدم موافقتنه مبنی
 حقدنه واقع اولان انتخابی قبول ایتدیکندن بوبابده بشقه برشی پایه میوب دیگر پرنس
 انتخابی ایچون دولت علیه ایله دول معظمه بیننده دیگر نامزد قرارلشدیرلمسنی بکلمکده
 و یسار دول معظمه دخی بوخصوصه عدم موافقتله روسیه نك معاملاتنه مدتظر دقتله
 نتیجه حاله انتظار ایدرک المانیایله فرانسه مسلک بی طرفی اختیار وانکلتره ایله

آوستریا وایتالیا دولتلری لدی الحاجه روسیه نك حرکاتنه مقابله ایده جک تدابیر
 اتخاذینه ابتدار ایلدکلری حس و مشاهده اولنمقده در . روسیه دولتی جمله نك قبولنه
 لایق بر نامزد ارانه سنه بوگون موافقت ایتمش اولسه چند کون طرفنده بونک انتخاب
 و تمینیه مسئله یه نهایت ویرمک قابل اولدینی حاله بوکا راضی اولماسی البته
 کندوسنجه مطلوب اولان بر منفعت مهمه نك استحصالی مقصدینه مبنی اولسی لازم
 کلوب آوستریا ایله انکلتره وایتالیانک مرامی ایسه یا بو منفعتک منعی و یا خود بوکا
 مقابل مسئله بی توسیع ایدرک کندولری دخی بشقه بشقه منافع استحصالی ماده سی
 اوله جغندن و کچن کون انکلتره سفیری ایله مصر مسئله سنه دائر صحبت اولندینی
 اناده استانبول دولت علیه نك ید اقتدارنده بولندقجه مصرک انکلتره یه اصلاً لزومی
 اولدیغندن عسکر نندن تخلیه ایلسی لابد اولوب فقط ممالک شاهانه پارچه لنه جق اولور ایسه
 انکلتره دولتی حصه یاب اولمیدر دیمسی و ذکر اولنان غزته بندلرینک مندرجات
 معروضه سی مارالذ کر اوچ دولتک منویاتنه دلیل ایدوگندن بومیانده دولت علیه نك
 بولندینی موقعک ترا کتی مستغنی عرض اولوب پولتیقه لری یکدیگرینه مابین اولان
 شوابکی طرفک مالک اولدقلری قوه دافعه یه مسلک بی طرفی ده آسایش عمومی نك
 وقایه سنی التزام ایدن آلمانیا نفوذینک انضمامی برغائله ظهورینه مانع اولسی مأمول
 اولسه ده بو حال کشاکش وانتظار بیله دولت علیه بی سلاح التنده بر قوه احتیاطیه
 بولندیرمق مجبوریتی ایله رخنه دار ایتمکده اولدیغنه و چونکه بلغارستان هیئت
 حاضره نك تبدیلی قابل اوله میه جنی آ گلاشلیغنه بناء بوانتظار نه وقته قدر امتداد
 ایده جکی حقدنه روسیه سفیری ایله مکالمه یه گیریشیله رک مناسب دیگر بر پرنس
 ارانه سی وقتی تقریب ایچون بر حد تعیین اولنمسنه چالشمسی و مذکور دیلی
 تاغراف غزته سنک نشریاتی کبی روم ایلی شرقینک عساکر عثمانیه ایله اشغالی
 تصویرینک بر کونه اصلی اولدینی مثللو حکومت سنیه بلغارستان حقدنه دخی برلین
 معاهده سی خارجنده معامله اجرایی نیتده بولندیغندن بوبابده سیروایت واسطه سیله
 انکلتره حکومتک اقتاعی و هر حاله بلغارلرک دائره اطاعتده محافظه سی مسلکده
 دوام ایلسی خصوصاتی ایجاب حاله موافقگی مطالعه اولنش ایسه ده اولبابده
 وقایه احوالده امر و فرمان حضرت ولی الامر کدر .

موافقتاریله طرف دولت علیه دن تصدیق اولنمق سزین زمام اداره امارتی آله المسی کندو حقدن موجب مسئولیت اولسه ده بوکون روسیه دولتی شو و واقع اولان انتخابه موافقتی بیان ایتش اولسه دیگر دولت لک انضمام موافقتاری محقق اولدیغنه نظراً روسیه نك اشبو انتخابك عدم مشروعیتی ادعاسی دول سائره زدنده غیر مصدق بر کیفیت اولسلیله اوله بر تقصانی معاملدن ناشی بلغارلک اجبار اولنمسنه اوروپا دولتری اصلاً راضی اوله میه جنندن مسئله یی سلاح استعمالی درجه سنه واردیره مقدن توفی ایدلمی مقتضی ایدوکنه بناءً روسیه نك استحصال موافقتی ضمنند، اراده و فرمان بیورلدینی اوزره بر صورت تسویه تحریری موافق حکمت اولوب شوقدر که حال حاضرک دوامنده بولتیقه جه اولان مشکلاته مقابل بو مشکلاتک دفعی ضمنند ایش قوه جبریہ استعمالی درجه سنه واردیره جق اولورسه بلغارلر بلا مقابله تسلیمیت گوسترمیه جکلری جهتله اوله بر محاربه یه یول آچقده ملحوظ اولان مضرات مادیہ تسویه مسئله ایچون تنسیب اولنه جق تدبیرک تطبیقاتی مطالعه روسیه دن زیاده بلغارلرک احوالی نظر اعتنایه آلمق ایجاب ایدوب بونلرایسه هر شیدن زیاده برلین معاهده نامه سیله بلغارستانک نظامه اساسیسنه تمسک ایتمکده اولدقارندن قومیسر لر طرفندن اجرا اولنه جق تحقیقاتده مقدما اجرا اولنان انتخاباتک سربست ایدوکنه دائر بلغارلر طرفندن هر تقدیر برهان ابراز اولنسه روسیه قومیسری بونی تصدیق ایتیه جگی درکار اولوب ازحاله دولت علیه قومیسری بلغارلرک دلائلی قبول ایده جک اولسه روسیه دولتی کوجندیرلمش اوله جنی گی روسیه دولتک رأینه مشارکت ایله حکومت سینه جه روسیه نك عدم مشروعیت ادعاسنه اشتراک ایدلمش اوله رق گرک بلغارلره و کرک سائر دولتره قارشو دولت علیه دهامشکل بر موقعدن بولنه جنی و روسیه دولتی اشبو عدم مشروعیتک ازاله سی ایچون حکومت سینه یی بلغارلر علیه سوق ایتکه حق قزانه جنی جهتله بوبابده بر گونا تحقیقات اجرا سندن صرف نظرله یالکز پرنس مومی الیهک انتخابی خصوصنده مجرد روسیه دولتک موافقتی استحصال مقصدیله دولین جانندن صوفیه یه بر قومیسر اعزام اوله رق اجرای نصایح ایله پرنس قوبورغ دول مضیه طرفندن امارته نامزد اولمق اوزره کندوسنه استعفا و قومیسر لرک نظارتی تحتند هیئت مدیران طرفندن ازسرنو انتخابات اجرا ایتدیرلرک اولوجهله تشکیل اولنه جق مجلس عمومیده پرنس مومی الیهک انتخابنه اعمال نفوذ اولنسی و بونک تکرار امارته انتخابی وقوعده محاجه معاهده روسیه یی بولنه جق اولدقارندن صکر

عتبه ملوکانه یه عریضه خصوصیه

بلغارستان مسئله سنک حلی ضمنند دولت علیه ایله روسیه دولتی جانندن برر قومیسر تعیینیه پرنس قوبورغک انتخابی معاملاتی بالتحقیق بونک سربستجه جریان ایتدیگی تحققیق ایلدکده پرنس مومی الیه امارته نامزد اولمق اوزره کندوسنه ایشدن ال چکدیریلرک مجدداً انتخاب اجرا سیله تشکیل اولنه جق صوبراینده پرنس مومی الیه امارته انتخاب اولدقارندن صکره قومیسر لرله بالرفاقه در سعاده گلوب خاکپای شاهانه یه رومالی عبودیت اولسی وینه قومیسر لر ایله معاً پرنس مومی الیه بورادن پترسبورغه عزیمتله روسیه ایمپراطوریله بعدالمصالحه در سعاده عودت و بورادن صوفیه یه عزیمتله زمام اداره حکومتی آله المسی و بوضورتک اجرا آتیه سائر دول معظمه نك موافقتاری استحصال ایچون آلمانیا دولتک توسط ایدلمی وارد خاطر الهام مظاهر جناب خلافتیناهی اولدیغندن اولبابده اولان مطالعه عیدانه ک عرضی آرتین افندی واسطه سیله قرنا ی حضرت شهریاریدن امین بک طرفندن تبلیغ اولنان اراده سنیه جناب تاجداری اقتضای عالی سندن اولغنه بوضورت بالاطراف تأمل اولدی. معلوم عالی اولدینی اوزره بلغارستان مسئله سی حد ذاتنده روسیه دولتی ایله بلغارلر بیننده واقع منافرتدن متولد بر حال مشکل اشتال اولوب بوحالک احداثه خدمت ایدن قننی دولت اولورسه اولسون بلغارستانک موقعا حائر اولدینی اهمیت جهتیه اوج بیوک دولت بلغارلره قوه الظهر اولدقارندن بشقه هم جنساری اولان روسیه اسلاوری دخی بونلرک ازلمنی تجویز ایتیه جکلری درکار اولسلیله بلغارلر روسیه دولتی کندو علیه لرنده قوه جبریہ استعمال ایتیه جکندن امین اوله رق بوگونکی گون دولت مشارالیه قارشو بی محابا حریت ملیه لرینی محافظیه اجتر ایتمکده اولدقارندن دولت علیه جه بومسئله ده روسیه دولتی گوجندرمه مکه اعتنا اولدینی قدر بلغارلری دخی دائره اطاعتده وقایه یه دقت اولنسی و چونکه بلغارلر عهداً حائر اولدقاری برحق استعمال ایله بر پرنس انتخاب ایتش اولمزلندن طولانی نظر عهده مسئول اولدقاری مثللو پرنس قوبورغ دخی کندی لهنده واقع اولان انتخابی قبولده معذور اولوب یالکز بولنه جق اولدقارندن صکر

پرنس مومی الیهک قومیسر لرایله بالر فاقه در سعاده کله رک خاکای هایون ملو کانه به جین سالی رقت اولسی و بورادن طوغریجه و یاخود صوفیه به عودتندن صکره هیئت مدیرانندن بعضی رفاقتنه الهرق پترسبورغه عزیزمتله روسیه ایمراتورینه دخی ترضیه لازمه بی ادا ایلسی بزجه شایان قبول بر صورت تسویه اولوب بونده تصادفی ملحوظ اولان مشکلات اولاً پرنسک ایشدن آل چکهرک نامزد قالمق اوزره استعفا به ارضایی ثانیاً بلغارلرک یگیدن انتخابات اجراییله مجلس عمومی تشکیلنه اقماعی ثالثاً بویکی ماده نك حصولنده اجتماع ایده جك صورانیه طرفندن پرنس قوبورغ انتخاب اولنیه رق پرنس علیکساندر و یاخود بر دیگر پرنسک انتخاب ایلمسی حالده تجدید ایده جك مشکلاتک اندفاعی قضیه لری اولسیله بو احوالک جمله سنده موفقیت حصولنه تمایله امنیت اولنیه جهتندن اشبو صورت تسویه نك فرمان بیورلدینی وجهله بی طرف دولتردن بری جانبدن وقوعه گتورلمسی دهها زیاده موافق حال و مصلحت اولوب بو صورتک اجراییله بر قرار دولی حصولنده دولت علیه جه دخی موافقت اولنیه رق ایفای مقتضاسنه مبادرت اولنیه جنی و شاید روسیه دولتی بوک قناعت ایتیه جك اولور ایسه چونکه دیگر دولتر بو حال بلغارستانک جوارینه ده سرایتله اوروپانک صلح و مسالمت عمومیه سنی اخلاص ایده جك بر محاربه و قوتنی انتاج ایده بیله جکی اخطار یله کمال حزم و احتیاطه رعایت توصیه سنده بولندقلرندن روسیه نك بویابده کندو تکلیفی هر نه ایسه اجرایی یالگزد دولت علیه به تحمیل ایتیب بلغارستان امارتنک مختاریتی و تمامیت ملکیه دولت علیه بی ضامن اولان سائر دول مضینه به دخی بیان کیفیت ایلیگی حالده بین الدول ویریه جك قراری دولت علیه دخی قبول و اجرا ایده بیله جکی جهتله سفرای سلطنت سینه به یازیلان تلغرافنامه عمومی جوابلرینک ارقه سی التدقه بو یولده تشبثات اجرایی مناسبگی مطالعه اولنمش ایسه ده بویابده هر نه وجهله اراده سنیه جناب جهانبانی متعلق و شرف صدور بیوریلور ایسه اصابت آنده اوله جنی محاطعلم عالی بیورلدقه اولبایده و قاطبه احوالده امر و فرمان حضرت ولی الامر افندمز کدر .

فی ۲۸ ذی القعدة سنه ۳۰۴ و فی ۶ اغوستوس سنه ۳۰۳

دولتک آتیسنی تأمین ایچون اصول اداره نك تنظیمی املیه خاقان

سابقه تقدیم قلنان عریضه خصوصیه نك صورتی

فله وقوع اتندن برو یکدیگرینی ولی ایدن مسائل سیاسیة دلالت سلامت منقبت حضرت خلافتناهی ایله برر برر حل و تسویه و تسکین اولنیه رق ایوم ظاهر حالده موجب اندیشه هیچ برشی اولمدینی کی امور داخلیه مز دخی مجرای ترقی ده بردوام اولدیغندن ظاهر حاله کوره هر ایکی جهتله مطمئن القلب اولماز لازمه کلور سده ده احوال داخلیه مزک تدقیقاتنه کیریشلنجه قوه مفکره بی اشغال ایدن برچوق اسباب استقبالزی ابو بر صورتده کوسترمامکده اولسیله حال حاضرک ایولکنه اعتماد ابدلیه رک آتی تأمین ایده جك تدابیره توسل اولنسی فریضه دن کورینور .

اسباب معروضه دن برنجیسی امور مالیه درکه علی الدوام مصارفاتک وارداته کلیته غلبه سی قوای دولتی تدریجاً دوچار ضعف ایتمکده اولوب عرض و بیاندن مستغنی اولدینی اوزره مثلاً اون بش میلیون لیرا واردات سنویه سی اولان بردولتک سنوی اونیدی میلیون لیرا صرف ایتسی حالده برنجی سنه موازنه آچینی اولان ایکی مایون لیرایی بالاستقراض قیامق لازم کله جکندن اشبو ایکی مایون لیرایی تقدماً حاصل ایتمک ایچون اعتبار مالیسنه کوره ایکی میلیون یدی یوز الی بیسک و یاخود اوج میلیون لیرالق تحویلات اخراجنه مجبور اوله رق بومبلغک فائض و رأس المانی تأمین ضمننده وارداتدن یوز الی بیسک لیرا قدر بر مبلغک تفریق و تخصیصی ایجاب ایده جکی و ایکنجی سنه آچینی ایکی میلیون یوز الی بیسک لیرا اوله جفته نظراً بونک دخی تقدماً تسدیدنی چونکه اعتبار مالی برازدها تدنی ایده جکندن اوج میلیون بشیوز بیسک لیرالق تحویلات اخراجنه و بو استقراضک دخی فائض و رأس المانی تأمین ایچون واردات دولتن لاقول ایکی یوز بیسک لیراسنک دهها تفریق و تخصیصنه توقف ایدرک شو حالده ایکی سنه نهایتنه دکن دیونک مقداری الی میلیون بشیوز بیسک لیرایه بالغ اولمش و وارداتک اوچ یوز الی بیسک لیرایی حکماً تناقص ایتمش اولوب اوچنجی سنه کلنجه بودجه اچیفنک مقداری ایکی میلیون اوچ یوز الی بیسک لیرا اولمغله برابر



اعتبار مالی دخی طبعاً برقات دها نزل ایلش بولنه جغنه کوره بو آچینی استقرضاً قیامق مقصدیله درت ملیون بشیوزیک لیرالتی تحویلات اخراجیله وارداتک ایکی یوز الی بیگ لیراسنی دهافائض ورأس المال قارشولغنه تخصیص ایتمک لازم کله جکی جهتله بو حساب اوزره اوچ سنه و واردات دولتک الی یوز بیگ لیراسنی باغلامش و دیونی اون بر ملیون لیرایه وارمش اوله جغندن بوروشاه اون سنه مرورینه دکن دولتک دیونی قرق ملیون و بودجه سنک آچینی درت ملیون لیرایی کچهرک اداره ملکینه سنه کتله کله جکی درکاردر. دولت علیه جه حال بویله اولمیوبده آچینگک بر قسمی بر معتاد دیون غیر منتظمه شکلنده تسویه سز بر اقیله رق یا کنز، صارف مبره ایچون بر ملیون لیرا استقرض اولنه جق اولسه و خاتمه یه نتیجه بر اولوب با خصوص حالا جاری اولدینی اوزره پای تحت سلطنت سنیده کرک مأمورین و سائر یه و کرک عساکر شاهانه یه سنه ده عموماً الی آیلقدن زیاده معاش و یریله مامسی حسیله هم معاشلرینی اله میانلرجه و همده بو کیفیت در معادته اخذ واعطایه دخی طوقوندیغندن تجار واصناغه مشهود اولان خوشنود سزلق و بر طرفندن دخی دوائر عسکر یه به ارزاق ولوازم سائر و یروب حققرینی اله میهرق دولاب تجارتلری خلک پذیر اولان تجار و قونطورا توجیلرک اوتده بروده سویلنوب سز لنملری و وقتیه خزیننه جلیله یه اچه اقراض ایدنلرک و یا خود صور اخیری ایله مطلوباتی اولنلرک حققرینه نائل اولماملری کبی خلق نظرنده چیرکین کورینان او یغونسزلق شان و حیثیت دولتیه تقیصه و یره جک اسبابدن اولمغله برابر دیون و تحویلات عثمانیه اصحابنک همان کافه سی اجانب و اغیار بولنسی ماده لری سیاسته دخی نظر تأملدن دور ایدلمیه جک بر کیفیت اولهرق حالبوکه سنه بسنه بودجه آچینگک قیادلمسیچون بوجه معروض استقرض ایله دولتک دیونه استقراتی صورتی حال آسایشک دوامی اعتباریله اولوب آرده بر محاربه غائله سی اچیله جق اولورایسه اولباده ملحوظ اولان مشکلاتک دها اول وقوعه کله جکی واحوال سیاسییه نظراً دولت سفن حربیه واسلحه و مهمات حربیه تدارکنه محتاج اولوب حالبوکه اشبو مضایقه مایه ایچنده پاره استقرضیله لوازم حربیه مایعه سی وقوعی محتمل اولان غوائل مدافعه یه خدمت ایده جک یرده دیونک تزیدی سببیه بوده بشقه جه غائله تحدرنه بادی اوله جینی جهتله امور مالیه نک حال حاضرینه نظر بی قیدی ایله باقمامق طبیعی و شرو بجران مالی مشکلات سائر دن خالی فرض اولنسه بیه اهمیت

مخصوصه سی دولتی دوشوندیرمکه کافی ایکن اداره ملکینه ک بوکا انضمام ایدن عدم انتظامی نزاکت حالی برقات دها تزید ایتمکده اولدینی بدیهیدر. شمیدیکی اعتبار مالی مز سایه شاهانه ده بولته قه جه احراز اولنان موقع عالی نک آثار حسنه سی و مالیه جه ده اتخا ذ اولنان تدابیرک ثمره سی اولوب فقط دولتک میدانده اولان بونجه، صارفاتنه کوره قدرت حقیقیه مایه سیله متناسب اولدیغندن احوال سیاسییه مغل امنیت وقوعات و یا خود اداره ملکیه و عسکر یه مزجه سسکته وقوعی کبی حالات در حال اعتبار مالی دولتیه تاثیر ایدرک تحویلات عثمانیه فیئاتک فوق العاده تدیسنی موجب اوله جینی و اختا ذدن اولدیغنه و چونکه اشبو تحویلاتک حامللری کافه احبب بولندیغنه سنه بو کیفیت اوره پانک دقتی جلب و دعوت ایدرک امور مالیه دولتک اصلاحه چاره آرامغه مجبوریت حاصل اوله بیله جکی درکاردر. اسباب معروضه نک ایکنجیسی اداره ملکینه ک برمدنبرو محور اصلیننده دوران ایتماسی حسیله مأمورین ملکیه امور مأم ردلرنده خود سرانه حرکتله اولکی کبی مسئولیتدن حذر ایتامکده اولملرندن ناشی خدمتلرندن حقیقه استفاده اولنه مامسی ماده سی اولوب عرض و بیاندن مستغنی اولدینی اوزره اشبو مأمورین اوچ صنفه منقسم اولهرق برنجیسی حد ذاتنده عقیف و مستقیم و خدمتنده مقدم ایسه ده ایکنجیسی عقیف اولسه ده قید سز و مهممل و اوچنجیسی درایتلی اولمغه برابر منافع ذاتیه استحصاله مائل اولدیغندن جمله سنک برنظام تحتنده استخدای مقتضی اولوب اگرچه یالکز برنجی صنف عد اولنان مستقیم و مقدم مأمورلر استخدای التزام اولنه جق اولسه بوضفندن لزومی قدر آدم بولمق قابل اوله میه جینی کبی دیگر ایکی صنفدن اوتهدنبرو دولت خدمتیه مألوف اولهرق دیگر برایشله اکتساب اسباب معیشته مقتدر اولمیان بونجه مأمورینک آچقده براغلمسی ناقابل اولسیله دولت مطلقاً بونلری کچندیرمک مجبوریتنده بولندیغندن ایجاب مصاحبت بونلری بر رابطه تحتنده قوللانوب حسن خدمت ایدنلره مکافات و عکسی حرکتده بولنانلری درجه مسئولیتلرینه کوره عزل و یا مجازات ایتمک اولدینی حلاله برطاقم مأمورین احوال مخصوصه لرندن طولایی بالاقتضا والیک و یا متصرفلق و یا دیگر مأموریتله ولایتاره نصب واعزام قلندقلری منللو برطاقی دخی بعض ذواتک وساطتیه رأساً تعیین بیوردقلری جهتله بونلر معاملات واقعهلرنده سربست اولهرق مسئولیتدن حکمندکاری کبی کرک بونلر و کرک سائر والیدله متصرفلر مابین هابون ملوکانه ایله

طوغریدن طوغریه مخبریه مآذون اولغین ایستدکاری کی عرض مقاصد
 واستحصال مطالب ایله نائل مرام اوله بیلدکارندن اشبو مأمورین باب عالی نك اشعارات
 وتنبیهاتنه پکده اهمیت ویرمیرک کندی مسلك مخصوصارینه دوام ایتدکاری جهته
 بودرلو اداره دن خزینة جلیله متضرر اولغله برابر اهالی دخی حقانیت ومعدلت
 سنیهیه حقیله نائل اوله ماملری حسیلله بو کیفیت برطاقم شکایاته بادی واصول
 خارجنده جاری بعض معاملات دخی خلقک سزلملرینی مؤدی اولمسيله اوروپایه قدر
 عکس ایدن شو حال غزته لره سرمایه مقال اولمقده در. احوال سیاسییه کلنجه دولت
 علیه اوروپا دولترندن معدود واهالیسنک برقم جیمی اوروپا قطعه سنده بولندینی
 جهته مسلك سیاسیسی اوروپا پولتیقه سنک مقتضیاتنه اویدر مق طیبی اولوب
 عکسی تقدیرده دولت علیه اسلامی نك بو قطعه ده بقاسی ممکن اوله میه جنی بدیه در.
 وقتیه دولت علیه فرانسه وانکلتره نك دلالتیه موقعی محافظه بیورمقده اولدینی
 حالد فرانسه نك پروسیا محاربه سنده مغلوبیت واقعه سی اوزرینه حکومت سنیه نك
 روسیه یه تمایل ایتسی حسیلله بونک مننه مقتدر اوله میان اوستریا دولتی روسیه نك
 ممالک شاهانه حقدنه اولان منویات وتثبثاتی نتایجندن استفاده امیدیه دولت مشار
 الیه ایله اتفاقه و المانیانک دخی حسب الحال بوکا التحاقه موافقتی ظهور محاربه ایله
 اوروپا قطعه سنده واقع ممالک شاهانه نك نصفندن زیاده سنک الدن کیتمنی وماعداسنک
 دخی برطاقم قیود عهدیه تحتیه کیرمسنی منتج اولمش اولدینی مثللو بعدما دخی
 دولت علیه کندی مسلك سیاسیسی اوروپا دولترینک اصول پولتیقیسنه توفیق
 ایتیه جک اولورایسه معاذالله تعالی عین حال وقوعیه دولت علیه نك اوروپا قطعه سنندن
 بالکلیه محرومیتنی انتاج ایتسنندن حذر اولتور.

احوال مالیه وملکیه وسیاسیه یی نتایج سیئنه دن وقایه ایچون نه درجه اعتناوبدل
 مساعی اولنسی لازم کله جکی وارسته عرض و بیان اولوب شو جهته ملحوظ
 اولان مشکلاتی حس وتقدير بیورمقده اولان ولی نعمت بی متمز پادشاهمز
 افدمز حضرتلرینک احوال مذکوریه یی بالذات حسن اداره ایله عواقب وخیمه دن
 محافظه بیورمق مقصد عالیسنه مبی نه مرتبه بذل هممات جلیله بیورمقده اولدقلری
 جمله نك مشهودعیون شکرانی اوله رق مع هذا ذات فرشته صفات افدمز حضرتلرینک
 بولندقلری حال وموقع فوق العاده جهتیله «الابدان ثم الادیان» منطوق میفنجه
 طبعاً اولاً ذات اقدس همایونلرینک تهلسکه دن محافظه سی قیدنده احتیاطه راتله کرجه

عموم بندکانک اقدام وظائف عبودیتی اولان بوخصوص مهمه جمله جه اعتنا
 وخدمت اولنمقده ایسه ده بشقه جه دخی استطلاع احوال ایچون تدابیر لازمه اتخاذه
 آرزو واراده بیورلمش اولوب شو قدرکه اولبابده استخدام بیوریلان وسائط
 مخصوصه نك شو حالدن استفاده املیه بعضاً بالسهوله دفعی ممکن اولان امور جزئیه
 جسامتلندیریه رک و بعضاً دخی هیچ وجودی اولیان برشی نظرگاه عالی یه عین
 حقیقت مثابه سنده عرض ایدیه رک بویه شینرک صحت وعدم صحتنه یقین حاصل
 بیورمق ایچون تحقیق واستکنهای مشغله سی افکار شاهانه یی خلیجه اشغال واتعاب
 ایلدکن بشقه هر درلو احتمال قارشو تدابیر احتیاطیه اتخاذه دخی کلی کلفته
 توقف ایدوب بنا برین بویولده اولان مشغولیت دائمه اکثریا اوقات شاهانه یی اضاعه
 ایلدیکی جهته مهم دولت علیه لريله اشتغاله چوق وقت برافاقمقده اولدیغنه وحالبوکه
 ولی نعمت بی متمز شو کتماب افدمز حضرتلرینک یا لکز مهم سلطنت سنیه لرینی
 دکل امور عادیه نك مفرداتی بیه بالذات تدقیق بیورمق طبع همایونلری اقتضای
 عالیسنندن بولندیغنه بناء عتبه علیایه عرض اولتان مصالحدن بعضیلرینک وقتسنده
 چیقاریله مامسندن وبرطاقنک دخی مطالعه سنه وقت بولنه میهرق ایلشوب قالمسندن
 طولانی بو کیفیت داخل و خارجاً خوشنودسزلغه بادی اولمقده در. بین الدول مناسبات
 سیاسی نك قرار سزلیغله برابر تبعه وزیردستان دولت علیه یی تشکل ایدن عناصرک
 اکثری فساده میال و اطرافرده بولان کوچک حکومتار مملکتلرینک توسیعی
 فرصته دیده دوز انتظار اولدقلری شو زمانده اداره ملکیه نك عدم انتظامی
 ومضایقه مالیه نك دوامی تقدیرده اشبو احوال نلته نك هر قعیسنندن برحادثه تولد
 ایده جک اولورسه دیگر ایکی حالک تهیه ایتمکده اولدینی نتایج دخی انضمام ایدرک
 دولت ایچون مشکلات عظیمه یی موجب اوله جنی درکار اولوب مثلاً شمدیکی حالد
 درلو تدابیر مالیه ایله خزینة جلیله ایچون آچیقندن پاره تدارک اولنمقده و برخیلی
 دیون قدیمه ومتراکه ایله ارزاق عسکریه متعهدلرینک مطلوباتی اکثریا کچشدیریلوب
 برطاقم انشات ومهمات ولوازمات عسکریه ایله دونمای هایونک لدی الحاجه ایشه
 یارایه جق حاله وضعی خصوصاتی کیرویه براغلمقده ایکن بلااستقرار عمومه سنده
 درت بش آیلقدن زیاده معاش ویریه مامکده اولسنه نظراً بوندن ایکی سنه صکره
 تدابیر مالیه ایله آچیقندن پاره تدارکنک اسبابی توکنه جکندن شمدیکی قدر معاش
 ویریه مامکدن بشقه اداره عسکریه بالکله کسب عسرت ایده جکی درکار اولوب

بوضورتله هر قنغی اردود اداریه سخته کله رک عسکر طاغیله جق اولسه بوندن حاصل اوله جق نتایج عرض و بیاندن مستغنی اولدینی کبی اداره ملکیه نك عدم انتظامی یوزندن و یا خود احوال سیاسیهدن متولد برقیام و یا حرکت تجاوزیه اماراتی اوزرینه بر یوز بیک نفر دها عسا کر شاهانه نك سلاح الته النسی لازم کلوبده مضایقه مالیه سببیه بوکا امکان مساعد اولدینی تقدیرده بو احوالک عواقبی دخی دیگرینک نتایجنه مساوی اولور .

فکر قاصری اشغال ایدن اسباب معروضه بی شرح و تفصیلدن ایسه اقدم آمال سعادت اشمال جناب شهنشاهی اولدینی اوزره اعتبار مالینک محافظه سی وانتظام اداره ملکیه نك وقایه سی و مسلك سیاسیمزه اعتنا ایدلسی خصوصنده متبادر خاطر قاصر کتری اولان مواد بوجه آتی فهرست اوله رق عرض اولتور :

واردات و مصارفک توازاننه سعی و خدمت ایدن هیئت قنغیسی ایسه موازنه خارجنده بر مصرفک لزومی ینه او هیئتده تذکر و تصدیق اولندجقه وقوعه مساعد و فرمان بیورلماسی .

لزومندن فضا بهر چوق مأمورین و مستخدمین معاشاتی بودجه یه بار اولدیغندن بر مأموریت منحل اولدیغندن ممکن ایسه معاش خزینه مانده ایدیلوب دکل ایسه دیگر مأمور تعیننی خصوصی منسوب اولدینی دائرة ایله باب عالی بیتنده قرارلشدیله رق عرض اولندجقه آخرک توسط و یا استدعاسی اوزرینه اراده سنیه اعطاسنه مساعد بیورلماسی .

رتبه و نشان ذیشان کبی عطایای سنیه نك تکثری اعتبار عالیسنک تناقضنی موجب اولمغه برابر من جهت بودجه یه ده تأثیر ایتمکده بولندیغندن اشبو عواطف سنیه نك کالقدیم مستحقینه و فوق العاده ایفای خدمت ایدناره حصر ایدلسی مأمورین حقنده باب عالی نك شکر و شکایتک نزد هایون شاهانه ده مسموع اولسی .

مصالح مهمه و امور نافعه حقنده باب عالیدن یا مضبطه وقوعه اولان مروضات اوزرینه شرفسایح اوله جق اراده سنیه هر نه مرکزده ایسه وقت وزمانیه اصدارینه مساعد سنیه حضرت پاشاهی شایان بیورلمسی .

مصالح عمومیه مجرای رسمیسنده جاری اولوق اوزره برقه میسیونده و یا دیگر بر هیئتده تدقیق ایجاب ایدن مواد و مصالحک اولبابده مجلس و کلاجه قرار ویرلزدن اول ایفای مقتضایی .

مقام و کالت اوتهدنبرو ارادات سنیه صادر نك واسطه تبلیغی اولدیغندن امور اداره ملکیه و سیاسییه دائر شرفصادر اولان ارادات سنیه نك تبلیغاتجه اصول قدیمیه رعایته فرمان بیورلمسی .

امور اجنبیه یه و پولتیقه یه عائد مواد قنغی دولته متعلق اولور ایسه اولسون بر مجرای رسمیدن کچوب دولت علیه ایله دول متحابه بیتنده موجود اولان حقوق و مناسبات حسنه نك محافظه سی .

ولی نعمت بی متمیز پادشاه عدل اکتناه افندمنر حضرتلرینک وجود اقدس هایونلرینک هر درلو عوارض اعتراضدن محفوظیت و دولت علیه لرینک ترقی شان و مزاتی عبدملوک صداقت مسلو کونجه اقدم و اخص آمال و شمندی یه قدر کافه مساعی و اقدامات بندکانهم بحق خدای متعال هپ بو نقطه یه مصروف اولدینی کبی بوجه محرر بسط و تفصیل اولنان مطالعات قاصرانه سوق صداقتله عرض مافی البال اولدیغندن مطالعه سنه شایان بیوریه جق رغبت سنیه ملوکانه اثناسنده مصادف نظر حقایق اثر حضرت شهنشاهی اوله جق تقصیرات و خطایانک کمال رحم و اشفاق شامله الآفاق ملوکانه اقتضای مکارم احتواسنجه مظهر عفو عالی اولسی استدعاسنه اجترأ قلندیغنی محاطعلم کائنات آرای خلافتپناهی بیورلدقده اولبابده و قاطبه احوالده امر و فرمان حضرت والی الامر افندمنر کدر .

فی ۸ رمضان سنه ۳۰۵ و فی ۲ حزیران سنه ۳۰۴

دولتک تأمین مستقبلی مقصدیله تحریرینه اجتسار اولنان اشبو عریضه یه او زمان صدارت مستشاری بولنان توفیق بک افندی (الیوم اعیانندن توفیق پاشا حضرتلریدر) مطلع اوله رق بونک مندرجاتی تقدیر ایله برابر خنکارک مزاجنه موافق اولدینی جهته نه کبی تأثیر حاصل ایده جکنی کسیدیره مامکده اولدینی محترزانه بیان ایلش ایدی ، فی لواقع حال او یله اولسه ده استقبالی بالتأمل دولتی دائماً تحت امنیتده بولندیرمق وظائف مأموریت عاجزانه مدن اولمغه مطالعه عاجزی سلطان عبدالحمیدک طبعنه کران کله جکنی دوشونیمه رک حسب الصداقه اشبو عریضه همان تقدیم قلمش ایدی . خاقان سابق ظامراً بونی خوش کورمش کبی کورمش ایسه ده حقیقه یکنه خوشه کیتدیکی و یا خصوص مقربینک تسویلاتنه ابو بر سرمایه اولدینی آتیده کوریه جکی وجهه بعض آثارن نمایان اولمشدر .

بالقان شبه جزیره سنده علاقہ دار اولان سائر حکومتارجه نه درجه موجب اندیشه اوله جنی درکار اولدینی حالده مسلک سلیم حکمت وسیم حضرت خلافتیناهی اوزره هیچ بر طرفک پولیتیه سنه تمایل ایدلیه رک منفعت دولت علیه موافق صورتده اتخاذ اولنان خط حرکت و بو یولده کوستریلان ثبات و متانت سایه سنده سلطنت سنیه دول معظمه نك رقابتاری میانده کندی موقعی بالوقایه بلغارستانک عساگر شاهانه ایله محاصره و صرپ ایله یونان حدودینی محافظه بیورمش اولدیغندن او اثنای هیجانده صرپ ایله بلغارستان بینده علو کیر اشتعال اولان آتش جنک وجدال مخلنده منطقی اولدینی کبی بری طرفدن حرکت تجاوزیه تصدی ایدن یونانلور دخی عساگر شاهانه جانبندن ضرب و تنکیل اولنه رق بو صورتله پولیتیه بحرانی کچشدیرلمش و فقط روسیه دولتی بلغارستانی کما فی السابق نفوذ سطوتی تحتہ الملق املندن واز کچمیوب اورایه فعلاً مداخله سی ایسه بر اختلال داخلی وقوعه و یاخود بلغارلرک دولت متبوعه مفخمه نرینه قارشو عدم اطاعت و عصیانلرینه متوقف ایدوکندن شو ایکی حالدن برینی استحصال ایچون بلغارستانده بر شورش ایقاعه کندو طرفدارانی واسطه سیله تشبث ایدلیکی کبی روسیه عاہینده بولنان افکار مفرطه اصحابندن هیئت حکومتی دولت علیه قارشو عدم اطاعت حالده بولندیررق ایچون جانب سنی الجوانب حضرت شهنشاهی به اظهار خلوص و موالات ایله دولت علیه نك پولیتیه سنی کندو منافعه اویدیرمغه چایشمش ایسه ده طرف اشرف ملوکانه دن روسیه به عین خلوص و مصافات ابرازیله برابر بلغارستانده حضور و آسایشک محافظه سنه و بلغارلرک دائره اطاعتدن آیرلمالرینه اعتنا اولندیغندن روسیه دولتی بلغارستانجه اولان تشبثات واقعه سنندن پرنس علكساندری امارتدن دوشورمش اولدینی حالده بیله مقصد اصلینی حاصل ایدمماش و دیگر طرفدن دولت مشرکیت مویتیه وقت اولان دور سائر شایه دولت عیبه روسیه نك اغفالاتنه آلدانیله رق روسیه عسکرینک بلغارستانه دخوله مساعده بیوریله حق اولور ایسه دولت مشارالیها آتسینی تأمین ایتدیجه اورایی ترک ایتمیوب آتسی ایسه استانبولک استیلاسی اوله جفندن بو روش بر محاربه عمومیه بی منتج اولور مطالعه سیله المانیا ، اوستریا و ایتالیا دولتری برلشهرک اوروپا صلح و مسالمت عمومیه سنک محافظه سی مقصدیله تمامی مملکت و استقلالیت سلطنت سنیه نك محافظه سی بوغازلرک دولت علیه ده بقاسی و بالقان شبه جزیره سنک حال حاضرینک

عقبه سنیه به عریضه خصوصیه

ویانده نشر اولنان قورسپوندانس دولست غزته سنک فی ۲۸ ایلول سنه ۸۸ بارینخو نسخه سنده نشر اولنان مکتوبده پرنس بسمارق المانیا ، اوستریا و ایتالیا دولترندن تشکل ایدن صلح اتفاقنک دیگر التحاق ایدجه دولترله تحکیمی املنده هیچ بر فرصت ضایع ایتمامکده و دوستی موسیو قریسی دخی بو بایده کندوسنه معاونت ایلکده ایسه ده اوروپانک جنوب شرقی جهتده و صلحه کز یزاده محتاج اولان محله صرف اولنان مساعی ثمره سز قالدینی و کویا ذات شوکتسمات حضرت پادشاهی ایله برشی یاییله میوب عدو موروثی اولان روسیه دن نه درجه خوف و احتراز ایتسی لازم کله جکنک و صلح اتفاقه التحاقی تقدیرده نه مرتبه استفاده بیوره جقلزینک تفهیمی قابل اولدینی و سائر ترهات و مفتریات ایله برابر کویا مسلک شاهانه بلغار مسئله سنک حاتی اشکال و ما کدونیا ده شورش و قوعنی تسهیل ایدوب روسیه دولتی ترک انکنارینک صوک پاراغنی ییه جکی وقتک حلولنده نالر اوله جنی کورلما مکده اولدینی محرردر. دول ثلک اتفاقنک محافظه صلح و مسالمت عمومیه به اولان خدمتی غیر منکر ایسه ده عندالتدقیق نمایان اوله جنی وجهله اشبو اتفاق حصوله سبب بلغار مسئله سیاسی سنده زده هایون ملوکانه ده اتخاذ بیوریلان خط حرکت بر حکمتدرکه بومسئله نك ابتدای ظهورنده المانیا ، اوستریا و ایتالیا دولتری روسیه پولیتیه سنه مساعد و انکاتره دولتی ضد و مخالف اوله رق یالکز فرانسه بی طرف بر حالده ایکن دولت علیه دول ثلک طرفندن تأیید اولنان روسیه پولیتیه سنه اتباع ایدرک بلغارلرایله محاربه به کیریشمش اولسه دیگر طرفندن قیام ایتمش اولان صرپ ایله یونانستان نه وجهله استفاده به چالشه جقلری بدیهی اولمغه برابر بلغارلرک مغلوبی حالنده بیله دولت علیه ایله روسیه به قارشو عصیان ایتمش بولنان پرنس علكساندر امارتدن طرد ایله یرینه دیگر بر پرنس انتخاب اولنجه به قدر هم مذهباری اولان بلغارلری تسکین و صیانت ایتک وسیله سیله روسیه دولتی کندو طرفندن بلغارستانه عسکر سوق و ادخال ایدجه کی و خطه مصریه انکاتره نك تحت اشغال عسکرینده بولندقجه روسیه دخی بلغارستانی ترک ایتیه رک بو کیفیت هم دولت علیه به و هم

وقایه‌سی اساساری اوزرینه عقد اتفاق ایلش اولماریله دولت علیه‌نک موقعی برقات
دها تحکیم ایدن اتفاق مثلث ولی نعمت بیتمز افدمز حضرتلرینک مسلك
صلح‌پورانه‌سنه موافق اولدینی مثللو اشبو مسلك مسالت جویی حضرت شهریار
دول مشار الیهم نزدنده دخی معلوم و محقق اوله‌رق بو اتفاقه رسماً اشتراکه
حاجت بیله اولدینی حلاله دولت علیه‌نک نفرتی موجب اوله‌جق صورتده تهدید
آمیز مکتوب تشرینه دول مشار الیهمدن هیچ برینک تصدی ایتسی مأول
اولمغله برابر تشریات مذکوره مجرد دولت علیه‌نی کندولرندن تبرید ایچون تصنیع
ایدلش بر افترادن عبارت اولدیغی دول مشار الیهم هم رسماً بزه بیان وهمده
غزته‌لریله عالمه اعلان ایلش اولدقارینه وادله سائرهمه نظراً ذکر اولنان مکتوب
دولت علیه‌یه تحویل مسلك ایتدیرمک مقصدیله روسیه پولیتیکه‌سنه خادم اولنلر
طرفندن بوراجه تصنیع ایدلش بر شی اوله‌جفی مجزوم اولوب اکرچه بو مکتوبک
محرفی شوائنده اهمیتله تحقیق و تخری اولنمندن طولایی مارالذکر قورسپواندانس
دولست غزته‌سنک مدیری ایشی کتم ایتش و اوستریا سفارتنک بیانیه کوره مدیر
مومی الیه حکومت متبوعه‌سی طرفندن تویسیخ اولنسی اوزرینه صاوشوب
پترسبورغه کیتش ایسه‌ده آره‌سی بر از کجکدکنصکره بی طرف بر واسطه ایله
مکتوبک محرفی اوکرنیوب اله کچوریلهرک حقتده مجازات لایقه اجرایی ممکن
اوله‌جفی جهته شو حلاله مقتضای حکمت حکومت شمیدی‌یه قدر بالتجربه منافع
دولته موافقتی ثابت اولان مسلك سالمده ثبات ایله نه روسیه‌نک اغبرارینی داعی
حالات ونه‌ده دول سائرهنک سلب امنیتتی مؤدی معاملات وقوعه میدان ویریلهرک
هنوز معلقده بولنان واوروپانک صاحب و مسالت عمومیه‌سنه تعلق اولان بلغارستان
مسئله‌سنک حقوق و منافع دولت علیه‌یه موافق صورتده بر حسن نتیجه‌یه ایصاله
دکین مناسبات دولیه‌نک خالیدن وقایه‌سنه عادتدن زیاده اعتنا اولنسی قضیه‌سی
ایدوکنندن سایه توفیقاتوایه حضرت ظل‌اللهیده مساعی اصدقای بندکان یومقصد
مصروف اولدینی محاطلم عالمشومول حضرت خلافتپناهی بیورلقدده اولبایده وقاطبه
احوالده امر و فرمان حضرت ولی‌الامر افدمزکدر.

فی ۲۰ صفر سنه ۳۰۶ و فی ۱۴ تشرین اول سنه ۳۰۴


مایین همایون باش کتابتنه جواباً یازیلان تذکره خصوصیه

برمدتدنبرو اجنبی غزته‌لرینک دولت علیه حقتده مضر بندلر تشرینی اعتیاد
ایتمی اسبابندن بختله بعض مطالعاتی حاوی فی ۳ و سنه ۲۰۶ تاریخلو مخطر
عاجزی منظورعالی بیوریلهرق مخطر مذکوره‌ده عرض و بیان قلندینی وجهله سلطنت
سنیه‌نک پولیتیکه‌جه اولان مسلك حقیقیسنک بر صورت مناسبه‌ده خط ویا نطق
همایون ایله اعلانی تخطر بیوریلان محذوری داعی اولوب اولدینک ونه کی
وقوعات و تکلیفاتی دعوت ایدوبیلیمک محتمل ایدوکنک موضحاً و مخطر
مذکوره‌نک امور مالییه دایر فقره‌سی دخی مهمجه اولدینندن بودجه‌نک توازنه
مانع اولان اسبابک دخی مصرحاً عرض عقبه علیا قلنسی حقتده شرفصادر اولان
امر و فرمان کرامتییان جناب جهانبانی بی مبلغ فی ۹ و سنه ۱۰۶ تاریخلو تذکره
خصوصیه دولتری مطالعه و افکار معالی آثار حضرت خلافتپناهیاری همیشه دولت
علیه‌لرینک ارتقای شان و شوکته معطوف و مصروف اولان ولی نعمت بیتمز
پادشاه حقایق اکتناه افدمز حضرتلرینک قریحه‌ الهام صیحه ملوکانه‌لرندن
شرفصادر اولان ارادات حکمتییان جناب ظل‌اللهیاری بالجمله معضلات امورک
کشف دقایقده بندکان صدق نشان شهنشاهیاریینه باعث ارشاد اولمقده اولدینی
مثللو بو مسئله مهمه‌ده دخی شرف افزای سنوح و صدور اولان امر و فرمان
همایون شهریاریلری انتباه فرما اولمقله ورد زبانمز اولان دعای تمادی عمر واجلال
حضرت ملوکانه‌نک تکراریله تزیین لسان عبودیت و مفخرت قنوب وارد خاطر
الهام مظاهر حضرت خلافتپناهی اولان دقایق مهمه ازسرنو تأمل و ملاحظه اولندی.
مخطر عاجزیده عرض اولنان مسائلدن مقصد مسائل حاضره اولوب اوده
طویخانه قونفرانسک قراری موجبجه قطعاً تصدیقی نظامنامه داخلینک تعدیلنه
منوط اولان روم ایلی شرقی ایالتی والیلکنک بلغارستان امارتنه حواله‌سی
مسئله‌سی ایله ذکر اولنان امارته برپرس تعینی ماده‌سی اولدینندن اولبایده استعمال
قله‌جق تعبیرک ایوم میدانده اولیان بر شیئه شمولی اولیه‌جفی کی دیگر وقوعات

وتكليفات دخی اولیوب اتفاق مثالی تشکیل ایدن دولت علیه نك روسیه نك قوجاغنه آتلسنی مستلزم اوله جق مسئله و مشکلات تحدثندن محترز اولدقلمری مثللو روسیه دخی دولت علیه نك دیگر دولتره التحاقه سیبیت ویرمکدن محتجب اولدینی جمله استطلاعات عاجزیدن اولسیله آره صزه ظهوره کلان بعض احوال ووقوعاتی طرفیندن هر بری رقیبیری حقدنه سلطنت سینه نك اغبرارینی دعوت ایچون دیگر طرفه عزو و اسناد ایتکده اولسه لرده بونجه تھیآت حریه یی بادی اولان احوالک تسکینه چالیشدقلمری بر زمانده ممالک شاهانه ده دیگر بر مسئله اویاندیرمق خصوصی هیچ بر طرفک موافق منفعت وارزوسی اولدینی جهتله بوجه معروض ویاخود دها صریح اوله رق « ممالک شاهانه یه تعلق ایدن مسائل حاضرده برلین معاهده نامه سنه توفیقاً حل مشکلاته بذل مساعی ایله حقوق مقدسه ملکدارینک وقایه سی خصوصنده » مثللو بر تعیرک استعمالی بر کونه محذوری داعی اوله میه جنی تخطر اولنمش وامور مالیه یه دائر فقره یه کلنجه اولبایده اولان معروضات ثنورینک مختصر اولسی امور مالیه نك یا لکز پوتیقیه عائد جهتله منحصر اولسندن ناشی اولوب حقا که واردات و مصارفات بیتنده توازن حصولیله اعتبار مالی دولتک اعاده سی نزد شوکت وفد حضرت خلافتناهیده نه درجه مطلوب و ملتزم ایدوکی درکار و اولبایده عرض اولنان تدایر مالیه نك مقرون مساعدات سنیه اولمقده اولدینی بدیدار اوله رق مجلس وکلاده در دست تدقیق اولان اوچوز بش سنه سی بودجه سنک ختام مذاکراتنده حصول توازنه مدار اوله جق تدایر و تصرفات بر تفصیل عرض واستیدان اوله جنی جهتله اویخنده بوراده دخی بسط معروضاته حاجت اولیوب شو قدر که بیاندن مستغنی اولدینی وجهله وارداتک بر قسم مهمی دیون عمومی نك تسویه سنه مخصوص اولسنه مبنی ماعداسیله مصارفات و معاشاتک قارشولشدیرلمسی و بو میانه سنین سالفه بودجه آچیقارندن تراکم ایدرک سنه دن سنیه دور اولمقده بولنان دیون غیر منتظمه نك تأدییه سی وارداتک تزایدینه متوقف اوله رق بوده تدریجی اوله جفندن وسایه توفیقاتوایه جناب ملکداریده بو مقصده خدمت اولندقجه اداره مصلحت ممکن اولوب شم دیکلک موازنه ده بر مقدار آچیق کورونسده بودخی اعتبار مالی بی اودرجه تقیصه دار ایتیه جکندن شو حالده یایله جق شی خزینه جلیله یه اچه اقراض ایدن بانق و بانکیرلر ایله سائر اصحاب مطلوبات بر صورتله ارضا واسکات اوله رق بونلرک شکار

وغزته لره مراجعتلرینه میدان ویرلماسی خصوصی اولوب بوده اداره امور مالیه یه مأمور بولنان ذاتک بویوله سالک اولسیله حصول پذیر اوله جنی ملاحظات عاجزیدن بولنمش ایسه ده اراده سنیه جناب جهانبانی هر نه وجهله متعلق و شرف صدور بیوریلور ایسه اصابت آنده اوله جفنه بناء عتبه علیایه عرضی متمنادر افندم .

فی ۹ ربیع الاخر سنه و فی ۱ کانون اول سنه ۳۰۴



SISMANOGLIO MEGARO

بلغار مسئله سنه نهایت ویرمک ایچون ایلروده دولت علیه نك دیگر دولترله
 بالاتفاق پرنس فردیناندک مأموریتی تصدیق ایتمک احتمالی برطرف ایدلمش
 اوله رق اويله بر تأمینات روسیه نك ممنونیتی موجب اولور ایسه ده استقباله
 ربط امل ایتمک موافق قاعده اولدیغندن بروجہ معروض بر اعلان رسمی ترتیبی
 اساساً رهین تنسیب عالی اولدیغنی تقدیرده شکل و عباراتی اراده سنیه ملوکانه یه
 توفیق اولتوب تصویب بیورلمدیغنی حالده موضوع بحث اولان نشریات مضره یه
 دیگر غزته لر واسطه سیله ردیه لر یازدیریه رق مدافعه اولنه بیله جکی بدیهی در امور
 مالیه یه کله نجه بودجه ده توازن حصولیه اعتبار مالی دولتک ترقیسی ولی نعمت
 بی منتز شوکت مآب افندمر حضرتلرنجه بغایت ملتزم ومهم و بندکان شاهانه لر ی
 دخی اشبو مقصد همایونک حصوله خادم اولوب کچن سنه بودجه نك تنظیمنده
 اجراسی ممکن عد اولونان تصرفات ایله تزئید واردات خصوصاری مجلس وکلاده
 عریض وعمیق مطالعه و تدقیق اولنه رق اولبایده ویریلان قرارلر بالاستیدان
 شرفصدور ایدن اراده سنیه حضرت پادشاهی اوزرینه موقع اجرایه قولنش اولدیغندن
 بودجه آچینی خیالجه کسب خفت ایلش ومقررات مذکورہ نك دیگر تدقیقات
 اجراسنه محتاج اولان بعض تفرعاتی دخی سنه آتیه بودجه سنک الیوم در دست اولان
 تدقیقاتنده وضع موقع مذا کره ایدیه جکندن بو کره ده بودجه آچینی بر قات
 دها تنزل ایدرک او نسبتده اعتبار مالی ترقی ایدیه جکی اشکار بولنش اولسیله
 مقصد توازنک شمیدین عدم حصوله بادی اولان حال وارداتک مصارف مبرمه یه
 عدم کفایتی ماده سی ایسه ده محافظه اعتبار ایله اداره مصحلت قابل اوله رق سایه
 توفیقاتوایه جناب شهریاریده سنه بسنه واردات خزینهنک تزایدیه عهد قریبده
 بودجه آچینک بالکلیه قیادلمسی امکانی بدیهی اولمغه عتبه علیایه عرضی متعنادر
 اقدام .

فی ۱۰ ربیع الاخر سنه ۳۰۶ و فی ۲ کانون اول سنه ۳۰۴



مابین همایون باش کتابتنه جواباً تذکره خصوصیه

فی ۳ ربیع الاخر سنه ۳۰۶ تاریخلو مخطرہ معروضه عاجزینک ایکی فقره سی
 حقدہ طلب بیوریلان ایضاحاتک تفصیلاتنه دائر عرض حضور عالی قلنان تذکره
 خصوصیه ثناوری منظور دقایق موفور حضرت خلافتیناهی بیوریه رق ایضاحات
 معروضه کافی اولدیغندن فقره سیاسیہ حقدہ اولان مطالعه عاجزی ایله بودجه ده
 توازن حصوله مانع اولان اسبابک موضحاً عرضی خصوصنده شرفسنوح و صدور
 بیوریلان اراده سنیه جناب تاجدار ی بی مبلغ فی ۱۰ ربیع الاخر سنه ۳۰۶
 تاریخلو تذکره خصوصیه علیه لر ی التدی . مستغنی عرض اولدیغنی اوزره برمدتدنبرو
 اوروپا غزته لر ی دولت علیه حقدہ نشریات مزعجه و مضره ده بولمزلندن و بوده
 رقابت دولیه دن منبث بر کیفیت اولمسندن ناشی بو حاکک اندفاعی ضمننده نه یاپلق
 لازم کله جکی یوقسه دولتلردن بر طرفک اتفاقه داخل اولمقی ایجاب ایدیه جکی
 بخی اوزرینه بالاطراف تأمل کیفیتله اولبایده اولان مطالعه عاجزینک عرضی تلقی
 اولنان امر و فرمان همایون حضرت خلافتیناهی اقتضای جلیلندن اولسنه منی
 نشریات مذکورہ یی داعی اولان احوال ایله بونک چاره اندفاعی عریض وعمیق
 تأمل وملاحظه اولنه رق خلاصه مطالعات ثناوری بی حاوی اولان مخطرہ مذکورہ
 عرض حضور عالی قلمش ایدی . دولترک رقابتی میاننده دولت علیه نك بولدیغنی
 موقعک بی طرفاغنی تعیین وباجمله دولترله اولان حسن مناسبات مودتکارانه سی
 تبیین ضمننده تصور اولنان صورت اعلان مسئله معلقه نك تسویه سنه خدمت
 ایدیه میه جکی درکار اولوب صورت معروضه ایسه دولت علیه نك حال حاضر سیاسیدم
 اتخاذ بیورمش اولدیغنی مسلك صحیحی بیان ایله تمایلاتی حقدہ کی شبه یی ازاله و بو
 وجهله نشریات مضره یه مقابله ایچون تخطر اولنش بر تدبیر اوله رق مبحوث عنها
 اولان فقره ده دولت علیه نك مسائل حاضرده برلین معاهده نامه سنه توفیقاً حل
 مشکلاته بذل مساعی ایدیه جکنه دائر استقبالی تضمن ایدر بر معنی استخراجی مقصود
 اولیوب مقصد اصلی حل مشکلاته بذل مساعی ایدلیکنی وایدلمکده بولدیغنی
 بیاندن عبارت ایدو کندن واکر چه او مثاله بر تمیز ایدیه نك تمام .

قرقی تنزیل و معاداسنه تحویل ویرلک اوزره بالتسویه تصحیح اعتبار اولنه رق
 خزینه جلیله ایله بانق بیننده بر مدتدنبرو طورمش اولان حساب جاری به یول
 آچلمسیله اچمه تدارکنه حائل اولان اسباب مندفع اوله رق اوج سنه مدت دوام
 ایدن پولتیقه بحرانی زماننده احتیاطه رعایه سلاح التنده بولندیرلمسی اقتضا
 ایدن بونجه عساگر شاهانه نك مصارف فوق العاده سنی تسویه ایچون ایجاب ایدن
 اچمه تدارک اولنه بیلمشدر. معاملات خزینه بوضورتله دوران ایتمکده اولدیغی حالده
 مالیه ناظر سابق محمود پاشا قوللری زماننده اشبو معاملاتک جریانی محافظه اولنه حق
 یرده اچمه تدارکنه خزینه جه دیگر برچفر آچیله رق بعض تجار و صرافان ایله پک
 عجیب و خسار خزینه بی موجب معاملاته کیریشلمش و بو مناسبتله بانق ایله سائر
 بانکرلردن النان آوانساره مقابل اموال اوزرینه ویریلان قامیالار بدلاتنک تأدیاتی
 سکتهدار ایدلمسینه منی اعتبار مالی به خلل کلمشدر. مشارالیهک عزلیله نظارت وکالتنه
 تعیین بیوریلان اغوب پاشا قوللری بو حالک اهمیتنی ادراک ایله اصلاحنه و ذکر
 اولنان قامیالری تجدید ایدرک اصحاب مطلوباتک ارضاسنه سعی ایده جکی یرده اولنان
 اخطارات اوزرینه ده بو خصوصه اهمیت ویرمیه رک واک زیاده دوشوندیکی دواثر
 عسکرینه نك هفتقلقاری اولوب بونلریده نه قدر آز پاره ایله کچشدیره بیلور ایسه او
 درجه کندوسنی بختیار بیله رک بو وجهله امرار وقت ایلمکده وشمدیالک استقراض
 اچمه سنک بقیه سیله اداره مصلحت ایتمکده ایسه ده آتی بی نه وجهله تأمین ایده جکی
 واصحاب مطلوباتک ارضا واسکاتی حقتده مطالعه سی نه ایدوکی بیله مامکده اولوب
 حالبوکه استقراض اچمه سندن قابل استعمال جوق بر شی قالمدیغی کبی حیدر پاشا
 شمدوفرینک موسیو قاولایه تسلیمنده اله جق التی ملیون فرانق ایله هیرشدن
 استحصال اولنه جق مبالغ دخی دیون غیر منتظمه نك کلیته نسبتله یاره به مرهم
 اوله جق درجه ده اولمدیغنه و واردات ایله مصارفاتک عدم توازنی حسیله سنه بسنه
 دیونه انضمام ایتمکده بولنان بودجه آچیقاری دخی نظر دقتدن دور ایدیله میه جک
 بر کیفیت اولدیغنه بناء اداره مصلحته مداروحید اولان معاملات مالیه نك سکتهدن
 وقایه سی بزجه الزم اولدیغی مثللو بزه بلا تأمینات اچمه اقراض ایدن بانق وسائر
 بانکرلر دخی تعطیل تأدیاتدن طولانی کندو حصه دارلرینه قارشو مسؤل اولدقلرندن
 و خزینه جلیله جه بونلره امید بخش اوله جق بر صورت تسویه تکلیفی شویله طورسون
 مشارالیه اغوب باشاط قندن بر حسب معاهده سیله که در دکا حیات استخارانه اقبیه به


عقبه سنیه ملوکانه به عریضه خصوصیه

نخبه آمال هایونلری دولت علیه لرینک قدرت و مکنته مصروف و معطوف اولان
 ولی نعمت بی متمز ذات شوکته مات افدمز حضر تارینک جلوس میمنت مانوس شاهانه لری
 روز فیروزندن بری امورمالیه دولتک انتظامنی التزام بیورملرندن ناشی اشبو مقصد
 خیر مرصد ملوکانه نك حصونه خدمت متحتم عهده عبودیت اولمسینه و بوده واردات
 ایله مصارفاتک توازنه متوقف بولنمسینه منی اسبابنه تشبثله اجرا آتته بذل مساعی
 واهتمام اولنمقده اولوب عرض و بیاندن مستغنی اولدیغی اوزره قدیمدنبرو آره صره
 وقوعه کلان محارباتک الجا ایدیکی مصارف فوق العاده بی قامق ایچون تدابیر فوق
 العاده به مراجعت اولنه رق ازمنه سابقه ده نیجه میایون لیرالر استقراض و بعضاً توسیع
 انتقال مقابله ده اهالیدن فضله بر بچق عشر اخذی و اغنام رسومنه ضم ایدیلهرک
 دیگر بعض رسومات احدائی کبی چاره لر ایله مصارفاته مقابله ایدیله بیلمش و فقط
 هیچ بروقت واردات و مصارفات دائمه بیننده توازن حصوله کلامشدر. مع مافیه
 دائماً معاملات مالیه محافظه اولنه رق چرخ اداره یولنده دوران ایتمکده اولدیغی
 حالده کچکی محاربه دن اولجه متوفی محمود ندیم پاشانک صدارتی هنکامنده
 مستقرضات خارجیه فائض و رأس المال لرینک تأدیاتی طور دیرلمسندن طولانی
 پولتیقه جه کوریلان مضرتدن بشقه بو معامله بعد المحاربه برلین معاهده
 نامه سنک عقدنده امورمالیه دولتک بر اوروپا قومسیوننک تحت تفتیشنه وضعی
 ماده سنک قرار کیر اولسنه سبب اولمشدر. مؤخرآ سایه حکمتوایه جناب
 تاجداریده تحویلات عثمانیه حامللریله اشبو دیون ماده سی طوغریدن طوغری به بر
 صورت تسویه به ربط اولنه رق دولترک بداخله سنه میدان براغامقسزین اولباده
 اولان مشکلات بر طرف ایدلمش و فقط بانق عثمانی نك متراکم مطلوباتیله غلطه بانکرلرینک
 مع فائض آوانساری بدلاتنک تسویه سز قالمسی اعتبار مالینک تمامیله عودتنه مانع
 اولمش اولدیغنه و نا کهان سرزده میدان ظهور اولان روم ایلی شرقی مسئله سی
 اوزرینه تهیات جریبه به حاجت مس ایدرک او حالده دیون مذکوره دخی بوزده

SISMANOGLIO
MEGARLO

کوره کرک بونلر و کرک خزیننه جلیله ده مطلوباری اولان سائر اجنیلر بوحالک اصلاحی واردات و مصارفات دولتک بر اجنبی قونترول تحتہ المنسہ متوقف کوره رک او یله بر قونترول لک تاسیسی احتمالی کندولرینه مدار تسلی اتخا ذایلد کوری اکلاید یغندن و اگر چه دولتله شویله بر نازک و قنده دولت علیه بر کونا مسئله و مشکلات احداتی ارزو ایتمزلر سده تبعه لرینک حقوقی حمایه مجبور اولان دولتله شکایت واقعه اوزرینه دولت علیه مراجعتله بعض تکلیفاتده بولنقدن امتناع ایدمه جکلرندن شو اجانبک تشبثات غیر مرضیه ایله دولت متبوعه لرینک مداخله لرینی دعوت ایتمکه سبب ویرمه مک ایچون ذکر اولنان بانقک مدیر لریله خزیننه پاره اقراض ایدن سائر بانکر لره اظهار حسن معامله و بر صورتله ارضا ایدیله رک میعاد کچوب تادیه اولنیمان قامیال و حواله لرینک تجدید یله اعاده معاملاتہ اعتنا اولنسی دخی حالاً و مصالحه اهم اولسیله مالیه نظارتنده بولنان ذاتک بود قایق نظر دقتدن دور ایتمه رک کرک یرو و کرک اجنبی بالجمله اصحاب مطلوبه حسن معامله ایله خلقی مایوس ایتمکدن توقی ایلسی مقتضیدر . واردات و مصارفات عادیه بیتنده توازن حصولک امکانی مقفود دکل ایسه ده بوبابده دوشونیله بیله جک چاره لرک بعضیلری نا قابل اجرا اولسی حسیله بودجده بر مقدار آچیق کورونسی طبعی اولوب سایه توفیقاتوایه جناب ملوکانه ده آناتولی نک ایچرولرینه طوغری پیانی آچیلمقده اولان مجرای ثروت بر قاچ سنه یه قدر بو آجینی بالسوهله قیایه جنی جای اشتباه اولمدیغندن شو حالده یالکز تصرفاته رعایت و وسائط مؤتمنه ایله اخذ و صرف امواله اهتمام ودقت اولنه رق وارداتدن بر مقدار مناسبی دیون غیر منتظمه نک تدریجاً تسویه سنه تخصیص قلندینی تقدیرده اداره مصلحت قابل اوله جنی تخطر اولنمغله اولبابده و قاطبه احوالده امر و فرمان حضرت ولی الامر افدمز کدر .

فی ۲۰ ربیع الاخر سنه ۳۰۶ و فی ۱۲ کانون اول سنه ۳۰۴



مایین هایون باش کتابته عریضه خصوصیه

بوهفته ورودایدن « قورسپوندانس دولست » و « ده با » و « مونیتور اونیورسل » غزته لرینک نشریات مضره سندن اوچ بندک ترجمه لری عرض حضور عالی قلندی . مطالعه لرندن مستبان اولدیغی اوزره اشبو بندلردن برنجیسنده استانبولده بولنان طلبه علوم سلطنت سنیه یه قارشو خلاف کیر و غیر مطیع بر فرقه شکلنده ابراز اولنمغله برابر شیخ الاسلام داخل اولدیغی حالده مأمورین علمیه ساعی بالفساد حکمنده و ولی نعت بی متمز شو کتماب افدمز حضرت لریله و کلا قوللری اختلاف حالده کوستریله رک اجتماعات خفیه ده بولنان طلبه دن به مضاری تحت الاستطاق مجلسده بولندقلری و کویا تمارض ایدن شیخ الاسلامک امریله طلبیه ایکیشر لیرا ویرلدیکی سرد و اتیان قلندیغی مثللو ده با غزته سنک بند معروضنده جمعیت خفیه عقد ایدن طلبه علومدن یکریمی نفر قدری لدی الاستطاق مایین هایون خلقنک علیهنده و باب عالی نک لهنده اداره لسان و کویا عبده اجزارینک امریله بونلره ایکیشر لیرا توزیع ایدلدیکی اقرار و بیان ایلمش و ویریلان آلتونلرده کویا انکلیر لیراسی ایدوکنی طلبه دن بعضیلری سویلمش اولدیغندن طلبیه توزیع اولنان اشبو کلیتاو مبلغک نه طرفدن کلدیکی قوللریله شیخ الاسلامدن سؤال بیورلدیغی بسط و بیان و اوچنجی غزته بندنده دخی کذلک صوفه لر ایشنک سرای هایونده تحقیقاتی دوام ایلمکده و کویا قوللری بو ایشده ذی مدخل بولندیغندن طولایی بوماده تبدل و کلا حقه ده بعض شایعاته وسیله اولدیغی نشر و اعلان اولنمشدر . اشبو شایعاتک قوللرینه تعلق ایدن جهتی حقه ده عرض واقع عاجزی اوزرینه تلقی اولنان امر و فرمان هایون حضرت ظل اللهی اقتضای عالیسنجه دوندن برو استحصال ایدلمش اولان معلوماته نظراً جتتمکان سلطان محمود تره شریفه سی جوارنده کائن تیز ویرن دده تره داری اولان بر امام سلطان احمدده کائن مدرسه نک طلبه سندن ایکی افندی بی عطیه سنیه یه نائل اولق اوزره اطماع و کویا طرف کمتیردن بر آدم کندولرینه بشر مجیدیه و یروپ دها چوق پاره ویریله چکنی دخی سویلدیکی اقراره اقاء اندرک سه ای هایون نه منسور سعیدک ناینده .

وتبعیدی مقتضای حکمت حکومتدن ایسه ده اولبا بده وقاطبه احوالده امر و فرمان
حضرت ولی الامر افندمر کدر . فی ۱۱ کانون ثانی سنه ۳۰۴

نام عاجزی به اوله رق طلبه علومه باره توزیعی ماده سی باش مابینچی حاجی علی
بک افندیگ ریاستی تحتنده تشکیل اولنان قومیسوننده تدقیق و تعمیق اوله رق بونک
تحقیق اولندیغنه کوره محمود جلال الدین پاشا طرفندن ترتیب اولمش بر حیلله اولدیغی
تین ایتمش ایکن پاشای مشار الیه بوندن طولانی هیچ بر معامله کورمدکن بشقه
بک غریبدرکه هفته سنده مرصع نشان عثمانی ایله تلطف بیولمشدر . او ائنده
اغیازک مقاصدینه یا خود ده کندو منافع خصوصیه لرینه خادم اولان دیگر مقرین
دخی هیئت وکلانک سقوطنه ساعی اولدقاری استخبار اوله رق اولبا بده سلطان
عبدالحمیده بالواسطه واقع اولان شکایت عاجزانم اوزرینه ایضاحات اعطاسی ضمنتده
معهود یوسف رضا پاشا مساء ساحلخانه عاجزی به اعزام بیولمش اولسیله مشار
الیله میانه ده آتی ده صورتی محرر محاوره جریان ایدرک بوده برای عرض باتدکره
خصوصیه مابین هایون باش کتابته کوندرلش ایدی .


صورت

بواقشام رضا پاشا حضرتلری ساحلخانه عاجزی به کلوب کندیسیله غضبان افندی
وابوالهدی افندی ورشید بک (او وقت کاتب خصوصی ایدی) وکلا علیهنده بر
قومیتله اولدقاری طرف کتریدن خاکپای شاهانه به عرض اولمش اولدیغندن بااراده
سنیه استیضاح وایضاح کیفیت ایچون کلدیکی بالیان کندوسی ایکی اوچ سنه دنبرو
ابوالهدی افندی ایله اجتماع ایتدیکی کبی رشید بک ایله آرهلرنده بر کونه الفت
اولدیغی و فی الواقع غضبان افندی معارفه قدیمیه منی کندو خانه سنه کلکده اولسه ده
بر مقصدلری اولیوب قالدیکه کندوسی قدما ی بندکان دولت علیه دن اوله رق خیلی
مأموریتلرده بولنسیله اخلاق و افکاری هر کس جه معلوم اوله رق بالمناسبه خاکپای
شاهانه به دخی عرض ایلش اولدیغی اوزره صدر اعظم اولتق املنده اولدیغندن
وکلا علیهنده بولنسنه بر سبب اولدیغنی اتیان ایله کندوسنه اوله شی عزو ایدن
کیم ایسه خلط ایتمش کبی تعبیرات غلیظه ایله دهبا بعض افادانده بولنمشدر .
پاشای مشار الیه ویریلان جوابده عرض واقع بر سبب مجبره منی اولوب چونکه

طلبه لر میر مومی الیه اولوجهله درس لرینی تقریر ایتدکن صوکره مرقومان سرای
هایونه کتوریلوب سرخفیه قدری بک قوللری نزدنده دخی تقریر مذکورلری الهرق
متعاقباً کندولرینه اوز لیرا عطیه سنیه ویرلدیکی و فرداسی کونی نور عثمانیه جامع
شریفی مؤذنلرندن بری دخی بو کیفیتدن خبردار اولسیله دفع احتیاج ایچون او قدرجه
بر کذب اختیار ایتمش وهان مابین هایون ملوکانه به عزیمتله تقریرینی ویروب عطیه
سنیه به مظهر اولمش ایتمش . اشبو طلبه وقوع حالی بعض کسانه عینله حکایه ایللری
اوزرینه شو افعال فضیحله ری بونلر طرفندن تقییح اولندیغندن کندولرینه دخی
ندامت کله رک ایچارندن بری سلطان احمد مدرسه سنده کندو خواجه سنک نزدنده
بولدیغی وسائرلری دخی حاضر اولدیغی حالده قباحت واقعه سی نفسنه کران کله رک
آیش اولدیغی عطیه سنیه نک بر لیراسنی صرف ایتمش بولدیغنک بیانیه طقوز عددینی
چقاروب کیسه سیله برابر خواجه سنه تسلیم ایلدیکی و بو احوالک تفصیلاتنه کسب
وقوف تام ایدن بر طا بور امامی حسب الدیانه کیفیتی واقعی وجهله قلمه الهرق
کتوروب سرخفیه قدری بک قوللرینه ویردیکی و بو خصوص سرقرنا وقرین ثانی
حضرت شهریار بک قوللریله سر یاور محمد پاشا قوللرینک معلوملری اولوب بوبابده
مابین هایون ملوکانه ده تحقیقات عمیقجه جریان ایلدیکی جمله معلومات مستحصله دن
اوله رق کرچه هر حالده حقیقت بین و واصل مرتبه علم یقین اولان ولی نعمت
بی متمم ذات فرشته صفات افندمر حضرتلرینک عدل وحقانیت سنیه شهنشاهی لرنندن
امین اولان قوللرینه بو مثلوقته وفساد شخصاً بادی اندیشه اوله مرزسه ده ایشک
شایان اهمیت اولان جهتی بودکل احوال معروضه نک سرای هایون ملوکانه ده بر قومیته نک
وجودینه ودهبا غزته سنک اعلانی وجهله کویا طلبه به توزیع اولنان پاره لر عثمانی
آلتونی دکل انکلیر لیراسی ایدوکنه دائر اولان تلمیحاته باقینجه اشبو قومیته نک
دخی انکلتره نک رقیبی بر دولته تعلق تامنه دلالت ایتسیله بو کیفیت نظر اهمیتدن
دور ایدیله میوب سایه توفیقاتوایه جناب جهانبا بنیده پای تحت سلطنت سنیه نک انتظام
وآسایشی مکمل اولدیغی حالده بر طاقم صنیه لره اساسلر ترتیب اوله رق بعض طلبه
علومک توقیف واستطاقنی متعاقب متعدد غزته لر واسطه سیله نشریات مفسدتکارانه به
مسارعت و علمای بلده ایله طلبه علومک یکچیره لره قیاساً غیر مطیع بر هیئته و امور
دولتک مختل صورتده توصیفه مبادرت اولنسی داخلاً و خارجاً داعی فلاکت بر
کیفیت اولدیغندن اشبو قومیته هیئتک بالتحقیق ظاهره اخراجیله اعضاسنک تفریق

و علیهمه او یله بر لشتنک وجودی محسوس اوله رق چنارده بلغار مسئله سنه
 دأر روسیه تکلیفک مخابراتی اثناسنده بر تبدل وقوعی قوه قریبه یه کتورلمش
 اولدینی حالده ولی نعمت بی متمز ذات شوکتسات افندمز حضر تلرینک حکمت
 سنیه ملوکانه لر یله کچشدیرلمش ایسه ده احوال سیاسیة نک ایجاباتنه نظراً بوتشبتک تکرری
 لابد اولوب حالبوکه پولتیقه نک بحرانی اثناسنده تبدل وکلا وقوعیله هیئت جدیده
 شمیدی یه قدر اتخاذا اولتان منلک سیاسی نک خلافتده یا کلمش بر یوله کیده جک
 اولورسه بوصورت دولت علیه حقنده مخاطره لی اوله جغندن هر نه وقت نزد شاهانه ده
 تبدیل وکلانزومی تقرر ایدر ایسه هیئت جدیده مسلک متخذک دقایقه کسب ووقوف
 ایله کندوسنه بر خط حرکت سالمه تعییننه وقت بولوق ایچون تبدلک شمیدی کی
 بر آسوده زمانده اجرانسه فرمان بیورلمسی استرحامنده بولنش اولدیغ بیان قلمسی
 اوزرینه پاشای مشارالیه بعض کلمات غیر مقتعه ایله کندوسی اوله شیئه قاریشمیدیغی
 افاده ایلدکن صکره طرف عاجزیدن ینه سوزده دوام اوله رق روسیه سفیری دولت
 متبوعه سنک پولتیقه سنی ترویجده عدم موفقیتی هیئت وکلا یه اسناد ایدرک بلغارستانده
 بزه بر ظالنه چیقاره یلمک ایچون بو هیئتک تبدلنه بذل مساعیدن کیرو طورمامسی
 طیبی اولوب بو بایده استعمال ایلدیکی وسائط دخی هر کس جه معلوم ایسه ده سایه
 توفیقاتوایه جناب ظل الهیده دولت علیه بو کونکی کون موازنه دولیده
 پک عالی بر موقعه بولسوب یا کلمش بر خطوه ایله اشبو موقع عالی دن
 دوشه جک اولور ایسه معاذ الله تعالی رقابت وعداوت دولیه آره سنده اورته لق
 هرج و مرج اوله جغندن وچونکه حسب المأموریه دولتارک ینه مقاصد سیاسیة لرینه
 کرکی کی کسب ووقوف ایده بیلدیکمدن احوالی پیش نظر مطالعه یه الدیجه بویله
 بر زمانده رضا پاشا حضر تلر یله غضبان افدینک ویا دیگر لرینک خاطر وگوکلرینی
 صایمق دکل کندو نفسی بیه دوشونمیوب ولی نعمت بی متمز افندمزله سلطنت
 سنیه لرینک وقایه وبقالرینه فدا کارانه خدمت ایتک مقتضای صداقت و عبودیم
 اولدینی علاوه مقال ایدلمسیله پاشای مشار الیه جوابنده کندوسی موسیو نلیدوفک
 وسائطدن اولیوب سفرا ایله کوروشمی اراده سنیه یه منی ایدوکی وغضبان افدینک
 هر کون کندوسنه کلوب پولتیقه دن بحث ایتدیکی صحیح ایسه ده بوده مصاحبت
 قیلندن اولوب بعض شیلرک کندوسنه اسناد اولنسی طوغری اولدینی کی غضبان
 افدینک کچنارده انکلتره سفارتنه کیدوب عدم قبول ایله رد اولندقدن صکره

صرپ سفیرینک نزدینه عزیمتله بعض افاداتده بولنسی کندی اثر حماقتی اولدینی
 سرد و بیان قلمسنه مقابل غضبان افدینک طرف اشرف حضرت پادشاهیدن
 مأذون اولیه رق او یله صورت مخصوصه ده بر سفیر نزدینه عزیمتله آوستریا وانکلتره
 اچیلری حقنده اندیشه و افکار شاهانه دن بختله استفسار مطالعه ایلمسی دولت علیه
 ایله دولتین مشار الیهما بیننده وجودی لازم اولان مناسبات خالصانه یی اخلاص
 ایدرک عز واهانت معناسنه اتان بو معامله دن انکلتره و آوستریا دولترینه
 حاصل اولان تاثیراته بونلرک متفقاری اولان دولتر دخی اشتراک ایتش وکرچه
 ایضاحات لازمه اعطاسیله اغبرارلری ازاله ایدلمش ایسه ده غضبان افدی خدمت
 شاهانه ده دوام ایتدکجه خاطر لرندن حقیقه جق اولان بووقه سلطنت سنیه حقنده
 صداقتی اولماغله برابر چونکه سفرا او یله بر اهاتی ارتکاب ایده بیلیمک ایچون
 وکلا ایله اتفاق ایللری لازم کله جکندن غضبان افدی تشبتک بر جهتی دولت
 علیه دن دیگر دولتری دلگیر ایتک اولدینی کی بر جهتی دخی وکلا حقنده امنیت
 شاهانه یی ازاله ایله بر تبدل وقوعه کتیرمک اولوب غضبان افدی ایسه کندو
 اعترافی وجهه هر کون کندوسیه هم مجلس اولناردن بری اولسیله وپیغمبر وکیلی
 اولان ولی نعمت ذات ملک صفات افندمزک وجود لازم الموجود هایونلری دائماً
 سرور و صفاده محافظه اولنه جق یرده لابنقطع تخدیش اذهانی موجب ژورنالر
 ایله مزاج شاهانه لرینک تأثر حالنده بولندیرلمسی دخی تبدل مقصدینه خادم تدایر
 جمله سندن بولنسیله خاک پای هایون ملوکانیه عرض حقیقت حال ایدلمسی نا بمحل
 اولدینی اعتقادنده بولندیغ رضا پاشا حضر تلرینه افاده اولندقدن مشار الیه کندو
 حالنه موافق جوابلر اعطاسیله عودت ایتشدر .



تلقى اولنان اراده سزیه جواباً تقدیم قلنان عریضه خصوصیه

بلغارستان ایله صربستانک ترتیبات و تہیات حربیہ لری نظر دقتی جالب و بلغارلرک احوال سابقہ سببہ بعض دولتوںک مظهر صحابتی اوللری کیفیتی دولت علیہ جہ امنیتی سالب اولسلیہ بو حالدن دولت علیہ بر کونا مضرت ایراث ایتماسنہ اطمینان تام حصولی نہ کی تدبیر و تشبہ متوقف اولدیغک عریض و عمیق تدقیقہ مطالعہ کترینک عرضی تلقی اولنان امر و فرمان ہایون حضرت خلافتناہی اقتضای عالینسندن اولغله احوال سیاسیہ پیش نظر ملاحظہ الہرق دول معظمہ ایله همجوار بولنان حکومتوںک مقاصد پولتیقیرلی اوزرینہ ازسرنو صرف افکار ایدلدی. عرض وییاندن مستغنی اولدیغی اوزرہ روسیہ دولتی بالمحاربه بلغارستاندہ قرآنمش اولدیغی موقعی کچکی روم ایلی شرقی وقوعاتی نتیجہسندہ ضایع ایتمش و تشبہات سیاسیہ ایله حال سابقک اعادہسنہ موفق اولہ مامش اولسی حسینیلہ دولت مشارالہا تدابیر جدیدہ بر اجعتلہ بلغارستانی اشغال عسکرینسی تحتہ الہجق اولور ایسہ انکلتزہ دولتک مصردہ عینی حالہ بولندیغی وسیلہ اتخاذیلہ بلغارستانی ترک ایتیمہ جکی و بوتقدیردہ بوغازک تحت مخاطرہدہ بولنہ جنی جہتلہ بو حال بر محاربه عمومیہ بی انتاج ایتمامک ایچون صلح و مسالمت عمومیہنک محافظہسی مقصدیلہ المانیا، اوستریا و ایٹالیا دولتری عقد اتفاق ایلمش و بالقان شبہ جزیرہسندہ استاتوقونک محافظہسی جملہ شرائط اتفاقیلرندن اولدیغی اکلشلمش اولدیغی و دیگر طرفدن انکلتزہ دولتی دخی دول متفقہ نلہ ایله ہم افکار اولغله برابر ہم فرانسنک روسیہ یہ معاونتہ حائل اولمق و ہمدہ مصر مسئلہسندہ کندو موقعی تحت تأمینہ آلمق ایچون اوستریا، ایٹالیا و اسپانیادولتلیلہ عقد اتفاق ایتمش بولندیغی بناؤ روسیہ دولتی تشبہات سیاسیہسندہ اختیار تائی ایله کچکی محاربه لرنندن برو اخذ تارہ وسیلہ جو اولان صرپولوری بلغارلر علیہنہ تحریک و دیگر طرفدن بیوک صربستان قرالنی تصویرینی تولید ایلہ بو صورتلہدہ بلغارلری تہدیدہ باشلادیغندن بو حالہ تارشو بلغار حکومتی دخی تہیہ اسباب تدافعیہ یہ مجبور اولمش ایسہدہ تدارکات واقعہسندہ حکومت مذکورہنک کوکندیکی کندو قوتنہ دکل ضعفہ اولوب دول متفقہنک صحابتہ دخی سبب بو کیفیت اولسلیہ جملہدن زیادہ دولت فحیمہ

متبوعہ لری حمایتہ محتاج اولان بلغارلرک نا کھان دولت علیہ علیہندہ عصیان ایلہ تجاوز حدودہ تصدیلری مستبعد کورینور. حال بویلہ ایکن صرپ ایلہ بلغارستانک ترتیبات و تدارکات عسکرینہ لرنی دولت علیہ علیہندہ تشبہات فرض ایدرک حکومت سزیه جہدہ مجرد بر احتیاط اولمق اوزرہ تہیات عسکرینہ یہ تشبہ بر الی بیک نفر دھا سلاح التہ الہجق اولسہ اشبو عسا کر شاہانہنک اعاشہسنہ خزینہ جلیلہنک حال حاضری مساعد اولمدیغی جہتلہ در حال خارجدن رایکی میلیون لیرا استقراضنہ حاجت مس ایدرک بونک قاض و رأس المائہ اک صاعلام وارداتدن بر قسمک دھا تخصیصی آتیا مضایقہ مالیہنک تشدیدینہ سبب اولہ جنی درکاردر بناؤ علیہ مطلوب عالی اولان اطمینانی تدابیر سیاسیہدہ آرامق لازم کلہرک فی الواقع بلغارستان غیر مشروع بر حالہ بولندیغندن وا کرچہ امارت درت سنہ دنبرو بر حال تدبذیدہ زمان کچیر مکدہ ایسہدہ بو حالک نہ وقتہ قدر دوام ایدہ بیلہ جکی مشکوک اولوب بلغارلر انتخاب کردہ لری اولان پرنس فردینساندک امارتی دولتارہ رسماً تصدیق ایتدیرہ - مدکاری جہتلہ بلغارستانک بولندیغی حال و موقعک بر شکل مشروعہ وضعی اعلان استقلالہ تحیل ایدرک ہر نقدی اولہ بر حالک منغہ چالش مقصدہ ایسہدہ آتیا وقوعی احتمالی واردر. بلغارلرک او مثلاً بر اعلانہ تصدیلرنندہ دولت علیہ یہ ایکی وظیفہ ترتب ایدوب برنجیسی لزومی قدر عسا کر شاہانہ سوقیلہ بلغارستانی حال سابقہ ارجاع ایتمک و ایکنجیسی قوہ جبریہ استعمالنہ بدل روسیہ و فرانسنہدن ماعدہ دولتوںک موافقتلرلہ بالا کتفا در حال پرنس فردینساندک امارتی تصدیق ایلمک اولہ جغندن وا کرچہ بو ایکی وظیفہدن ہیچ بری ایفا اولنیمہرق بالکزر بر پروتستو ایلہ کچشدیریلہ جک اولور ایسہ روسیہ و فرانسنہدن ماعدہ اولان دولتوںک بلغارستانک استقلالنی تصدیق ایدہ جکلری مجزوم بولندیغندن او حالہ دولت علیہنک موقع سیاسی دیکشوب صرپ ایلہ یونانستانک توسیع ملک قصدیلہ قیاملرنی صلح و مسالمت عمومیہنک محافظہ سیچون دول اربعہ منع ایدرلرسہدہ انکلتزہنک حمایتہ سبب خدیویت مصریہنک دخی بر آرائق اعلان استقلال ایتسی و بو صورتلہ حجاز ایلہ یمن ولایات شاہانہ سنک حال تہلکہدہ قالمسی احتمالدن بعید دکلدرد. بو حالردہ روسیہ ایلہ فرا نسنہنک معاونتارندن دولت علیہ جہ نہ درجہ یہ قدر استفادہ اولنہ بیلہ جکی خصوصی نظر مطالعہ یہ آلدقدہ فرانسنک اطرافی دول متفقہ ایلہ محاط اولہرق حرکت تجاوزیہ یہ غیر مقتدر بر حالہ بولندیغی کبی اقتداری اولسہ بیلہ کندو منافعہ طوقور جہتی

مایین همایون باش کتابته تذکره خصوصیه

دولت علیه نك امور ماليه سنجه اولان مشكلاتك اسبابيله اولبايده اتخاذاي لازم كلان تدابير دأثر مخرطه عاجزي اوزرينه شرفسانح اولان مطالعات حكمت آيات جناب پادشاهي بي حاوي مخرطه سنيه احكام جليله سنه توفيقاً انجمن خصوصيه جريان ايدن مذاكراتي شامل قلمه آلتوب عرض حضور عالي قدان مضبطه ده يالكز تليل عسكر لزومي عرض اولته رق مسلك سياسي به دأثر ايراد بيورلمش اولان اسله دن بحث ايدلمامش اولديغندن و حالبوكه آره صره معروضات عاجزانه مده اتفاقدن بحث ايدلمكده بولنديغندن كوريشلمكده اولان سفرائك مصاحبتمن اولبايده حاصل اولان حسيات عاجزينك عرضي وديكر اسله حقتده كي مطالعات ثناورينك دخي ايضاحي وساطت دولترييله تلقى اولنان امر وفرمان همايون حضرت خلافتناهي اقتضاي عاليسندن اولوب عرض و بياندن مستغني اولديني اوزره اتفاق مثلك وقوعندن بروسؤال عالي اوزرينه وبالمناسبه بوندن بحث اولنش وعندالحاجه قنني طرفك اتفافي منفعت دولته موافق اوله جنني حقتده عرض مطالعات ايدلمش ايسه ده همان دولتردن برطرفك اتفاقه دولت عليه نك التحاق لزومه دأثر برشي عرض اولنديني كي كوريشلمكده اولان سفردان بمضارينك اداره ايتدكاري لسانه كوره دولت عليه داخل اولمقسزين اتفاق مثلك مسلكجه متحد اولان انكلتره نك انضمام نفوذيله صلح ومسالت عموميه نك محافظه سنه كافي وكافل وحتى روسيه نك ممالك محروسه شاهانه نك برجهته تعرضه دخي حائل اوله جنق درجه ده قوي اولديني آكلاشيلوب مع مافيه دول اربعه مذكوره دولت عليه ايله روسيه بيننده اتفاق وقوعي روسيه ايله فرانسه به جرات بخش اوله بيله جكندن بوندن بر محاربه ظهوريله ممالك شاهانه جه برچوق انقلاباتي موجب واوروبا مسالت عموميه سنك اخلافي مستوجب اولسندن احترازاً دولت عليه نك بلا اتفاق اتقلالنك محفوطيتي ارزوسنده بولندقاري محسوسدر . مخرطه معروضه ثناورينك خلاصه مأل رقابت دوليه دن متولد احواله مقاومت ايچون سلاح التنده بولنديريلان قوه احتياطي عسكريه نك دائمي صورتده اعاشه سنه واردات خزينه متحمل اولديغنه و خارجدن پاره استقراضنده كي محذور دخي ميدانده

اولديغنه بناءً نتيجة ثابته كوره حكومت سنيه آتیده عساكر شاهانه بي تليل ايتك مجبوريتنده بولنه جفندن احواله تعرضات خارجيه دن انديشه ايديله جك اولورسه قوه ماديه به بدل قوه سياسي به يعني موازنه دوليه به ياخود دولتردن بر طرفك اتفاقه استناد اولنسي لازم كله جكي وبناءً عليه لدي الحاجه ايچاب ايدن محله آز بر مدت ايچنده لزومي قدر مسلح عسكربولنديرمق قاعده سنه رعائته قريباً صرب ايله بلغارستان عسكربولنديرمق طاغلماريني متعاقب عساكر شاهانه نك دخي محافظه آسایش داخلي به كفايت ايدله جك درجه به تليلي و دوائر ملكيه جهده معاش ومصارفانده ممكن اولان تعمديلانك اجراسيله برابر واردات دولتك محافظه وترقيسي ضمنتده اداره ملكيه وماليه نك انتظامي مستازم اسبابك استكمالي اولي اوله جنني قضيه لرندن عبارت ايدني . عرض وبيانه حاجت اولديني اوزره بزجه سلاح آلتنده قوه احتياطي بولنديرمغه سبب بلغار مسئله سي اولوب بونك دوامنه بادي اولان حال ايسه رقابت دوليه ايدو كندن دولته اختيار اولنان كافت عسكريه ذكر اولنان رقابت آره سننده حقوق مقدسه شاهانه نك محافظه سي مقصدينه مصروف و بوده مسلك بي طرفي نك مقتضياتنه معطوف اوله رق اكرچه ايكي شق اولان دولتردن برطرفك اتفافي دولت عليه جه التزام اولنش اولسه بلغار مسئله سي شمديكي شكلده محاكمه اولنيه جنني دركارددر . اتفاق دوليدن بحث اولندقجه بالطبع محاربه خاطره سي متبادر اولوب في الواقع روسيه ايله فرانسه دولتري مقاصد سياسي لرينك استحصال املندن فراغت ايتمامش اولدق لرندن بونلر بر حال ترصده فرصت بين اولدقاري جهته دولتين مشار اليهميه محاربه طرفداري دنيله بيلورسه ده ديكر درت دولتك اساس اتفاق وائتلافي محافظه صلح ومسالت اولديغندن دولت عليه صلح طرفداري اولان بو درت دولته مراجعتله روسيه وفرانسه عليهنده محارب اولمق اوزره داخل دائره اتفاقاري اولمق تكليفده بولنه جنق اولسه دول مشار اليهم طرفندن قبول اولنيه جنني بديهي وبناءً عليه بونلرجه اتفاقدن مقصد صلحك تأميندر .


امور ماليه به كلنججه واردات حاله ايله شمديكي قدر عسكربسلمك ممكن اوله ميه جنني واضجاندن اولسيله بو باده انديشه دن وارسته اولمق ايچون شو برسنه ظرفنده وارداتك مصارف عسكريه به كفايت ايدله جك درجه به قدر تزبيدي قابل اولوب اوليه جفنگ صورت قطعيه ده بينمسي ضروري اولوب رأي قاصره كوره دوائر ملكيه جه معاش ومصارفانده تصرفات اجراسيله برابر اداره ملكيه وماليه نك

ما بين همايون باش کتابتنه تذکره خصوصيه

مناسبت دوشدکجه خاکبای همايون ملوکانه به عرض و بیانده تجویز قصور اولمديني وجهله ماليه ناظري اغوب پاشا حضرتلرينك اداره امور ماليه ده مسلك خود سرانه سي دولت عليه بي بر بحران عظيمه القا ايتمکده اولديني ، کوندن کونه رونما اولمقده اولان آثاريله مشيدر. مشاراليهك متفقانه حرکت ايتسي حقدنه بالدفعات شرفصادر اولان ارادات سنیه حضرت خلافتناهي به مخالف اوله رق رأي خودينه متابعت و خزينه جليله نك واردات و مصارفاتي بيننده توازن حصولي چون تدبير تحريرسند باب عاليه قارشو خلافتکيرانه حرکتبه بودجه آجيتك قايغسي امرنده ناقابل اجرا و نامعقول تکليفات ايله امرار اوقات ايتسي ايکي مليون ليرا راده سنده قارشولقسز بر مصرفك بر سنه دنبري دوامنه سييت و يرمش اولمسيله بو حالک نتايح و خيمه سندن اوله رق هيرشدن التوب مصارف فوق العاده به قارشولوق اتخاذ اولتان مبالغك بر قسم کليسي تعويضاً معاش و مصارف سائر عادييه و يريلوب واردادن يرينه بر شي قونيله مامسي حسييله . مصارف فوق العاده نك بو قسمه مقابل مقداري قارشولقسز قالدتن بشقه سنه نك اون آبي گذران ايتمکده اولديني حالده دوائر ملكيه و علميه و عسکريه به عموماً درت آيلقندن زياده معاش و يريليه ريك . ميشترنجه دوچار فرط مضايقه اولان مأمورين و مستخدمين و محتاجينه سنه حاله نهايته دكين واردادن بر آيلق دهها و يرمنك باب امكاني مسدود اولسي و خدمت عسکريه لريني ايضا ايدرك و طنبرينه عودته آرزو کش اولان افراد مستبدله نك فقدان نقوددن هنوز بر نصفی مملکتلرينه کوندريله مامسي حسييله بر طرفدن معاشلري منقطع اولان افراد مرقومه تحت انتظارده متضرر و مضطر و ديگر طرفدن بونلرك تعينات مصارفي بودجه خارجنده بيوده دوام ايتمکده اولسندن طولاي خزينه جليله کوندن کونه ، دوچار خسار اولمقده بولمسي و اردوي هايونلرك هنوز آلتی آيلق تخصیصاتي بيله ايضا اولنه مامسندن ناشی اداره عسکريه نك تحت تأمينده اولمامسي و متراکنك قسطيله برابر سنوي تأديه سي لازم کلان درتيوز الی بيك ليرا تضمينات حربيه نك هنوز نصفی و يريله مامسي سبييله روسيه

اصطحي مردسيله بر سنه ده بر ايکيوز بيك ليرا قدر واردات بولنه بيلورسده بونکله دهها بش التي سنه به قدر فوق العاده بر حال وقوعه کيامش اولسه بيله شمديکي مصارف عسکريه نك دوامی تقدیرده بودجه آجيتي بر يچق مليوندن آشاغي اينديرمك قابل اوله ميه جفندن واکرچه دائره عسکريه تنسيقات جديده ايجانجه لدي الحاجه دولت بر مليون عسکر چيقاره بيلمک ايجون سنوي شو قدر عساگر شاهانه نك سلاح التده بولتوب تعليم کورمسي لزومني درميان ايلک ايسده تنسيقات مذکور احوال ماليه ايله متناسب اولمقده عندالاقضا بر مليون عسکرک نصفی بيله تجهيز و اداره ايتنك عدم امکانی ظاهر اولديغندن اداره عسکريه نك امور ماليه نك حال حاضرينه تطبيق و مسلك سياسي نك ايجاب حاله توفيقی موافق حکمت کورنيورسده اراده سنیه حضرت خلافتناهي هر نه وجهله شرفسنوح و صدور بيوريلورسه اصابت آنده اوله جفنگ خاکبای همايون ملوکانه به عرضي متمنادر افندم

في ۲۹ محرم سنه ۳۰۷ و في ۱۳ ايلول سنه ۳۰۵



در سبب مصیبات جریبه به تخصیص اولان ولایات وارداتك بعدما اداسنی تأمین
 ایچون روسیه دولتك کندو نظارتی تحتہ وضعی لزومنی اخطار ایتسی مالیه جه
 تقریبی مشهود اولان بجران عظیمك جمله آثار الیمہ سنددر . دولت علیہك
 واردات و مصارفاتی جملهك معلومی ایکن آغوب پاشا حضرتلرینك نزد ہایون
 جناب شہنشاہیدہ معاشاتہ طوقمقسزین و عساگر موجودہ دن هیچ بر تفری
 تنقیص ایدلمکسزین بودجہ توازن حصولی ممکن ایدوکی رأیندہ اولسی و بو
 اساسہ کورہ دولتك تأمین ادارہ سی حقدہ کی مطالعہ سنك بیانی طلب ایدلسی
 بوزرینہ لاعلی التعیین ہر دائرہك تخصیصاتندن یوزدہ اونك تنزیلی کبی نا قابل
 اجرا معروضاتدہ بولنسی عن جہل ایسہ عدم اہلیتہ و اگرچہ بیلہرک عن
 قصد ایسہ اہانتہ دلالت ایدہ جک احوال دن اولہرق عاجزلرینہ کورہ پاشای مشار
 الیہك رأینہ اتباع ایلہ مصارف حاضرہك دوامنی تجویز ایتك دولتك صوک
 نفسنی بکلمك دیمك اولوب بو ایسہ فریضہ عبودیت و صداقتہ منافی اولدیغندن
 دولت علیہك تأمین ادامہ حیاتی تدابیرینہ بلا افاقتہ وقت تشبثہ بر طاقم وقوعاتہ
 میدان ویرلمکسزین ادارہ مصلحت قابل اولہجق درجہ حصول موازنہ مالیه بہ
 اعتنا اولنمق ایچون نظارتك برید اہلیتہ تودیبی مقصدیلہ بر موجب ارادہ سنہ
 اشبو مأموریت مهمہ بہ من جہت المعلومات کفایتاری درکار اولان ذوات دن
 نظارتدہ خدمتی سبقت ایدنلردن ماعدا اولہرق تخطر اولنان بندکانك اسامینسی
 مین بوصالہ سی لفاً تقدیم قلمش ایسہ اولبابدہ ہر نہ وجہلہ ارادہ سنہ
 حضرت شہریاری شرفسوح و صدور بیوریلورسہ حکم منیبی انفاذ اولنہجنی
 درکار اولغلہ عتبہ علیای ملوکانہ بہ عرضی متمنادر افندم .

فی ۲۰ کانون اول سنہ ۳۰۵



در سعادت روسیه سفارتی مصلحتگذاری ایکن آتہ سفارتہ تعیین

قلنان موسیو اونو ایلہ میانہ دہ جریان ایدن مکالمہ بہ دائر

عریضہ خصوصیه

کچن جمعہ ایرتسی کونی موسیو اونو نزد کتری یہ کلدیکندہ بلغار مسئلہ سی
 موضوع بحث ایدیلہرک مسئلہك تاریخچہ سی گندوسنجدہ معلوم اولدیغندن
 تکرارینہ حاجت اولمدیغنی و با خصوص گذران ایدن بعض احوال ایلہ آرہدہ
 ضایع اولان فرصتک تذکاری بیلہ تأسفی موجب اولہرق مثلاً بلغار امارتنہ
 انتخاب اولنمق ایچون بزدن برنامزد ایستدکاری اثنادہ پرنس دومنیغره لی نک یرینہ
 بلغارلرجه قبول اولنہ بیلہ جک بر پرنس ارانہ اولنمش اولسہ ایدی بلغارستانك
 حال و موقعی شمیدیکی کبی مشکل اولیہجنی درکار ایدوکی وقلہ وقوعاتی اوزرینہ
 بلغارلرک افکارینی اصلاح ایچون بر چوق وسائط لازم ایکن بلغارستان ایلہ
 روم ایلی شرقیك روسیہ ضابطانیہ قونسولساردن خالی بر اقلمسندہ کی حکمت
 آکلاشیہ مدینہ مقدمہ اولہرق بسط و بیان قلندقجہ موسیو اونو دولت متبوعہ سنك
 او مثللو خطالرینی اعتراف ایتکدہ توقف ایتیبوب مع مافیہ کترلری سوزہ دوام
 ایلہ حکومت سنہ شوبلغار مسئلہ سنہ حقوق ہم جوارییہ رعایہ روسیہ دولتیلہ
 ائتلافکارانہ بر صورت تسویہ تحریرسندن کیرو طور مدینہ کی شمدی دخی اولبابدہ
 بعض مرتبہ تعاطی افکارہ لزوم کورینوب تعریفدن مستغنی اولدیغنی اوزرہ
 بلغارلر پرنس علیکساندرک سقوطندن صکرہ بر سنہ مدت پرنس سز و فردیناندک
 انتخابندن صکرہ دخی ایکی سنہ مدت پرنس مشار الیہک وجودیلہ بلغارستانی
 نظام و انتظام تحتدہ ادارہ ایدرک اثبات اہلیت و اقتدار ایش و بو صورتلہ
 اوروپانك توجهنی قزانمش اولدقلرندن شو موفقیتلرینہ مغروراً بلغارلر شو
 بولندقلری حال و موقعہ بر شکل مشروع اعطاسنی یعنی موسیو ایلہ پرنس فردیناندک
 تصدیق انتخابی استعدادسنی آرہ صرہ تکرار ایتمکلہ برابر بر طرفدن دخی کرک بلغار غزنتہ لری
 واسطہ سیلہ و کرک وسائط سائرہ ایلہ بلغارستانك اعلان استقلالی استعدادینی اظهار

اینگده اولوب کچلرد، بوفکر باطل بلغارستانده اودرجه ایلرولمش ایدی که قوه دن فعله کلسنی منع ایچون حکومت سینه جه بعض تدابیره بیله مراجعت اولنمش ایدوکنه واکرچه بوفکرک بوکره اوکی التمش ایسه ده اواستعداد حالا باقی اولوب بلغارستانجه مغل حقوق اویله بر حال و حرکت وقوعنده بزجه واجبه حکومت در حال روم ایلی شرقی ایله بلغارستانی اشغال عسکری تحت الهرق حقوق مقدسه سلطنت سینه بی محافظه ایتمک اولدینی حالد بو مبحثده سفردان بعضیدی حکومت سینه نک بو بایده کی حقی تصدیق ایله برابر بلغارستانده سفک دماء وقوعی اوروپاچه افکار عمومیه سه سوء تأثیر ایدرک اقصای آمالی بر حکومت مشروعه ایستمدکن عبارت اولان بر خرسیان اهالی نک عسا کر اسلامی طرفدن قیرلسنی اوروپا عالمی تجویز ائمه - جکندن سفک دماء وقوعنی منع ایچون دولترجه مداخله به مجبوریت حاصل اوله جنی رأینده بولنمش و بو تقدیره کوره یعنی اوروپا دولتری و یا خود دول معظمه دن بعضری دولت علیه بی حقلو و بلغارلری اعلان استقلاله قیامده معذور کوره جک اولدقاری حالد تسویه مصاحته توسط ایده جک اولان دولترک بزه ایراد ایده جکری سؤال بلغارلرک کما کان دولت علیه تا بیعتی محافظه ایچون برنس فردیناندک انتخابی حکومت سینه جه تصدیق اولنوب اولنیه جنی مسئله سی اولمق لازمکه جکی ا کلا شلمش اولدیندن دولت علیه جه بویله بر تکلیفه قارشو نه یایله جنی و روسیه دولتی او حالد نه طور و حرکتده بولنه جنی اولجه بیلنمک و چونکه بزجه نفی ایله جواب اعطاسی بلغار حکومتک استقلاله قاتلامق دیمک اولوب بو ایسه دولت علیه ایچون پک وخیم اولمقله برابر روم ایلی جه دها برچوق وقوعاته ده سبیت ویرم جکی و شم دی به قدر حسن رضامزله طانیق ایستدیکمز بر برنسک مؤخرأ تصدیق انتخابی مجبوریتی دخی هم دولت علیه نک و همده روسیه دولتنک عزت نفسنه طوقته جنی جهته بو کیفیتن بر خالته تولدینه میدان ویرلما مک ایچون شو احتماله کوره بر قرار اتخا ذ ایدلک موافق حکمت اوله جنندن مأموریتی حسیله کندوسیه بو بایده تعاضی افکار ایتمک امانده بولندینغ موسیو اونویه افاده اولنسی اوزرینه کندوسی جواب عاجزینک پترسبورغه وصولندن اول حرکت ایتمش و مسئله نک موضوع بحث ایدیه جک جهتی هنوز مجهول ایدوکندن مذا کره ایچون کندوسنه تعلیمات ویریه میوب فقط بورایه وصولنده قولر یله کوریشوب مسئله حقدنه درمیان اولنه جق مطالعه عاجزانه مک پترسبورغه اشعاری حقدنه موسیو کیرسدن امر الدینتی و با خصوص درمیان اولنان

مطالعاتک اهمیت فوق العاده سنه مبنی کندوسی بو بایده بیان رأیه مقتدر اولدینندن کیفیتن همان موسیو کیرسه اشعار ایده جک ایسه ده بونک اوزرینه پترسبورغه دخی سکز اون کون قدر مداوله افکار ایدلکه جواب انهمیه جغه و کندوسنک او وقته قدر بوراده انتظاری بر طاقم تفسیراته سبیت ویه جکنه بناء بازار ایرتسی کونی حرکت ایده جک و ایور ایله محل مأموریتنه عزیمت ایده جکنی و کله جک جواب جانب سفارتدن طرف کتری به تبلیغ ایدیه جکنی بالا فاده کیتمش و اولوجهله کیفیتن موسیو کیرسه بالا طرف یازدینغی مؤخرأ خصوصی بر تذکره ایله بیلدیرمش اولمقله پترسبورغه منتظر اولان جوابک ورودنده عقبه علیای ملوکانه به عرض قاتنه جنی محاط علم عالی بیوردقده اولبایده و قاطبه احوالده امر و فرمان حضرت من له الامر کدر.

فی ۲ جماد الاخر سنه ۳۰۷ و فی ۱۲ کانون ثانی سنه ۳۰۵



خدمت وکالتده بولندجه سلطان عبدالحمید خان طرفند. حقمده اظهار اولنان امنیت و اعتماد حقاکه برکال ایدی انجق بو امنیتک متانتته کلنجه کیت العنکبوت ادنی بر روزکار فساد انک منززل اولسنه کافی ایدی. بومعاده لوندردن بانق عثمانی به کلان شیفره لو بر تلغرافک باب عالی ده حل اولنسندن طولایی بونک بر ماده حکمنده مستلزم اولدینی سوال و جواب القاآتک وهم ووسوسه به درجه تأثیرینه دال اولمغه صورتلری ذیل ایدلدی .

مایین همایون باشکتابتندن آلنان تذکره خصوصیه در

لوندردن بانق عثمانی به کلوب طرف سامی فخرانه لوندن حل اولنان تلغرافنامه نک صورتیه حلک عرض و تقدیمه دائر رسیده دست تعظیم اولان تذکره خصوصیه صدارتپناهیلری مذکور تلغرافنامه ایله برابر منظور عالی بیورلدی. بانق عثمانی نک شیفره مفتاحک مقام جلیل صدارت پناهیلرنده بولنشنک نه جلوس همایون مسعدت مقرون حضرت خلافتپناهی روز فیروزندن بوکونه قدر نه دهها اول اصلا وقوعی اولدینی و بانق عثمانی نک شیفره تلغرافله محاربه محتاج و معاملات مالیه دولته متعلق برایش ظهورنده خارجیه نظارت جلیله سی شیفره مفتاحیه مخبره ایتمی ممکناندن وامثالی اقتضاسندن بولندینی وشاید بر لزومه مبنی مستتی اوله رق بانقه به عائد بر تلغرافنامه نک مقام جلیل صدارتپناهیلرنجه کشاد ایدلسی مقتضی ایسه کیفیتک اولجه عرض واستیدان قلمسی امرطیبی اولدینی حالده عتبه عالیای ملوکانه به عرض معلومات اولمیه رق مذکور تلغرافنامه نک طوغریدن طوغری به طرف سامی فخرانه لوندن ایستیلوب خلاف امثال اوله رق بانقه نک نزد عالی صدارتپناهیلرنده بولنان شفره مفتاحیه حل ایدلسی ولی نعمت بی متمز شوکتآب افندمز حضرتلرنجه داعی اندیشه اولدینندن خلاف قاعده و امثال اوله رق بو یولده معامله جریان ایتمی اسبابنک سریعاً و موضعاً عرض و اشعاری مقتضای اراده حضرت خلافتپناهیدن اولمغه اولبایده امر و فرمان حضرت ولی الامر کدر .

فی ۱۲ جمادی الاخر سنه ۳۰۷ و فی ۲۱ کانون ثانی سنه ۲۰۵

تذکره خصوصیه جواویه

لوندردن بانق عثمانی به کلوب طرف ثناوریدن حل اولنان تلغرافنامه نک صورتیه اصلنک عرض و تقدیمه دائر تذکره خصوصیه عاجزی منظور عالی و عتبه عالیای ملوکانه به عرض معلومات ایدلمکسزین مذکور تلغرافنامه نک طوغریدن طوغری به ثناورلرنجه ایستیلوب خلاف امثال اوله رق بانقه نک نزد مخاصیده بولنان شیفره مفتاحیه حل ایدلسی ولی نعمت بی متمز شوکتآب افندمز حضرتلرنجه اندیشه بی داعی اولدینندن خلاف قاعده و امثال اوله رق بو یولده معامله جریان اسبابنک عرضی اراده و فرمان بیورلدینی مبلغ تذکره خصوصیه علیه لری الندی . کچن پنجشنبه کونی ساعت اون بر راده لرنده بانق مدیری طرفندن پانجیری افندی باب عالی به کلوب تحویلات ممتازیه دائر لوندردن بولنان موسیو قیاردن بانقه خطاباً بر قطعه شیفره تلغرافنامه ورود ایدرک تلغرافخانه ده توقیف اولندینی و بونک محتویاتی حکومت سنیه دن مکتوم طوتیه جق بر شی اولمیوب آچیق یازلامسنک سببی تحویلات مذکوره حقه ده جاری اولان معامله بی بانقندن اول سائر صرافان خبر الهامسی ماده سی اولمسيله ذکر اولنان تلغرافنامه حکومتجه حل اولنق ایچون بانقک شفره سی کتوریه جکنی و بوده سابق الامثال ایدوکنی افاده ایلسی اوزرینه اشبو تلغرافنامه نک مندرجاتنه کسب و قوف ایدیلهرک مهم برشی ایسه عتبه عالیای ملوکانه به عرض قیلنق دکلسه بر صورتی بانقه به ویرملک ایچون افندی مومی الیه جواب موافقت اعطاسيله برابر او ائنده باب عالیدن عودت ایتمک اوزره بولندینمدن مذکور تلغرافنامه نک طرف ثناوری به ارسالی خصوصنک مرکززه بیلدیرلسی باب عالی تلغراف مأمورینه توصیه اولنمش ایدی. اواخشام ذکر اولنان تلغرافنامه التدینی کبی فرداسی کونی پانجیری افندی دخی کلوب کتیرمش اولدینی مفتاح ایله برلکده حل اولنان و اولجه عیناً تقدیم قلنان مذکور تلغرافنامه . نک مندرجاتی تحویلات ممتازیه و صرف امور صرافیه به عائد بولنسنه مبنی اصلی بالتوقیف حلی صورتی افندی مومی الیه اعطا اولنمش و دونکی جمعه ایرتسی کونی

ماين هايون باش كتابتدن جواباً النان تذكرة خصوصيه صورتی

لوندردن بانق عثمانی به کلوب طرف سامی فخمانه لوندن حل اولمش اولان
تلغرافنامه حقهده جواباً شرفوارد فی ۱۲ جمادی الاخر سنه ۳۰۷ تاریخلو تذکره
مفصلهٔ صدارتپناهیلری لدی العرض منظور معالی موفور حضرت پادشاهی بیورلدی.
بونده تعداد بیوریلان یش ماده که مصر، بلغارستان، مالیه مسئله لریله بالقان شبه
جزیره سنده کائن حکومتلرک ما کدونیا حقهده کی مقاصد سیاسیه لری ویونانستانک کریده
دائر اولان تشبثات مضره سیدر. بونلرک درجهٔ اهمیتلری نزد حقایق وفد جناب
ملکداریده دخی کالیله تقدیر بیوریه رقی بر آن اول نتایج حسنه به ایصاللری ارزو
بیورلمقده بولمش وامنیت بحثه کلنجه حق عالی افخمیلرند. امنیت جهان قیمت
ولی نعمت اعظمی بر کمال اولوب مبحوث عنه اولان شیفره تلغرافنامه حقهده کی
سؤال عالی معلوم سامی صدارتپناهیلری بیورلدی اوزره دوائر حکومتله سفارتلردن
بشقه اداره لرله اشخاصک شیفره تلغرافله مخابره ایتملری ممنوعیت قطعیه تحتده اولدیغی
جهتله مارالذکر تلغرافنامه مندرجاتنه حصول اطلاع عالی مقصدندن بشقه برشیدن
نشئت ایتماش اولدیغنک با ارادهٔ سنیه حضرت خلافتناهی اشعارینه مابرت قانمغله
اولبابده امر و فرمان حضرت ولی الامر کدر.

فی ۱۳ جمادی الاخر سنه ۳۰۷ و فی ۲۲ کانون ثانی سنه ۳۰۵



استخبار واقعہ کوره بانقہ خطاباً دیگر بر تلغرافنامه کلوب توقیف ایلدیکنی ینه
مومی الیه پانچیری افندی اخبار ایلمسی اوزرینه تلغرافخانه دن لدی الاستفهام اولیه
دیگر تلغرافنامه کلدیکی اکلاشیله رقی بانقہ جواب ویرلمش و حقیقت ماده وجه
محرردن عبارت اوله رقی بانقک شیفره سی نزد ثناوریده قالماش و اصلاً بولنماش
اولدیغی حالده بویله بالکلیه اهمیتدن عاری بر معامله نک ولی نعمت بی متمز
شوکتساب افدمز حضرتلرنجه داعی اندیشه اولسی قلت امنیتدن بشقه بر شیئه
حمل اولته میوب عاجزلرنجه تقدیم معروضات ایله افکار هایون ملوکانه بی اشغال
ایده جک مواد بانقک معاملهٔ صرافیه به دائر اولان و حکومت سنیه به اصلاً جهت
تعلق اولیان تلغرافنامه سی کی شیر دکل تدقیق و تأمله شایان مهام سلطنت سنیه درکه
برنجیسی تأخیر تسویه سی انواع محاذیر عظیمه بی داعی اولان مصر مسئله سی
ایکنجیسی دولت علیه وجه موجب احتراز و اندیشه اولان بلغار مسئله سی اوچنجیسی
دولتک مادهٔ حیاتیمنه تعلق جهتله نتایج وخیمه تولدندن حذر اولسان مالیه
مسئله سی دردنجیسی بالقان شبه جزیره سنده کائن حکومتلرک ما کدونیا حقهده کی
مقاصد سیاسیه لریله یونانستانک کریده دائر اولان تشبثات مضره سی مسئله لری
اوله رقی دولتی بشقه بشقه تهدید ایتمکده اولان مسائل مذکورہ سایهٔ توفیقاتوبایه
جناب شهنشاهیده موازنهٔ دولیه به ربط اوله رقی حال معلقیتمده طو تلمقده ایسه ده
بونلرک بلا تدبیر طبیعتہ بر اقلمی تقدیرده آتی ده دولت علیه علیهنده حل اولملری
تهلکه سی نظر مطالعه دن دور طو تلماق لازم کله جکندن و مسائل مذکورہ نک
دولت علیه نک منافی لهنه نتیجه پذیر اولسی ایسه اولبابده اتخاذ اولته جق تدابیر
وتشبثات لازمه نک تقدیر عالی به مقارنته متوقف و بوده ولی نعمت بی متمز ذات
شوکتساب افدمز حضرتلریله قوللری مثالو بندکانی بیتنده امنیت کامله نک
وجودینه محتاج ای دوکندن بو حال احتیاجده خدمت عاجزیدن استفاده ایله بونجه
مخاطرات قارشوسنده دولت علیه نک تأمین استقبالی قابل اوله میه جفی ملاحظاتی
عاجزلرینه حقیقهٔ موجب اندیشه اولمغله بو مشکلك حلی خصوصنده مراسم
واشفاق سنیه شاهانه به التجا ایلدیکمک خاک پای هایون ملوکانه به عرضی متمندر
افدم

فی ۱۲ جمادی الاخر سنه ۳۰۷ و فی ۲۱ کانون ثانی سنه ۳۰۵

مایین هایون باش کتابتدن النان اراده سنیه بی حاوی تذکره خصوصیه

ساخته پیرای صدور اولان ملاحظات حکمت آیات حضرت خلافتناهی به
بناء بلغارستان مسئله معلقه سنه بر چاره تسویه بولنسی زمانی گلش اولوب بو
چاره ایسه اوچ شقندن یعنی برنجیسی انکلتره نك ایستدیکی یوله کیتمک ایکنجیسی
روسیه دولتک ارزوسنه توفیق حرکت ایتمک اوچنجیسی حال بی طرفی ده برتدیر
مؤثر بولنمق صورتلرندن عبارت اوله رق برنجی شقک اختیارنده پرنس
فردیناندک امارتی طانیق و روم ایلی شرقی ایله بلغارستانک اتحاد تامنی
تصدیق ایتمک لازم کلوب بو حالدله ایسه روسیه دولتک برلین معاهده نامه سنک
حکمدن ساقط اولدیغنی اعلان ایله قره دکز بوغازینی کندوسی ایچون آجیق
عد ایتمی و شق ثانی ده دخی دیگر بر پرنس انتخاب ایتمک ایچون بلغارستانه
عساگر شاهانه سوقیه قوه جبرییه استعمالی لازم کلوب بونی ده دیگر دولتار تجویز
ایتمه جکلرندن بونلرک ملحوظ اولان تشبثاندن نتایج وخیمه ظهوره کلسی
ماده لری اولوب شو حالدله شقوق ثلثه دن برنجی وایکنجیسنک اختیارنده مخاطره
اولسییه اوچنجیسنک اختیاری طبیعی و بو طریق ایله مقصده نصل واصل اولنه جنی
بختنده دخی چونکه آلمانیا دولتی مسئله مذکورده حال بی طرفی بی التزام ایتمکده
بولندینی جهته بلغارستانه برلین معاهده نامه سی احکامنه توفیقاً بر پرنس انتخابی
ماده سنک دولت مشار الیه ایله حاله سیچون دول معظمه نك اتقاقی حاصل ایدیله بیلور-
سده بوندن حصول نتیجه مأمول قوی اولمامسیله بوبابده اولان مطالعه عاجزینک
عرضی حقنده فی ۲۸ جمادی الاخر سنه ۳۰۷ تاریخلو تذکره خصوصیه دولتلیله
تبلیغ بیوریلان امر و فرمان هایون تاجدارینک مضمون حکمت مشحونی قرین
ایقان ثناوری اولدی . فی الواقع حل مسئله شقوق ثلثه مذکورده منحصر
وبرنجی ایله ایکنجی شقارده ملاحظه بیوریلان مشکلات بدیهی و ظاهر اولوب
مع مافی روسیه نك برلین معاهده سنی حکمدن ساقط عد ایتمسیله اولیه اولسی لازم
کلیوب قالدیکه او حالدله باطوم ایله قارصی و اردهانک دولت علیه یه اعاده بی

واوستریانک دخی بوسنه وهرسک ولایتارینی ترک ایتمی لازم کله جکندن وقره دکز
بوغازینک سفن حریره اجنیه یه مسدودیتی حکم عهدیسنک فسخ اولنسی تقدیرده
دها اول انکلتره دونماسی یتشوب قره دکز بوغازنده روسیه سفائتک ملاقاتنه
منتظر اوله جنی شبهه سز اولدیغندن بورالینی ایجه بیلمسی لازم کلان روسیه دولتی
بزه هر نقدر او یولده تهدید آمیز لسان استعمال ایتمه ده مذکور معاهده نامه نك
حکمدن سقوطنی رسماً اعلان ایده میه جکی کبی شق ثانی یه کوره دولت علیه جه
بلغارلره جبراً پرنس انتخاب ایتمک برلین معاهده سی مساعد اولدینی جهته
نه بوکا ونه ده بوتدیره قارشو دولتک تشبثات تعرضکارانه سنه محل اولیه جنی
درکار اولوب شق ثالثه کلنجه بالقاناره تعلق ایدن بو مسئله ده انکلتره دن
زیاده اوستریا دولتی حسب الجواریه علاقه دار اولدیغنه و دولت مشار الیه المانیانک
متفق خاصی بولندیغنه مبنی پرنس بسمارق روسیه دن زیاده اوستریانک رضاسنی دوشونمک
مجبوریتده بولندیغندن و دولتین مشار الیه مانک تألیف منافی ایسه ناقابل اولدیغندن
آلمانیا دولتی بوبابده توسط تکلیفی قبول ایتمه بیله بوندن برحسن نتیجه حصولی
اصلاً ملحوظ اولوب بناء علیه دولتک شوانشقاقی حالدله برلین معاهده نامه سنه
توفیقاً جمله سنک موافقتیه حل مسئله محال اولدیغندن بوبابده دولتاردن بر ویا دیگر
طرفک بولتیقه سنی تألیفه چالشمقندن ایسه دولت علیه نك حقوق و منافع مخصوصه سنه
توفیق حرکت اولنسی اولی و بوضورتله سلطنت سنیه رقابت دولیه نك مضرتدن دخی
وارسته اوله جنی هویدا اولوب باخصوص دولتک عهداً مداخله به حقاری یالکز
امارتیه انتخاب اولان پرنسک شخصنه عائد اوله رق کرک بلغارستان و کرک بلغارلرک
منحصراً دولت علیه یه تابعیتی قابل اعتراض اولدینی کبی بلغار حکومتک مداراستادی
دخی دولت متبوعه سی ایدوکی جهته حقارنده حق متبوعیتی ایفایله بلغارلرک دائره
اطاعت و انقیادده وقایه لری لازمه حالدن ایلمسه مبنی مطالعه عاجزیه کوره پرنسک
حقنده بر قرار اعطاسنه فرصت مناسبه وقوعه دکن شمیدیکی حالدله پرنس فردیناندک
بلغارستانده وجودی رسماً نظر دفته النیه رق طرف دولت علیه دن، کافی السابق بلغارستانه
بر قومیسر تعیین واعزامیله بلغار حکومتی حمایه اولنمغه برابر بلغارلرک مسلک سیاسی
حکومت سنیه نك نظارت و دلالتی تحتیه نه رق دولت فخریه متبوعه لرینه اولان
رابطه تابعیتارینک تحکیمی اسبابنک استکمالی مقتضی اولوب عکسی تقدیرده بلغارلر
اجانب و اغیارک تسویلاتنه معروض برحالدله قالدجه دولت متبوعه لرندن قطع

امید ایدرک رقابت دویهدن بالاستفاده برحکومت مستقله شکنی اخذ ایله کندو
میغلرنده قاورولق طریقته سلوک ایدجکلی مجزوم و بو ایسه دیگر ملل
متجاورنهک عروق رقابتارینی تحریک ایله دولت علیه بیوک برغاله آچه جنی
یر امر معلوم اولدیغندن وشو انشاده روسیه دولتی نزدنده اجرا اولمقده اولان
تشبث دخی دولت مشار الیهانک مرضیسی دائره سنده مسئله نک تسویه سی
قابل اوله میه جنی اثبات ایله امارته پرنس تعیینی حقنده فرصت مناسبه وقوعه
یر قرار دولی حصوله دکن دولت علیه نک حسب الحال کندو حقوق و منافعه
موافق بر طریقته تبعیتی مجبوریتی تفهیم مقصدینه مبتی ایدوکنندن بو باده دولت
مشار الیه ایله آچیلان مباحثیه بر قاج کونه قدر نهایت ویرلده اولوجهله
یر طریق سالم اتخاذه دولتک منفعت و مسلك بی طرفیسنه توافق ایدجکی تخطر
اولمش ایسه دینه هر نه وجهله اراده و فرمان بیوریلورسه اصابت آنده اوله جنی
درکار اولمغله عتبه علیای ملوکانه یه عرضی متمنادر اقدم

فی غره رجب سنه ۳۰۷ و فی ۹ شباط سنه ۳۰۵



مایین هایون باش کتابته تذکره خصوصیه

بلغارستان رئیس مدیرانی استانبولوف طرفندن قبو کتخدالغنه کوندریلان بر
مکتوبدن مستخرج فقراتک بر صورتی وولقوویچ طرفندن اعطا اولمغله منظور
عالی بیورملق ایچون ترجمه سی لفا تقدیم قلندی. پرنس فردیناند ایله استانبولوف و
رفقاسنک وجودلرینی اورته دن قالدیرمق مقصدیله اخیراً صوفیه ده تهیه اولنان
حرکت فسادیه پرنس مومی ایله ایله مدیرانه زیاده تأثیر و بوحالک نتایج وخیمه سنی
تأمله مجبور ایتمش اولدینی ذکر اولنان مکتوبده کی زوش اشاردن مستبان اولمغله
برابر مومی ایله وولقوویچ اشبو مکتوبک فقراتی صورتی ویردیکی صروده کندوسنه
مخصوص اولان دیگر فقره لریک محتویاتنه منبی اولمیدرکه بلغار حکومتی پک مضطر
بر حالده بولنه رق دولت متبوعه سی طرفندن صحابت و محافظه بیورلمدینی تقدیرده
اختیار ایدجکی ایکی طریقندن بری بلغارستانک استقلالنی اعلان و دیگری پرنس
مومی ایله بونی ارزو ایتمه رک بلغارستانی ترک ایتدیکی حالده داخل اختلال وقوعی
منع ایچون کافی السابق روسیه نک اشغال عسکر یسینی دعوت ایتک اوله جنی و رئیس
مدیرانندن الدینی تعلیمات موجبنجه کیفیتی ایجاب ایدن سفرا یه ده بیلایدردیکنی علاوه
واتیان ایلشدر. بلغارلرک کرک اعلان استقلال و کرک روسیه یی دعوت ایتسی بزم
ایچون تهلکه و بونلرک حال اضطراری روسیه نک بلغارستان حقنده کی تشبثات و
وتعقیاتندن منبعث ایدوکی عرض و بیانندن وارسته اوله رق ضعیفه معاونت مقتضای
طبیعت بشریه دن اولدینی کی بین الدول جاری اولان رقابت دخی بلغارلر حقنده
بونی استلزام ایدجکنندن بلغار حکمرتی دول متفقنه نک صحابت و معاونتته مظهر
اوله جنی شبهه سز اولوب دولت علیه کلنجه عکسی مسلکده بولمقلغمز دول
مشار الیهکم اغبرارینی و روسیه یه استنادمنز تقدیرده بلغارستانک اعلان استقلالنی
تجویز ایله معاونتته بولمق مثالو میانه لرنده برقرار اتخاذه داعی و بوا یسه روم ایلی
قطعه سنجه انواع محاذیره بادی اوله بیله جکی ملاحظاتی بلغار مسئله سنک حال و
استنبالی حقیقه تأمله بر قات دهها مجبوریت ویرمش اولدیغنه و چونکه بلغارستانده

روسیه و اوستریا دولترندن برینک تفوق نفوذینی دیکرینک قبول ایتسی غیر قابل
و بزم ایچون هرایکی صورت بر بردن دها مضر اوله رق دولتین بینده کی شورقابتک
منعی بلغارستانده دولت علیه نفوذینک تأسیسه اوله بیلوب بوده روسیه نك آمال
حریصانه سنه تامیله توافق ایتسه بیله بحق برشی دیه میه جکی کبی دیکر دولتر دخی
سلطنت سنیه نك بلغارستانده تأیید حقوق و نفوذی خصوصنده بذل مساعی
و معاونتدن کیرو طور میه جقاری درکار بولندیغه بناء مسئله حقدده اولجه روسیه
سفیریه میانه شناوریده جریان ایدن مذاکره نك نتیجه سی موسیو نلیدوف دن
اکلاشامغله برابر دیکر سفرانک دخی بلغار قپو کتخداسنک تبلیغات واقعه سی
اوزرینه مسئله نك کسب ایتکده اولدینی رنک جدیده کوره صورت فکر و
مطالعهری نه مرکزده اولدینی استکشاف اوله رق اولبایدده اولان مطالعه
عاجزانه مک عرضه مسارعت اوله جفتک خاکپای هایون ملوکانه یه عرضی
متمنادر اقدام

فی ۵ رجب سنه ۳۰۷ و فی ۱۳ شباط سنه ۳۰۵



مایین هایون باش کتابتنه تذکره خصوصیه

بالقان شبه جزیره سننده اسلاو تحریکاتنک نه درجه توسع ایتدیکنی حاکی
مناسرتدن (لیبرته روین) غزته سنه کوندرلمش اولان مکتوبک صورتی ارسال اولندیغنی
و آتنه ایله بلغراددن اعزام اولنان یونان و صرب مفسدلرینک تحریکات مزبوریه
اشترک ایتکده اولدقاری استخبار قلندیغنی و اولبایدده بعض افاداتی متضمن بکرش
سفارت سنیه سندن وارد اولان تحریرات خصوصیه ایله ملفوفنک ترجمه لری منظور
عالی بیورملق ایچون خارجیه نظارت جلیله سنک تذکره سیله معاً و صوفیه ده نشر
اولنان (سوبوودا) غزته سنک فی ۲۰ نیسان سنه ۹۰ تاریخلو نسخه سنه «بلغار
مسئله سنک تسویه سیچون غریب بر پلان» سر لوحه سیله درج ایلدیکی بندک حائر
اهمیت کورلسنه مبنی ترجمه سی لفاً تقدیم قلندی. بوراچه سفرای اجنیه نك انظار
دقتی جلب ایدن بند مذکور اسلاو افکار معلومه سنک بر دوام اولدیغنی مؤید
اولغله برابر بو حاله قارشو بلغارلرک نظریاتی دخی مین اولسیله بونک بزجه ده
نظر اعتقادن دور طو تماماًسی اقتضا ایدوب موسیو تاتیسچف نام ذاتک بیاننه کوره
روسیه دولتنک بالقان شبه جزیره سنی دولت علیه نك زیر حاکمیتدن چیقاروب
درسعادت ایله قلعه سلطانیه بوغازلرینی ضبط و استیلا ایتک ایچون بلغارستانی
آله آلمغه نه درجه محتاج ایسه بزجه ده اشبو مقاصد مضره نك حصوله حائل اولان
بلغارستانک دولت علیه یه اولان رابطه تابعیتی تحکیم ایتک فرض اولوب بناء علیه
بلغار مسئله سنه روسیه دولتنک رضایی دائره سننده صورت تسویه آرامق یاخود
حل مسئله ایچون دولت مشارالها ایله بلغار حکومتی بیننده ائتلاف و اتفاق وقوعنی
بکلمک روسیه نك حصول آمانه قائل اولمق دیمک اوله رق بو ایسه نزد هایون
ملکداریده اصلاً تجویز بیورلیه جنی درکار ایدوکنه و چونکه بلغارلر روسیه نك
آرزوسنه عدم مطاوعت عزمنده دولت متبوعه لرینه استناد ایتدکاری تقدیرده
محتاج اولدقاری مظاهرتی دیکر دولترده آراملری لازم کله رک دول سائره ایسه
بلغار حکومتنه دریغ معاونت ایتیه جکاری مجزوم بولندیغه بناء حکومت مذکوریه یی
دولت علیه نك حمایه سندن قطع امید ایله دیکر دولترک مظاهرتنه استناداً اعلان

استقلال کبی بر حرکت غیر مرضیه بولندیرماق وینه امارته برانس تعیینی
ماده سی برلین معاهده نامه سی احکامنه تابع اولق اوزره بلغار حکومتیله اولان
معاملات و مناسباتی توسیع ایله بلغار تبعه شاهانه سنک متبوع مفضلمرینه اولان
وظیفه تابعیتلرینک ایفاسنجه محافظه انقیادلرینه اعتنا اولنمی موافق حکمت اوله -
جغناک سده سنیه شهنشاهی به عرضی متمنادر اقدام .

فی ۳ شوال سنه ۳۰۷ و فی ۳ مایس سنه ۳۰۶



مایین همایون باش کتابتنه جواباً تذکره خصوصیه

بالقان شبه جزیره سنده اسلاو تحریکاتنک نه درجه توسع ایتدیکنی حاکی
مناسرتدن (لیبرته رومن) غزته سنه مرسل مکتوبک صورتیله بکرش سفارت سنیه سنک
اولبابده کی تحریرات خصوصیه سنک و صوفیه ده نشر اولتان سو بوودا غزته سنه
(بلغار مسئله سنک غریب بریلانی) سرلوحه سیله مندرج بندک ترجمه لری تذکره
معروضه ثناوری ایله برابر منظور دقایق موفور حضرت پادشاهی اوله رق مذکور
مکتوبک فقره اخیره سنده یونان مفسد لری طرفدن اولاح و آرن اوود کویلرنده
صورت تأسیسندن بحث ایدیلان مکتوبک سدینه چاره بولنوب بولنه میه جغناک و بوکا
قارشو نه تدبیر اتخا ذی لازم کله جگناک عرضی و تذکره مذکورده عرض
و بیان اولندیغی وجهله بلغار حکومتک دولت علیه نک حمایه سندن قطع امید ایله
دیگر دولت لریک مظاهرتنه استناد مجبوریتنه بولندیرلامسی لزومی مسلم ایسه ده
استحصال مقصد ایچون جهت امکان تحریمی لازم کلان و تذکره عاجزینک دولت
علیه جه مسلک بی طرفی ده دوامی جائز اوله میه جغنی ایما ایدن «بلغار مسئله سنه
روسیه دولتک رضاسی دائره سنده صورت تسویه آرامق یا خود حل مسئله ایچون
دولت مشارالیه بلغار حکومتی بینده ائتلاف و اتفاق وقوعی بکلمک روسیه نک
حصول آمانه قائل اولمق دیمک اوله جغنه «دائر فقره سی دخی تأمله شایان مواددن
اولوب چونکه ایکی فرقه یه منقسم اولان بلغارستان اهلیندن استانبولوف فرقه سی
اوستریایه و فرقه مخالفه روسیه یه تمایل اوله رق بوایکی دولت ذکر اولتان فرقه لری
آله آلق ایچون بالطبع کندولرینه بر طاقم وعدلرده بولنمش اوله جقلرندن دولت
علیه نک مسلک بی طرفی بی ترک ایله دولتیندن قغیسنک پولتیقه سنی التزام ایتسه او
دولتک کندویه تمایل اولان فرقه یه ایتمش اولدینی وعدلری آنک دخی ترویج
و انجام ایتسی ضروری اولمسیله دولتین مشارالیه مان هر برینک بلغار لره ایتمش
اولدینی وعدلر نه کی شیلردر و قغیسنک وعدلری اخف و اهوندر بورالری
تفرعاتیله برابر اول باول کشف و تحقیق و موازنه ایله بعده برمسلك حرکت اتخا ذی
مقتضی اولسنه واسلاو اتحادی افکاری کوندن کونه ایلر و ملکنده و صربییه و قره طاغ


SISMANOGLIO
MEGARO

یونان حکومتاری بیننده حصوله کتوریلان اتفاقه شمیدیه بلغارستانک ادخاله
چالیشلمقده اولوب هر نه قدر استانبولوف فرقهسی بو فکره مخالف ایسهده آمال
ملیه غلبه ممکن اوله میه جنی جهتهله ار کچ مقصد مذکورک حیز حصوله کلیسی
غیر مستبعد بولمسنه نظراً بورالری آری آری بالتأمل مطالعات عاجزانه مک عرض
عتبه علیا قلمسی حقده شرفسانخ اولان ارادات وملاحظات حکمت آیات جناب
خلافیناهی بی مبلغ ۴ شوال سنه ۳۰۷ تاریخوتذکره خصوصیه علیه لری الندی.
روم ایلی ده کائن ومذهباً روم کلیسانه تابع اولان جماعات مختلفه نک مکتبیری
اوتهدنبرو روسیه ایله یونانستانک اعانات خفیه تقدیه لریله اداره اولنوب محاربه
اخیره دن برو بو قطعهده افکار ملیه یونانیه بی تعمیم وکلیلیق تلقین ایچون یونانولور
فداکاراقلرینی آرتدیرمشار ایسهده روسیه نک معاوتی اسلاو ملتیه منسوب
واکسارلغه تابع اولان بلغارلره حصر ایدلیکی کبی رومانیا لیلر دخی هم جنساری
بولنان اولاحارک قومیت قدیمه لرینی ایقاظ و افکار سیاسی لرینی روملردن تفریق
ایله معاوتلرنده بولندقلرندن بو حال یونانولورک تشبثات سیاسی لرینجه برتشبث حاصل
ایتمکله برابر بزم ایچون موجب استفاده بر کیفیت اولدیغنه و چونکه یانیه و قوصوه
ولایتاری خرسیتیانلرینک اکثریسی ومناستر اهالی سنک دخی بر خلیجه سی اولاح
طائفه سندن اوله رق بونلر دولت علیه یه اولان تابعیتلری مثللو مذهباً روم کلیسانه
اولان ارتباطلرینی دخی محافظه قیدنده پایدار ایسه لرده یونانولوغه میال اولان
روملره مزج ایدلمکدن اجتناباً مکتبیرینی روم معلملرندن تجرید ایله اجرای
آینده کلیسارلنده اولاح لسانی استعمال اولنمی استدعاسنده بولندقلرینه بناء
ما کدونیاچه روملره بلغارلر بیننده برسدحائل اولان اولاحارک محافظه جنسیتاری
مجلس وکلاجه بالتنسب اولبایده یانیه و مناستر ولایتلرینه تعلیمات لازمه اعطا
و بوجه استدعا کلیسا ومکتبیرلنده اولاح معلم وپاپاسارک استخدامله کندولسانلرینک
استعمالنه ممانعت اولنماسی حقده روم بطریقخانه سنهده اجرای وصایا اولنمش
ایدی . شو حالده یونانولردن نفرت ایدن اولاحارله مکتبیری حکومت مخلیه نک
تفتیشی تحتنده بولنان آرنالودلری کندی مقاصد سیاسی لرینه جلبه یونانولورک مقتدر
اوله میه جقاری درکار اولوب بلغارستانه کلنجه بلغار حکومتنک دولت علیه نک
حمایه سندن قطع امید ایله دیگر دولتسارک مظاهرنه استناد ایتمک مجبوریتده

بولندیرلنماسی لزومنه دار عرض اولنان مطالعه دولت علیه جه مسلک بی طرفیدن
انحراف معناسنی متضمن اولیوب بلغارستانده کیتدکجه کسب قلت ایدن فرقه مخالفه
روسیه یه متمایل ایسهده استانبولوف فرقه سنک استنادی بالکمز اوستریایه دکل
بلغارستانک موقع سیاسیسنه یعنی روسیه بی بالقان شبه جزیره سنه تجاوز ایتدیرمامک
عزمنده متفق اولان دول معظمیه اولدیغندن شمیدیکی حالده روسیه نک
تشبثی سابق وجهله فرقه مخالفه واسطه سیله حکومتی دوشورمک اولیوب سابقاً
روسیه دیپلوماتلرندن اوله رق الیوم پارسده روسیه مطبوعاتی اداره ایدن موسیو
تاتیسچف طرفندن نشر اولنان بند معروضه نظراً دولت مشارالیه نک مقصدی
مواعید معلومه ایله موسیو استانبولوفنک ریاستی تحتنده بولنان هیئت حکومتله
ائتلاف حاصل ایتمک خصوصه مصروف اولدیغنه ونتیجه مواعید ایسه نه بلغارستانک
منفعتنه و نه ده بلغار حکومتنه مظاهرنه میال اولان دولتسارک پولتیقه سنه موافق
اولدیغنه بناء حکومت مذکوره بلغارستانک حریتنی روسیه نک مقاصد سیاسییه
استیلا جویانه سنه فدا ایتمک عزمنده ثابت قدم اولمسیله موقع سیاسیسنه استناداً
کیتدکجه کسب غرور و متانت ایتمکده اولان حکومت مذکوره نک امارتک
اعلان استقلالی کبی خلاف مرضی عالی برحرکتیه تصدیسی اصلا مستبعد اولدیغنی
مثللو بلغار غزته لری دخی بو تصمیمی آره صره نشر و اعلان ایتمکده اولدیغنه
نظراً بزجه بو حاله نظر بی قیدی ایله باقمق موافق حکمت اولیه جنی و شمیدی
دولت علیه جه مسئله برویادیکر دولتک بلغارستان حقده التزام ایلدیکی پولتیقه نک
ترویجی ماده سی اولیوب ممالک شاهانه ده وقوعی ملحوظ اولان بر مخاطره نک منعی
ضمننده داخلی بعض تدابیر احتیاطیه اتخاذندن عبارت اوله جنی جهتهله بوکا هیچ
بر ملتک عهداً مداخله یه حتی اولیه جغندن واسلاو اتحادی تشبثاتی بالقان شبه
جزیره سنجه هنوز برفساد منزله سنده اولوب ترقیسنه دولتسارک اتفاقی حائل اولمقله
برابر بو مقصدک حیز حصوله کلیسی حالنده هپ دولتسارک بوندن حصه دار منفعت
اولسی لازم کله رک معاذالله تعالی مضرات عظیمه سی بالکمز دولت علیه یه راجع
اوله جغندن مسئله بی بو نقطه نظرندن محاکمه ایله بلغارستان پرنسک رسماً تصدیق
مأموریتی دول معظمه نک موافقتلرینه معلق قالمق اوزره بلغارلرک دولت علیه یه اولان
صفت تابعیتلرینک محافظه سی امرنده تدابیر لازمه نک اتخاذ واجراسی حکومت سنیه

ایچون مبرم الایفا بر وظیفه مقدسه حکمنده ایسه ده اولبا بده اراده سنیه حضرت
جهانبانی هر نه وجهه شرفسوح و صدور بیوریلور ایسه حکمت آنده اوله جنی
درکار اولغله عتبه علیای ملوکانه یه عرضی متمنادر انقدم

فی ۵ شوال سنه ۳۰۷ و فی ۱۱ مایس سنه ۳۰۶



مایین همایون باش کتابته تذکره خصوصیه

نخبه مقاصد جلیله حضرت خلافتناهی حقوق مقدسه سلطنت سنیه لرینک
محافظه سی قضیه سی اولوب باب عالیجه محور حرکت اتخاذا اولتان بو نقطه مهمه
اوزرینه ترتب ایدن وظائفک ایفاسی و علی الخصوص استقلال و تمامیت ملکیه
دولت علیه نیک مصونیتی و بالجمله صنوف تبعه شاهانه نیک طوغریدن طوغری به معدلت
سنیه مظهرتی امرنده اول و آخر شرفسوخ و صادر اولان ارادات حکمت
بینات جناب ظل اللهینک انفاذا احکام منیفه سی متحتم عهده عبودیت اولسیله اولبا بده
اتباع اولتان مسلك ایجابجه چونکه داخلاً وقوعه کله بیله جک هر کونا اغتاشاشک
منغه دولت مقتدر اولدیغدن حقوق و استقلاله طوقونه جق حال مداخله خارجیه
اوله جنی جهتله بونک عدم وقوعی اسبابنه اعتنا اولنوب مع مافیله مداخله اجنبیه یی
دعوت ایدم جک اسباب امور داخلیه دن منبعث احوال اوله جغه و بوبایدگی
صلاحیت دخی معاهدات دوله دن ناشی اوله رق قابل رد اولدیغنه بناء امور
داخلیه نیک حسن اداره سیله مداخله اجنبیه یه صلاحیت و یرم بیله جک حالات وقوعه
کله مامسنه دقت و اهتمام اولتمقده اولوب بو حالات ایسه عادی و طبیعی اولمقدن زیاده
اکثریا تسویلات اجنبیه دن متحدث و صنعی اولسیله وقوعات داخلیه نیک منع
و تسکینی خصوصنده قوه عسکریه یه اعتماد اولنه بیلورسه ده تحریکات اجنبیه دن
متولد حادثات و مشکلاتک مقاصد مضرة سیاسییه مبتنی اولسی حسیلله برغانه یه
نتیجه و یرسی احوالنه و اشبو احواله مقابله ده دولت علیه نیک یالکز کندی قوتنه
کوکنمی کافی اوله میه جغه منی استقلال و تمامیت ملکیه سلطنت سنیه نیک بقاسی
منافع سیاسیله ری اقتضاسندن اولان دولتلك معاونترینه دخی استاد ایلسی مقتضی
و بناء علی ذلک او دولتلك دولت علیه لهنده اولان میل و مصافات دوستانه لرینک
خللدن وقایه سی لزومی بدیهی اولوب ممالک شاهانه ده بولتان اقوامدن بلغار ، روم
و ارمنیلرک فی زماننا زیر تابعیت دولت علیه ده محافظه سی براداره حکیمانیه متوقف
اوله رق روملرک بر قسمی و قتیله یونان قرالغنگ تشکیلله حکومت مستقلمیه و بلغارلر
دخی مؤخرأ برامارته مالک اولدقنری مثللو ارمنیلر دخی بونلرک اثرینه اقتضاً بر
حریت ملیه یه مالک اولمق املیه عن جماعه دکل ایسه ده ارمنی دسیسه کارانی اسبابنه

شروع ایتش بولندقلرندن بو اوج قومك احوالی نظر مطالعه دن دور طوتلامق لازم کلهرك باخصوص ارمنيلرك حال حاضرى بلغارلرك محاربه ماضيه دن مقدمكى حاله مشابه اولديغند عين غوانله گرفتار اولماق ايچون ارمنى فسادى حقدنه اتخاذا اولتان تدبيرده نتايح احوالی تأمل ايتك اقتضا ايدوب بو كره سير سانديسون واسطه سيله انكلتره سفيرينك صورت محرمانه اجرا ايلديكى تبليغاتده بعض استطلاعاته نظراً روسيه دولتى طرفدن ارمنى ايشارينه دائر باب عالی يه بر نوطه ويرلسى محتمل اولديغندن بونك وقوعى تقديرده انكلتره دولتى دخى حكومت سنيه يه بر نوطه ويرمك مجبوريتده بولنه جنى بيان قلمش اولسيله بو ايكي دولت طرفدن اولوجهله نوطه اعطاسى حائنده بو صلاحيت برلين معاهده نامه سندن منبعت اوله جنى جهته ديكر دولتر دخى خارجهه قالميوب بر نوطه ايله مداخله يه اشتراك ايدم جكلرندن اشبو مداخله دوليه دن ساظت سنيه نك حقوق و منافعه مغاير نتايح حصولندن احترازاً او مثللو مداخله يي داعى احواله ميدان ويرلماسى مقتضاي حكمت حكومتدن و چاره سى ايسه ارمنيلرجه موجب شكاييت اولان اسبابك ازاله سندن عبارت اوله رق ارمنى ساكن اولار ولاياتده كر دلر طرفندن وقوع بولمقده اولان تعديانك منعى ضمننده متجاسر لرينك لدی الحاحه عسا كر شاهانه ايله ده تعقيب و استيصاله محلى قوماندانلريله واليرينك ماذون اولمى و بالجمله صنوف تبعه شاهانه حقدنه معدلت سنيه نك اجراسى خصوصارينه دائر اخيراً دخى شرفصادر اولان اراده سنيه حضرت پادشاهى اسباب شكاياتك منعى تدبيرينه مدار كلى اوله جنى بديهياتدن اولسنه منى شمدي واجب الاعتسا اولان جهت ارمنيلردن فسادده مدخلى اولدينى تين ايدنلرك اجراى مجازاتندن كير و طورلامقده برابر سائر ارمنيلر حقدنه اظهار آثار خصومت و عدم امنيتله هيچانلرني موجب معاملاتدن توقى ايدلمى و الحاصل كار و كسييله مشغول و افكار بولتقيدين خالى اولان ارمنيلرك حسن معامله ايله توثيق رابطه تابعيتارينه اعتسا اولمى ماده سى ايدوكندن ولايات مذكوره مأمورين ملكيه وعدليه سنه آ كا كوره تعليمات اعطاسى مقصد عالی يه خدمت ايدمك وسائظدن اولق اوزره نخطر اولنمش ايسه ده اولبايده هر نه وجهله اراده وفرمان بيوريورسه حكمت آنده اوله جغتك خاكپاي هايون ملوكانه يه عرضي متمنادر افندم

فی ۲۰ ذالحجه سنه ۳۰۷ و فی ۲۱ تموز سنه ۳۰۶

۱۳۰۶ سنه سى اواخرنده بركون على الصباح سر قرناى حضرت شهربارى حاجى على بك (مؤخرأ رتبه وزارتى احراز ايدرك پاشا اولمشدر و اليوم بر حياتدر) نشان طاشنده آرقه قپودن محرمانه خانه عاجزى يه كلوب طرف شاهانه دن كلديكنى واقلا سلام شاهانه ايله تلطيف و خدمات عاجزانهم نزد عالی ده تقدير بيورلدیغنى تبشير ايدرك دولت عليه يه متفقانه خدمت ايتك ايچون ذات شاهانه مستقبلى تأمين ايتك مقصد عاليسيله ايكي سؤالنه بر جواب اعطاسى انتظارنده بولنديغنى و بو سؤالر ايسه خدماته مكافاة خزينه خاصه شاهانه دن آروجه معاشى احسان بيورسونلر يوقسه بر ايراد اولق اوزره املاك و عقارمى و يرسونلر بو ايكي تكليفدن برنى بالترجيح جواب اعطاسنى بكمكده اولديغنى حاجى على بك بيان ايش ايدى . بو سؤالدن متحير اوله رق مير مشار اليه خطاباً آمان بك افدى بنده كز ذاتاً شوكتما ب افندمرك مستغرق لطف و احسان شاهانه سى اوله رق خزينه دولتدن آلمقده اولديغ معاشك حقى ايفا ايدم مامكده اولديغ حالده ديكر احسان ملوكانه لرني نه حقله قبول ايدم بياورم شمدي يه قدر ايفا ايتكمده اولديغ خدمات ايسه ارادات سنيه لرينه توفيق حر كتن بشقه برشى دكلدر مساعده بيورسونلر دولت عليه لرينه خدمت ايدم كسب استحقاق ايليم او وقت مكفاتي كندم استدا ايدم دیديكمده مشار اليه بو بر جواب رد اولغله خنكارك طبعنه توافق ايتمه جكندن نصل سويله بيله جكنى درمیان ايتمكين اولبايده جريان ايدن مذا كره اوزرينه چونكه مشار اليه بو عاجزى نزد شاهانه ده دائماً صحابت ايدن ذواتدن اولمسييله كندوسندن امين اولديغمدن جواب عاجزى يي نه درلو الوان ايله تزيين ايتك لازم ايسه او زمينده عرض ايلسى رآينه حواله اولونمش ايدى . اوكون ذاتاً ملاقات كوني اولسنه منى كالعاده سراى هايونه عزيمتله شرف مشوله نائيلتمده حق عاجزانهمده شايان بيورييلان لطف و احسان شاهانه لرندن طولايى عرض شكران و بو بابده كى معروضات كترانهم احسان على الاجسان اولان لطف هايونلرني حاشا دريغ قبول معناسه اوليوب مظهر اولديغ توجه شاهانه لرى قوللرينه اك زياده سرمايه ثروت اولوب مساعده سنيه لريله دولت عليه لرينه بحق خدمت ايدرك كسب استحقاق ايلديكمده مكافات عاجزانهمي كندم استرحام ايدم جكمى تكرر آ عرض و بيان ايلديكمده سلطان عبدالحميد هيچ بر شى ديمه رك سكوت ايله كچشديرمش وبعده بعض مصالح اوزرينه بللذا كره اراده سنيه لرني آله رق عودت

اولمش ایدی . مرقرنا حاجی علی بکک تبلیغی وجهله خاقان سابقک دولته متفقاً خدمت ایدلم تعیرندن مقصدی مستقبلی تأمین ایتک تکلیفیه بنی اطماع ایدرک هر ایستدیکنی بکا یابدیرتمق و تعیر دیکرله اداره امور دولتی کلیاً الله آلمق مادهسی اولدینی آکلاشیلوب اساساً مقرین شاهانهک آرزولری دخی بومرکزده ایدی . طرف عاجزیدن موافق جواب آله مامسی اغبرارینی موجب اولدینی فرداسی کون اخشامی ظاهر اولمش ایدی . فی الواقع او اقسام انکلتزه سفیری سیر وایت ایله ماداماسنه ویریلان ضیافت سنیهده صدر اعظمک دخی بولنسی مراسم اقتضا سندن ایکن اکثر وکلا دعوت اولنوبده بنم خارجده براقلمقلمک بک معیندار ایدی . هر نه ایسه ینه اینه کماکان دوام اولنوب فقط سلطان عبدالحمیدک باب عالی ایله اولان معاملاتنه بر فرق حس اولنور ایدی . حتی بوماجرادن برایکی آی مرورنده بر اجنبی برنسک یلدر قصر هایوننده قبولی مراسمنده بن دخی رسماً حاضر بولنمش ایدم . پرنس کیتدکدن صکره اوطنده خنکار ایله ایکمز قالدیفغمزده سلطان عبدالحمید آباقده کزینهرک احوال حاضره اوزرینه سوز آچوب مغبر بر حالده معاملات عاجزانه مدن شکایتله کیدرک بنی عوام نوازلق ایله اتهام ایلسیه بن دخی بالمقابله افدمز لطف بیوریکز عوام نوازلقدن شخص عاجزانه نه فائده اوله بیلور . خلقی خشنود ایتک ولی نعمت افدمزه دعوات خیریه اتجلا ب ایتک دکلیدر . خصلت طبعیم نه ایسه آنک مقتضاسی اوزره معامله ایدبورم یوقسه عوامک رضاسنی اکتساب ایتک ایچون فضله بر معالیه ایتدیکم یوقدر دیمکلکم اوزرینه ، خنکارینه اعتراضاتنه دوام ایله اوت مراسمکز پوپولاریته Popularity قزاقمقدر . بونک معناسی نه در آکلایه میورم دیه رک حدتی آرتیرمسندن بن دخی زیاده متأثر اوله رق حق عاجزانه مده بر تصمیم شاهانه لری وار ایسه اجراسنه هیچ بر مانع اولدینغی عرضم اوزرینه او بنم بیله جکم شیدر . جوابیله بالمقابله ینه هم کزینوب همده سویلنمکده ایکن بن دخی فالشوب مایوسیت عاجزانه مزاد اولدینغی مشاهده ایتسیله براز کندینه کله رک نیم اثر ندامت اظهاریله اوطنهک اورته سنده کی ماصه نک اطرافنده بولنان بر ضدالیه اوتوروب قارشوسنده کی ضدالیه به بنم دخی اوطورمقلمغی اشارت ایدرک حدت حالیه سوزده ایلرو کیتدیکنی بالیان مایوسیت عاجزانه می ازاله ایچون بعضی مصلحت اوزرینه صحبت آچمش ایسه ده ساکنانه ویردیکم قیصه قیصه جوابلردن تأثرات عاجزانه زائل اولدینغی کورمسیله

کندوسی قالقوب بنم دخی برای استراحت چکلمکلکمه مساعده ایتشلر ایدی . مفارقتی متعاقب بنی تسکین ایچون آرقم صره ترنادن عارف بکی کوندرمکله مشارالیه وزرا اوطنه سنه کلوب کمال تأزمدن بنی مایوس برحالده کورنجه بنی تسلیه ضمننده افدمز بعضاً بر حدت اثناسنده اولور اولمز سوزلر سویلرسده جدی دکدر اودرجه اهمیت ویرلسون دیمسی اوزرینه ، بک افندی او یله دکل افدمز بنی عوام نوازلقله اتهام بیوریورلر . اگر خلق حکومتدن خشنود اولورسه بونک فائده سی کیمه در . بونده بنجه مرام نه اوله بیلور . افدمز ای بیلسونلرکه بنم دنیاده بر املم وار ایسه اوده شو خدمت صدارتدن خیرلوسی ایله خلاص اولمقدر . او یله قنقلاری ذهن هایونه القا ایدن خائنر کیمار ایسه کلسونلر دولتی اداره ایتسونلر . رجا ایدرم افدمزه او یله جه عرض ایدیکز دیه رک عارف بکی اعاده ایتش ایدم . مشار ایله بر ایکی دفعه ده حضور شاهانه یه کیدوب تسلیت یاب اوله جق سوزلرله کیرویه کلدکدن صکره عودت عاجزانه مه مساعده بیورلش ایدی . سلطان عبدالحمیدک لسانندن پوپولاریته لفظی ایلك دفعه اوله رق ایشیدیلوب بونی ده یاکلش تلفظ ایتدیکنه کوره مألوف اولدینغی بوتعبیری او کونلرده مقرینک برندن حتی فرانسزجه بیلندن ایشتمش اولسی اقتضا ایدوب بو ایسه اسبق پترسبورغ سفیری معهود یوسف رضا پاشا اولسی ملحوظ ایدی . او اثنالرده بعضی غزته لر خلاف مأمول اجراءات عاجزانه می تنقیده باشلامش ایدی . نشریات واقع خاق نظرنده چیرکین کورونمکده اولدینغی اولوقت داخلیه ناظری بولنان منیر پاشا معارفه سی اولان مذکور غزته لردن برینک صاحب امتیازینه اخطار ایلدیکنده مومی ایسه فی الواقع او یله اولوب آنجق یوقارینک امریله یازدینغی زمین معذرتده ایما ایش وشیان استغراب اولان بو حالی پاشای مشارالیه بندن کتم ایتامشدی . بنی عوام نوازلق ایله اتهام ایدن سلطان عبدالحمیدک بوندن مقصدی خلق عننده بنی نظردن دوشورمک ماده سی ایدیسده بوتدیرسیاستک هیچ بر تأثیری اولمامشدی .



مابین هایون ملوکانه باش کتابت جلیله سندن تذکره خصوصیه

سیروز قضا سنده دیراغوس قلمنک محیط اولدینی اراضی ده ظهور ایدوب امتیازی بافرمان عالیشان کندوسنه اعطا بیورلمش اولان اتیموان معدنک معادن اداره سنجه تسریع معاملاتیه معدن محلنده بولنان آدلمرینه اجرای عملیاته مباشرت ایچون مأذونیت اعطاسی حقهده تقدیم ایتدیکی عریضه اوزرینه موجبجه اراده سنیه ملوکانه شرفتمعلق بیورلدیغندن بخله بو خصوصه دائر ذات فخامت اتسام صدارتیناهیلریله وقوعبولان مجاوبه شفاهیه سنی حاکی وتکریر استدعایی حاوی یاور اکرم حضرت شهریار دیرویش پاشا حضرتلرندن وارد اولوب لدی العرض منظور عالی بیوریلان عریضه بوبابده اولان مطالعه علیه فخیانه لری عرض عتبه علیا قلمنق اوزره با اراده سنیه حضرت پادشاهی لفا ارسال قلمش اولمغله اولیابده امر و فرمان حضرت ولی الامر کدر

فی ۲۳ رمضان سنه ۳۰۸ و فی ۲۰ نisan سنه ۳۰۷

خاکای شاهانه یه اولان استدعاینامه ناک صورتی

سیروز قضا سنده دیراغوس قلمنک محیط اولدینی اراضی ده ظهور ایدوب امتیازی چا کر کینه لرینه بافرمان عالیشان احسان بیورلمش اولان اتیموان معدنک معادن اداره سنجه تسریع معاملاتیه معدن محلنده بولنان آدلمرینه اجرای عملیاته مباشرت ایچون مأذونیت اعطاسی حقهده تقدیم متجاسر اولدیغ عریضه کتبری اوزرینه موجبجه شرفتمعلق بیوریلان اراده عنایتاده جناب ملکداریلری رمضان شریفک اون سکرنجی بازار ایرتسی کونی کتابت دائره سندن باب عالی یه تبلیغ اولتمش ایدی. یوم مذکورک اقشامی یعنی صالی کیجه سی صدراعظم پاشا قوللری لاجل الافطار مابین هایون ملوکانه لرینه کلش وقولک زده تراویح نمازینی ادا ایتک اوزره مابین هایونلرینه کیتمش ایدم. فقط نماز وقتی بکلمک اوزره حاجی علی بک قوللرینک اوطه سنه کیتدم. اوراده مشارابه صدراعظم پاشا قوللرینه ملاقی اولنجه

بیوریکز. نعم لتصادف، سزی کوردیکمه ممنون اولدم دیه بر طاقم کلمات تطیویه ایرادندن صکره معدن ماده سنه کیریشوب بو معدنی آلمانلر براقیه جقلمر شمدی بگا برتقریر کوندردیلمر بو حالده دولته سزک ممنون اولمقانگیزی ارزو ایتدی کمزدن مزه اشبو معدن ایچون تضمینات اوله رق اون بیک کیسه اقچه وبرهلم اکر بومقدار جانب میریدن استکثار اولتور ایسه هیئت وکلوجه دخی معاونت ایده جکز. ایسترسه کز یابشقه معدن ویاخود چفتاک وبرهلم دیدی. قولک زده جواباً دیدم که بنده کزک بوبولده اون بیک کیسه اقچه دکل اون بیک غروش بیله جانب میریدن المغه استحقاقم یوقدر چونکه ایکی اجنبی دولت تبعه سی بیننده ظهور ایدن مانزعه ناک حل و فصلی مقصد عالیسیله چا کر لرینه احسان بیوریلان وتحت التراب نه چیقاجنی مجهول بولنان بر معدن ایچون خزینه جلیله بویله کلیتی تضمینات اعطاسنه نهدن مجبور اولسون ذاتاً تحری رخصت نامه سی آلانلر ایچنده المانیالی یوقدر. متحریرلر انکلز و اوستریا تبعه سندن ایدی. آنلرده ایشدن اللرینی چکدیلمر مع مافیه هر هانکی دولت تبعه سندن اولورسه اولسون بو کبی معدن ایشارنده دولت علیه ناک قوانین موجوده سی احکامنه اتباعه مجبوریتلری بالجمله دول معظمه جه معاهده تحت النمش ایکن المانیالی نهدن معاهده خارجنده معامله یه مظهر اولیور همده نه حاجت مقاوله و شرطنامه سی معادن اداره سنجه تنظیم اولتوب انک اوزرینه دیوان هایون قلمندن قلمه النوب و مسوده سی تصحیح و صدارت مهریله تختم ایدیلوب تبیض اولتمش اولان فرمان عالی عتبه علیایه لدی لتقدیم منظور عالی بیورلدقن صکره یدمؤید حضرت پادشاهی ایله چا کر لرینه تودیع اولتمش اولسنه وشورای دولته جه لدی التدقیق فرمان عالیشانک تأییدینه قرار قطعی ویرلسنه کوره زعم چا کرانه جه بوبابده حکم اراده سنیه ناک انفاذی و ناموس چا کرانه مک ا کالی املنده یم بونکله برابر هیچ بردولت سفارتنک بوکبی خصوصاته مداخله یه قطعاً حق وصلاحیتی یوقدر. اوزدرت دفعه شرفصا در اولان امر و فرمان هایون حضرت پادشاهی ناک تنفیذندن بشقه چا کرلری برشی ایستم و قبول ایدم دیو بیان ایلدم. اوصره. نمازه کیندک آرتق معدن خصوصه. مشار الیه قوللرینک صراری مجرد اجنیلری تصاحب ایدوب انلره برانمق و حقوق مقدسه حکمرانیلرینی سکتهدار ایتک فکر واملندن منبعث اولدیغنده شبه اولمغله مشار الیهک بوبولده واقع اولان تکالیفنک هیچ. نی قبول ایدمیه جکمدن معدن مذکورک امر و فرمان هایونلری

موجب عالیسنجه ایشلدنسه مساعده بیورلمسنی استرحام ایلرم اولبابده و قاطبه
احوالده اراده وفرمان حضرت ولی الامر افدمز کدر .

یاور اکرم قولری
درویش

جواباً تذکره خصوصیه

سیروز قضاسنده امتیازی بافرما عالی کندوسنه اعطا بیورلمش اولان آتیموان
معدنی حقدن یاور اکرم حضرت پادشاهی درویش پاشا حضرتلرینک منظور عالی
بیوریلان عریضهسی اولبابده کی مطالعه عاجزی عرض عقبه علیا قلمق اوزره
با اراده سنیه جناب ملوکانه ارسال قلدیغه دائر تذکره خصوصیه دولتلیله ملفوفی
مطالعه اولندی. فی الواقع کچن اقشام مابین همایون ملوکانهده پاشای مشارالیه
بالتصادف اولنان ملاقاتده کندوسیه معارفه عاجزانم بکرمی بش سنه بی تجاوزایدوب
بومدته حقوق ومودته ترتب ایدن لوازم حرمت و رعایتک ایفاسنجه تجوز قصور
اولمدینی مثللو شمدی دخی شومعدن خصوصنده حصول مقصدلری ارزو اولمقده
ایسهده نه چاره که المانیالونک تصرفنده بولنان معدنک الندن التمنسه نظام مساعد
اولمدینی کچی سفارت دخی بونی حمایهده یک ایرو کیده جکی اکلشلدیغندن بوبابده
هم باب عالی بی موقع مشکلد. قورنارمق وهمده ولی نعمت بی تتمز ذات شوکت سات
افدمز حضرتلریله المانیا دولتی بیننده کی دوستلغه خلل کتورمامک ایچون شومنازع
فیه اولان معدندن واز کجوب شکر اولسون ممالک شاهانده معدنک انواعی موجود
اولدیغندن ایسترسه دیگر معدن الملری و چونکه دولته ایتمش اولدقلری بونجه خدماته
کوره هروجهله تعطفات سنیه به مستحق اولدقلرندن ذکر اولنان معدندن مأمول
ایتدکاری منفعت هر نه مقدار ایسه بونک ایکی مثلی تقدأ خزینه جلیلهدن آلملرینه
بیله هیئت و کلاجه برشی ذیله مرزسهده مبحوث عنه اولان معدنی آلمق ایچون خلاف
نظام مضبطه تنظیمی امرنده مجلس مخصوصجه توقف ایدلمکده اولسیه اولبابده
اولان اراده سنیه حضرت پادشاهی نک انفاذی خصوصنده باب عالی مشکل برحاله
بولندیغندن شو. شکلک حله همت ایملری رجا اولمنسه پاشای مشارالیه ایشک یچنده
آلمانیالو دکل براوسترالو وار ایدیسنده اودخی ایشدن ال چکوب معدنده برکونا
دعواسی اولمدیغنی مین کندوسنه کاغد یازدیغنی والیوم معدن مذکور کندی یدنده

بولندیغنی بیان ایلسنه مقابل مذکور معدن المانیالونک ید تصرفنده بولندیغنی ادعایله
ایشتمسنه واقع اولان ممانعتک منعی المانیاسقیری باب عالی به نوطه اعطاسیه طلب
و کچن کون بالذات باب عالی به کله رک بوبابده اصرار ایلمکده بولندیغندن ایستدکاری
حاله. منظورلری اولمق ایچون نوطه نک بر صورتی طرفلرینه کوندریله بیله جکی
سویلنمسیله پاشای مشارالیه بو حاله ذکر اولنان معدنک نه آلمانیالو ونهده کندوسی
طرفندن ایشلدیلیه رک معطل قالمسی رأینده بولتوب انک اوزرینه مفارقت ایدلمش
ایدی. میانده جریان ایدن مصاحبت بوندن عبارت اوله رق کندوسنه اون بیک
کیسه آچه و چفتک اعطاسی و یا خود سائر کونا معاونت اولنسی کچی مناسبتسز
سوزلر جریان ایتماش و کندوسی دخی او یله قوانین و معاهداتدن جاهلانه بحث
ایتماش اولدینی حاله دوچار حرص پیری اولان پاشای مشار الیهک جر منفعت
ایچون مصاحبت واقعه بی بر مناقشه شکلنده حضور همایون ملوکانه به عرضه مسارعت
ودولت علیه نک منفعت و مضرتی فرق وتمیزه مقتدر اولمغله برابر اوتهدنبرو اقدام
آمال و مساعیسی تزئید ثروته منحصر ایدوکی عمومک معلومی اولان او یله برذاتک
اشبو عریضه ننده فکر وامل عاجزی بی اجتیباری تصاحبله آنلره یارانمق و حقوق
مقدسه حکمرانی بی سکتهدار ایتک قول شنیعیله تصویره مجاسرتی بو مثالولرک
اسمعتال انواع دسایسه نزد حکمت وفد ملوکانهده حائر اولدقلری نفوذ و اقتداره
دلیل اوله رق شایان تأمل اولمغله سده سنیه شاهانه به عرضی متمنادر افندم

فی ۲۵ رمضان سنه ۳۰۸ و فی ۲۲ نیشان ۳۰۷



مفخم ایله تبعه بیننده تأسیس بنیان امنیتیه همت اولنمسی الوجدی واساسلی برتدیر حکمنده مطالعه اولنمغله خاکپای هایون شاهانهیه عرضی متمنادر مارالذکر ترجمه لفاً تقدیم واعاده اولنمشدر اقدم

فی ۲۹ شوال سنه ۳۰۸ و فی ۲۶ مایس ۳۰۷



مایین همایون باش کتابتدن النان تذکره خصوصیه

موسیو استانبولوف ایله یکن سنه مارت ابتداسنده وقوعبولان ملاقاتنده موسی الیهک نه یولده بیان افکار ایلش اولدیغنه دائر لوندرده طبع اولسان « قورت نایتلی ره وییو » نام رساله موقوتنک حزیران ۸۹۱ تاریخلو نسخه سنده « هالم بین » امضاسیله مندرج مقاله نك فوق العاده اهمیتی جهتیله بوکا قارشو بغایت جدی واساسلی تدبیر اتخادی لازمکه جکندن بویایده اولان مطالعات عاجزینک عتبه علیای ملوکانهیه عرضی مقتضای اراده سینه حضرت خلافتیناهیدن اولدیغنی مبلغ تذکره خصوصیه دولتریله سالف الذکر مقاله نك صورت ترجمه ملفوفه سی قرائت اولندی. اشبو مقاله بلغارستانک لسان حاله موافق اولدیغنی کبی یکن سنه مارتنده کی یعنی بلغارستانک بوندن اون بش ماه مقدمکی حاله مطابق اولدیغندن بونک موسی الیه استانبولوف طرفندن سویلنمش اولسی مستبعد اولیوب عرض و بیاندن مستغنی اولدیغنی اوزره اولوقت بلغار حکومتی مشکل و متزلزل بر حاله بولنه رق استانبولوف طرفندن باب عالییه وقع اولان تبلیغات و مستدعیانده دولت متبوعه دن طلب صحابته عکسی تقدیرده بلغار حکومتی موقعی محافظه ده کندی قوتنه اعتماد ایده جکی بیایدیرلمش و بونک اوزرینه بعض و صایای مؤثره اجراسیله برابر ایکی بلغار یسقیوسنه برات اعطا ولنه رق دسایس خارجییه قارشو حکومت مذکورنک معنی تحکیم و دولت علیه اولان رابطه تابعیتی تأیید ایدلش ایدی. بلغارستانک رابطه تابعیتنه هر نه وقت خلل کله جک اولسه مقدا دولت علیه تبعه تابع بر امارت ایکن کسب استقلال ایله نزد سلطنت سنیده مظهر رعایت اولان قره طاغ صرب و رومانیا حکومتارینه باقرق طریق استقلاله تمایل ایتسی طبیعی اولوب اشبو استقلالک حصولی ایسه بالقان شبه جزیره سنجه برچوق انقلاباتی و دولت علیه ایچو مشکلات و مخاطراتی داعی اوله جفندن مبحوث عنها اولان رابطه تابعیتک محافظه سینه اعتنا و دقت بونک ده موقوف علیه قوت دکل اعتماد و امنیت ایدو کسندن متبوع

SISMANOGLIO MEGARON

مابین همایون ملوکانه باش کتابتدن النان تذکره خصوصیه صورتی

اولکی کون وقوعبولان معروضات عاجزانه مدن شمیدیک موجود اولان زرهلیسارک تعمیریه بالا کتفا بوغازلرک بونلرله مهما امکان بر مدتجک محافظه منه چالیشیلرک یکیدن زرهلی و قرووازور مباحه منه لزوم اولدینی استدلال اولنمقده ایسه ده دولت عالییه قوای بحریه سنک ممکن مرتبه درجه مطلوبه یه ایصالی حالاً و آتیباً درجه الزمیتده اولمغله و بوا یسه ولی نعمت بی متمز شوکت مآب افدمن حضرتلرنجه پک ملتزم و معنی مواددن بولمغله ایش بو نقطه نظر دن پیش نظر اهمیتیه الهرق بر قطعه زرهلی ایله ایکی عدد قرووازورک سپارشی خصوصیه اکا کوره ایجابنک اجراسنه بذل اقدام اولنسی اراده و فرمان بیورلدیغنی مبلغ ۱۱ محرم سنه ۳۰۹ تاریخلو تذکره خصوصیه دولتری الندی. معروضات عاجزانه مده یکیدن زرهلی و قرووازور مباحه سنک عدم لزومنه دلالت ایدم جک تعیر اولدقدن بشقه بوباید اولجه عرض حضور عالی قائمش اولان عریضه عاجزیده موجود اولان سفن حربیه نیک طوپلرینک یکی سیستم طوپلر ایله تبدیل و ایچارنده تعمیره محتاج اولتری تعمیر ایله جمله سنک استعماله صالح بر حاله کتیرنسی عرض اولدینی مثللو هر درلو تداییر مالیه مه مراجعتله حصوله کتیرله بیله جک مبالغ ایله یکی سیستم زرهلی و قرووازورل تدارکی ماده سی دخی مصرح ایدوکنه نظراً بونک لزوم و اهمیتی غیرنکر اولوب شو قدرکه بواهمیتی ایجاب ایدن احوال نظر مطالعه یه نتیجه فرانسه یه سپارشه بوند اوچ ویا درت سنه صکره انجق دسترس اوله بیله جکی اکلایشیلان بر عدد زرهلی نیک ده اول وقوعی احتمالدن احتراز اولنان برحالی مدافعه فائده سی اولیه جغه کوره اول باول سفن حربیه موجوده نیک بوجه معروض اصلاحی ضمنتده سال حال بودجه سنک بواحتیاجه توفیقاً تنظیمی و تثبیت اولنان تحویل دیون تداییر مالیه سنندن حاصل اوله جق اچه ایله ده آزمدتده انشا اولنق شرطیه زرهلی و قرووازورل اشتراسی حال حاضرک ایجابات واجا آتندن کورلکده ایسه ده اولباید هر نه وجهله اراده سنیه جناب خلافتناهی شرفسنوح و صدور بیوریلورسه منطوق منینی انفاذ ایدبله جکی درکار اولمغله خاکپای همایون ملوکانه یه عرضی متمنادر افدم

فی ۱۲ محرم سنه ۳۰۹ و فی ۵ اغستوس سنه ۳۰۷

۳۰۷ سنه سی اوائلنده بر مجلس کونی اقشاه یقین وکلا طاغینوب کندم یازی او طه سنده بولندیغیم حالده یاور جمال بک (مؤخر آ سریاور اولان جمال باشادر) یانه تقریبه ارمنی (. . . .) کلوب بنی بالکزجه کورمک ایستدیکنی سویلسی اوزرینه کلسون دیمش ایدم . بو ارمنی لسان آشنا اولوب مقدا انکلتزه و آمریقاده بولنهرق ارمنیلرک تشبثات اختلاجویانه لرینه کسب و قوف ایدرک اطنه وزیتونده بولنان ارباب اختلالک تدارکات فسادیه لرینه دأر باب عالی یه محرمانه معلومات ویرر و کاکوره تداییرلازمه اتخاذاولتور ایدی . مؤخر آ مرقوم ضبطیه ناظری ناظم پاشا طرفندن استخدام اولنمغله بو کره نزدمه کلیشی آلمش اولدینی مهم بر خبره منی اولدینی بیان ایله سبب زیارتنه کیریشه رک نظارتجه استخدام اولنان ارمنی خفیه لر دن بری سواقده طولاشورکن کویا قونشهرق کچمکده اولان ایکی عسکر ضابطی صدراعظم ایله سرعسکر پاشا خنکارک خامی تشبثنده بولندقاری سویلدکلرینی ایشیدوب بونک ژورنالنی بالتنظیم ناظر پاشایه ویردیکنی کندوسنه محرمانه افاده ایلسی اوزرینه کندوسی خفیه نیک بو بایده کی حرکتی بالتقییح بو ماده نیک اهمیت فوق العاده سنه منی صکره نصل اثبات ایده بیله جکی خفیه دن سؤال ایلدیکنده بز ایشتدی کمزی ژورنال ایتمکه مأمورز اثباته مجبور دکاز جوابنی الدیغنی و تحقیقه کوره بوباید کی ژورنال نظارتدن مابین همایونه تقدیم اولدینی حکایه ایش ایدی . مرقوم کتیدکن صکره نزد عاجزی یه کلش اولان خارجیه ناظری سعید پاشایه کیفیت نقل اولدینغنده سلطان عبدالحمیدک امنیتی اخلال ایچون ارباب فساد طرفندن ترتیب اولنش اولسی لازم کلان بودسیسه ذهن شاهانه ده تأیرسز قالیه جنی بدیهی ایسه ده کیفیت عتبه سنیه یه عرض اوله جق ارلسه تلاشمزه حمل اولنهرق خبر معروضک صحتی اعتداینه قوت ویرمسی ملاحظه اولنمغین او حالده متوکلاً علی اه اختیار سکوت اولمش ایدی . بوندن برمدت صکره استانبولده ظهور ایدن شدتلی بر فورطنه ایله نزول ایدن کثرت باراندن او تعلق طوفان کسیلوب لیللاً طواه باغچه نیک اطرافنده کی تپلر دن اینن قوتلی سیلر غازخانه ایله ییلدیز بیننده کی غاز بوریلرینی بوزوب غازک جریانی منقطع اولمسیله یلدیز جهتلرنده کی غازلر سونوب سرانی همایون ظلمت ایچنده قالدینغندن بو آفت آسمانی یه سلطان عبدالحمید عکس معنی ویره رک مطلقاً کندوسنک ذاتاً متصور اولان خلعه اولیه بر کیجه فرصت اتخاذا اولدینی ظنیه درحال تداییر تدافعیه یه قیام

ایمکه برابر استکشاف احوال ایچون اطرافه یاورلر صالدیروب اورته لقمده
بر شی اولدینی خبرلرینی آلمش ایسه ده غازخانهک اداره سی طویخانه به مربوط
اولوب طویخانه مشیرتی ایسه سرعسکر علی صائب پاشانک عهده سنده بواندیغندن
اولبه لیللاً غازک کسلمسی سوء قصده مبنی اوله جنی استقادی ذهن شاهانه دن
پکده زائل اولماش و فسدۀ مقرین دخی بو باده کی ظن و اعتقادی بسلمکده
بولمش اولدینی حالدۀ بر مدتیج صکره بشکطاشده کاشن زکیه سلطان سراینک
سلامغنده لیللاً حریق ظهور ایدرک اطفا سیچون کان اطفا ئیه بلوکری و سائر
شهر طلومبه جیلری و برای محافظه محل حریره سوق اولتان عسا کر شاهانه
و بر معتاد طولنان اهالی بو سرایک اطراف و میدانده برجم غفیر تشکیل ایلدیکی
خبرندن سلطان عبدالحمیدک و سوسۀ سوء ظنی مزداد اوله رق تدابیر احتیاطیه به
شتاب ایدوب مع هذا اضطراب درونه بادی اولان بو خلجان قلبه بر نهایت
ویرمکی تصمیم ایش اولسی مستبعد اولیوب مع هذا بو کبی احوال دن طولانی
سرعسکر علی صائب پاشا ایله حق عاجزانه مده سوء ظن بردوام اولدینی حالدۀ
مشارالیه علی صائب پاشا برکیجه خانه سنده خسته لهرق و اطبانک مداوۀ و معالجاتی
تأثیر ایتیمه رک وفاتی وقوع بولمسلیله سرا یجه قسماً حضور قلب حصوله کلشدر .
فرداسی حضور شاهانه به کیردی کمده خنکاری بر تلاش ایچنده و علی صائب
پاشانک وفاتندن طولانی پک متأثر بر حالدۀ بولوب مشار الیهک مطلقاً مسموماً
وفات ایتیش اوله جنفک بیانیله مرحومه ایچیریلان علاجلر جلب اولنغله حل
ایتدیریله رک نتیجه سی بکا بیلدیرمه جکئی افاده و فی الواقع جلب اولنوب ماصه
اوزرنده بولنان اوچ عدد مهرلی علاج شیشه سی ارانه بیورمش ایدی . فقط صکره
بو علاجلرک حلی نتیجه سده د ثر برشی سویلیدی . بو صورتله منحل اولان سرعسکر -
لک مابین مشیری غازی عثمان پاشانک عهده سینه توجیه بیورمش ایدی . ارباب فساد
عندنده مقصود به سقوط عاجزانه م اولدینی حالدۀ علی صائب پاشانک وفاتیه مقصد
اصلی حاصل اولدیغندن گویا غازی عثمان پاشا ایله میانۀ عاجزیده اولان مودت
صمیمیه به نظرأ علی صائب پاشا ایله اولان خلع ترتینک سرعسکر لاحق ایله ده
ممکن الاجرا اولدینی القاتی ایشیدمش ایدی . بو وقوعات دن برهفته صکره فرانسه
تبعه سندن موسیو اودیر باب عالی به کلوب طلب ملاقات ایتمسلیله کوریشیلدکده
(کرچه موسیو ایله ایله الفتم یوق ایسه ده بعضاً ایش ضمنتده باب عالی به کلدکجه

کندوسنی کورردم) . موسیو اودیر صقیله رق اوزیله رک آمان نصل سویلیه میم
هرنه وجهله سوزی اوی رسم چویرسم کنهی ادراک ایده جککز شهه سز اولدیغندن
مساعده کزله ایشی اولدینی کبی عرض ایده میم ده جوابکز هرنه اولور ایسه آتی کیده میم
تبلیغ ایده میم دیمسلیله سویلیه جککز ندر دیدیکمده اقدام بو کیجه نصف الیلده
نی بیلدیره جلب ایتدیلر . یاورا کرم مشیر شا کر پاشا حضرتلرینک نزدینه
واردیغنده کل ایمدی موسیو اودیر سن البته صدر اعظمک افکارینه واقفسک
شو غازی عثمان پاشانک سرعسکر نصب اولنمشدن کامل پاشا ممنونمی دکللی بونی
سندن آ کلامق ایسترم دیسی اوزرینه آمان اقدام کرم ایدیکز بنم سزکله اولدینی
کبی صدر اعظم ایله الفتم یوقدر . صدر اعظم پاشانک بو توجیه دن ممنون
اولوب اولدیغنی نه بیله میم دیدیسه مده خیر خیر سز البته بیلورسکز . ا کر
بیلمزسه کز بیله اوکروب بکا معلومات ویرمیسکز یارین جوابکزی بکلرم
دیهرک نی صاودی شو حالدۀ نصل جواب ویره میم تعریف بیورمکزی
رجا ایدرم دیمسلیله حکایه سنی ایجه دکلدکن صکره موسیو اودیر بو باده سزه
ویره جک هیچ بر جوابم یوقدر دیدیکمده موسیو ایله یینه سوزه دوام ایله شا کر
پاشانک بو سوائندن مقصد نه اولدیغنی ا کلایه مدم عجا عثمان پاشانک سر -
عسکر لکنه راضی اولدیغکز نزد شاهانه مده معلوم اولدقده سرعسکرک کندوسنه می
توجیه بیوریله جق ندر بیلمزسه مده بشقه معاده ویره م دیسنه مقابل کندوسنه
ویره جک هیچ بر جوابم اولدیغنی تکرار ایلدی کمده موسیو ایله قالقوب کیتمش
ایدی . بو تشبندن مقصد عثمان پاشا ایله میانۀ عاجزیده اولان مناسباتک درجه سینه
کسب وقوف ایتکمکی ندر بینه مزسه ده هر حالدۀ شا کر پاشانک بلا ارادۀ سینه
اولبه لیللاً بیلدیره بر واسطه جلیله استفسار رأی ورضای عاجزی به جسارت
ایده میه جکی درکار ایدی . سلطان عبدالحمیدک حق عاجزیده اولان تصمیمی هر نه
مرکزده ایدیه دیگر بروقه قرارینی تعجیل ایشدر . شهر اغتوسک اوز طقوزنده که
خاقان سابقک جلوسی کونه مصادف ایدی . برای تبریک سائر وکلایله
کالعاده سرای همایونه کیدلکده سلطان عبدالحمید یالکز شیخ الاسلام ایله برابر
ایکیمزی حضورینه قبول ایدرک مراسم تبریکه تک ایفانسی متعقب کندوسنک
صیانتنه مصروف اولان خدماتیزی تقدیر ایله بیان ممنونیت ایش ایدی . اوکیجه
اجرا اولنان شهر آیینی وبلدیز قصرینک قارشوشنده اجرا اولنغده اولان العاب

ناریه بی سیر ایتمک اوزره مابین هایونک میدان قارشو اولان سالوننده اوتورمقدمه
ایکن بر اشتعال وقوعیله اطراف لوزنه ناک ایدن صدای مدهشدن خنکارک متوحش
اولدیغنی حضورده بولنانلر مشاهده ایتمایله یاورا کرم درویش پاشا یردن صحرایوب
سل سیف ایدرک قالدق بارشم حرم هایونی تشریف بیوریکرز قولکزر حیاته
اولدجه قلیکنزه خطا کلز دیرک محل اشتعاله طوغری کیدوب اورتالنی صارصمش
اولان صدای مدهشک بر صندوق طولوسی العاب ناریه ناک از قضا آتش آلمسندن
ایلرو کلدیکنی اکلامسیه دونوب وقوعات قورقه جق بر شی اولدیغنی مصاحبلر
واسطه سیله ایچرویه بیلدیرمش ایسه ده یکدیگری ولی ایدن اندیشناک وقعه لردن
وارسته اولق ایچون ایکنجی کیجه همان مهرهایون آلدیریلوب مسند صدارت والی
وکالتیله کریده بولنان مشیر جواد پاشایه توجیه بیورلمش ومشار الیهک درسعاده
وصوله دکن صدارت قائم مقامغه عدلیه ناظری رضاباشا تعیین قلمش ایدی. العاب
ناریه صندوقک باطلامسی از قضا ویا عن قصدی اولدیغنی مجهول قالب مع مافیه
فسده مقرینک مقصدی حاصل اولمش اولدی. اشوتبدلات ناکهانی بی المانیاسفیری
موسیو رادویج خبر آلور آلز درحال یلدیزه عزیمته شتاب ایدرک شرف ملاقاته
نائلیتمده صدارت تبدلی البته بر حکمه منی اوله جسدده اگر کامل پاشانک عزلی
دولته اهاتی وقوعه منی ایسه چونکه کندوسی آلمانیا دولتتک اک بیونک نشانی
اولان لغل نووار نشانی حامل اولدیغندن ایمرطور حضرتلری نشانی کپرویه
آلسی لازمکه جکنی عرض ایلدکه خیر کامل پاشا دولته صداقتله خدمت ایلدی
بوندن طولانی ممنونم کندوسنک عزلی مجرد بر عادت قدیمیه بناء واقع اولدی
جوابی ویرمسيله سفیر مشار الیه حضوردن چیقدیغنده طوغریجه خانه عاجزی به
کلوب خاقان سابقه کیفیت ملاقاتی حکایه ایدرک سبب انفصالی بند. اکلامق
ایتمش ایسه ده بوجهت نجه مجهول اولوب سبب عزلی بالکزمقربین شاهانه بیله
سیله جکنی افاده ایلش ایدم. جوادپاشا اولجه باتلغراف عزیمتی امرینی المش ایدوکندن
بلا تأخیر ورود ومقام صدارته قعودینی متعاقب او ائنده برای مذاکره
درسعاده بولنان بلغارستان خارجیه مدیری موسیو غره قوف باب عالی ده
صدر اعظمی کوروب تبدل صدارت مناسبتیله دولتجه بلغارستان حقدده پولتیقه جه
برتغیر اولوب اولدیغنی سؤال ایلدیکنده جوادپاشا جواباً باقکر دوستم بن ساده
برعسکرم شوکتلو افدمز هرنه فرمان بیوررر ایسه آنی اجرایه مأمورم دمسيله

موسیو غره قوف اورادن طوغریجه نزد عاجزی به کله رک حالی حکایه ایلش ایدی.
مومی الیه ایله ده اول آلمانیا سفیرینک خانه عاجزی به کلوب کیتدکلری خضیه لرواسطه سیله
سلطان عبدالحمیدک معلومی اولدقده باراده سینه قرنادن بری کلوب عزل اولنان
صدر اعظم لرک قوناقلرنده ویزیته قبول ایتمای عادت اولدیغندن نزد عاجزی به
کیسه ناک قبول اولنماسی فرمان بیورلدیغنی تبایع ایلسی اوزرینه فرمان افدمزک
فقط صدراعظم معزوللرینک زیارت قبولی مغایر عادت اولیوب ده کندو زمانزده
مترجم رشدی پاشا، قبریسیلی محمدپاشا، محمودندیم پاشا ودهاسائر وزرانک صدارتدن
انفصاللرنده رجال و مأمورین طرفلرندن زیارت اولندقلرینی در خاطر ایندیگی
واکرچه مستثنی اوله رق سعیدپاشا حضرتلری زمان معزولیتلرنده زیارت قبول
ایتمز لرسده ذات عالی لری اثنای صدارت لرنده دخی مسافر قبول ایتمامکده اولدقلرندن
مشار الیه مثال اتخاذ اولنه میه جنی جهته اولملو زوارک بنده لرنجه عدم قبولی
خلاف عادت ومغایر شعار نزاکت اوله جغه نظراً اراده بیولدیغنی حاله کلنرک
ذاتاً قبولک اوکنده بکلکده اولان پولیسار طرفندن منع دخوللری اولی اوله جنی
بیان قلمش ایدی. فی الواقع اوله اراده بیورلمش اولمیدر که کان زوارک خانه
عاجزی به دخوللری پولیسار طرفندن منع اولتوب از جمله ایتالیا وبلجیقا سفیرلری
دخی رداولتمش یدوکندن واقع حاله واقف اولان انکلتره سفیری سیروایت یلدیزه
عزیمته طلب ملاقات ایدرک حضور شاهانه به کیردیکنده زیارت عاجزی به کله جکنی
عرض ایله اکرچه دیگرلری حقدده اولنان معامله کندو حقدده دخی واقع اوله جق
اولورسه نتیجه سی ابی اولیه جغنی بیان ایلسی اوزرینه خاقان سابق کندوسنک
کورشمه سینه هیچ برمانع اولدیغنی جوابیله مقابله ایدرک برازدها مصاحبتدن صکره
سفیر مشار الیه حضوردن چیقدیغنده آرقه سنندن تشریفات ناظری منیرپاشا تشوب
کامل پاشا الله کوریشیله جک ایسه ده شوکتآب افدمز بورادن طوغریجه اورایه
کیتا کزی مأمول اید لر دمسيله خیرخیر شمعی دکل بن پاشایی صکره کوره حکم
دیرک چیقوب کیتمش وفرداسی کونی خانه عاجزی به کلوب وقوع حالی نقل ایلش
ایدی. انفصال عاجزی بر آنتریقه اثری اولدیغنی ادراک ایدن سفیر مشار الیه جواد
پاشادن دخی بحث ایدرک مشار الیهک بلغارستان خارجیه مدیری موسیو غره قوف
ویردیگی جوابی یعنی بن ساده برعسکرم شوکتلو افدمز نه فرمان بیورلرسه آنک
اجراسنه مأمورم تعیرینی سائر کوروشدیگی سفرایه دخی تکرار ایلدیکنی حکایه

ایدوب واقعا اوکوندن اعتباراً امور دولت یلدره نقل اولنوب ایشلرماین هایونده کوریلور اولدی. فی الواقع مرحوم جواد پاشا وقتیه خاقان سابقک امنیتی اکتساب ایش برضابط ایکن بش آتی سنه ظرفنده رتبه سی میر آیلقدن مشیرلکه ترفیع اولنهرق سلطان عبدالحمید کندوسنی مسند صدارته حاضر لامش ایسه ده امورملکیه ده اصلا وقوفی اولیوب مزیت ذاتیه سی الدینی امری اجرادن عبارت ایدی که ذاتاً خنکارک ایستدیکی ده بوایدی. بعدما مصر مسئله سی علی حالها قالدینی کبی روسیه نفوذی دخی باب عالی نک رخاوتی سایه سنده بلغارستانده ترقی به باشلا یوب نه وجهه نتیجه پذیر اولدینی بالاده شرح و بیان قلدی.

جریان احوال دن بی وقوف اولان بعض معترض برودفعه صدارتدن انفصالی متعاقب نشر ایله کبری مقاله لرده روم ایلی شرقی نک بلغارستانه التحاقی وقوعدن طولایی بی تخطئه ایشلر ایدی. حالبوکه بوقاریده شرح و بیان قلندینی وجهه او وقعه ناکهانی زمان صدارتدن اول ظهوره کلکه اولبایده ایضاحات اعطاسی بکا دکل سلف عاجزی به عاقد ایدوکی واضحاتدندر. اگرچه او یله بر حادثیه میدان ویرن قیدسزلق معذور طوتیلوبیده مؤخرآ روم ایلی شرقی نک استرادد اولنه مامسنده کی موفقیتمسزک خطامزه حمل اولنورسه اخیراً بلغارستانکینه عصیان ایله اعلا استقلالی وقعه سی اوخطانک تصحیحنه تام بر فرصت ایدی. چونکه اولا روم ایلی شرقی ایله بلغارستانک اتحادی اختلالده اردوی هایونک موجودی لزومندن پک نقصان اولدینی حالده استقلالک اعلانی زمانی که بزده حکومت مشرو. طه نک تأسیسی متعاقب ایدی. مسئله نک دولترله مخبره سی اوزادیه رق روم ایلی جهتنده قوه عسکریه مزک پیدرپی نقایصی اکمال اولنمقله برابر بلغارلرک محتمل اولان هجومه مقابله ایچون اناطولینک استانبوله یقین ولایتلرنده دخی تعلیم وسیله سیاه بر قوه امدادیه حاضرلنش ایدی. ثانیاً بلغارستانه ظهیر اولان روسیه دولتنک برنجی اختلالده هنوز اونی محاربه سی مغلوبیتیه دوچار تلفات اولدینی جهته قوه عسکریه ومالیه سی مکمل اولوب بودفعه کی اختلالده ایسه حال برعکس اولهرق روسیه دولتی صلحی محاربه به ترجیح ایتمکده ایدی. ثالثاً برنجی اختلالده المانییا و اوستریا ایمبرطور لریله روسیه ایمبراطوری بیننده کی اتفاق مثلث هنوز جاری اولوب صکره کی اختلالده ایسه المانییا و اوستریا دولتریله روسیه نک آره لری آچیلوب پولتیقه لری کلی مبیانت حالده ایدی. ایش بو مرکزده ایکن صدارتدن انفصالمه دکن بلغارستانک

استقلالی هنوز حکومتجه طانماش و محاربه وقوعنک منعی ضمنده معاوضه نقدیه اولهرق روسیه نک بلغارستان ایچون ایفاسنی درعهده ایلدیکی یوزیکرمی بش میلیون فرانقدن برباره النماش ایدوکندن اگر جبراً محافظه حقوق دولته امکان کورلمش اولسه اولبایده باب عالی جه روسیه ایله قرارلشدیریلان صورت تسویه مجلس مبعوثانجه تصدیق اولنمز مسئله هیئت سابقه سنه رجعت ایشلر اولسی حسیله خلف عاجزی حسین حلمی پاشا حضرتلری مالک اولدینی قوه مادیه و تدابیر سیاسی ایله روم ایلی شرقی ایالتی حال ابتدائیسنه ارجاع ایلرایدی نه چاره که نظر ملاحظه دن دور طوتیه میان احوال عمومیه نک الجا آتیه منی بلغارستان ایچون روسیه ایله قرارلشدیریلان صورت تسویه بی مجلس مبعوثان ایله هیئت اعیان بالمجبو به قبول ایلریله باب عالی دخی تغییری محذوردن غیرالم اولان قرار واقع وجهه بلغارستانک استقلالنی تصدیق ایشلدر. شو حالده روم ایلی شرقی مسئله سندن طولایی بی مؤاخذیه محل اولوب اولدینی تبیین ایچون دیگر بر دلیل علاوه سنه حاجت کوریه مز.

صرك انکلیز عسکرندن تخلیه سیله زیر تابعیت دولت علیه ده بقاسنی تأیید مقصدیه انکلیزه دولتیله بالموافقه عقد اولنان مقابله نامه نک صورتیه فرانسه و روسیه طرفلزدن من غیر رسم وقوعبولان اعتراضاته سلطان عبدالحمید طرفندن احاله سمع اعتبار اولنهرق اشبو مقابله نامه نک تصدیق اولنمامسی اوزرینه خاقان سابق بالاقاع تصدیقنه مجبور ایتمک ایچون صرف اولنان مساعی نک انواع واشکالی مبین اولان معروضات و تذاکر خصوصیه دن نشری مجاز اولنلرک صورتلری و هکذا روم ایلی شرقی مسئله سنده مسند صدارتی اشغال ایلدیکم التي سنه مدتجه روسیه نفوذینک بلغارستانده توسع و تقررینک منعه و بلغارلرک دولت علیه به اطاعت و ارتباطلرینک وقایه سنه نه مرتبه سعی اولدینی مشعر اولان معروضات و تذاکر خصوصیه دن كذلك نشرنده برپاس اولمیان بمضایرینک صورتلری بالاده صره سینه مسطور اولمقله بوایکی مسئله ده یعنی مصرک انکلیزلره ترک یتدی رلمسی و روم ایلی شرقی نک بلغارستان ایله برلشه مامسی امرنده باب عالی جه ناقابل اداره وارشاد اولان بر حکمدار مستقلک رأی واراده سنه قارشو دهانه پاییه بیلوردی. بوجهتک وشو حاله کوره تشبثات ومعاملات عاجزیده رقبا وارباب غایاتک زعم واسنادی وجهه موجب مؤاخذه بر قصور اولوب ولدیغنک تقدیری قارئین کرامتک آرای منصفانه لرینه حواله اولنور. روم ایلی شرقی حادثه سنک ابتدای ظهورنده برکون خاقان سابق ایله میانه عاجزیده

پاشا حضرتلری کچی دخی والیک ایله بر ولایت آدیروب استانبولده بر اقامق
املنده بولنان فسدۀ مقرین حق عاجزیده خاقان سابقه ژورناللر ویردیره رک القا آدن
خالی قالمقلرندن شکایت عاجزی اوزرینه الثان تذکرۀ خصوصیه ده سبب انفصالك
لدنیاتی ستر ایچون بوکا ویریلن رنک دیگر پک ابلهضریبانه اولمغه صورتی ذیل
ایدلی .

تذکرۀ خصوصیه صورتی

معروض بنده لریندر

فی ۱۷ صفر سنه ۳۰۹ و فی ۹ ایلول سنه ۳۰۷ تاریخلو تذکرۀ علیۀ داور
ا کر میاری منظور عالی حضرت پادشاهی بیورلدی . مندرجانه نظراً حق عالی ا بهتلرنده
خاکپای هایون شاهانه یه ساخته ژورناللر تقدیمیله ولی نعمت بی متمز شوکتآب
افدمز حضرتلری راحتسز ایدلمکده اولدینی استخبار اولمش و ذات سامی
داورلرنجه ایسه استراحت قلب هایون ملتزم اولمغه بو اغورده هر درلو محنت
ومشقه تحمل بیوره جقلری بیان وارباب فته وفسادک اومتللو ساخته
ژورناللرندن وارسته اولمق ایچون یاسرای هایون ملوکانه نک بر کوشه سنده
بر او طه تخصیصنه فرمان ویاخود عکاسنجاغنده متصرف اولدقلری چفتلک
ابهتلرینه چکیله رک زراعتله مشغول اولملرینه مساعدۀ سنیۀ ملوکانه شایان بیورلمسی
استرحام بیورلمش اولوب حق سامی داورانه لرنده عتبه علیای حضرت خلافتناهی یه
ژورنال تقدیمی واقع اولماش و فقط اکر بو ژورنالدن مقصد داور ا کر میاری
هر کون نشر اولنان اوراق حوادث ترجمه لری دیمک ایسه بونی هر کس او قودینی
کچی شوکتآب افدمز حضرتلرنک دخی منظور هایونلری اولمقده و بونده هر
درلو حوادث بولمقده اولوب شو قدرکه ذات عالی داور ا کر میارینک متعلقات
ابهتلرندن برینک باغنه نقل بیوره جقلری ذات سامی داور ا کر میارینه متعلق
بری طرفندن سمع هایونه ایصال ایدلمش اولمغه بونک حق ابهتلرنده بعض افتلره
محل ویره چکی ملابسہ سیله مادامکۀ ذات عالی داورانه لرنجہ ولی نعمت اعظم افدمز
حضرتلرنک استراحت قلب شاهانه لری ملتزمدر او خالده اوله اوزاق یرلره
عزیمندن فراغت بیوریلهرق اسلاف سامی داورانه لری کچی دولتخانه لرنده اقامت
بیورملری ولی نعمت بی متمز شوکتآب افدمز حضرتلرنجه موجب محظوظیت

بلغارستان وروم ایلی شرقی بلغارلرندن بحث اولدینی صرده خاقان مشار ایله
« جسمی جسمکم لمی لحکم » ضرب مثلنی تذکار ایتسیله بو تعمیردن بلغارلرک
اتحادینی طبعی بر ماده حکمنده تلقی ایلدیکی نمایان اولمش ایدی . ماده اتحاد روسیه نک
موافق مرضیسی اولوب یالکز مساعی سیاسی باغارستانده خلل پذیر اولان
نفوذو تحکمنک طوعاً ویا کرهاً اعاده سی قضیه سنه مصروف ایدی . سلطان عبدالحمیدک
بو خصوصه اصلاً اعتراضی ولبوب افکاری سلامت ذاتیه سنه معطوف اولدیغندن
مسئله یه بر نهایت ویرمک املیله روسیه نک مروج افکاری اولمغه بو حاله قارشو
باب عالی جه دول اربعه نک مسلك اتفاقی شهراه اتباع اتخاذ اولمش ایدی . بر مدت
صکره سلطان عبدالحمید بلغارستانک آتیا کسب استقلال ایده بیله چکنی کشف
وتخمین ایتسندیمدر نهدر بر آراق کندو باشه پترسبورغ سفیری شا کر پاشا
واسطه سیله روسیه ایمپراطورینه بر تکلیفده بولنوب اوده بلغارستانک روسیه
طرفندن ضبط وتسخیریه بالقانلر میانده حدود اتخاذ اولمق اوزره روم ایلی شرقی نک
دولت علیه ترکی صورتی ایدیسده دول متفقہ نک بالقانلرده استاتوقونک محافظه سی
قرارینه مغایر اولدینی مدرک اولان ایمپراطورعلکساندر نا قابل قبول اولان بو
تکلیفه بعض مطالعات سردیله عدم موافقتی بیان ایتمکله اولباده سفیر مشارالهدن
کلار مفصل عریضۀ جوابیه بی خاقان سابق بکارا ایلش ایدی . عریضۀ مذکورہ
کوزدن کچیریلهرک اعاده اولمغه برابر تکلیف واقع دول سائر جه قبولی مستحیل
اولدقندن بشقه روسیه نک دخی آیستفانوسی معاهده سنده مین اولدینی اوزره
بیوک بر بلغارستان حکومتی احدانی حقدۀ کی مقصد سیاسیسنه مغایر اولدینی . تللو
دولت مشار الیه نک همجوار لغتی بالقانلرہ قدر تمید ایتمک دولت علیه حقدۀ ده
مضر اوله جنی جهتله من کل الوجوه شایان قبول اولدینی ایضاحاتیله بو فکر عالی
نک مسکوت غنه قالمسی عرض اولمش ایدی . واقعا اخیراً بلغارستانک اعلان
استقلالی اوزرینه قرالنگ بالقانلرک اوتسنه حصریله روم ایلی شرقی نک استرداد
ملاحظه سی بزجده وارد اولهرق ایجاب ایدنلرله میان مذاکره یه بیله قونمش
ایسه ده مظهر مظاهرت اوله میان بو صورت ایله بلغارستانک روسیه دولتنک زیر
ضبط و داره سنه کجسی فکری بیتنه فرق کلی وار ایدی . بروجہ محرر وقوعوبو
لان انفصال عاجزی اوزرینه منع اختلاط ایچون ساکن اولدیغ خانه آبلوقه تحتہ
الندقدن براز زمان صکره محاصره فک اولمش ایسه ده اسلاف عاجزیدن عبدالرحمن

خانۀ عاجزیده اقامت کترانه مه مساعدہ و فرمان بیورلمسی موجب محمدت اولوب قوللری اون بش کوندنبرو معدہ جه راحتسز اولدیغمدن برای تنفس ارن کوینده مخدم عاجزی کوله لرینک یازی کچیرمکده اولدیغی کوشکه برکون صباحلین کیدوب اخشامه دونمک ویاخود برکیجه اوراده قالمق خصوصی یالکز برتصوردن عبارت اولدیغی حالده برهوجب اراده سینه بوندن دخی صرف نظر ایدلمشدر. وتوع تبدل یله انحاب اغراضک مقصدلری حاصل اولمش ایسه ده ملاحظه سینه وجهله برمدت بونلرک مفتریات وتعقیباتندن وارسته اوله یه جغم بدیهی اولسنه منی استراحت قلب شاهانه بی التزام ایله ترک مکانی اختیارده یا سرای هایونک برکوشه سنده ویا عکاده کی چفتاک عاجزیده قامته مساعدۀ سینه استرحمنده بولنیشم چونکه اثنای مأموریتده دولت علیه لرینک طاقم دشمنلرینی کندی اوزر مه آلمش بولندیغ جهتله برمدت نفس عاجزانه می محافظه ایتمک مجبوریتله محل امان دوشونلسندن ایلرو کلشدر . خدمات بندکانه مدن رضای هایون ملوکانه یه موافق اولیان برشی وار ایسه اوده دیوان احکام عدلیه نک حین تشکیلنده هیچ بر طرفدن محاکمه مداخله اولنمائی حقننده برقاچ کره ارادات سینه شرفصدور بیورلمش ایکن مجلس مالیه کتبه سندن حسین حسنی امضالی اولوب ذات شوکتآب افدمز حضرتلرنجه معلوم اولان بر طرفدن ترتیب اولنان عرضحاکک حاوی اولدیغی مقصد خفی اکلایشیله میهرق سهواً اوقاف نظارتنه حواله اولنش وغایت مرتب وانتریقہ لی بردعوا یه متعلق اولان بر عرضحالی ذات سامی داوریلری ایکنجی حواله اولمق اوزره مشیخته حواله وبوصورتله باب مشیختی نوعمادعوانک رؤیتته اجبار بیورلمش اولملری کیفیت اولغله سالف الذکر ارادات سینه ملوکانه نک احکام جلیله سنه وقوف عالی ابهتاری طبعی ایکن هر نصلسه بو خصوصک نظر مسامحه دن امرار بیورلمسی مغایر مرضی عالی حضرت خلافتپناهی اولمش وعبه علیای حضرت پادشاهی یه وقوع عبوله حق معروضات سامیه داورا کر میرینک ینه مظروفاً تقدیم اولنسی امر و فرمان بیورلمش اولغله اولیابده امر و فرمان حضرت ولی الامر کدر .

فی ۱۷ صفر سنه ۳۰۹

جوباً تقدیم اولنان عریضه خصوصیه

جناب حق ولی نعمت بی منتز پادشاهمز افدمز حضرتلرینی الی آخرالدوران سریر آرای شوکت و شان بیورسون بو قوللرینی بدخواهانک افترا لردن محافظه

SISMANOGLIO

اولان دعوی ولدینی حالد انک ردی دخی محاکم وظائفی جمله سندن در حتی بروجہ
 معروض باب عالی به ویریلان عرض حالل اکثریا مستشارلق طرفدن مطالعہ اولنہ رق
 ایچندہ حائر اہمیت بولنانر صدارتہ تقدیم وعادی اولنلرک تذکرہ لری یازدیر بلہ رق
 صدارت طرفدن حین امضادہ یالکتر خلاصہ لری کوریلور سہدہ اولیہ حقوۃ دتر
 نظر دقتی جالب بز عرض حال دخی کورلما مشدر. حاشائیم حاشا کویا خلع مقصدلہ ویلہ
 بردعوی ترتیب اولدینی وکویا عبدعاجزلری دخی بوندہ ذی مدخل بولندیم ظاہرہ
 چیقارق تبدیل وکلا بوندن نشأت ایلدیکی وحابلوکہ بوبر صنیعہ دن عبارت ایدوکی
 استانبولجہ شایع اولدینی کبی بوحوادث اوروپاچہدہ نشر واعلان اولدینی وحتی
 بوبادہ کی خفایای کشف ایدن بر شیخ مکافات سنیہ بہ مظهر اولدینی غزتلردہ
 کورلمش وتبدل وکلانک اسبابی تصنیع وتیہ ایدن ابوالہدی افندی اولدینی دخی
 بفرانسز غزتہ سندنہ اوقوئمشدر بونکہ برابر مابین ہایون ملوکانہ جہ بوبولادہ بمض
 تحقیقات جریان ایلدیکی ایشیدلش اولدیغہ وبرعبارہہ ایکی درلومعنی ویرمک مشکل
 برشی اولدیغہ نظراً اتریقہ لی بیوریلان عرض حال اولوجہلہ مرتب ایسہ بونک
 دیگر بر طرفدن ترتیب ایدلش اولسی قطعاً مستبعد اولمسیلہ وکلا تبدلی وقوعہ
 کتورمک تشبندہ بولنان حیلہ کاران طرفدن تصنیع ایدلش اولہ جنی شہہ سزدر.
 آتیدہ عرض واثبات اولنہ جنی وجہلہ خلع وتوعی عدیم الاحتمال بر کیفیت اولوب
 حالبوکہ کسہنک خاطر وخیالانہ کلیان وبرکونہ اصل واساسدن عاری اولان خلع
 تشبثی کبی بر ارجوفہنک شیوعی بیلہ داعی مصائب اولوب چونکہ کرک ممالک
 شاہانہدہ وکرک دیار اجنبیہدہ بو حوادثک صحتہ ذاہب اولنلر شیرازہ انتظام
 حکومتک حال انفساختہ اولدینی ظنیلہ تبعہ شاہانہ دوچار یأس وقتور ودول اجنبیہ
 دخی بو حالدن داخلی بر شورش وقوعی احتمالہ قارشو کندو تبعہ لریلہ اہالی
 خرسٹیانیہ بی محافظہ ایچون تدابیر لازمہ اتخاڈینہ مجبور اولہ جقلرندن بو حالک
 انواع وقوعاتہ سببیت ویرہ بیلہ جکی درکاردر. خلع وقوعنک عدم احتمالی بحثہ کانجہ
 اولیہ بر حال مطلقاً قوہ عسکریہنک وساطتہ متوقف اولوب قالدیکہ ولی نعمت
 بی متمز شوکت ماب افدمز حضرتاری عساکر شاہانہ لرینک عموم قوماندانی
 اولدیغدن بونک صور اجرائیہ سی نہ وجہلہ ونہ مقصدہ منبی تصور اولنہ بیلور.
 فرض ایدلم کہ برولی عہد کندو حیانتہ نائل تخت وتاج اولمق ارزوسندہ بولنسون
 دنیادہ برانسلان اجراسی یداقتدارندہ اولیان ارزویہ واصل اولمق ویاخورد تدبیر ایلہ

تقدیر الہی بی بوزمق قابلیتدر مثلاً شوکتلو افدمز حضرت لرینک دخی انواع
 ارزوی ہایونلری اولمق کرکسہدہ ہپسنک حصولی ممکنیدر. اک ادناسی اولمق
 اوزرہ بلغارستاندہ بولنان شوپرنس فردیناندک دفعیلہ یرینہ عمومک قبولی حائر
 برپرنس انتخاب ایتدیرہرک صلح عمومی تیہدید ایدن بلغار مسئلہ سنہ ختام ویرمک
 کرک ولی نعمت بی متمز افدمز حضرت لرینجہ وکرک روسیہ امپراطوری حضرت لرینجہ
 بالخاصہ ارزو بیورلدینی حالدہ بونک بیلہ حصولی ممکن اولہ میوب بوتقدیرہ کورہ
 ایکی حکمدار معظمک ارزوی وحید مخصوص لرینک استحصالی قابل اولہ مدینی
 حالدہ شونک بونک حصول ارزولری نصل ممکن اولہ بیلور بناء علیہ اومثالوتخدیش
 اذہانی موجب القات ایلہ افکار شاہانہ بی اشغالہ ونفوذ سلطنت سنیہ بی کنندی
 غرض لرینک استحصالی یولندہ استعمالہ ساعی اولان ارباب حیلہ وفسادک نتایج
 تشبثات مضرہ لری دولت وملتہ راجع اولہ جنی درکار اولوب ذاتاً امور سیاسیہدہ
 جملہ استطلاعات وتدقیقات کترانہمک نتایجی اولمق اوزرہ خاکپای ہایون شاہانہ لرینہ
 وقتیلہ تقدیم قنان معروضات بندکانہ مدن دولت علیہ لرینک بولندینی حال تہلکہ ایلہ
 بونک اسباب اندفاعی محاطعلم عالی ملکداریلری اولمش اولدیغدن وبوقیندہ روسیہ
 ایلہ فرانسیہ بیندہ حاصل اولان مقارنت او تہلکہ بی بدرجہ دہا آتیردیغدن
 ہر حالہ بدرقہ نجات وسلامت اولان ارادات حکمت آیات حضرت خلافتناہیلریلہ
 دولت وملتک خطا وخطر دن مصونیتہ موفقیت سنیہ لری الطاف الہیہ دن مستدعا
 اولمغہ اولبابدہ وقاطبہ احوالہ امر و فرمان حضرت ولی الامر افدمز کدر.

فی ۱۸ صفر سنہ ۳۰۹

بو یولہ تضحیقات وتعقیبات بر مدت دوام ایتدکدن صکرہ اخیراً سلطان
 عبدالحمیدک حق عاجزانہ مدہ اولان وہمی کسب اعتدال ایتش یاخود
 غرضکاران، القادتدن وازچکش اولمیدرکہ التفات شاہانہ رونما اولمغہ باشلا یوب
 حتی ۱۳۱۰ سنہ سی اغستوسندہ کوچک شہزادکانک اجرای ختانی لری مناسبتیلہ
 کشیدہ اولنان ضیافتار ائناسندہ بر اخشام کندم دخی. یالکتر جہ دعوت اولمش
 ایدم. بعدالطعام حرم بغچہ سندنہ حاضرلمش اولان مشہور عبدینک ترکیہ تیاترو
 طاقمی اجرای لعیات ایلدیکی صرہدہ تماشا سندنہ غازی عثمان پاشا وسر قرنا حاجی
 علی بک ایلہ اوچیمز نزد شاہانہدہ بولنہ رق بو وسیلہ ایلہ التفات وتلطیفات سنیہ بہ

تائل اولمش ایدم. بوموال اوزره سلطانمز اظهار امنیتله بعدما امور مهمه سیاسیة
 رأی و مطالعة عاجزی به محرمانه مراجعت ایدر اولمش ایدی. بیک اوچوز اون بر
 سنه مالیة سی اوائلنده اناطولی ده ارینی اختلالی وقوعه کله رک صاسون وقعه وخیمه سی
 اوزرینه بر اخشام سر قرنا حاجی علی بک خانه عاجزی به کله رک ذت شاهانه نک
 بی کورمک ایستیب بکلمکده اولدیغنی افاده ایستیلله همان عزیمت اولمش ایدی.
 سرای هایونه وصولده سرای قبوسنده منتظر اولان یکی مصاحب بالاستقبال بی
 طوغریجه حرم هایو. دائره سنه ایصال ایله ایچرویه دخولده خنکاری یازی
 اوطه سنده آیاقده و پک تلاشلی بر حالده بولوب بکا خطاباً : آما بی آریوب
 صور بیورسکمز، اوچ کیجه دبرو هیچ اویقو اویوماده. دیمسی اوزرینه. ظهر
 اولان اضطرانیه اشتراک ایله سببی آ کلامق ایستدیگمده، خنکار سوزده دوام
 ایله. عصیان ایدن صاسو ارمنیلرینک حرکت غدارانه لرینی عرض ایتدیلر، عصیانک
 ضرب و تنکیلی حقه دردنچی اردو قوماندانلغنه بر تلغراف یازلمسنی امر ایتدم،
 مکر باش کاتب پاشا شدیدالمال بر تلغراف یازمش بونک اجراسی انکلتزه نک مداخله سنی
 دعوت ایتدی. بن اورلسون دیدیسم قتل عام یدلسون دیمدم دیدرک باش کاتب
 ثریا پاشایی بر زدم و قتیح ایتدکن صکره همان انکلتزه سفیری نزدینه عزیمتله
 چونکه سفیر مشار ایله طرفدن برای تحقیق محله مأمور مخصوص کوندرا دیکندن
 اشبو تحقیقاته فرانسه و روسیه نک دخی اشتراکنی. مجرملرک محلی محکمه سنده
 محاکمه سیله ویریله جک قرارلرایچون اوراده بر هیئت استینافیه دخی تشکیل اولنه رق
 حکم نهائی نک ایل باول اجراسیله عبرت مؤثره ارانه سنی تنسیب یلایکندن بو
 ص. تک سفیره تبلیغنی اراده بیورملریله هما. سفارته کیدلمش ایدی. عصبی المزاج
 اولا سفیر سیر فلیب قارری متأثر بر حالده بولنوب برازخوش بشدن صکره خنکارک
 اراده سی تبلیغ ایلدقدده فرانسه ایله روسیه سفیرلرینک ایشه شرطله اشتراک
 ایده بیله جک لرینی اولجه بو خصوص ایچون طرف شاهانه دن کلش اولان خارجه
 ناظرینه سولمش یدوکذک بیانیه اولباید نکلتزه خارجه نظارتنه یازمش اولدیغنی
 تلغرافلرک قوییه لرینی قرائت ایش و محل وقوعه هیئت استینافیه تشکیلی حقه در
 رأی بیانیه یناشامش ایدی. عودده خاقان سابقه عرض کیفیت اولنوب برمدتجک
 صکره تبدیل وکلا وقوعه کله رک مسند صدارت ینه سعید پاشا حضرتلرینه بوجه
 بیورمش اولمش اوزرینه بو دفعه حسب الامحاج تبدیل وکلا بولنه اولمش ا

شورای دولت ریاستی بنم ایچون آچیق براقدیغنی سلطان عبدالحمید سر قرنا
 واسطه سیله تبلیغ ایتدیرمش ایدی. بن ایسه ماسبق احوالی تفکرله وکلالتدن تحاشی
 ایتمکده ایدوکدن خدمت شاهانه موجب مفخرت یسه نه بنده لری مأموریت
 رسمیه املنده ایلوب بویله خارجه اولدیغ حالده ده افدمزه خدمت ایده بیله حکم
 جوابیه کچشد بر شیدم. ارمنی اختلالی کیتدکجه توسع ایدرک اناطولینک جهات
 سارهنی صارمش و بوده دولتجه بر غائله حکمنی آلمش اولمشله انکلتزه، روسیه
 و فرانسه دولتلی متفقاً بالمداخله اناطولی ده اصلاحات اجراسی ضمنتده باب عالی به
 برنوطه ویرمش اولدقلرندن حالک وخامتنی مدرک اولان خاقان سابق بو حاله قارشو
 دوشونیه حک چاره نک عرضی اراده ایتمکله اولباید اولان مطاعه عاجزانمی حاوی
 تقدیم اولنان عریضه خصوصیه نک صورتی ذیل ایدلای.


عریضه خصوصیه

ارمنی مسئله معلومه سنه دائر دول ثابته طرفندن وقوعبولان تکلیفاتک نه درجه
 وخیم العاقبه اولدیغنی میدانده ایکن بونک مدافعه سیله حقوق سلطنت سینه محافظه
 اولنه جق یرده تکلیفات معروضه نک قبولی تأییدده باب عالی دخی سفرایه اشتراک
 ایلدکلرندن سالب امنیت اولان بو حاله قارشو حسب العبودیه دوشونیه بیله جک چاره نک
 عرضی مقتضای امر و فرمان هایون حضرت خلافت پناهیلرندن اولدیغنی سر قرنا
 حضرت شهریاریلریله شفره کاتبی کامل افندی قوللری طرفندن تبلیغ اولندی.
 لاجل العوض مشار ومومی الیهما قوللارینه بیان قلندیغنی وجهله بوندن اوچ درت
 ماه مقدم یعنی انکلتزه نک بو مسئله به حین مداخله سنده اتخاذ تدابیر لازمه ایله
 بالمداغه او مثلاً خطرناک اصلاحات تکلیفاتی وقوعنک اوکنی آلمق قابل ایدیه ده
 بو کونکی کون تکلیفات واقعه نک ردی مخاطرله اولدقدن بشقه تعدیلی طلبه وقت
 مساعد اولوب اولدیغنی قوللرنجه مجهول اوله زق بونک درجه امکانی کسدیرمک
 ویریلان نوطه ده دراندرجه اتخاذ اولنان اساسلرک ینلمسنه و تکلیفات معروضه
 اوزرینه شمدنه قدر سفر ایله جریان ایدن مذاکره و مکالمه طرفینجه نه یولده
 اداره لسان اولدیغنی کلاشلمسنه متوقف اولوب معافیله باب عالیجه طوغری بر
 منلک اتخاذلرله ظن عییدانه کوره دول ثابته نک وباخصوص انکلتزه نک یا کلش
 اولان اعتقادلرخی تصحیح ایتک ممکن اولور. یوقیه اناطولیجه حقوق حکومت سینه به

دیگر دولت‌تاریک تشریحی اساساً قبولی تقدیرده عهد تربیده عین حال روم ایلی ایله جزایر بحر سفیده وبعده ولایات سائرده دخی وقوعه کله رگ مسئله شرقیه بلا محاربه کندی کندینه حل اولمش اولور. دولت‌تاریک شکل تکلیفاتی نظر ملاحظه آنتجه ارمنی مسئله سنده ایکی صورت رونما اولور که بری برلین معاهده سی حکمنجه ارمنی ساکن اولان ولایات شاهانه ایچون اصلاحات طلبی و دیگر عیسان ایدن ارمنی لری بی کناه عد ایدرک حقلارنده قتل عام اجرا اولندیغی اعتقادیه بونلر اوزرنده اولان حقوق حکومت سینه یی انتقاماً دولتک لندن المق امیدر. مطالعه کتری یه کوره انکلتزه جه اتخا اولنان اساس ایکنجی صورت اولوب بوکاده سیبیت ویرن یعنی انکلتزه جه او یله واهی بر اعتقاد تکوننه بادی اولان شی بزم سکوت مزدر. صاسون وقوعاتی اورا جه عیسان ایدن ارمنی لری ضرب و تنکیلدن عبارت اولدیغی حالده ارمنی لری بو وقوعاتی اودرجه اعظام ایتمش و انکلتزه مطبوعاتنده اومرتبه بر طور ظلمکاری کوسترمش در که اولباده اولان نشریاتی یالکتر انکلتزه ده دکل ممالک شاهانه ده مطالعه ایدن سائر تبعه شاهانه بیله متأثر اولماق قابل اوله مازدی. لوندرده عقد اولونان بیوک بیوک جمعیتلرده بالجه مأمورین حکومت سینه مذمتله یاد اولنهرق ارمنی لری عیسانی تسلیم اولنقله برابر بونی سوء اداره یه اسناد ایله کویا اختلاف دیندن ناشی حقلارنده دولتجه تجویز اولنان معامله ظلمکاری یه بنا ایدرک ارمنی لری عیسانده حقلی کوسترمش و کیدرک افکار عمومیه علیهمزده اودرجه علونمش در که انکلتزه حکومتی تسکین اذهان ایچون محلنده تحقیقاتله مشغول اولان قومیسینونک نتیجه استطلاعاتی حاوی راپورلری بیله بکلیمیه رگ متفقلری اولان روسیه و فرانسه دولتاریله بالاتحاد برلین معاهده سیله، اجرایی دولت علیه جه تعهد اولنان اصلاحاتی طلب ایتک صدنده اشبواصلاحاتک شکلی دخی کندولری تعیین ایله حقوق - ملظت سینه یی محواتک درجه سنه وارمش در. حالبوکه حقیقت حالده ارمنی لری برمدتن برو عیسانه انهماکلری حکومت سینه نک سوء اداره ویا معامله شدید سنندن ناشی دکل معاهداتدن منبعث بر کیفیت اولوب عرض و بیاندن مستغنی اولدیغی اوزره هر بر محاربه نتیجه سنده عقد اولنان معاهده یه فتوحات جدیده طمعیه آتیا دخی محاربه ایقاعنه وسیله بخش اوله جق مواد درجی روسیه نک تدابیر سیاسی اقتضا سندن اوله رق برلین معاهده سیله تأیید اولنان آباستفانوس معاهده نامه سنه کورک روم ایلی ولایات شاهانه سی و کورک اناطولی ده ارمنی ساکن اولان ولایتلر حقلده

بر ماده علاوه اولمش ایدوکندن بلا سبب ارمنی اختلالی دعوت ایدن مذکور برلین معاهده نامه سنک ایتمش برنجی ماده سیدر که مقدا عین صورته نائل استقلال و امتیاز اولان رومانیای، صرب، قره طاغ، یونانستان و بلغارستان اهالی لری مثل لوار منیلر دخی کندو باشلرینه بر حکومت مالک اولوق قصدیه مارالعرض معاهده نامه نک عقدی تاریخندن برو حرکات اختلالیه ده بولنغه باشلامش در. ظن کتری یه کوره شمدیکی حالده ایش نه انکلتزه سفیرینک ونه ده حکومت متبوعه سنک انده اولوب اول باول انکلتزه افکار عمومیه سنک تصحیحی لابد اولدیغندن سفرانک نوطه لرینه جواب اعطاسنک برار تأخیری ممکن ایسه ارمنی عیسانی بروجه معروض معاهداتدن منبعث بر کیفیت اولدیغنی بر تفصیل بری طرف کیمسه طرفدن لوندره غزته لر یله نشر ایتدیرمکله برابر حکومت سینه جه ده انکلتزه مطبوعاتنک حقسزلغندن شکایتله ارمنی عیسانی حقلنده مأمورین ملکیه و عسکر یه ویریلان اوامر او مقوله لرک ضرب و تنکیله تحت اطاعته ادخالی مرکزنده ایدوکندن اجرا آتده خارج نظام حرکت ایتمش اولنلر واریسه کورک ملکیه و کورک عسکر یه دن اولسون بالحا که قانوناً مجازات اولنه جقلرینک لوندرده سفارت سینه واسطه سیله اعلانی و شمدی یه قدر تحقیق قومیسینونجه تبین ایدن حاللر نهلردن عبارت ایسه بونلرک دخی بلا تأخیر کورک لوندره و کورک پارس و پترسبورغ شهرلرنده موقع انتشاره وضعیه وقوع حالک مبالغه فاحشه دن تجریدی و متعاقباً سفرایله مذاکره یه کیریشیلرک تکلیفات معروضه نک احکام عهدیه دائره سننده تحدیدی ایجاب حاله موافق برمسلك حکمننده مطالعه اولنمش ایسه ده اولباده وقاطبه احوالده امر و فرمان حضرت ولی الامر افند منر کدر

فی ۴ ذی الحجه سنه ۱۲۳۲ و فی ۱۷ مایس سنه ۱۳۱۱



ارمنی ساکن اولان ولایاتده اجرایی دول ثلثه طرفندن اخیراً

تکلیف اولنان اصلاحاتک حازی اولدینی مواد سته نک

بیایله اولیایده اولان مسالعه عاجزینک عرضی اراده

بیورلمغله تقدیم فلنان عریضه خصوصیه

ارمنی ساکن اولان ولایات شاهانه اجرایی دول ثلثه طرفندن تکلیف اولنان اصلاحاتدن دولتجه قبولنده محذّر کورینان و حالبوکه سفراجانبندن اصرار اولنان مواد اولاً تشکیل قلمه جق اولان اصلاحات قومیسوننه رجائیرک اصلاحات اجراسندن طولایی مراجعه ایتمکه حقاری اولسی ثانیاً ژاندارمه خرسیتیان ضابط بولمنسی ثالثاً ناحیه مدیررینک ولایات شاهانه نظامنامه سی احکامنه توفیقاً تعیین اولنملری یعنی مدیررک یرلی اولملری رابعاً قیر بکچیلری خامساً حبسخانه لر حقنده کی نظامنامه لرک تطبیق و اجرایی سادساً نسبت قاعده سنه توفیقاً مأمورین خرسیتیانیه قبولی خصوصاتی اولمغله بوبابده ولان مطالعه عییدنه مک عرضی مقتضای امر و فرما هایون خلافتپناهیلرندن اولدینی قرنا ی حضرت شهریاریدن فائق بک قوللری طرفندن تبلیغ اولندی. تکلیفاته واقعنه کنی مبنی علیهی برلین معاهده نامه سی اوله جق ایسه ده صاسون وقوعاتی اوزرینه ارمینیرک اغضالاتنه قایلان انکلیرلر یا کاش بر اساس استناداً ذکر اولنان معاهده نامه نک ده ایلروسنه کیدرک دولت علیه نک ایجابات محلیه کوره اجرا ایده جکی اصلاحاتک شکلی کنسولر تعیین ایتمکه و بونکده اجرا آتی قونترول اتنه المغه فالقشمشدردر. مادّمکه او یا کاش اساسک تصحیحی تدبیرینه وقتیه باب عالی جه تشبث اولمیدرک ارمینیرک عصیان کویا سوء اداره دن نشأت ایتمش اعتقادی افکار عمومییه یرلشمشدر. شمعی حسب الحال بعض شیلره قاتلانق ضروری و باخصوص روسیه الله فرانسه دخی بو مسئله ده انکلتریه التحاق ایلمش بوندقلرندن بو اوچ دولتک اصرار لرینه قارشو کلیاً مخالفتده ملحوظ اولان تهلمکه دخی عرض و بیاندن مستغنی اووب بونده اصل آریله جق شی حقوق شاهانه نک محالظه سی سادسی اوله جغندن سفرا ایله میانده مختلف

اولان موادی او دائره ایچنده حل و تسویه ایتمک اقتضا ایدوب بناء علیه چونکه برلین معاهده سنک التمش برنجی ماده سی حکمنجه دولت لر ارمنی ساکن اولان ولایتلرده دولت علیه جه اجرا اولنه جق اصلاحاتک تطبیقاتنه نظارت ایتمک صلاحیتی حاز اولدقلرندن رأی کترانه مه کوره سفرائک اشبو نظارت تکلیفنه اصلا اعتراض اولنمیب فقط نظارت بورا جه اصلاحات قومیسوننه مراجعتله دکل محل اجرا آتده یعنی ولایاتده اوله جغندن نه یولده نظارت ایده جکلری مسئله سی کندور ایلرینه بر اقلملیدر. ثانیاً ژاندارمه خرسیتیاندن دخی ضابط استخدامی و ثالثاً ولایات نظامنامه سی موجبجه مدیررک یرلی اولملری خصوصاتی و مواد سائره ایله نسبت قاعده سنه توفیقاً مأمورین خرسیتیانیه قبولی قضیه سی اسلاف عظام شاهانه لری زمانلرنده صادر اولان اصلاحات فرمان عالیریله اعطایبوریلان مساوات قیدینه یعنی بعه غیر مسلمه نک دخی حقوق عمومیه دن مستفید اولملری و عدینه مستند اولمسیله شمعی اولیایده اولان ارادات سنیه نک و با نظامات موضوعه نک اجرا آتی خصوصنده روی امتناع اراده سی مداخله اجنبیه یی ده از یاده تشدید ایدمبیله جکندن بوکا میدان ویرلامک و باخصوص ذات اقدس حضرت خلافتپناهیلری حقنده غلیانه کتوریلان انکلتره افکار عمومیه سنی بر ساعت اقدم تسکین ایتمک ایچون مقدماتی دخی عرض اولدینی وجهله تکلیفات واقعینی بر صورت عمومیه ده و قید احترازی تخنده یعنی ارمنی ساکن اولان ولایتلر ایچون انکلتره، فرانسه و روسیه دولتلری جانبندن تکلیف ایدیلوب حکومت سنیه جه بعدالذکر موافقت اولنان اصلاحات پروژه سنک محالنج تطبیقاتنده حسبالموقع تعدیلنه لزوم کورینه بیله جک مواد دول مشارالیه سفرا بیله بالندا کوره تصحیح اولنه جق و هر حالده برلین معاهده سیله مؤید اولان حقوق سلطنت سنیه اصلاحات کتوریه جکدر بالنده بر عبارده درجیه قبوانه مساعدت سنیه ملوکانه لری شایان بیورلمسی حالنده مسئله نک بحرانی کچیریلوب ایلروسه تکلیفات مذکورده نک اجرا آتی ائنده صره سی کلدکجه کرک مارالیا الی ماده نک و کرک کردلره بلاتد کوره سلاح طاشیتیدیرمامق و تعبیر آخرله کردلری اسلحه دن تجرید ایتمک کی اجرایی مشکل و بلکه ده ناقابل خصوصات سائرده نک تعدیل و تسویه سنه اهتمام اولنور. شو حالده سفرا ایله مذا کوره محتاج اولان شی یالکز اصلاحاتک اجرا آتته نظارت بجئی اولوب اصلاحات مذکوره پیدرپی موقع احرا به وضع اولدقجه باب عالی دن اول بازل سفرا به اخبار کیفیت اولنه جغندن

محلارنجه اجرا آتہ نظارت ایتلمری خصوصی کندیلرینه عائد بر کیفیت اولغله بوکابر قرار ویرلدیکی واصلاحات پروژہ سنده بروجہ معروض بر قید احترازی درج ایتدیرلدیکی حالده مسئله نهایت ویرلمش اوله جنی عاجزانه مطالعه اولتمش ایسه ده اولبابده امر و فرمان حضرت ولی الامر افندمز کدر

فی ۸ ربیع الاول سنه ۳۱۲ و فی ۱۷ اغستوس سنه ۳۱۱

بو آراق سرقرنا حاجی علی بک افندی بعض ارادات سنیه تبلیغی و سیاه سیله اقساملمری بر معتاد یعنی مقامده بولنان صدراعظمه قارشو خاقان سابقک اتخاذایلدیکی اصول اوزره صورت خفیه ده خانہ عاجزی به کلکده و هر کلدکجه بنی خدمت شاهانه به اماله ایلمکده اولدینی ائنده استانبولده وقوعه کلن برنجی ارمنی اختلالی و بونلرک قتالی خلقه دهشت ویردیکی کی باب عالی ایله سرای هایونی دخی تلاشه دوشورمش و اولبابده اتخاذا اولنان تدابیر خلقجه تأمین اذهانه غیر کافی کورلمش اولسی حسیدیه ارمیلرک دیگر بر حرکتہ انتظاراً اهالی مسلمه حال احتیاط و تیقظه و اجنبیلر دخی بو حالک نتیجه و خیمه سندن احترازده بولنه رق سفرای اجنبیه ایسه حکومت سنیه نک نظر دقتی جاب ایده جک اخطار اتدن خالی قالماقده ایدیلر. اوچ کون دوام ایدن بو حال تذبذب اوزرینه حاجی علی بک کذلک مساءً نزد عاجزی به کلوب افندمز سزی ایستیور، ظن ایدرم بودفعه یقینی قورتاره میه جقسکمز دیمسیله مشار الیهک رفاقیله سرای هایونه کیتمش ایدم. اغتشاشات داخلیه انضمام ایدن مداخلات خارجه سببیه حال و موقعک کسب ایتمکده اولدینی وخامت نظریقیدی ایله باقیله میه جق بر راده به کلدیکندن بو احواله حقیله مقابله و حقوق دولت محافظه اولتمق ایچوز مسند صدارتک عهده عاجزی به توجیهی نزد شاهانه ده تنسب بیوردینی قراندن عارف بک واسطه سیله تبلیغ اولتمسی اوزرینه حالک میدانده اولان اهمیتته قارشو دریغ خدمت موافق حمیت اولیه جغندن سرایک ائتریقهلری خاطر دن دور ایدلماکله برابر خواه ناخواه عرض مطاوعت اولتمسیله شایان بیوریلان مساعده سنیه به بناء خاکبای شاهانه به رومال اولدیغمده تالی اولنان و بعده بالواسطه تبلیغ ایدیلن ارادات سنیه موجبنجه هنوز مهر هایون آلمزدن و مأموریم رسماً اجرا و اعلان اولتمزدن اول حسب الامر او اخشامدن ایفای وظیفه صدارته بدأ ایله بعض دوائر و ولایاته تبلیغات مقتضیه اجرا اولتمش ایدی. اوکیجه سرای هایوننده بیتوتت اولنه رق فرداسی

کونی طلب عالی اوزرینه البسه رسمیه می لابس اولدیغم حالده حضور شاهانه ده شرف مشوله نائلتمده دعای موفقیتله مهر هایون اعطا و طرف عاجزیدن مراسم محبت ایفا اولتمسنی متعاقب کالعه ده شیخ الاسلام افندیله معاً و خط هایونی حامل اولان باش کاتب بکی مصحوباً باب عالی به عزیمت و اوراده مراسم معتاده اجرا اولندقدن صکره متوکلاً علی الله بجران حالک ازاله سی اسبابنه توسل و مبادرت ایدلدی واشبو تبدیلی متعاقب تدابیر فوق العاده اتخاذینه بیله حاجت مس ایتیه رک بتوفیقہ تعالی در سعادتجه حال و سکون آسایش عودت ایلدی.

۱۳ ربیع الاخر سنه ۳۱۳ تاریخده سلف عاجزی سعید پاشا حضرت تارینک انفصالندن اول سفرای ثلثه ایله بالندا کره میانه لرنده قرارلشدیریلوب اراده سنیه به اقتران ایدن اصلاحات قرارنامه سی سفرا طرفندن امضالندینی مثللو مشار الیهک عزلی وقوعه منبی طرف عاجزیدن دخی امضا ایدلمک اوزره ارانه اولتمسیله لدی المطالعه کردلرک اسلحه دن تجریدی ونسبت قاعده سنه توفیقاً مأمورین خرسیتانیه قبولی کی کردلرک طبعنه کران کله جک موادک وهله اجراسی قابل اوله میه جنی درکار اولوب مع مافیه چونکه مقررات مذکورده اراده سنیه تحت النمش اولدیغندن حسب المأموریه بونی امضا ایدر ایسه مده مواد مذکورنک تطبیقاتی ائنده تصادف اولنه جق مشکلات نظر مطالعه به النهرق سفرا ایله بالاتفاق مواد مذکورنک تعدیلی لازمکله جکنک بیانیه قرار نامه بی امضالمش ایدم. حالبوکه مقرراتک اجراسنه وقت بیله اولیوب ارمنی اختلالی کیتدکجه توسع ایدرک اناطولی ده اهالیسی کثرتله ارمنی اولان قری و قصبانده ارمیلر متفقاً رفع لوای عصیان ایتمش بولندیغندن حکومتجه عصیانک تنکیل و تسکینی تدابیری ایله اشتغال اولنوب مع هذا اوروپاچه ارمنی قیامی حکومتک سوء اداره سنه و باخصوص صاسون وقعه سی سلطان عبدالحمیدک اراده استبدادیه سنه اسناد اولنه رق خاقان سابق انکلتراهجه سربستی فرقه سی عنندنه هدف طعن و ملامت اولسیله حکومت داخل و خارجاً عظیم مشکلات ایچنده بولنیوردی. شو حالده دول معظمه سفرا سنک باب عالی به واقع اولان بیانات و اخطاراتی حالک اهمیتتی مفسر اولغله اولبابده عتبه سنیه به تقدیم قلنان تذکره خصوصیه نک صورتی بورایه ذیل ایلدی.

تذکره خصوصیه

آلمانا، روسیه، اوسترا و ایتالیا سفرا لره انکلتراه مصاحبت گذاری و فرانسه

سفارتی باش ترجمانی خارجیہ نظارتہ کلوب بعض ولایات شاہانہ آرتق ارمنی
تحریر کاتیلہ برکونا مناسبتی اولیان و تابعیت و مذہبہ باقلمقسزین خرسٹیانیلری
تحت تہدیدہ بولندیران عمومی براغتشاش کورلمکدہ وارنی اہالیسی بولنیمان
موصل، بغداد و سوریه دخی ہیجانک موجب اندیشہ اولہ جق صورتہ کسب
وسعت و جسامت ایتکدہ اولدیغندن بختلہ باب عالی جہ د حال تدابیر مؤثرہ اتخاذ
اولمدینی تقدیرہ کیفیتک دولترینہ حوالہ سنہ مجبوریت حاصل اولہ جغنی بالیان بو
اغتشاشاتہ نہایت ویرمک ایچون حکومت سنیہ جہ نہ یا بلق متصور اولدیغنی سؤال
ایلترینہ و احوال جایہ بہ کرک اسلام کرک ارمیلر طرفندن بییت ویرلمش اولسون
اغتشاشاتک منعی حکومت سنیہ بہ عائد اولہ رق ولایات شاہانہ دہ حرکات جنایتکارانہ نک
توالیسیلہ دولترینہ احالہ کیفیت لزومی تحقق ادرسہ برقونفرانس تشکیلی طلب
اولنہ بیلمسی محتمل ایدوکی مشار و عمومی لہمک بعضاری جانبندن ایما اولنوب
روسیہ سفیرینک دخی ارضرومدہ حال اغتشاش تزیاد ایتکدہ اولسنہ مبنی
اوراجہ ادارہ عرفیہ اعلانی مناسب اولہ جغنی فکرنی صورت خصوصیہ درسیہ
و ارمیلرک کثرتلہ توقینی مناسب اولہ میہ جغنی اتیان ایتسنہ مقابل بولنرہ نہ یولہ
جوابلر ویرلدیکی تفصیلاتی و بعض افاداتی متضمن خارجیہ نظری پاشا حضرتلرینک
تذکرہ سی لفاً تقدیم قلندی بو کون نزد ثناوری بہ کلش اولان آلمانیا سفیری
اناطولی دہ جاری اولہ اغتشاشادن و بونک دفعی لزومندن بختلہ ہر حالہ منع شورشہ
دولت علیہ نک اقتاری کافی اولدیغنی شہمی اولمدیغنی بیان ایلہ اکتفا ایدوب
حالبوکہ متعاقباً کلوب کوریشلمش اولان اوستریا سفیری اشبو اغتشاشات بختدہ
یک چوق ایلری کیدرک ولایاتدہ خرسٹیاندن وقوعبولان تلفات ولی و متصرفلرک
باب عالی بہ بیایدیردیکی کبی اولیوب قونسلوسلردن سفارتلرہ بالورود دونکی کون
واقع اولان اجتماعلرندہ قرائت اولتان راپورلرہ کورہ نیجہ بیک ارمنی تلف اولوب
دیاربکرده کر لر طرفندن لاعلی التعمین قتل اولان خرسٹیانیلر ایلہ وقوعبولان نہب
وزارات و اناطولی نک سائر محلا ندہ وقوعہ کلان عین حالات برعصر دنبرو کورلمامش
شیردن اولہ رق یالکز زیتونہ عسا کر شاہانہ نک ہجراتہ مدد اولہ رق مقبول
اولان ارمیلرک عددی درت بیک بشیوز نفرہ بالغ اولدیغنی واکرچہ حکومت سنیہ
طرفندن بو حالک اوکی درحال المنزسہ ارمنی ساکن اولان ولایتلرہ سوریه، دول
معظمانک اشغال عسکرسی تحتہ التوق و یاخود برقونفرانس عقیدیلہ شو حالہ برقرار

ویرمک لازیکلہ جگنی سرد و اتیان ایلسی اوزرینہ ارمیلرک صورت حرکتیلہ حال
تدافعی دہ بولن اسلامک معاملہ سی بالیان مقصد خفیاری اکلایشیلہ میان ارباب
اختلاک حرکات عصیانیلری تزیاد ایتدیکہ عسکر دخی تزیاد اولنوب سایہ
شاہانہ دہ عن قریب آتش فسادک باصدیریلہ جغنی جوابیلہ مقابلہ اولنمش ایسہ دہ سفیر
مومی ایلہ بنہ اعترضاتہ دوام ایلہ در حال شو و خاتمہ نہایت ویرلمش ایسہ قتالہ سیبیت
ویرنلرک کلہ لری ذات اقدس حضرت پادشاہیدن طلب اولنہ جغنی و بوندہ باب عالی نک
مدخلی اولمدیغنی علاوہ ایلہ تبلیغاتی صورت رسمیہ دہ ایفا ایتک اوزرہ خارجیہ
نظارت جلیلہ نہ کیدہ جگنی افادہ ایدرک چیقوب کیتمشدر. زیتوندن ہیچ بر خبر
اولمدیغنی حالہ اورایہ دائر الحظی نک ویردیکی خبر ثناورلرینہ موجب اندیشہ
اولدیغنی مرعش متصرفلغند باتلغرف صوریلوب الازان جوابدہ زیتونہ کیدہ جک
اولان عسکرک ہنوز مرعشدن حرکت بیہ ایتدیکی اکلشلمغلہ سفیر مومی ایلہ
ایلہ رفقاسی اولہ برار جوفہ نک تأثیری تحتدہ قلامق ایچون الازان جوابک بر صورتی
کندوسنہ کوندیریلہ رک بو حالہ کورہ طشرہ لردن آلمقدہ اولدق لری سائر خبرلرک
تقدیری کندورایلرینہ براقدیغنی سفیر مومی ایلہ اشعار اولنمشدر. مع مافیہ سفرانک
اتخاذ ایتش اولدیغنی شو مسلک حرکت جالب دعت بر کیفیت اولدیغندن ایشی اکا
کورہ دوشونمک و برطرفدن طغیان ایدن عشایر اکرادک اوکنی آلمق ایچون اک
زیادہ او جہتہ صرف قوت ایتک لازیکلہ جگندن یارینکی مجلس وکلادہ اقتضاسی
بالتذکر قراری عرض حضور عالی قانہ جغنی عتبہ علیایہ عرضی متمنادر افندم

فی ۱۵ جمادی الاول سنہ ۱۳۱۳ و فی ۲۲ تشرین اول سنہ ۱۳۱۱

بومشکلاتک حلنہ چاہ نا اولہ جغنی حقتدہ واقع اولان سوال عالی اوزرینہ
ایجاب حال لدی التامل ادارہ اور دولتی کافی السابق باب عالی بہ نقل ایلہ ہم
خنکاری مستبدانہ جرای حکومتک نتایجندن طولایی مسئولیتدن وارستہ و مصون
قیامق و ہمدہ ادارہ مملکتی تحت نظام و انضباطہ آلہ رق اجرای عدالتہ خشنودی
عمومی بی اتجلا بہ چالشقم صورتی چارہ منفردکی مطالعہ اولنمغین مملکتک
احوال عمومیہ سی و احتیاجی حقتدہ سفرانک تبلیغات واقعہ سی حصول مقصدی
تسبیہ مدار اتخاذ اولہ رق اوزمیندہ ترقیم و خاقان سابقہ تقدیم قلوب نتیجہ سی
حق عاجزانہ مدہ و خامت و مضرتی موجب اولان عریضہ خصوصیک صورتی
کذلک ذیل ایدلای .

عریضه خصوصیه

برمدتدنبرو دولت علیه جه اتخاذ اولنان مسلك حرکت عمومك عدم ممنونیتنی مؤدی اولدیغندن قلوب ناسده مكتوم اولان جسیات ناخشودی دولترك ارمیلری حمایته قالشقدقلى شوصرده تظاهر ایدرك كفتكو وشكایتلری اوروپایه قدر یایش وبوبابده اسلام وخرستیان یکنزبان بولنمش اولدیغندن وبوحالدن استفادیه فرصت جو اولان بعض دولتر ممنون اولسه لرده ممالك شاهانهك حال حاضرنده بقاسی منافع سیاسیهلری اقتضاسندن اولان دیگر دولتر جریان احواله مدنظر دقتله دولت علیه ده برانقلاب وقوعیه موازنه دولیه خلیل ایرانه باعث اوله یله جك اسبابك ازاله سنی دوشونمکده اولدقلرندن کچن کون کورلمش اولان فرانسه اچلیسی اولجه عرض حضور عالی قلندینی وجهله اخطارات مهمه ده بولنمش وانکلتره اچلیسی دخی کندوسیه هم افکار اولدینی صورت افاداتندن ا کلاشلمشدر. بوسفیرلر طرفندن عامه نك عدم ممنونیتته سبب عد اولنان احوالك باشلوجه سی عمومه قارشو مسؤل اوله جق برهیئت حکومتك عدم وجودیله کویا اداره مصالح سرای هایونه نقل ولنه رق ذات شوکتسمات حضرت خلافتپناهیلرینك مفردات امورایله اشتغال بیوردقلى وبوروش حالدن استفاده املنده بولنان بعض مقریین لقاآت مخصوصه لریله افکار هایونلرینی ایستدکاری یوله اماله ایله شیرازه انتظام اداره بی اخلال ایلدقلرندن بوحالدن تولد ایدن مسؤلیت انظار ناسده مسؤلیتدن مصون اولسی لازمکلان ذات اقدس شاهانه لرینه اسناد ایدلمکده اولدینی ماده لری ایدوکنك بیانیه دولت علیه لرینك وذات شوکتسمات حضرت پادشاهیلرینك بقا وصیاتی ایچون الك زیاده اعتماد شاهانه لرینی حائز بندکاندن مقام وکالته بولنه جق اولان کیمسه یه مسؤلیتی نسبتنده مأذونیت اعطاسیه وبونك طرفندن دخی برلکده ایشلیه جك اولان ذواتك اتخابیه برهیئت وکلا تشکیل اولنوب اراده سنیه ملوکانه لری تحتده حرکتله ممالك سائرده اولدینی کبی امور ومصالح دولتی اداره ایتمی وبونك عدم موفقیتی حالنده خدمت صدارتك امنیت شاهانه لرینی حائز دیگر بنده لرینه احواله سی لزومی موسیو قانبون طرفندن تصریح قلمشدر. شوحالده مقصد اصلی اصول قدیمه مرعیه نك یعنی والد ماجد واسلاف عظام شهر یاریلری زمانلرنده جریان ایدن اصول اداره نك مرعیتی قضیه سندن عبارت بولنمش اولدیغندن عمومك قبول وتحسیننه مظهر اوله جق اصدقای

بندکاندن بر هیئت وکلا تشکیل قلندینی و بوجه معروض کالقدیم اداره امور. حکومت ایله عتبه علیای ملوکانه لرینه عرض و استیذان اولنان مصالحك ارادات سنیه لری ازکون ایچنده احسان بیورلدینی وقریحه الهام صدیقه حضرت خلافتپناهیلرندن شرفصادر اوله جق ارادات سنیه موافق حکمت اوله جنی جهته درحال انفاذ اوله جنی درکار اولغله برابر دیگر بندکانك معروضات ومستدعیاتی اوزرینه شرفساخت اوله جق امر و فرمان هایونلری میاننده مصلحت دولته تعلقندن ناشی محتاج تأمل برشی کوریلورسه عرض مطالعه ایله استیذان اراده سنیه لرینه مساعدیه بیوریله جق اولدینی تقدیرده هم بارکران مشغولیت سنیه ملوکانه لری تخفیف قلمش وهمده چرخ اداره دولت محورطبیعیسنده دوران ایدرك کرک بوراجه وکرک اوروپاچه افکار عمومیه بی تأمین ایله اعتراضات ومداخلات اجنبیه نك اوکنی آلمغه مدار اولمش اوله جنی مطالعه اولنمش ایسه ده اولبابده وقاطبه احوالده امر و فرمان حضرت ولی الامر افندمز کدر .

۱۶ جمادی الاول سنه ۱۳۱۳ و فی ۲۳ تشرین اول سنه ۱۳۱۱

اشبو عریضه نك تقدیمندن برکون صکره حضور شاهانه یه دخولده سلطان عبدالحمیدك وجهنده برکونا سوء تأثیر علامتی مشاهده اولنیوب بالعکس ایکی کون صکره برلشوب هیئت وکلانك تشکیلنی اراده بیورمشرایدی. بو بابده کی مماشات واراده لری صنعی ویا حقیقی می در بیله میهرک حقیقه حمل ولنمش ایدی. حالبوکه ایش برعکس اولوب متعاقباً نمایان اولدیغنه کوره عریضه معروضه عاجزی ایشدن آل حکمکی چکه میان مقریین بدخواهانك سوء تفسیرینه اوغرایه رق سقوط عاجزانم اسبابی بیله بوجه آتی بر صورت ابله فریبانه ده حاضرلمشدر. اوئانده اوروپاده اولدینی کبی در سعادت بورسنه سننده دخی تحویلات فیئاتنك دوشکونلکی معاملات صرافیه جه بحران وقوعنی انتاج ایلدیکی کبی بوراده آلتونك فقداقی معاملات تجاریه بی دخی اخلال ایده جکندن اولبابده بانق عثمانیه تدابیر لازمه یه تشبث اولنه رق اوروپادن آلتون جنبه ابتدار اولنمش ایسه ده بونك کلچه اوله رق کلوب ضربخانه عامرده بالا ذابہ عثمانلو آلتوننه تحویلی وقته محتاج اولسنه منی بوحاله چاره ساز اولمق اوزره بعض اوروپا دولترنججه اتخاذ اولنان تدابیره توفیقاً دولت علیه جه دخی موراتور بیوم اصولنك وضع واعلاقی بانق عثمانی مدیر عمومیسسی مالیه نظارتنه تکلیف وبونك شرائطی حاوی برقرارنامه صورتی دخی تقدیم ایلمش اولسیه بو خصوصک اهمیتته

دارنظارت مشارالیهانک تذکره سی اولاً انجمن مخصوصه وبعده مجلس خاص وکلاده
بالتدقیق امهال تأدیات دیمک اولان بوصولک حسب الحال لزوم واهمیتته مبنی مارالذکر
قرارنامه صورتنک تعدیلی وویزیکرمی کون مدت تعیینیه لدی العرض صادر اولان اراده
سنیه اوزرینه اجرایی اعلان وولتمش فقط بوقرارده بانق نوطلرک امهال تأدیات
معامله سنه تابع اولیه جنی تصریح ایدلمش ایدی. اوهنکامده اناطولی جانبنده بردوام
اولان ارمنی اختلاله استانبوله معناً طرفدار اولان ارمنی سرمایه دارن تجاری بر
مقصده مبنی یدلرنده بولنان کلیتی بانق نوطلری عثمانلی بانقه سنه کتیروب آلتون ایله
تبدیل و بوالتونلرله خارجده ینه بانق نوط آلهرق بونلری دخی بانقه ده آلتونه تحویل
ایتمکده اولدقلری ایشیدلمکده ایدی. بواسلوب اوزره چند کون ظرفنده بانق احتیاط
آچمسی چکیلوب کسب قات ایلدیکنه واقف اولان سائر بانق نوط حامللر دخی
بانق نوطلرینی بانقه کتیروب یرینه آلتون آلمغه شتاب ایلدکلرندن بوروشله بانق
آوانس صورتیه خزینه مالیه یه معاونت ایتسنی امکانسز برحاله کتورمش و مللریله
بو حالک نتیجه سنی ملاحظه ایدن دیرکتوری سیراد غاروینسون ذاتاً پارس بانقه سندن
آلتون جلبنه تشبث ایش ایه ده مطلوب مقدار آلتون کولچه اواهرق پارسدن
کلوب ضربخانه عامرده سکه ضرب ایدلمسی براز وقته توقف ایده جکندن بومدته
تعطیل تأدیات مجبور اولماق یچون مالیه نظارتنه تحریراً بالمرامعه موراتوریوم اصولنک
بانق معاملاتنه دخی تشمینانی تکلیف ایلسیله خزینه جلیله نک بانق معاونتته محتاج
اولدینی اولیه سوقیات عسکری یه زماننده بانق حال افلاسه کتوراسنه میدان ویرلیوب
هر حالده محافظه اعتباری منفعت دولت اقتضاسندن اولسنه بین اولباید نظارت
مشارالیهادن النان تذکره اوزرینه چونکه قلت نقوددن طولانی غلطه بورسه سنده
طویلانا خلقک تلاش و شماتی تکثر یلیدیکی خبری دخی آلمش ایدکندن بانقجه
دخی امهال تأدیات اصولنک تطبیقی ایچون شرائطی قرارلشدیرلمغه مستعجلیت
مصلحتنه بناء اجراسنه مسارعت اولنسی لزومنک بیانیه هیئت وکلانک تصدیق
تحتنه آلمق اوزر. هان مجلس عقدیه قرارینک حضور عالی یه عرضی استیذان ایدلمش
ایدی. بونکله برابر چونکه داخلیه ناظری خلیل رفعت پاشا باب عالیده جریان ایدن
احوالی وسائر استخبار ایده جکی هر حالی صورت محرمانده طوغریجه عتبه سنیه یه
عرضه مأمور ایدکندن بانق تشبثانه و غلطه بورسه سنده خلقک اجتماعنه دائر
پاشای مشارالیه طرفندن اطاره اولنان عریضه خصوصیه یه دخی خشکار آلمسیله هان

SISMANOGLIO
MEGARLO

مجلس وکلا عقدینی اراده ایدرک اواقشام مابین هایونده بالاجتماع مصلحت مذاکره
اولدینی ائنده قرنادن عارف بک طرف شاهانه دن کلوب عزت بکک بوایشه وقوفی
اولدیندن مذاکره برابر بولنسی و ویریه جک رایه اشتراک ایدرک قراری حاوی
تنظیم اولنه جق مضبطه یی وکلایله معاً مهرلمسی فرمان بیورلدینی افاده ایلسی اوزرینه
بر موجب اراده سنیه عزت بک مجلسه کلور و موضوع بحث اولان ایشه دائر ویره جکی
معلومات نظراً اعتباره آلتور ایه ده وکلایله معاً رایه اشتراک و مضبطه مهرلمسی موافق
اصول اولدینندن هیئت وکلانک حیثیتی محافظه اراده لری نه مرکزده ایه سه فرمان
بیورلمسی جوابیه عارف بک اعاد اولنمش ایدی. بو عزت بک ترجمه حالی معلوم اولان
احمد عزت بک اولوب او آراق مابین هایونه حلول ایدرک ایلک دفعه اولمق اوزره
اواقشام میدانه حقیقتمش ایدی. وکلادن سر عسکر رضا پاشا اولجه شربتانه ش اولمیدرکه
بانق امهال تأدیاتی حقیقده موراتوریوم اصولنک وضعی علینده بولنوب آره صره
قرنادن عارف بک کلوب مجلسده مشارالیه یاقلاشهرق قولاغنه بر شیر سویار و بودخی
تلقی ایلدیکی امره کوره مجلسده اعتراضه دوام ایدر ایدی. ذاتاً خشکارک بروجه
محرر بوایشک مذاکره سنده عزت بکک دخی بولنسی و رایه اشتراک ایله تنظیم
اولنه جق مضبطه یی وکلایله معاً مهرلمسی حقیقده کی اراده سی مجلسده اختلاف آرا
احداثی مقصدینه مبنی اولدینی اکلایشیلوردی. سر عسکرک اصول مذکور حقیقده
اعتراضی بونک قبولنده تأخیر تأدیاتدن طولانی غلطه ده تجمع ایده جک خلق ییلدیز
اوزرینه یوریه جک اولورسه بونک نتیجه سندن کندوسی مسؤلیت قبول ایتیه جکی
زمیننده اولغین بو کاجواباً بونه دیمکدر غلطه بورسه سنده تجمع ایدنلر تجار مقوله سی
و آلیش ویریش اصحانی آدملردر بونلر ییلدیزه نیچون کلسونلر. شاید برای شکایت
کله جک اولورلرسه کندیلرینه جواب ویریه مزمی واکر بورایه قدر کلنری آرزو
اولنمزسه غیر مسلح اولان بو آدملر عسکر طرفندن بالسوله رد اولنه مزمی
دینلجکه پاشای مشارالیه معناسز سوزلرله اعتراضده مصر و بانق دیرکتوری دیگر
اوطه ده قرار مجلسه منتظر ایکن احمد عزت بک الدینی اراده اوزرینه دیرکتور ایله
برلشوب بانق تکلیف واقعی حقیقده مذاکره ده اولدقلرینه دائر معلومات آلمقده
ایدی. مجلسده مذاکره نصف الیله قدر اوزامش و چونکه اکثریت آرا ایله ویریلان
قرارلری خاقان سابق قبول ایتیموب اتفاق آرا حصولی ایه سه سر عسکر پاشانک
اعتراضنه مبنی قابل اوله مامش اولدینندن و بو اعتراضی بر سبب خفییه مبنی احداث

ایدن خنکارک کندوسی اولدینی قرنادن عارف بکک برقاچ کره مجلسه کلوب سرعسکر
مشارالیه تبلیغات خفیصه بولمنسندن اکلالمقدمه ایدوکندن خنکار طرفندن بر
اراده ظهوری منتظر اولدینی حالدیه فی الواقع ایکنجی مابینجی نوری پاشا مجلسه
کلوب بکاخطاباً کجی قالدی افندمن فرمان بیوردیلر قوناغکزده تشریف ایده سکنز
صکره مجلس اوراده اجتماع ایدر دیمسیله بن همان هیئته وداع ایدرک خانه مه عودت
ایتمش ایدم. هیئت مجلس اوراده قالور بعده تحقیق اولندیغنه کوره بانق دیرکتوریه
احمد عزت بکک مذاکره سی نتیجه سنده صورتا برایکی عبارته تصحیحیه بانقک تکلیف
واقعی قبول اولتوب حتی طولایسیله بانقک مدت امتیازیه سی بیله اون ایکی سنه ده
تمدید ایدلمش وهیچده غلطه خلقندن یلدرزه کیدن اولمامشدر. خانه عاجزی به عودتدن
براز صکره قرین ثانی نوری پاشا کلوب باراده سنیه مهر هایونی طلب ایلسیله
همان مهر مذکور مختوماً پاشای مشارالیه بالتسليم تقديم قلمشدر. بونی متعاقب داخلیه
ناظرندن النان تذکره ده ارمینارک اختلالندن و حلب ولایتک اهمیت حالندن بحثله
اورالرجه اولان معلوماً تمدن طولای و لایت مذکور و ایلسکی عهدۀ عاجزانه مه
احاله و معاوونلکنده حسن بک تعیین بیوریه رق رکوب عاجزی به عزالدین واپور
هایونی تخصیص اولمغله همان مرکز مأموریتیه عزیمت مقتضای اراده سنیه دن اولدینی
اشعار اولتمش ایدی. سلطان عبدالحمید خلق نظرنده چرکین کورینه جک اجرا آتی
دیگر بررنک ایله تلون ایدرک اکا کوره موقع تطیقه قویق صنیعه سنی اعتیاد ایتمش
ایدوکندن بانق عثمانیک ایشنی و بوایشن خشنود اولیان غلطه خلقنک تلاش و نمایشنی
انفصال عاجزانه مه سبب اتخاذا الملک ایتمش ایسه ده بویله برایش صدر اعظم عزله
سبب معقول اولدیغندن اجراءات واقعه افکار عمومی ده برسوء تاثیر حاصل ایتمش
وسبب عزلم دولت و مملکتک سلاستی حقدیه تقدیمه متجاسر اولدیغ عریضه اولدیغنی
کشف ایدنلر اوامش ایدی. فی الواقع احمد عزت بکک انضمامیه کسب مکملیت ایدن مقرین
شاهانه عریضه معروضه بی برسوء قصد معناسنده تفسیر و بی اسمنک تذکارندن بیله
سلطان عبدالحمیدک سیکرلری اورپر مکده اولان مدحت پاشایه تشبیه ایله کویا مقصد
عاجزی زمام اداره بی کلیاً باب عالی به آوب کندوسی هیچ حکمنه قویق مده سنی
اولدیغنه خنکاری قاندرمش اولدقلری مؤخرأ تحقیق اولتمش ایدی. حلب و ایلسکینه
دائرالنان تذکره اوزرینه بیان تشکر و معذرتله استغفایه مسارعت ایلمش ایدم. عقینده نوری
پاشا کلوب عزالدین واپوری جر کته مهیا اولدیغندن عائلهم بعده جلب اولمق اوزره همان

MEGARO

بالکزرجه عزیمت اولتمسی مقتضای اراده سنیه دن اولدیغنی تبلیغ ایلسنه جواباً اولجه حلب
و ایلسکندن استعفا ایتمش اولدیغم حالده یینه عزیمتمه فرمان بیورلسی اکر حلدیه اقامته
مأمور اولمش ایسه بوکاده منقاد ایسه مده اوله قیش کوننده عزالدین کی کوچک بر
واپورله آق دکزده سفر ایتمکجه جسامتم اولدیغنه و وجودجه خدمته محتاج بولندیغنه
بناءً فرداسی کونی اسکندرونه کیده جک اولان فرانسز واپوریه مع عائله عزیمت
عاجزانه مه مساعدیه بیورلمسنگ خاکای شاهانه یه عرضنی نوری باشادن رجا ایتمش
ایدم. پاشای مشار الیه کیدوب تکرار کلدیکنده عزالدین واپوریه همان عزیمت
اولتمسی واشبوراده سنیه یه عدم اطاعتم حالده بصورت خروج علی السلطان دیمک
اوله جغندن بونک فتواسنی شیخ الاسلام افندیدن آلور ایسه صوکنی دوشونسونلر
دیو فرمان بیورلدیغنی افاده ایلسی اوزرینه اکر شیخ الاسلام افندی استرحام عاجزانه مه
خروج علی السلطان معناسنی ویره رک علیهمده فتوی ویره جک اولورسه قدره راضی
اولدیغمک بیانیه بر موجب اراده سنیه بالکزرجه عزالدین واپوریه عزیمتم حالنده
اوله یکریمی درت ساعت ظرفنده عزلمه در سعادتدن تبعیدم حقدیه اراده سنیه
استحصال ایدنلر یاری یوله دیگر براراده سنیه استحصالیله حلبه بدل طائفه کیتمک
اوزره بنی جده یه کتور میه جک کرینه نصل امین اوله بیلورم. اظهار بیوریلان بونجه
غضب شاهانه یه سبب نه در حق عاجزانه مده تصمیم شاهانه لری هر نه ایسه بوراده
اجرا بیورسونلر امرلری تحتدیم دیمککم اوزرینه نوری پاشا کیدوب براز صوکره
تکرار کلدیکنده استعمال ایلدیکی لسانده حدت شاهانه نک شدتی براز کچمش
اولدیغنی اکلایلوب چونکه طرز تبلیغاتی اسلوب مناسبه ایله بنی عزیمته ترغیبندن
عبارت ایدی. فقط بنی قاندرمنغه اودرجه چالشمش اودرجه اوزمش ایدی که آرتق
طوره جق حالم قالمیوب طلوع شمس دخی تقرب ایتمش اولدیغندن همان یتاغه دوشمک
اوزره نوری پاشایه بالوداع ایچرویه کیردیکنده مشار الیه دخی چیقوب کیتمش
ایدی. اوکون طیب خصوصی عاجزی صحیه مجلسی سر مفتشی قوتسونی افندی
کلوب لدی المعاینه برونشیت عارضه سیله بنی راحتسز برحاله بولمغله عزیمتم خصوصنده
اصرار بیوریه جق اولورسه وجودم سفره متحمل اولوب اولدیغنی سؤال ایلدیکمده
نقی ایله جواب ویرمکله برابر دو قنور زامباقو پاشایه دعوتله برلکده اجرا ایلدکلری
معینده ایدم. عزیمتم اولدیغنی ظاهر ایسه ده کندولرینک طرف عاجزی به
مسویتری جهته ویره جکری راپور شاید اعتیاده شایان اولمز ملاحظه سته بنا.

معاینه ده رفیقادن برقاچنک دها بولندیرلمسنی زامباتو پاشا تکلیف ایتمکه او اقشام مجلس صحیه اعضاسندن درت بش اطبای اجنیه ایله برلکده کلوب یتاقده اولدیغ حالده وجود عاجزانه می معاینه ایلدکارنده حال حاضر سفره متحمل اولدیغنه دائر بر راپور یازوب ویرمشاردی. اوکیجه عزیزیمتی تعجیل ایچون طرف شاهانه دن کلوب کیدنار بردوام اولدیغی کبی ازبانید بر میر آلی دخی کلوب بی محابا وبلاستیدان حرم دائره سنده یتاق او طمه قدر دخول ایله مجلس وکلا قراریه شمدی هان عزیزیم فرمان بیورلدیغی بر طور جسورانه ایله بیان ایلدیکنده بو باده ذاتاً اراده سنیه شرفصا در اولمشیکن مجلس وکلا قرارینک هیچ حکمی اولیوب راحتسزلقدن کسب افاغله آباغه قالدیغم آنده عزیزیمه مهیا اولدیغم جوابیله میر آلی صاولمش ایدی. بو ائنده احمد عزت برقاچ دفعه فرانسه سفیرینک نزدینه کیدوب کورشیدیکی استخبار اولمش ایدی. بو کیدیش سفیر مشار الیهک بکا واقع اولان بیاناتنک استکناهی مقصدینه مبنی اوله جغنی اکلالمش ایسه ده موسیو قانبونک تکرار ایتمش اولسی ملحوظ اولان بیاناتی نه یولده تحریف وتخفیف اولنهرق خنکازه عرض اولدیغی مجهول ایدی. هر نه حال ایسه بر طرفدن ایچروده اشیا باغلانوب سفر حاضرلنی کورلمکده ایکن او کیجه کیدیش مدیری محمود افندی دخی کلوب بی یتاقده بولدیغنه بیان تأسفله نه چاره هر نه اولمش ایسه اولمش شو حالده عزیزیم حقمده خیرلو اوله جغنی افاده ایلسی اوزرینه کندولرنجه قناعت حصولی ایچون مومی الیه حرم آغاسی رفاقیله ایچرویه کوندریلوب اسباب سفریه مز مهیا اولدیغی کندوسنه ارئه اولمش ایدی. محمود افدینک عودتندن صکره تضیقاتنک آرقه سی کسب دکدن بشقه فرداسی کونی اولنان تبلیغانده حلب، قونیه و آیدین ولایتارندن قنغیسی ترجیح اولتورسه مأموریت عاجزانه مک اولوجهله اجراسی امر عالی اقتضاسندن اولدیغی بیان قلمش و آیدین ولایتنک قریبتی حسیه طرف عاجزیدن طبعاً بوراسی ترجیح وعرض اولنسی اوزرینه آیدین ولایتی والیلکی عهدۀ عاجزییه توجیه وینه حسن بک دخی معاونلکه تعیین بیورلمش ایدی. بو حسن بک سامی پاشا زاده حسن بک اولوب شیخ ابوالهدی نک منسوبیتندن اولغله دائماً برابرمده بولتوب حال و حرکت عاجزانه دائر مابین هایونه پوسته وتلغرافله معلومات عرض ایتمک و کندوسنه دخی اشعار ایلمک اوزره شیخ طرفندن ترتیب اولتوب مابین دن کندوسنه برده خصوصی شیفره مفتاحی ویرلمش ایدی.

بونک معاملات غیر عاقلانه سی آتیده صره سی کلدیکنده شرح و بیان قلنه جقدر. الحاصل حاب والیلکی مأموریتنک آیدین ولایتنه تحویله سلطان عبدالحمیدک مساعده سنیه لری شایان بیورلدیغی مثللو اسکندرون اسکله سنه مقابل از میر برکونک مسافه دن عبارت اولدیغی حالده بو سفر قریب ایچون رکوبنزه عزالدین واپور صغیرینک یرینه دها بیوک اولان از میر واپور هایونی تخصیص قلمش وایچه غلبه لق اولان خانه عاجزی خلقنک تبدیل مکان و اسکان مصارف کلیه سی نظر مطالعه یه انهرق ایکی بیک لیرا خر جراه دخی تخصیص واحسان بیورلمشدر. اوله حق عاجزیده اظهار اولنان غضب شاهانه نک شدتی بی خروج علی السلطان تهمتیله مجازات ایتمک درجه سنه قدر وارمش ایکن اوله بکرمی درت ساعت ظرفده سلطان عبدالحمیدک تحویل فکر ایدرک ظاهراً لطف ایله معامله ایلسی غرابدن اولوب اولدقچه معیندار اولسه ده اثر ندامتیدر نذر سببی اکلالمش مامش ایدی. مؤخرآ استخبار اولدیغنه کوره صدارتن انفصال عاجزی ایله حقمده روا کوریلان معامله غضوبانه اوزرینه دول معظمه سفراسی باش ترجمانلرینی مابین هایونه ارسال ایله معامله واقعه دن طولانی بیان تعجب ویا تأسف ایلمش ایش. خنکارک تحویل فکری اشبو تشبث خیر خواهانه نک اثری اولدیغنه شبهه بر اقامشدر. هر نه حال ایسه انفصالنک اوچغنی کونی طرف شاهانه دن کوندریلان سرای اطباسندن بریله طیبب خصوصی عاجزی تکرار بی کوروب راحتسزلغم کسب خفت ایلدیکنه وایدیله چک سفرک قیصه اولسنه نظراً عزیزیم ایده بیله چکمه دائر مشترکاً ویریلان راپور اوزرینه یوم مذکورده اخشامه طوغری مع عائله از میر واپورینه را کباً ورفاقت عاجزییه تعیین قلنان یاوران شهریاریدن چرکس محمد بک که مؤخرآ فریق اولوب کچنلرده دیوان حرب قراریه صلماً اعدام اولنان چرکس محمد پاشادر کذلک یاوراندن بحریه میر آلابی رفعت بک وبعض ضابطان دخی برابر اولدیغی حالده محفوظاً عزیزیم وتشرین ثانی ابتداسنده از میره مواصلت اولمش ایدی. مؤخرآ در سعاده عودتده تحقیق اولدیغنه کوره از میره عزیزیمتیزک التجی کونی خاقان سابق اثر ندامت اظهار ایدرک قرنادن امین بک ایله احمد عزتی حضورینه چاغروب بی ینه جلب ایله عریضه متقدمه عاجزیده تکلیف اولدیغی وجهله هیئت وکلا تشکیلیه معروضات سائره نک موقع تطبیقه وضعی حقمده رأی ومطالعهری نه مرکزده ایسه میانه لرنده بالندا کره عرضی اراده ایلملری اوزرینه بونلر بر طرفه چکیلوب

خطا و صواب جدولی

صواب	خطا	صفحہ
بلغارلرک	بلغارلر	۹
مثالو	مثلا	۱۱
اسقاط ویرینہ	اسقاط یرینہ	۱۲
عسگریہ	عسگری	۱۳
ارسالی	ایصالی	۱۵
ویردیکی حالہ	ویردیکی حالہ	۲۰
بالاستمزاج	بالاستخراج	۲۲
و بو مکالمہ	و بو مکالمہ لری	۲۴
صوک عصیانہ	صوک عصیانہ	۲۴
اختلالہ	اختلالہ	۲۵
قائل اولق	نائل اولق	۲۷
ایدہ بیلورمی	ایدہ بیلورمی	۲۹
حائز اہمیت اولدینی آکلاشیور	حائز اہمیت اولدینی	۲۹
مندرج	مندرخ	۳۰
آسایش	آسایشی	۳۳
مقاولات	مقاولاتی	۳۵
محافظہ	محافظہ	۳۶
حقوق و مساعدہ	حقوق مساعدہ	۳۸
تضیقہ	تضیقہ	۳۸
صورتی	صورۃ	۳۹
فرانسہ دولتنک	فرانسہ دولتیہ	۴۱
درمیان اولہ جق	درمیان اولہ جنی	۴۱
مخطرۃ متقدمہ	مخاطرۃ متقدمہ	۴۳

مذاکرہ لری نتیجہ سندہ شیخ الاسلام ایلم سرعسکر و بحریہ ناظری طرف شاہانہ دن انتخاب و تعیین بیورلق اوزرہ دیگر وکلانک صدراعظم طرفدن انتخاب اولنمی رأیندہ اتفاق ایدرک حضور شاہانہ یہ کیردکلرندہ سؤال عالی اوزرینہ میانہ لرنده بالذا کرہ واقع اولان اتفاقی امین بک عرض ایدر ایتمز دیگر طرفدن احمد عزت بک ابدأ ابدأ حاشا کامل پاشانک اعادہ سی اصلا جائز دکلدردیم سیلہ امین بک مہوت اولہرق نہدیہ جکنی شاشیرمش و سلطان عبدالحمید اولبابدہ کی فکرندن فراغت ایلشدرد. شمدی خنکارک بو خصوصہ کی تصمی جلدی برشی می ایدی یوقسہ مقرینک فکرلرینی آکلامق مقصدینہ مبنی می ایدی بوراسی جای اشتباہدر. ہرنہ حال اینہ کرک سلطان عبدالحمیدک و کرک دولت و مملکتک خیرینہ خدمت ایتک مقصدیلہ متجاسر تقدیمی اولدینم عریضہ نک حق عاجزانہ مدہ انتاج ایلدیکی وخامت و مضرت بو قدرلہ ختام پذیر اولیوب از میردہ بولندینم مدتیجہ ہمیشہ القات بدخواہانہ یہ معروض اولان خاقان سابقک سیات سیاسی حقمندہ دخی رنگدن رنگہ دونہرک آیدین ولایتی والیلکنندہ اون برسہ مدت صادقانہ خدمتدن صکرہ ردوسدہ اقامتہ مأمور اولیشم و احوال فلاکت اشتمالدہ بالضرورہ التجا ایلدیکم انکلترہ حکومتک وساطتیلہ تخلیص کریبان ایتش ایسہ مدہ ردوسہ بدل برای اقامت وطن عاجزی اولان قبریسہ عزیزیم ارزوسی خنکارک تخدیش ذہنی موجب اولہرق تجویز بیورلماسنہ مبنی درسعادتہ عودتہ کرک کندی و کرک بنم یوزمدن اولاد و تعلقات عاجزانہم حقمندہ موجب ازعاج معاملہ اولنیمہ جقنہ دائر باارادہ سنیہ باب عالیدن انکلترہ سفارتہ ویریلان تأمینات رسمیه اوزرینہ مع عائلہ درسعادتہ عودت ایدیشم وینہ بعض اتریقہ لری کچیرد کدنصکرہ قانون اساسی نک اعلاتی متعاقب اوچنجی دفعہ اولہرق ینہ مسند صدارتہ بولنان سعید پاشایہ حسب القدر خلف اولیشم بمنہ تعالی جزو ثانی دہ شرح و تفصیل اولنور.

صوک

صواب	خطا	صفحه
مناسب	و مناسب	۴۶
مصر انكلترونك	مصر و انكلترونك	۴۷
تزد دولت عليه	تزد دولت عليه	۴۸
اسلاميه جانبندن	اسلاميه ادارهسى جانبندن	۴۹
موافقتى كيفيتى اولهرق	موافقتى كيفيتى	۵۲
خاصيت طبيعیه	خاصيت طبيعیه	۶۵
اوقاتك عینی	اوقاتك عین	۸۵
مشاراليه تفهيمات	مشاراليه تفهيمات	۹۳
تجدید معاهده ایله	تجدید معاهده ایله	۹۷
توازنه	توازنه	۱۱۰
ممکن ایسه معاشی	ممکن ایسه معاش	۱۱۰
صدرهنگ	صدرینك	۱۱۱
صداقت سلوک	صداقت سلوک	۱۱۱
کسديره مامکده اولديغنى	کسديره مامکده اولديغنى	۱۱۱
مجلسده	مجلسده	۱۲۳
ایلمکده ایسهده	ایلمك ایسهده	۱۳۴
قارص	قارصی	۱۴۴
بر تشتت	بر تشتت	۱۵۲
حتی	حتی	۱۵۹
اولوب اولمديغنى	اولوب اولمديغنى	۱۷۴